



6

39-c

6

14

F

19

6-39-c-27



Francisci Lauri palmis auctoris 43.  
 Jo. Pauli frater p. 71.

Avunculus pater Corni Balestrini p. 71

Christophorus Patruus noster p. 73  
 Vianus mamerinus vid. p. 77 dicit  
 se extremum esse suorum.

Dalozum scriptum de de viris liter.  
 num gloria prestantibus dicit p. 103 et  
 cetera alibi p. 235.

Joanne Pome videtur vid. p. 111  
 alias epistolae etiam. v. p. 206. et alibi.



IO. BAPTISTAE  
LAVRI PERVSINI  
EPISTOLARVM  
CENTVRIA  
S E L E C T A

*Nunc primum edita.*



ROMAE, Apud Andream Phæum. MDCXXI  
SUPERIORVM PERMISSV,

IO. BAPTISTA

AVERTISSEMENT

DE L'ÉDITEUR

CENTVIA

DE LA

LIBRAIRIE



ROMAN DE LA LIBRAIRIE

DE LA

ILLVSTRISS. AC REVERENDISS. D.

D. L V D O V I C O

L V D O V I S I O

S. R. E. C A R D. C A M E R A R I O,

A R C H I E P I S. B O N O N I E N S I



Io: Baptista Laurus Perusinus S. P. D.



ERIVS omni-  
nò, quàm mea  
erga amplitu-  
dinem Tuam  
singularis po-  
stulare videba-  
tur obseruan-  
tia, Centurio hic prodit in con-  
spectum Tuum, Princeps do-  
ctissime idemque humanissime.  
Quamobrem enim ille exundan-  
tium æstus gaudiorum, qui nu-

† 2 per



per vniuersos Ordines peruafe-  
rat, ob delatum Vobis Christia-  
næ Reipub. Principatum, non  
segnitiem nostram excussit, gra-  
tulandi sedulitatem non expres-  
sit? cum præsertim Perusini Ora-  
tores communis Patriæ affectum  
apud GREGORII XV. celsi-  
tudinem & Tuam vultu ac ver-  
bis subindè animarent: quibus  
& ego immixtus potui non admo-  
dum esse sollicitus in deprecanda  
temeritatis nota, si animi  
etiam mei gestientem exultatio-  
nem Tibi coram, hoc oblato mu-  
nuscule, testatam esse voluissem.  
Et festinatio quidem pretium  
addidisset gratulationi, quam  
nunc merito subfrigida casti-  
get tarditas, & iubeat supersede-  
re

re officio, cuius numeros in tem-  
pore non expleuit . Ceterum  
quid si consultò ac meditatè tan-  
to post interuallo à nobis Cen-  
turio extruditur, seque Tibi cum  
litterarijs decurijs , remisso tan-  
tis per gratulantium concursu ,  
dicatum venit ? quippè certus  
haud nunc obrui, opprimique in  
conferto & nobili cœtu publicè  
acclamantium , qui vulgarium  
hominum priuatas voces paullò  
antè prohibebat internosci . Igi-  
tur non latuerit hoc quaecum-  
que fidei ac venerationis argu-  
mentum, quod tam generoso lit-  
terarum Patrono clientuli pietas  
& lætitia superfluens debere diu-  
tius non potest . Vexillum iam  
è Quirinali Athenæo optimis di-

sciplinis auspiciatissimum extu-  
listi : en accurrunt vndique do-  
ctissimorum Virorum cohortes .  
Quid ni verò & Alam suam Du-  
ctor meus explicet , in qua tam  
multa huius æui celeberrima  
capita auctorantur , quæ LV-  
DOVISIORVM gloriæ exi-  
mium studium , operamque de-  
ferant , & cumulatissimè prædi-  
cando aut scribendo præstent ?  
Horum non ab re duplicem συλ-  
λαβον confecimus , vt agnoscas ,  
ecquot mortales Tui nominis ac  
famæ præcones laudatissimos v-  
bique terrarum habiturus sis ; qui  
præclarè mereri de homine , qui  
eos ita succenturiavit , Tuo ex  
more in animum induxeris : Prin-  
ceps

ceps profectò illa Cælitum in-  
dulgentia , quæ Tibi hætenus  
affluxit , eò in dies dignior futu-  
rus , quo erga litterarum candi-  
datos , Tuam ipsius in cliente-  
lam confugientes , fueris affectu  
pronior , gratia liberalior . Vale  
Romæ . Kalendis Quinctilibus  
MDCXXI.

## LECTORI MEO S.



Rat hic formis excusus Liber,  
iam in lucem emittendus, solo  
ac nudo Principis, cui dicaue-  
ram, inscriptus Nomine. Ad-  
dita mox est Epistola, vt aliqua offi-  
cii specie obuelaretur ambitio, quæ mu-  
nus extorserat à tantulo ad tantum: haud  
amplius tecum Lector beneuole, facturus  
litteram, satis præfatus in Priore Cen-  
turiâ, ab hinc triennium typis data. Cum  
ab intimis amicorum seriò sum admoni-  
tus, vt referrem in Catalogum CLARO-  
RVM VIRORVM nomina, saltè aliquot,  
cum complura legentibus hoc Volumen  
occurrissent, cui propter horum excellen-  
tiam SELECTAE CENTVRIAE titu-  
lum inditum opinabantur; ne quid vide-  
licet, tanquam gemmis, in aceruum Epi-  
stolarum collatis, natiui splendoris depe-  
raret. Nam Daçtylothecas ingressis vo-  
luptatem afferat longè maiorem Vnio-  
num certis in loculamentis dispositio;  
quàm



quàm si sparsos, iacentesque gemmarii,  
aut vascularii inclusoris neglexisset indu-  
stria Quid quæris? visi sunt vera dicere;  
egòque statim consilium secutus, quod  
tantoperè ad dignitatem meam, cui ta-  
lium notitia aliquod famæ obtruderet le-  
nocinium, pertinere existimabam. quan-  
quam illud plurimum remorabatur; quòd  
honorificas alicubi appellationes fœnori  
potius dedisse videri possẽ, quàm amoris.  
Feci tamen, sed longè aliter ac nuper Vir  
doctus, & Inlubriæ suæ decus, qui grandi-  
bus honorũ titulis aliorũ pariter modestiã  
onerauit & meam. Certè Vuannemake-  
rus speciosiore ratione amicis imposuit,  
qui Triumphum quendam Litteratorum  
exhibuit. Quarè cùm ob id nudis nomi-  
nibus contenti fuimus; tum, ne, adiectis  
Elogiis, Dialogos nostros post exiliores,  
pauperioresque emitteremus, quorum  
Priorem de Viris huius Aevi Illustribus,  
ad explorandum tui similitudinem iudicium,  
Lector elegans & erudite, propediem in  
lucem dabimus. Faue interim & huic  
scri.

scriptioni, & gratiam inire à posteris ut-  
cumque cupientem, relicta Historiarum  
conscribendarum aliis prouincia, aliqua  
amoris tessera non indonatum dimitte;  
hoc est, ut amicè legas, & candidè cen-  
seas, Vale.



**A**  
*Libericus Cybò*  
*Malaspina*  
*Princeps Mas-*  
*sa.*  
*Alexāder Bur-*  
*gius Episcopus.*

*Alexander Estensis Card.*  
**ALEXANDER** Ludoui-  
 fus Card. Archiepif. Bo-  
 noniensis, qui nunc **GRE-**  
**GORIVS XV.**

*Alexander Magius Vtr.*  
*Signat. Refer.*

*Andreas Eudemon-Ioan-*  
*nes ex Soc. Ies.*

*Angelus Cestius Ep. Tuder.*

*Angelus Iustinianus ex Soc.*  
*Ies.*

*Antonius Caëtanus Card*  
*Archiprasul Capuanus.*

*Antonius Quarengus Vtr.*  
*Sign. Ref.*

*Archangelus Gianius Seru.*  
*Aubertus Miræus.*

*Augustinus Mascardus.*  
*Aurelius Raphaelius Pro-*  
*cur. Gener. Seruit.*

**B**

**B**althassar Ansideus Bi-  
 blioth. Vaticanæ Custos.  
*Balthassar Bolognettus Præ-*  
*fectus Xenodochij S. Spi-*  
*ritus in Vrbe, Generalis*  
*Seruitarum.*

*Bonifacius Vannoxxius Pro-*  
*ton. Apost.*

**C**

**C**æsar Baronius Card.  
*Cæsar Gherardus Pe-*  
*rusinus Cardinalis.*

*Carolus Stengelius.*

*Christophorus Gramberge-*  
*rus ex Soc. Ies.*

*Christophorus Laurus.*

*Claudius Susanna Abbas.*

*Clemens viij. Aldobrandin.*

*Cosinus ij. Magnus Dux*  
*Etruriæ.*

*Cöstātius Paulucius Abbas.*  
*Entius*

**E**<sup>R</sup>  
*Ennius Bentiuolus Mar-*  
*chio.*

**F**<sup>F</sup>  
*Fabius Acorambonus Rotæ*  
*Decanus.*

*Fabius Leonida.*

*Fabricius Verallus Cardi-*  
*nalis.*

*Famianus Strada è Soc. Ies.*

*Federicus Borromæus Car-*  
*din. Archiepisc. Medio-*  
*lanensis.*

*Felix Centinus Cardina-*  
*lis Asculanus, Episc. Ma-*  
*cerata.*

*Ferdinandus Card. Infans*  
*Hispaniarum.*

*Ferdinandus Gonzaga Mæ-*  
*tua Dux, olim Cardi-*  
*nalis.*

*Fortunatus Scacchius Au-*  
*gustinianus.*

*Franciscus Bartholinus.*

*Franciscus Boncompagnus*  
*Cardinalis.*

*Franciscus Coppetta.*

*Franciscus Sacratius Car-*  
*dinalis.*

*Franciscus Vbaldus Ro-*  
*mana Rotæ Auditor.*

*Fulvius Corneus Perusinus*  
*Cardin. Episc. Portuen-*  
*sis.*

*Fulvius Coracius Dux.*

**G**<sup>G</sup>  
*Aspar Geuartius.*  
*Gaspar Pallonius Pau-*  
*li V. Secretar. intimus.*

*Galeatius Sannitalis Ar-*  
*chiep. Cam. Apost. Cler.*

*Gibertus Pius.*

*Gregorius XIII. Boncompa-*  
*gnus.*

*Gregorius Narus Apost. Ca-*  
*mera Cler.*

*Guido Bentiuolus Card.*

*Gulielmus Settonius.*

**H**  
*Henricus Spondanus.*  
*Hercules Rangonius.*  
*Hieronymus Agucchiæ Car-*  
*dinalis.*

*Hieronymus Aleander Iu-*  
*nior.*

*Hieronymus Columna Ab-*  
*bas.*

*Hieronymus Hastæus Epi-*  
*sc. Verulanus.*

*Hieronymus de Oddis Vtr.*  
*Sign. Ref.*

*Homerus Turtura.*

*Horatius Grassius ex Soc.*  
*Ies.*

*Humoristarum Academia*  
*Romæ.*

*Hippolytus Corneus Episc.*  
*Perusinus.*

*Hippolytus Feltrius à Rn.*  
*vere Marchio.*

*Hip-*

## I

**I**acobus Antonius Car-  
 lus ex Congr. Cleric. Re-  
 gularium S. Pauli.  
 Iacobus Chrysaldus.  
 Innocentius Bubalus Car-  
 dinalis.  
 Innocentius viij. Cybò.  
 Insensatorum Academia Pe-  
 rusa.  
 Ioannes Antonius Gabu-  
 tius ex Congr. Cleric. Re-  
 gularium S. Pauli.  
 Io: Baptista Agucchius Gre-  
 gorij XV. à Secretis.  
 Io: Baptista Astallius Vtr.  
 Signat. Ref.  
 Io: Baptista Coccinus Ro-  
 mane Rote Decanus.  
 Io: Baptista Millinus Car-  
 dinalis.  
 Io: Baptista Saccus Senat.  
 Mediolanen à Secretis.  
 Io: Baptista Stella Epif. Bi-  
 tuntinus.  
 Ioannes Ciampolus Grego-  
 rij XV. Secretarius inti-  
 mus.  
 Io: Franciscus Martius ex  
 Soc. Ies.  
 Ioannes Gualterius Burgen-  
 tium Epif.  
 Io: Matthæus Moranzanus.  
 Io: Nicolaus Leontius.

Io: Paulus Lancelottus.  
 Io: Thomas Giliolus.  
 Io: Victorius Roscius Rom.  
 Iosephus Nerius.  
 Iulianus Feltrius à Rauere  
 Vtr. Sign. Ref.  
 Iulius Caesar Capaccius.  
 Iulius Roma Card. Episc.  
 Lauretanus.  
 Iulius Sabellus Card. Episc.  
 Anconit. Legatus Bono-  
 nien.  
 Iulius Strozza.

## L

**L**adislaus Aquinas Car-  
 dinalis Episc. Venafr-  
 nus.  
 Laurentius Schraderus.  
 Lelius Fontius.  
 Lelius Guidiccionius.  
 Leo xi. Medices.  
 Leo Sanctius ex Soc. Ies.  
 Lotharius de Comitibus Po-  
 la Dux.  
 Lucas Cellesius Vtr. Sign.  
 Ref.  
 Lucius Sanseuerinus Car-  
 dinalis Archiepisc. Saler-  
 ni.  
 Ludouicus XIII. Gallia-  
 rum Rex.  
 LVDOVICVS LVDOVI-  
 SIVS Cardinalis Came-  
 rarius, Archiepiscopus Bo-  
 noniensis.

**M**

**M** Arcellus Crescentius  
Card.

Margbarita Sarracchia.

Marius Farnesius.

Marcus Antonius Cappel-  
lus Minorides.

Marcus Antonius Goza-  
dinus Cardinalis.

Marsilius Peruzius Ar-  
chiep. Theatinus.

Matthaus Ferchius Mino-  
rides.

Matthaus Riccius ex Soc.  
Ies.

Matthaus Roscius.

Matthias Romanorum  
Imperator.

Metellus Bichus Card. Ar-  
chiep. Senensis.

Mutius Riccerius Colle-  
gij Cardinalium à Secre-  
tis.

**N**

**N** Athan Chytraeus.

Nicolaus Alaman-  
nus Bibliotheca Vatica-  
nae custos.

**O**

**O** Doardus Santarellus  
Vtr. Sign. Ref.

**P**

**P** Antberius Pantheria  
Eques Novocomensis.  
Paulus Benius.

Paulus V. Burghefus.

Paulus Iosephus Meronius.

Paulus Mancinus.

Paulus Sabellus Princeps  
Albani, Ferdinandi  
Imp. apud Pontificem  
Orator.

Petrus Aldobrandinus Car-  
dinalis Camer. Archiep.  
Rauenn.

Petrus Denores.

Petrus Heredia.

Petrus Paulus Crescentius  
Card. Ep. Vrbevetanus

Philippus iij. Rex Hispania-  
rum.

Philippus Faber Minorid.

Philippus Massinius.

Philippus Philonardus Car-  
dinalis.

Philippus Vuannemakerus.

Pius V. Gbistlerius.

**Q**

**Q** Virinus Cnoglerus Au-  
strius.

**R**

**R** Obertus Bollarminus  
Card.

Rodolphus Calidonus.

Romulus Paradisus.

**S**

**S** Fertia Oddus.

Secundus Lancellottus  
Mon. Olivetanus.

<p><b>T</b> <sup>Arquinius</sup> Gallutius <sup>Virgilius</sup> Ceparius ex Soc.  ex Soc. Ies.  Thomas Dempsterus.  Tiberius Pontius .</p>	<p><i>Manuanus .</i>  Ies.  Virgilius Florentius Perus.  Episc. Nucernus .  Vlpus Vlpianus Episc. No-  uarien. &amp; Comes, Grego-  ry XV. Datarius .</p>
<p><b>V</b> Incentius Graminius.  Vincentius Herculanus  Episc. Perusinus .  Vincentius Suardus Episc.</p>	<p><b>Z</b> Acharias Bouerius .</p>



AD VIRVM CLARISS.  
Io: Baptistam Laurum  
Perusinum .

**V** T nitido ac facili formetur Epistola ductu ;  
Id, LAVRE , vno omnes ore animoque probant .  
Qui faceret ; rarus fuit vsque & ubique . Sed hoc Tu ,  
Tu prima hoc inter nomina laudis habes .

Gauco Gaukema Prifus  
Canonicus Aquisgranensis.

De

De Eiusdem

V. C. IO: BAPTISTAE LAVRI EPISTO LI

HENRICI GHIFELLII

I. V. D. ANTVERPIENSIS

Epigramma.

**Q**uisquis es, Aonia multum sudata palaestra,  
Diuitis ingenij qui monumenta legis;  
En tibi congestos suada melioris honores,  
Scriptaque longaeua non moritura die.  
Hic fluit arguto sublimis EPISTOLA ductu,  
Vsq̃ue Pericleo non minor eloquio:  
Inuidus Arpinas dolet hic sua nomina vinci,  
Proijcit & palmas Corduba mœsta suas.  
Nec mirum; nam Palladij assueta triumphis,  
Semper adest LAVRO Laurus amica suo.

ADEVNDEM

**C**um tua LAVRE, lego: viuas audire loquelas  
Ipse mihi videor; cernere sæpè Viros,  
Quos scribis; exalandoque tuo sic exprimis absens,  
Natura ut reddas, quod fuit Artis opus.  
Mente audax hinc inibis quisq̃, ad tua mellea scripta,  
Ac simul ut lègit, pollice utroque fauet.  
Ingenij, genijque tui miratur acumen,  
Et graue sribendi suspicit AVLA genus.  
Sic tu LAVRE, vires: per Solis utrosque penates  
Tendis, & extendis bracchia lata solo:  
Aeternus scriptis, quæ viua vagantur ubique,  
Flexanima Pisibùs statu animata tua.

Cultus & aterni adfœlus ergò  
Henricus Bonerus Belga.

*Imprimatur, si videbitur Reuerendiſſ. Patri  
Magiſtro Sacri Palatii Apoſtolici.*

P.Epiſcopus de Curte Viceſg.

**E**X Mandato Reuerendiſſ.P.Sac.Pal.Apoſt.Mag.F.Hya-  
cinthi Petronij Ord. Præd. perlegi Clariff. Viri Io.  
Baptiſtæ Lauri Peruſini Epistolarum Centuram Sele-  
ctam; in qua nihil F.dei contrarium, omnia pietati co-  
herere teſtor: quo circa editionem hanc & Chriſtia-  
næ & litterariæ Reip. vtilem cenſeo, vt Lectorum ani-  
mi morum integritatem, ingenia candorem ſtyli hau-  
riant.

Ita teſtor

Ego Bernardus Gulielmus I. C. & profeſſor Romanus.

Imprimatur.

Fr. Ignatiuſ Giances Romanus, Reueren-  
diſſimi P.F. Hyacinthi Petronij Romani  
Mag.Sac. Palatii Apoſt.Socius, Ordinis  
Prædicatorum.



IO. BAPTISTAE  
LAVRI PERVSINI  
EPISTOLARVM  
CENTVRIA  
SELECTA.



EPISTOLA I. *Romam.*

V.C.Ioanni Barclaio  
Io. Baptista Laurus S. D.



EL merum ac ne-  
ctar suauissimum,  
mi Barclai, Barbe-  
rini Principis, vtri-  
usque nostrum a-  
mantissimi, Sacra  
Odarū Poësis, quas,  
veluti amuleta, me-  
cum circumfero,  
et, vt in quemque incido Musæ Lyricæ, haud  
fusco ebriz, candidatum, lectito, recito, & ad  
modum fortis & masculæ olim musicæ re-  
A canto

canto. Quàm enim leniter, seueritate admixta, in sacro argumento exultat, attollitur, triumphat? in quo verò plurimum regnat oratio, mitiores affectus mirificè attentat, vbique relinquit aculeos, et, vt egregium Horatianæ dinoscens exemplum referat, legentium animos, in quamcumque velit partem, inflectit, adoritur, expugnat. Vulgatum est, quæpiam flumina auri venis ac ramentis affluere, et herbis vicinioribus atque arbuſtis glebæ decus preciosioris affatim communicare. Non aliter hinc pietatem haurias, facundiam, omnesque deſœcationis spiritus delicias. Vel quas D. D. D. Magdalenam, Laurentium ac Ludouicum copioſè dilaudantes, perlegimus, adeò cum Lamprij, Ariz, ceterorumque Odis non confesso, vt præ his distædeat illas in manus sumere & excurrere oscitanter. nec Pindaricas ipsas tanti faciam, vbi pro Græco pallio Latinam togam induerint. Eant modò, qui profano in triclinio Etruscas lautitias malunt, & sordere sacratiores latinas, si istis opponantur, temerè contendunt. Haud profectò deerit amplius Poëtis nostris, Syonem pro Citherone incolentibus, vnde suis Musis indolem, latera & nervos quærant. Inhio ad emunctissimi iudicij tui libram, doctissime Barelai, qui Viro eruditissimo ad edendos

edendos in publicum hosce partus , auctor  
atque impulsor eris : ac , sponsoribus nobis ,  
deiera Orbi placituros , quando Etruscis sui  
iam placent minus minusque . Benè vale .  
Perusiz Kal. Aprilis .

*Perusiam.*

Io: Baptistæ Lauro V.C.

Ioannes Barclaius S.D.

**A**Ccepi litteras , quas ad me dedisti , mi  
Laure , vt stylo, leporibusque prorsus  
tuas, ita eximio argumento suauissimas mi-  
hi . Laudas Illustrissimi Principis , Cardina-  
lis Barberini, Poësim : sed quamquam varia  
Encomia congeris , censeo hæc ipsa tuo sen-  
su esse minora . Nam quis satis extulerit cu-  
mulatas in vnum Authorem, aut scriptio-  
nem dotes , quas in plurimis diuisas tamen  
miramur? Quidam sunt, quos casta latinitas,  
alii , quos sententiæ ex Philosophiæ abdito  
commendent . Est , qui plausum inuentione  
meruerit . multi quoque aut æquabilitate  
sua, aut facilitate, aut denique numeris pla-  
cuerunt . At ex his omnibus nihil præcipuè  
vnum in magno Barberino laudaueris , quia  
omnia pari splendore feriunt legentium a-  
ciem , vnoque obtutu contemplationem, in-  
ter tot bona, sui incertam tenent. Cum apud

A 2 me

me quærerem , vnde gemmea illa & virilis  
 scribendi felicitas, statim occurrit, plurimos  
 ex Poëtis homines esse vmbrales & nego-  
 tiorum ciuiliū imperitos; plurimos vanos ,  
 & qui, cum robustam aliquam , veramque  
 sententiam carminibus inserunt , non sibi  
 magis credant , quàm vbi de Parnas-  
 sijs Somnijs agunt & Choro Musarum .  
 Sed Illustrissimus Barberinus tot annis in  
 publica luce versatus , summisque admotus  
 negotijs , vt res ipsasprehendit , quales  
 sunt in hominum vita, in animis Principum ,  
 in populi vsu, ita verba seligere aptissimè po-  
 test, quibus illæ exprimantur, & veluti legen-  
 tium oculis ipsæ se offerant . Quid quod vbi  
 stylum sumpsit in manus , nihil prius, quod  
 scribat, occurrit, quàm rerum seriarum, vir-  
 tutumque imagines, quibus imbutus est ani-  
 mus , & quæ ipsa consuetudine ad contem-  
 plationem illicò redeunt ? Hinc illa senten-  
 tiarum vis & insectatio vitiorum ; hinc lau-  
 des Pietatis , Numinis cultus , Sanctorum  
 hominum Encomia , & omninò præcepta ,  
 quibus hic egregia fama viuas , & sorte post  
 fata meliori . Age ergo, mi Laure; perge mi-  
 rari dignissimos tanto parente foetus. Desine  
 verò sperare , posse illum precibus suorum  
 flecti , vt hæc summæ mentis pignora edat  
 in lucem. Citius à Sibylla impetres, ne folijs

man-

## Epist. Cent. Sel.

mandet Oracula . Nimirum assuetus magnitudini suæ , hæc ipsa , ad quæ obstupescimus , ideò vulgaria putat , quia sibi assidua & quotidiana sunt . Sed aliam viam inibo , quæ te publicumque demerear . Finge , illum esse Apollinem ; ero ego Mercurius ; subtrahamque pulcherrimo furto ab eius penatibus , quamque harum scripturum offendero . Iam enim , ne quid dissimulem , sic fallere incepti , & hæctenus rectè processit . Si mihi ideò irascetur ; at Reipublicæ precibus , quam sic iuvero , reconciliationem inueniam . Tu secretus , mi Laure , apud te rem contine , & promissum meum expecta . Vale . ex Vrbe Prid. Non. Aprilis.

II. *Viterbium.*

Laurentio Magalotto Prolegato.

Io: Baptista Laurus S. D.

**T**ERNAS quidem ad te scripsi litteras , nuptiã mei Nominis inducta tessera . putas incogitantix lapsum , non est , Illustris . Magalotte ; volens peccaui , peccatum si sit , id nolle amplius vsurpare , quod meum nè sit , iurè addubitare cœperim . Neque in præfens appinxissem , nisi obiurgasses ipse : qui tamen , cum ductus , formam , ac symmetriam , qua fingere elementa soleo , iuxta mecum

nosces, inspecta Epistola, minus fuisses anceps, à cuiate esset profecta, à Picentenè, an à Signino, Tropienfè, Spoletino. in tot nimirum LAVROS, inditum mihi Christiano natali die sortitos Nomen, Perusinus alienigenas Romæ incurri. Quarè qui, publicatis antea Libris, placere mihi non nihil videbar posse, posteritatis tabulis nomine utcumque consignato: nunc cum tam multi se se aperiant cognomines mei; planè mihi met dilpliceo: ac quando editæ Lucubrationes non adeò vtiliter cessere, vigiliarum piget (obirascantur Musæ licet) quibus nihil denique aliud refero acceptum, quàm ingenium sapius interuersum, oculorum vim non modicè exesam & valetudinem haud firmam satis. Legeram ridens, ut in Comædijs, non rarò germanos Fratres, Imperatores Seruulolque, nominibus atque adspectu geminos & duplices factos. verum peracta Fabula, personas abiecisse, & è fictis Dynastijs in lauerniones, siqui id prius vitæ genus auspiciati erant, remigrasse. At nos quotquot Io: Baptista Lauri sumus, qui ignoratione mutua, quasi Geryones, hic congeminauimus, si ad vnam Patriam non confugiamus, quo funiculo miniatulo, quibus pinnulis, quo torulo aureo inter nos dignoscemur? Sed ut de Imāgine ambigui non simus, & suimet speculum

speculum alter in altero cōtemplari non habeat: ecquæ demum ratio inibitur Nominum discriminandorum, alios ad hunc modum ludificatium? Indignaberis, certo scio, vbi intelligas, quantum mihi nuper molestiæ ac propemodum ignominia huiusmodi conflarit appellatio. Fulginas quidam & cognomen meum, profeminatis inter se litibus, diutius pugnaverant, & Iudex tandem, depositis apud graphiarium sacculis, pro Fulginate in hunc pronunciarat, qui, ni ad certam diem argentum omne, quo de fuerat controuersia, homini repræsentasset, à Viatoribus comprehenderetur atque in carcerē truderetur. Comperendinationibus sublatis, bis ego, vadi loco, scripta dica, in Ius vocor. Ac nisi apud Prætorem, actuariosque de calumniæ improbitate acriter conquestus forem, me pæne tabulari sententia, rei totius ignarum, legulei turbatores iugulassent. Mitto queri de litteris, quas alius atque alius interceptit. Nosti Aloysium, qui cum in Patriam reuertisset, haberetque hic apud Roberti mensarios plurimum pecuniarum, quibus custodiendum dederat, cuperetque deleri nonnulla nomina, & simul Annales Cæs. Baronij & Hen. Spondani Epitomas coëmi: missa syngrapha, conficere me rationes iubet atque exigere. id quod egregiè, antecaptis lit-

teris, præstitit Laurus à N. vsusque est pro  
 suis, quos nummos dolo malo ad se auer-  
 terat. Eos verò haud sanè (Superis gratia)  
 solui de meo. propterea quod hominis im-  
 peritior scribendi, quàm mea sit, manus, in-  
 cessus ac vultus paullò post impostorè pro-  
 diderunt. cum Aloysius præter opinionem  
 ad Urbem reuolasset, & æs suum à me & à  
 nummulario poposcisset. Hæc vocabulo-  
 rum ludibria tibi fortasse risum, mihi bilem  
 & stomachum mouent. Ac veluti pœnituit  
 Sofiam Plautinum, qui voci suæ volucris alas  
 non interuellerit: non secus tædet me, quod  
 laruatis nominibus vim vllò pacto inferre  
 non liceat, mihi que meum detrahare non  
 possim: quemadmodum facilè possim à co-  
 gnomibus meis oculos & dentes exculpe-  
 re, aures & nasum detruncare. Id, ni Chri-  
 stiana vetet pietas in illos moliar; vt, cum  
 nequeant Nomine, vtcūque interpolati, à no-  
 bis distinguantur. Vale Romæ Lupercalibus.

III.

*Bassanum.*

Ben. Iustiniano Card. Epif. Sabin.

Io: Baptista Laurus S. D.

ET litteras amantissimè scriptas, & insi-  
 gne tui erga me amoris argumentum,  
 Anulos



## Epist. Cent. Sel.

Anulos duos, Fuccius mihi tuo nomine reddidit . Tutè scis Princeps amplissime , quo & ego identidem erubescō, quàm nihil apud te tale vnquam fuerim promeritus , neque proficisci quidquam à me potuerit ( totum licet Heliconā in tuis pangendis laudibus exhausissem ) quod tam largiter munificentia tuae fontes mihi patefaceret . Etsi imitari Alexandrum Macedonem tu melius potuisti ; quàm ipse liberalitatem tantam possem experiri . Fero tamen non inuitus iniectam mihi beatam sarcinam, & eodem in articulo circumfero . Neque aureos circulos, inclusis gemmulis spectabiles , facio tanti, quantum animo insedit illud , quod inde datur eruere . Angues geminos Vnio expressos habet, mutuo nexu obuolutos , quorum caudæ ad Caducei alatum capulum reuocantur . Virga ea Mercurij est, eloquentia index, aliud symbolum non elicio . Sed ne illa rebus futilibus deferuiat , euraque sit, volubili lingua verborum plurimum sine fructu confarcinare , Anulus alter demortui nudam caluariam ostentat & faciem exoculatam, nudatis tibijs, vtrinque albo distinctis, obuallatam . Vt, quoniam meorum funeribus tam crebro tamque immaniter quasi iaculis percellor , ita vt ad mei generis incitas videar redactus , meus aliud nihil sermo sonet

sonet aut calamus pingat, quamuis ominosum istuc sit, præter Mortuos . Lethum autem ab obliuione dictum ijs relinquam, qui vltro nea obliuione vita excedentes ab animo delent : ipse voluptati ducam, obcuntium decantatam fabulam & imminentem nobis quotidie vitæ catastrophē audire : tum veteris præconis consuetudinem damnem , defunctorum recordationem prohibentis : laudem eos, qui vel humati Epicuri Imaginem cum in tabulis, tum in poculis & Anulis habuere. Quamobrem quas inauditæ humanitati tuæ pro singulari munere gratias agam, prorsus ignoro . Silenus ad Regem Midam deductus, præclara sententia, qua mortalitatis ipsum admonuit, laqueos redemit . Ego pro vocali, vt sic dicam, donario isto, & indiculis rem omnium fructuosissimam testantibus, tibi Princeps humanissime, arctissimè deuincior . Igitur nec solui quæram volens tuæ liberalitatis mancipium : quemadmodum concordēs illi Angues in monstrosa Virga solui non possunt, ac in gemino circulo geminum beneficium memoria colam sempiterna . Vale .  
Ex Vrbe xiiij . Septemb.

IIII. *In Vaticanum*

Io: Baptista Laurus S. D.

Hyacintho Petronio Apostolici  
Palatij Magistro.

**G**regorium Donatum, in censoria ista  
provincia, cui vigilantissimè præstis,  
sodalem tuum, tam repentè ex acerrimo cõ-  
ualuisse morbo, sanè quam ex animo lætatus  
sum, & diuinitus oblatam sanctissimi Ponti-  
ficis PII Quinti ope, præter Medicorũ spem,  
medelam, eidem nunc vehementer gratulor.  
Beatissimum verò Patrem, dignum iam pri-  
dem, cui Cælestes honores decernantur, sæ-  
vientis malì vindicem ac depulsores cùm  
vos par est omni encomiorum genere affi-  
cere; tum me decet ipsum, quæ mea meo-  
rumque in amplissimum Præsidem à teneris  
pietas fuit, non huius modò largitorem mu-  
neris prædicatione agnoscere: verum etiam  
illud apud vos, eiusdem familiæ Antesigna-  
nos, minus reticere, quod superioribus an-  
nis in Patria contigit, ad maximi Antistitis  
sanctitatem contestandam vulgandamque.  
Retulit quidem Io. Antonius Gabutius, qui  
totius vitæ seriem Libris sex, longè elegantis-  
simis, complexus est, Pij Imagines in medijs  
flam-

flammarum bacchationibus non exustas, nō subleſas. quod autem dicturus ego ſum, diuinitatis indicium præbet tanto maius, quāto hostis atrocior fuit, quantumque vires. Ignis Cacodæmones ſuperant, qui hoc vtantur aut ad expiandas animas purgatorio, aut ad afflicſtandas æternū cruciabili.

Erat Peruſiæ, ad maius Forum, infeſta Speſtris Domus, haud longulè ab eo fornice, qui ſupremi Vrbanī Magiſtratus ampliſſimas coniungit & ſuffulcit ædes. In illa ſæpius catenarum tractus, clamores, eiulatus exaudiebantur, & translata huc illuc atrienſis & coquinaria ſupellex, quā riſum eliciebat, quā pueros ancillasque tumultibus deſaſſabat. Die quodam cum is, qui conduxerat, prodiſſet in venationes, familiaque ruſ ablegata, ſerò admodum reuertifſet; fruſtra domus tanuam, inſerta clauī, nititur patefacere. accerſit, qui adulterinam & robuſtiorē, Iadhibeant, ferro lituo circumuoluant, impellant calcibus, arietent denique. Vbi nihil proficere ſe ſe animaduertunt, ſcalas applicant, & per fenestras in Aedes ſibi parant aditum. Continuò illatis luminibus ad oſtiū accurrunt, & aliquam furum fallaciam, nudis conſpectis parietibus, ſuſpiciantur. Cernunt inuerſa omnia, coniectaque ad oppreſſuandas fores ſcamna, lectos, triclinia, & quid-

quidquid domi inerat scriniorum, peristromatum, vasculorum. Adeò nec signis tabulisque pepercerant, in quibus erant Pontificum, Cardinalium, Iureconsultorum: Diuorum etiam, nequid Lemuribus sanctum intactumque putes. In magno tamen Imaginum aceruo, quæ tumultuariò conciderant, vnā & alteram ludētes Larum, quæ sic omnia commiscuerant, & ad postes compegerant, attingere non fuerunt ausæ. Tabularum altera è pariete pendentium, Virginis Dei Matris effigiem præferebat, Pij Quinti altera. Quæ res omnibus, ea Spectrorum ludibria non sine risu spectantibus, maximam admirationem attulit, de Beatissimo Pontifice, quem sic Dæmones exhorruissent, miracipientibus. Vides igitur Pater Reuerendissime, quàm merito iure eius Viri memoria nobis perpetuò colenda sit, & patrocinium suppliciter atque assiduè implorandum, qui viuens mirificè mortalibus profuit, & nunc in Dei sinu conquiescens, Beatarum Mentium choro adiunctus, plura in nos liberalius potest, quò obæratos sibi, iuuare efficacius se posse intelligit. Is vtrumque nostrum, mi Petronj, æternum seruet in clientela, & velit Gregorium tuum valetudinis restitutæ dono frui quàm diutissimè. In Vrbe Nonis Sextilibus.

V.

*Perusiam.*

Io: Baptista Laurus S.D.

Mauritio Riccio Proëpiscopo  
Perusino .

**M**Alè factum, Præsul amabilissime, quòd publicatis intra paucos dies nonaginta Centuriæ exemplaribus, nunc cum nostri arbitrij amplius non est, vt in omnibus aliquid refingamus, de excitâdis iterum Librorum excutoribus cogitandum censes; suadesque mihi pluribus, id vt præstem, elucubrandi atque emendandi tædio propè iam enectò, ac nihil auersanti magis, quàm crebras illas, quas obire necesse fuit, excursiones, hinc Perusiam, istinc Tuder; quo eome consilio tandem recepi, vt ad profectiorem comparem, postridie Kalendarum Nouembriũ rediturus Romam. Ferendum, autè videretur, si gloriolæ quoquomodo foret de integro velificandum. Sed cum alæ recensendæ sint militum, quasi laterculi, & vni sit feralis littera præfigenda: id mihi, vt fatear, curam non parua iniecit, ac puerperum de vitalibus in vniuersum futuris fœrbus æquissima pulsatur dubitatio. Quidam, in permutâdis nominibus, supersticioso ritu,

Chry-

Chrysostomi tempestate (nostra aiunt obsoleuisse) cereas multas accendebant faculas, nomen cuique adscribentes: ac demum eius, quæ ceteris supervixerat, arripientes, extinctis reliquis, illud Puero imponebant. Enimvero ego victuris quasi Epistolis quibusque lumen, quod haud facile restingueretur, accenderam, hoc est, amicorum estimationi & nonnullorum argumentorum, celebritati indici iusseram, nomenque singulis perpetuò mansurum indideram, in litteraria legione contra obliuionis copias pugnaturis. Sed vosmet, qui furcinulam emuntoriam, cum edere parabamus, attuleratis, & fungos, si qui concreuerant, ex arte oppresseratis; eandem iterum educitis, & ellychnium Hieronymianum diffilare contenditis. En ipsi vltro paremus iam, ac si ab infelici ligno Senem illum non detrahimus, Apotheosim tamen non decernimus. Nimirum ab eo, quod Pontificum decreta non probarunt, religiosè abstineam: ab his sinceræ veritatis cancellis in omnibus, quæcumque legam, scribam, audiam, oculos, aures, articulos non declinem. Induam, quidem, si res postulet, nugacem laruam, & varias affectuum alternem facies: in profcenio, vt sic dicam, pietatis idem sim; vultum eundem in omnem fabulæ partem circumf-

cumferam, alienam personam nunquam, induam. nullus animo incidat cænodoxiæ pruritus, nulla mentem vellicet, infelicium laniena ingeniorum, φιλαυτία. Scilicet qui germanam imbibimus in Augusta Patria, Pietatis ac Disciplinarum florentissima Officina, Religionem, à nefaria Iside non pascimur. Veritati castè integrèque litamus, ijsque donaria cumulatè appendimus, quos Christianæ Reipublicæ veræ nouimus præesse, in Cæleste contubernium sanctissimè transcriptos. Faceffet à nobis flagitiosa pietas, ne per speciem imponat & faciat aliquandò parum pios. Scriptiunculam igitur prætergrediatur Lector meus, aut, si delibet in transcurso, præuolet, neque candori nostro candidum ipse calculum inuideat: Ei ego orationi vim omnem ablatam volo: à me seriò vapulet, cui neutiquam accedam testis: audiar potius narrator subfrigidus, dormitans interpres, indiligens ferruminator. Aliorum vocus nihil moror, si fortè præter consuetudinem verba per iugulum redeuntia demirentur, Christianum hoc exigat studium: pulchrum est, eximium est, vituperari non debet. porrò Cælitum beneuolentiam tam bona ratio vel abundè pensat, vel ad fœnus prouocat. Id tu assiduè Vir integerrime, cogitas, prædicas, exemplo doces



ces : ex cuius suauissimo congressu voluptatem atque vtilitatem tantam sentio nunc recogitando , quantam nuper coram sensisse visus sum fruendo. Vale. Tudere V. Kal. Nouembris CIO IDCXIX.

VI.

*Roma .*

Alexandro de Angelis Soc. Ies.  
Theologo .

Io: Baptista Laurus S.D.

**L**ibet exclamare , ò Scorpij hospitalem domū ! in qua duo Cometæ splendide conuiuū inierunt . atque vt cenaturis Siderea aliqua fax è lychnuco præfulgeret , percussa à Mercurio filice, hæc , ad quam cateruatim homines spectandam confluunt , alijs Cæli Ignibus lucidior effulgit . Ego quoque ad eam contemplandam multa de nocte , pellito vestitus epitogio, cum Boreas acriter spiret , è lectulo consurgo, & ex Aedium nostrarum editissima Turricula , comam longè eiaculâtem, contentis oculis clarè perspicio. In codice autem exceptorio Cælestis eius tractus faciem Ichnographicam describo , Tuboque adhibito Optico , pulcherrimum Cometem, inter Solis ac Lunæ diuersoria, haud dubiè collucentem, veneror. De cuius

B tamen

tamen Parentibus , à Mercurionè verè, an à Marte procreatus sit, hodie à prandio cū ad te præstantissime Alexander, accessero, cupio audire sententiam tuam : nec de futurorum nexu euentuum tacueris : non enim Cælum fileri amat , quod tot facibus quasi linguis , apertius nunc,quàm antea proloquitur . Ex Aedibus . iij. Kal. Decembris . MDCXIIIX.

VII.

*Rauennam.*

Pyrrho Colutio Doct. Med.

Io: Baptista Laurus S.D.

**I**Ncredibili omnium approbatione , perscriptus de duobus Cometis Liber ad nos tuus exceptus est. Credas iurato mihi, nullus maiore cum plausu teritur manibus eruditorum . nec tam conuersi horum sunt in Cælum oculi, vt inspiciant, quàm calami cuspis, vt describat . Ac quemadmodum est iam vulgi fabula Cometes ; sic ingenij tui monumentum hominum non vulgarium amor & deliciaz. ex eo mihi , velut ex satù dentium armati , Amicorum plurimi enati sunt . Quamobrem pro feraci carissimorum capitum annona, proque honorifica nostri appellatione, plus tibi debeo , quàm vt siue re, siue verbis soluendo sim . Ceterum sicut nihil  
con.

conspēctis Ignibus litauit verius ac popularius, quā composita in admirationem tantæ rei cogitatio; ita ego gratiæ impar reponendæ, in eo acquiescam libens, si laudibus doctrinæ tuæ diuitias extulero, amoris magnitudine tibi non concessero.

Differtationē italicē cōscriptā Excellētiss. Lotharij de Comitibus, Polæ Ducis, in postremū Phænomenon habeo præ manibus. qui ex hemicyclis promiscuè sessitantiū Philosophorū se proripiens, Cæli editiorē scenā petit, supraque stellarum *ἐμπόσιον*, nouum instituit Choragium: tum Historiarum exempla colligit, in quibus vario emblemate multiplex Cometarum facies, incerta temporum *εὐνοῖαν* se spectandam præbuit. Verum, cordati Principis Disputatio præconio eo maiore efferenda est: quo ominosa Principibus horum Ignium *ἐπιφάνεια* tantum abest, vt hunc nostrum perterruerit; vt ipse planissimè docuerit, eam nullo pacto videri extimescendam. Priusquā Hier. Episcopo Verulano reddam, qui Cardinali & nobis commodauit, tibi exemplum curabo; vt vna cum Secundo Lancelotto frui possis. Vterque feliciter valete, & me amate. Romæ iiij. Kal. Februarij CIDDXXIX.

Io: Baptista Laurus. S. D.

Albertino Lælio suo .

**B** Reuiores omninò, quàm voluisses, litteras festinatio Tabellarij nobis extorquet . Cum enim statuissem complura conferre in vnum , quæ tibi , Epistolarem prouinciam nūc primum in ista Aula suscipienti, prodesse possent; temporis excludor angustijs, submonitus nimirum, cum iam ille ad vos excursurus, ephippiatum Equum, propè conscenderet. Sed scilicet exilem scriptionem, & neglectim fusam culpes malo, quàm in totum segnem, & voto tuo malignè responsuram . Tempestiuus & vberius sarciamus alias : quæque tibi fortasse non satis grauis admonitor subiecero, scito mihi vni iampridem in memoriæ angulo seposita, in quiduis potius, quàm vt alicui proderentur, excogitata. Ergo habes cōfusanea, quid ni & leuia? præcepta sunt tamen, quæ vtcumque fata, in frugem non malam aliquandò valeant excrefcere .


Iam fidei haudquaquam meminerim, quam fluxam nunquam gesseris, & arcanis Principum persanctè adhibendam, nul-

lo ori admoto Anulo , olim me præsente multis prædicaueris; nuper à Cisalpino quodâ, vt scribis, requisieris; qui eam non perinde defuncti Domini seruasse Manibus ferebatur. Quo verò hunc ergastulo, quibus Gyarris dignum ducas , si transmutata , quòd dicitur, testula, viuo illudat, & præcipuum rerum agendarum telum in eius perniciem ac necem vertat , cuius vel suæ vitæ periculo redimenda tuorat salus? Igitur nullius iusiurandum apud te tanti sit , vel si Iouem in hoc accersat lapidem , quo facilius secreti quidpiam à te exculpat ; vt gratificandi studio adductus, cuiuspiam minimum insusurres.

De vero Epistolarû habitu, ac dicendi charactere, quæ assiduo scribendi vsu, & Phaleræ in primis monitis , accuratè excussis , tibi opinor, cõparaueris, nihil etiam me tibi præcipere necesse est. hoc tantum: haud probari mihi anxiam, superstitiosamque in dicendi formis curam, præsertim vbi res agatur seria. Profectò in verborum flosculis , atque amœnitatibus curiosum non esse , sed fuisse, decet : ac tum demum gratiam habet in arte negligentia, si succedat immodicæ diligentiae ; ita vt paullò remissius studium deprehendatur , non omissum.

Vti Atticismo, ac Laconismo apud plerosque hoc æuo vsitatum & laudabile. Quare,

B 3 quod



quod fieri in Comœdijs solet, præfationes superuacuas vitabis: rerum exitus ita proposueris, ut, quæ præcesserint, ex his conijciantur. Si res postulet, ut descriptionis alicuius repetatur argumentum, fiat id dextera & commoda breuiloquentia. In negotijs tam non magnis, piaculum putatur, sublatiis antennis, Alianum profiteri.

○ Quia sæpenumerò sub manum nasci consilium oportet; da operam, ut affectus animi æquitatis fræno strenuè coërceas, habeasque in tua potestate; ne tibi obstrepant, impedimentouè sint, quo minus, quid in quaque re faciendum sit, dispicias. Tumultuantes enim deiiciunt mentem, & iudicium adimunt vel senibus exercitatissimis ac prudentissimis; nedum natiu minoribus, inter perturbatos Aulæ fluctus Rationis nauim ægrè molientibus. Quid quod Minerva boni Consilij è Iouis cerebro prodijisse fertur. videlicet ex optima Mente haurias, quo sapientissimè cuique consultum eas. hoc pacto omnia, quæ in summa animi tranquillitate tecum excusseris, suisque momentis ponderaris, Reipublicæ vtiliter cesserint, tibi que ac Principi æquè fuerint honorifica.

Cum in negotio seriò, & crebrius versaberis, recurre subindè ad calamum, ne quid effluat, & aut agenti coram, aut mittenti in

lit-

litteras sua spontè occurrat . quantum autem fieri queat , ipsissimis Principis verbis negotij facies repræsentanda .

Abditos eiusdem sensus , & si quid occultius coquat, dum in familiari congressu Epistolarum argumentis onerabere , ita exquirere tibi licitum , ut obsequij ac solertiz gloria , tum maturiore scribendi peritia inclarescas .

Eueniet, ut importunis quibusdam litterarum flagitatoribus ( nec enim deerunt, quorum moribus prodesse malis , quàm iudicio obtemperare ) Princeps petitam rem incolumi officio denegare non possit aut audeat, alioqui absurdam & te dignam parum: in ea sic Epistolæ genium attemperabis, ut à comitate ad supplicis votum non grauatè flectas ; rursus ab eodem resilias; & ita sensim elabaris, ut cordatè inuoluas , & ei , qui poposcerat ( si impudens fortasse soluat, resignetque ) verborum tenus, affectu sublucente, fecisse satis videre : neque illi tamen, ad quem inuitò scribendum fuit, vim intulisse .

Quod sanè albarium opus , ubi ab hisce, officij, fideique violatoribus te ipsum vindicaris, fac pessimè oderis . quin pro potestate aliquid imperaturus , & controuersijs, vacillantibusque causis scripto edito admoturus pedum , modumque impositurus ; caue cu-

iufquam gratia promas veluti Oracula , vt duabus sellis,quod aiunt , federe dicaris voluiffe.

Priuatum tempus nunquam non religiofe adfcripferis ; nec dierum modò, in quibus alias aliorum acceperis , notatio adijcienda ; verum etiam quibus veredarijs , quibus tabellariorum magiftris creditæ , per quos redditæ , per quos remiffæ .

Si,ne intercipientur , fubuereare , aut te nimia itinerum,locorumque deterreat intercapedo; fiue is,cui reddendi onus incumbat, fidei minus exploratæ fuerit ; aut non vna ratio denique transmittendi , eaque certior expeditiorque : tunc Epiftolarum exempla tria , quatuor rectè conficientur .

Domesticam fcriptionem , aut ad amicorum eximium fi quandò meditare , nequid temerè committas chartis. Memineris,nihil ex rumusculis ftatuendum , nifi ad auctorem prouoces : præterea ijsdem relinquendum tempus , qui deferuefcant, fenefcantque .

In id, quod è re tua fit,quodque Principis dignitati,perfonæque , quam fufțineat , plurimum conducat, fedulò intendendus eft animus . nam plusquam modica de ijs fcribere , in quibus industria ac vigilantia frigidius fuas egerunt partes,pars ignauiz,dementizque exiftimatur .

Quod



Quod notatu censeatur dignum, atque expendi ad consilii libellam habeat ; id in capita referendum , & forinsecus, auersis litteris in frontispicio est appingendum.

Illæ si complures occupent paginas , & ambas , quod dicitur , manus, pectus atque humeros implere debeant ; ne simul ita agglutines , quasi terna , quaterna , aut sena in vnum folia, Bibliopecti modo, compingeres. seorsim quæque , suis præsignata numeris, sunt attexenda .

Veredariis plerumque vtiliter, ac speciosè imponas ; si adulterina gemma obsignes epistolas, & manu aliena inscribendas cures.

Harum fasciculos , cum quid non protritum in iis latuerit , cuiusque hebdomados, seruata temporum serie , in arculas & forulos recondes , tuarum autographa maioris ponderis, vt in vsum, si quis exposcat, paratæ continuò sint , diligenter referes in codicem .

Rursum quæ nihil contineant aliud præter ciuilitates , neglexeris impunè; nec laudo, qui religioni sibi ducunt , inutiles conscindere : sed immensam quandam litterarum veluti siluam in cubiculis sibi crescere gloriantur , vel Camelis farcinam , vel Tineis, atque opicis Muribus pabulum .

Et quia persæpe accidunt tempora , vt  
quæ-

quæpiam minus tutò communium characterum schæmate exponantur: inuentæ in hoc sunt Furtiuæ inter scribendum Notæ, de quibus præcipere supersedeo, teque ad cognominem meum Portam, mi Albertine, reicio, qui toto eo de genere ad huiusmodi mysteria artificiosè, luculenterque aditū patefecit.

Ego Sphyn gem, quandò semel absolunda est Epistola, tuis dumtaxat Aedibus inscribas cupio, quæ tibi non tam laruatas dictiones illas prodat, quàm abstrusa & recondita Principis in vniuersum occultare sapienter doceat.

Atque hæc paucula, quæ nunc tumultuariò hic in acervum redegi, si maturè perpendas, & fideliter exprimas, (nisi me fallit opinio) cùm industrii hominis, sapientisque retulisse laudem, tum participi secretorum Genio optimè videberis litasse. Vale, atque Epiphanium tuum, Senem festiuissimum, vti audio, Illustris. Hieronymi Columnæ in humanioribus artibus Doctorem ex me, ac Velia amantissimè saluta. Perusia. CID IDXIX.

IX.

*In Vaticanum.*

V.C. Abrahamo Bzouio Polono.

Io: Baptista Laurus . S. D.

**E**Rgo incolumi fœdere Gratiarum, quod cum Vigiliarum tuarum amantibus abs te contractum oportuit, litterarium aliquid à quopiam rogatus, negare non potes Vir doctissime. hinc & boni audaciam meam consulueris, quæ benè & feliciter cesserit, si à grauissimis curis tantisper feriatas, cupiditati meæ satisfaciendum putaueris. Inde ab Autumno ineunte Anni, qui se iam conuoluit, Commentarium habeo præ manibus de ANVLO, quò Mariæ Virginis digitum S. Ioseph oppigneravit, & summa religione Perusiz asseruatur, de quo plerique rerum Scriptores mirè silent. Cogitavi autem maximum operæpretium me facturum, si ad feracem eruditionis tuæ agrum confugerem, ex quo in arentem meum plusculum deriuarẽ. Obsecro te, Bzoui humanissime, ne pigeat haud dico me, sed nobilissimam Patriam demereri. quæ immortalem cuius habitura est gratiam, per quem tanti Donarii cultus & veneratio augeatur: & certè per te plurimum augebitur, si gemmulæ è Palæstina in  
hanc

hanc primum Urbem , deinde Clusium , postremò Perusiam allatæ , tuum ipse calamum , eximius Annalium Ecclesiasticorum nostro ævo Scriptor , fueris admolitus . Vale Romæ ex Aedibus Id. Nouemb.

Viro Illustri Io. Baptistæ Lauro  
F. Abraham Bzouius S.

**N**on minus piæ , quàm eruditæ curiositati , vel cupiditati tuæ de ANULO Sacrosanctæ Deiparæ , quid in præsens respondeam , præter ista paucula , non habeo . Verisimile mihi est , castissimam Virginem , Iosepho Virginei floris futuro custodi , subarratam Anulo fuisse . Receptus mos obtinuerat , non apud Gentiles modò , verum & apud Hebræos , Pronubales Anulos & dare , & recipere , fidei seruandæ , tanquam certissimum aut signum aut monumentum . Hæster à Viro vidua , inter cymelia seruauit . non nemo earum , quæ potestatem sui viro faciebat , Anulum proferebat , atque referebat : quod curiosi rerum Hebræarum obseruauerunt : vt propè vero sit , intemeratam Virginum primiceriam Mariam , eandem tesseram circûtulisse , ac posteris reliquisse , hypomnema clarissimû fidei nunquã violatæ , virginitatis nunquã delibatæ . Quod autem Italiã ,  
adco-

adeòque nobilissimā Ciuitatē, hoc Anulo, veluti pretiosissimo donario, Regina Cælorum dignata sit; fidē non abnuo: cum in Italia videam Aedem Lauretanam, Angelicis manibus ē Palæstina delatam, Cunas & Præsepe, in quibus eum, quem Orbis capere non sustinet, collocauerat; capillos, zonam, sudaria, & id genus pretiosissima à Diua Deiparente relicta pignora, ab Oriente Romam, & in alias occiduas Vrbes, piorum studio translata. De vestro Anulo auget fidem longi temporis acerrima inter bellicosissimos vestros Perusinos ac Senēses ante CL. annos dimicatio; quam opus fuit SIXTO IV. Pont. Max. dirimere, Anulumque vestrum Romam deferri iubere, seponendum in aliqua Urbis Basilica, ad vniuersi Orbis culturam. Hæc mihi in extemporaneum calamus, venerunt. Ceterum animum magis aduertam, siquid aliud de tam incomparabili Cymelio potuero, vel ex prioribus lucubrationibus in memoriam, vel ex accuratiore in posterum inuestigatione in lucem producere. Tu porrò eam, quam Augusto stylo ornandam, illustrandamque suscepisti Gemmam, Orbi proponere perge. Nam sapientia inuisa & thesaurus absconditus; quæ utilitas in vtrisque? Vale. Ex meo apud S. Petrum Musæo. postrid. Idus Nouembris.

Pro-

Prospero Farinaceo Viro Clar.

Io: Baptista Laurus S.D.

**M**iro tui conueniendi desiderio flagraui hodie, Vir eximie, significaturus, quæ tuo rogatu Princeps meus, aut iubente ipso, nos obuiimus. Iam quando coram non licet, ne & hac nocte animi pendeas, loquar tecum absens. quare à Ludouico tuo deductus in Museum, schedulam raptim scribo, neque obsignatam super abaco relinquo; narrantem breuiter: Actum perstrenuè cum Duodecemuiris de nouis Decisionibus in lucem proferendis, qui rem in proxima comitia distulere: ego autem à prandio ad Moniales Ambrosianas. Antistita Monasterij pollicita est opem perbenignè; non modò quia animo in te est propensissimò, tuæque familiaris ornamentis, atque incrementis studet plurimum: sed etiam quia eò Cardinalis accedat nutus, cui vel illud debeat, quod præstare se posse propè desperet. Monebit in tempore, quæque in auspicando opere minus dormitabit, te dormire in vtramuis, quod dicitur, iubet.

Addo verbum de doctissimis disputationibus de Hæresi, mihi à te dono missis, hoc est,

est, gratias ingentes, immortales. Liberalitatem enim, quam innumeris erga me officijs declarasti, & benevolentiam, qua me iam pridem amantissimè es complexus, hoc libentius colam, atque effusius prædicabo; quo ad testificandum obsequium ore & calamo fortassis aptus esse possum, ad referendam vicem non possum. Viue feliciter Vir nostro ævo incomparabilis, & posteris, tuæ præsens posteritati, vigila perenniter. In tuo Musæo, appetente Nocte. Pridie S. Catharinæ.

X I.

*Romæ.*

Lælio Marretto V.C.

Io: Baptista Laurus S. D.

**N**ihil minus volo, quàm parum comperta per nos tradi formis siue æneis, siue marmoreis. In saxo, in ære si quid inciditur, non facilè aboletur, sæpè & certat cum immortalitate. ambiguè illic scripta, conciliant auctori dedecus, & imposturæ inuunt notam. Id ego caui sedulò in omnibus, quæ ad hanc diem expressit calamus, præterquam in Poëticis; quippe talia esse desinant, ubi nullus fucus nudæ veritati lenocinatur. Quocirca candidissimi hominis, & amici exultationi multum prospicientis officio

officio es functus, absente me, qui parietinas Franciscanas in illa Epigraphæ ad Forum Boarium, ne collaberentur, neuè iterum Palatini ruderibus super-inciderent, auctoritate tua contra superciliosos quosdam præfulsisti. Potes pari studio Epistolam Hieronymianam à morsibus calumniantium defendere; licet in ducentis Exemplaribus desideretur, confossa nescio æquius, an scrupulosius. Enimuerò inibi relata certis Scriptoribus innituntur, qui, quoties iussero fidem adstipulentur, quam ab aliquibus non impetrarunt. In horum sententiam accurrere pedibus & calamo, homo fugitans litium omnis generis, litterarias perosus maximè, ex quo meis Ciuibus quæpiam malo omine conceptæ lucubrationes improspere cesserunt, & immanes Tragædias in familias aliquot concitarunt. Quam tibi Absconditorum Clauim (sic est Libelli titulus) ab Orbe Condito, priusquam huc secederem, sum pollicitus, mitto per Aurelium, qui harum litterarum quasi clauis, aperiri sibi exoptat fores ad notitiam tuam. Eas Iuveni lepidissimo vltro reuera, habiturus hospitem, cum à nostra hospitali mensa recesserit, multò festiuissimum. Bene vale, & tua illa Ciuilis Doctrinæ præclara Apotelesmata describenda nobis cura. è Tusculano.



## XII.

Romam.

Io: Baptista Laurus S. D.  
Garofano de Garofanis . I. V. C.

**D**E Statua haud ita pridem propè An-  
tium effossa, & in suburbanum Mœce-  
natis nostri, vt vna cum alijs excellentium  
artificum perennet, decentissimè translata,  
(iubesnè?) dicam planius sentiētiā meā: quā-  
quā scio refragari permultos, qui eā Gla-  
diatoris potius cuiuspiā esse, quā Militis,  
natatu se se à præsentī naufragio eximere  
laborantis, acriter contendant. Porro cū  
nuper in nobili comitatu Villam perambu-  
larem, & præstantiora illic signa circumspi-  
cerem, subito calore hisce carminibus mar-  
moreum illud; non ea sanè Venere, qua  
Matthæi Roscij nostri elegans Clio refinxif-  
set, expressi.

*Cernis, vt audaci membrorum mole feratur,  
Quæ sacra Dis pelagi est, saxea forma Viri.  
Parma quidē brevis obstantes benè disycit undas.  
Quæ redit in tergum dextra reuerta, fugat.  
Illa supergressas mira domat arte procellas,  
Hæc flexo in prouum vertice, findit aquas:  
Sic vouit, quicumque fuit, tumido æquore raptus,  
Inque Deū in incolumis sede Natator adest.*

C

Enim-

Enimuero milites natandi peritos Romani veteres voluerunt, qui non ob aliud Campum Martium Tiberi proximum, ad militaria progymnasmata obeunda, delegerunt; nisi ut in altero decertarent, in altero natandi artem perdiscerent: quæque ignorata Cyri exercitum, mare ingredi compulsum, teste Xenophonte, pessum dedit. E tribus autem natandi generibus, alterum marmoreo Militi à Statuario attributum, facilius erat ante deprehendere; quam dexterum, brachium (quo carens in littorali Rusculo est repertus) ad gladiatoriam formam, uti cernimus, obarmatum adijceretur. Ex humero enim in laeum inflexo, & cetero corporis habitu, ingruentes aquas, facto impetu, sibi aperientis, Natatorem verius sum arbitratus, quam Retiarium aliquem, Secutorem, Threcem, Myrmillonem. Vberius tamen ea de re, ubi me hinc subduxero, & ad vos rediero: proferamque è Schedijs nostris de Dijs littoralibus, quibus signū dictū oportuit, non iniucunda. Nunc quidem in Alexandri Estensis, Principis Card. Tiburtino versanti, quid mirum si præter exadificata olim in Antiatum foro Castori & Fortunæ Tempia, aliud non occurrit? qui cupiam mihi in Aulæ Euripo propitios multos affulgere Castores, & Fortunæ clementiam continenter

nenter indulgere. Vale Garotane suauissime,  
& Illustriss. Gherardium officiosissime saluta.  
Tibure XVI. Kal. Septembris.

XIII.

Roma.

Io. Baptista Laurus. S. D.

Francisco Fuccio. I. V. C.

**F**Eci, quod imperaueras, Fucci amabilis-  
sime, & Consolationem qualemcumque  
ad Aulicum, cuius me ignorare nomen vo-  
luisti, meditatus sum: nescio tamen ecquod  
pharmacum hominis ingenio diluerim. meo  
certè, quod, Superis gratia, citra perturbatio-  
nem vllâ Principis beneuolentiâ in paucis ali-  
tur, non fuit inutile ea cõquirere, quæ versan-  
tibus in fortunæ fritillo, sic Meronus Vr-  
bem appellabat, euenire solent. Ac Medi-  
cus nemo melior Merono cum suo in CXLV.  
Psalmum Commentario extitisset. Videbis,  
an è re fuerit commentatio nostra. nam,  
aliena mox curabitur, & amicissimi capitis  
industriam quauis ratione, tibi enixè obz-  
ratam, experire. ita verò sum exorsus.

Versari te in maxima sollicitudine. N.  
hodie mihi renunciatum est, quî cum antea  
breues in Aula obire legationes, & ad *musica*  
*res* Principis omnia admitti consueffes; nûc,

C 2

mutata

mutata ipsius voluntate, nulli propemodum  
rei admouearis, sisque in familia veluti Au-  
læum quoddam, ac theatrales pompa, om-  
nibus illudentibus, & in te defixis lumini-  
bus, palam obmurmurantibus. Interea  
ignorare te, quidnam piaculi admiseris, ex  
quo tantum latentis iracundiæ aduersum te  
Princeps humanissimus conceperit; in cu-  
ius tamen vultu subluceat etiamnum comi-  
tas; quamquam refrigerato eius beneuolen-  
tiæ ardore, quæ se in imperia blanda solet  
effundere, & ingenuos quosque laqueis libe-  
ralibus obuincire. Hoc ego pro ea necessi-  
tudine, quæ mihi tecum est, iniquo animo  
proximè ac tu, aut æquè tuli: cuius probita-  
tem, ac fidem eò suspexi magis; quo tantas  
tam sani pectoris diuitias perrari sunt, qui  
in Aulam inuexerint; aut inuectas incolu-  
mes diu retinuerint. Equidem cum sæpius  
in rationes viuendi tuas antea intuerer; lau-  
dabam plurimum istam morum integrita-  
tem, prudentiam, candorem, quibus doti-  
bus nihil aulicæ labeculæ hætenus inoleuif-  
set, neque te ipsum aliter ab inquinatis quo-  
rundam studijs vindicaueris; quam Fluij  
quidam facere perhibentur; qui in Mare  
erumpentes suas dumtaxat vndas trahunt,  
nihilque ex eo fœculenti bibunt. Inuiden-  
tium hominum flabra, aut ingruentium  
pro-

procellarum occurſus qui evitare potueras?

At heus tu, oblitusne es, amice mi; qui-  
cumque ad præſcriptum aliorum vitam in-  
ſtituerunt, Abacorum Calculis perſimiles  
factos, qui tantidem æſtimentur, quanti ho-  
mini, qui iſſdem in luſorio utatur iactu, col-  
libuerit? ſi enim talentum nominat; calcu-  
lus beatus eſt, talentum valere putandus eſt;  
ſi drachmam, aut obolum æreum, vileſcit il-  
licò: hoc pacto pretium qualecumque à lu-  
dentis arbitrio mutuatur. Vides, opi-  
nor, quanti vitæ genus, in quo nunc es, fa-  
ciendum ſit: ad quod demum accommoda-  
re ſe ſe, quando mancipij aulici vocabulum  
haud ita contemnitur, prudentis eſt; atque  
à conteſtata ſapientium virtute degenerare  
recuſantis. Etenim qui in aleam cuiusmodi,  
nulla neceſſitate protrudēte, deſcendit; hunc  
vel neminem, vel ſe accuſare ipſum oportet,  
qui conſiliis, ſibi malè, ceſſuris temerè adhæ-  
ſerit. Ea nihilominus adhibēda videtur cura,  
meditatio, diligentia, cum res huc redijt, ut  
ſi prorsus non decorè; at quàm minimè inde-  
corè in fabula aulica peragēda aduigilet. Et  
ingreſſus Aulae pelagus, dum nauis in curſu  
eſt, debet ventis, qualesquales ſpirent, ſapien-  
ter uti; ac ſtrenuum Nauarchum imitari,  
qui clauum non deſerit, quamuis ſemet ſer-  
uandi ſpe, tempeſtate intercluſus, deſeratur.

Tutius verò consilium fuerat, in hoc Theatrum minus pedem intulisse; huic navigationi se non cōmisisse. Ceterum ecquid ego habeo oggannio, perinde atque hoc ipsum, quod tibi propino pharmacum, meo ipsius in stomacho non iam pridem fluctuet; eodemque feriendus conuicio non sum, quo in te fortasse parum prouidè sum vñsus. Iam propè est, vt vtrique nostrum Medici cuiusdam, Infantiæ curatoris, artificium recantem.

Habebat domi amplissimum cubiculum, aqua fœda, pestilentique circumfluens; inquam Fatuos, alium alio profundius, vt insaniam vehementiore æstuabant, immisos, piscina vsque adeò graueolente & inedia macerabat; donec in mentis potestatem redigerentur. Ex his quidam paullo sanior effectus, veniam inambulandi per ædes haud grauati impetrarat. Pro foribus quempiam infidentem Equo, forte obseruarat, qui læua ferebat Accipitrem; & Venaticos Canes, oblongo deuinctos loro, præ se agebat. Euocauit prætereuntem, interrogauitque (oblitus enim omnium erat, quæ, priusquam desiperet, agnouerat) quid gestaret manu, quinam forent, qui se præcederent, & cuius gratia. Vbi cognouit de Aucupio, de Accipitre, de Canibus: adiecit; ecquantum insumeret in iis alendis; tum Auiculæ, quibus inf;

insidiaretur , quanti æstimarentur . Cum iu-  
 uenis nihil celasset de ingenti sumptu, deque  
 lucro perexiguo . Vah, inquit , fatue , quan-  
 tum potes, te in pedes confer . Nam si Medi-  
 cus in te noster sic insanientem incidat: con-  
 tinuò in lacum coniiciat , vt vna cum cete-  
 ris , & quidem altius demersus , tam insi-  
 gnem amentiam concoquas, atque exsudes.  
 Sanè (si verum fateri volumus) nonnè quot-  
 quot libertatē velut sub præconibus abiura-  
 uimus , *ἐσθλῆτα ἡ δέσποα* egregiè videmur ? qui  
 rem preciosissimam , hoc est , tempus ludi-  
 brio habemus , meliorem æui partem nobis  
 inutiliter sinimus elabi , & compendii pro-  
 pè nullius causa , quotidie tantum dispen-  
 diorum emimus . Quamquam mea quidem  
 ratio paullò honestior videri solet ; qui Au-  
 læ otium non ob aliud confectet; nisi vt, quo  
 extabuissē in patria, tædium discutiam , &  
 quamdiu sub his quasi vitæ stipendiis næ-  
 reo, vltro ad hæc castra deficiens, non in to-  
 tum insipienter desipiam . Quemadmodum  
 qui peruenire aliquò statuit, cum tutius pos-  
 sit terrestri itinere, sæpenuerò non recusat,  
 quo minus, soluta ora, illuc adnauigando ad-  
 ducatur : quod nimirum voluptatis illece-  
 bra non careat , quod per vices ac sponte  
 fiat . Vale .

Scriptiōem , Fucci , ad hunc modum in-



formaui. Tuum, ac Fabii Leonidæ iudicium expectabo; quibus illa, acerrimè castigata, magnam habitura est gratiam. Valete Viri candidissimi, & Bottini politissimam Epistolam, toties promissam, ad austerioris nostræ leniendum tædium, suauissimè perlegite. Pridie Natalis Ambrosiani.

V. C. Io: Baptistæ Lauro

Io: Baptista Bottinus. S. D.

**D**Ebebam antea plurimum humanitati in me tuæ, & verebar, ne ingratus existimarer, qui voluntate quidē, atque amore tibi responderē, parem tamen gratiā re ipsa non referrem. Sed tanta nuper facta est accessio ad æs alienum meum, ut si putem posse à me vlllo vnquam tempore dissolui, planè ingratus sim. Nam quod me quoque in tuam Centuriam adscripseris, tanti æstimo, quanti ipsam nominis æternitatem: neque enim dubito, quin Epistolæ tuæ futuræ sint æternæ. Quapropter cum primum audiui ab humanissimo, tuique amantissimo Francisco Fuccio, me tanto beneficio à te esse affectum, incredibili læticia sum perfusus. cum vero relegi Epistolā, iamdiu ad me scriptam, iterum mirificè delectatus sum argumenti festi-



festiuitate . Cui enim risum non exprimat  
lepidissima illa Nasorum Historia ? Ego au-  
tem hoc risi effusius , quod venit in mentem  
amici cuiusdam non ignobile facinus . Hic  
ætate superiore cum forte in aduenam inci-  
disset, Urbem visendi studio perambulantem,  
cui ingens Nasus mento imminebat, ipse,  
suo naso manu vix obducto , illi obuiam fa-  
ctus , Heus tu, inquit indignabundus , quid  
isto naso viam impedis? flecte, sis, paululum  
ad dexteram . tum aduena grauitè eius au-  
dacia & ludibrio commotus : At ego, inquit,  
pugnis oculos tibi ita conficiam, vt te posthac  
ne minimus quidem nasus offendant : iamque  
pallio humeris dimisso, plenus iræ in hostem  
irruerat ; cum homo facetus, recepto statim  
pede : ego verò, exclamat , pugnis tibi cedo ,  
naso non cedo : simul manu detracta , æquè  
ingentem nasum denudat . Itaque alterius  
ira in admirationem, mox in risum verfa , il-  
licò inter duos omnium nasutissimos fœdus  
ictum est . Hæc eò pertinent , Laure , vt in-  
telligas, omninò falsas esse suspiciones , quas  
tibi Fuccius iniecit . neque enim ego Cato-  
niano supercilio à iocis abhorreo . Sed ho-  
mo aulicis artibus egregiè instructus , me-  
tuens fortasse , ne tua beneficia me tibi fa-  
ciant in dies cariores , dissidiorum causas  
ferit, & conatur alienare à me voluntatem  
quam

tuam : quod si virum bonum induere velit ,  
 profectò fatebitur, me tibi apud ipsum egisse  
 vt debui, maximas gratias . quamquam hoc  
 officium & feci iam ipse tecum coram , &  
 nunc iterum facio per litteras ; vt planè per-  
 spicias curam mei ornandi tuam mihi fuisse  
 gratissimam , idque loco ingentis muneris à  
 me haberi . quod cum profitear ; sequitur  
 illud , vt te existimare velim , me daturum ,  
 omnem operam, vt meum tibi debitum stu-  
 dium, & obseruantiam nunquam desideres .  
 Vale. Romæ Ex Aedibus XI. Kal. Decemb.

XIII.

*Antriam*

Io: Baptista Laurus S. D.

Dionysio Veliaæ suo .

**T**Unè Comœdiam meo nomini inscri-  
 bas , Velia ? eamque illustrem , festi-  
 uam, lepidam, te dignam artifice celebra-  
 rimo ; cuius grauitas iocis & salibus ita  
 adspargitur , atque conditur , vt veræ sa-  
 pientiaæ pallium nunquam dimittat . Miri-  
 fice placuit Fabulae totius οἰκονομία, & vbi-  
 que τὸ ὁμαλόν : tum mos integer, tempe-  
 rata dictio, quâ tempestiuè ridiculis ludens ,  
 quâ præceptis populariter informans , re-  
 rumque non sine iucunditate perturbatio,

ca-

earundem non sine admiratione compositio. Perpauci autem, me Iudice, superiore seculo vixere, qui in artificioso Poëmate pertendendo industriam laudabiliter posuerunt. Nostratibus quidem, ut de exteris fileam, haud infeliciter contigit hoc stadium decurrere. Etenim sicut Sfortiæ Oddi excellens ingenium æquavit nemo; ita nec Christophorus Laurus Patruus meus cōtēnitur, Frāciscus Podianus, & Iacobus Chryfaldus admodum laudantur: certè Caporali nostro, uti conijcio, perlepidi homines, quo plausibilia Orbi sua redderent nugamenta, perbellè imposuere. Nunc verò altero ineunte seculo, maioris Oddi gloriam Galeottus filius, Artium liberalium dotibus insignis, pulchrè æmulatur. Nec tu cuiquam mi Velia, de loco cedas: novi modestiam tuam. parcam loqui de te, metuens videri amori indulgisse, aut assentatiuncula par referre voluisse. Igitur obstrinxisti me beneficio non vulgari. Tuam Hebræam Catechesim fac diutius ne desiderem. Stephonianis scriptis, quæ poposceras, P. Leonis Sanctij Solarium Gregorianum, & disertissimas Orationes ad Perusinos nostros adiunxi duas; alias Tarquiniij Gallutij Viri præstantissimi propediem expecta. Vale. Romæ.

Leandro

Leandro Galganetto. I. V. C.

Io: Baptista Laurus S. D.

**E** St cur amico Numini, quod tibi tam præclarum consilium iniecit, de Institutionibus Lancelotti popularis mei, Pontificia auctoritate muniendis, euulgandisque, ingentes gratias Perusina Ciuitas habeat; quæ id beneficij (modò cuius ipse rei auctor perficiendæ fueris, ea ex voto perficiatur) à Paulo V. relatura sit, quod à Paulo IV. non potuit, & ab interiectis tot Pontificibus frustra expectauit. Mandarat enim Petrus Paulus Carrafa, ubi Paulus IV. renominatus est, Io: Paulo Lancelotto, ut eam, prouinciam Institutionum Iuris Canonici conscribendarum susciperet, ad quam Gregorius IX. Bonifacius VIII. & Clemens V. (ut hosce in primis commemorem, qui sanctissimam facultatem ad certam formam redegerunt) animum non adiecerant, quippè ea tempestate adolescere videbatur; alij vel distenti negotijs, vel non diu superstites, non valere. Rem homo nauiter aggressus est, ac feliciter absoluit, sola Pontificia deficiente Tessera. Quare eiusdem Patris Beatissimi iussu, duo ex sacro Pontificio Auditorio adlecti,

adlecti Fabius Acorambonus Decanus, & Julius Oradinus, cumque his vna Antonius Massa, Lâcelotti librû diligentissimè excuserunt, & amplissimo testimonio per litteras ad Pontificem primum, deinde coram verbis honorificentissimis approbarunt. Interea dum ille limam ex suo iudicio, qui omnia totius prædicatione Aulæ tardiusculè expediebat, apponere se velle dicitat, ætate ac laboribus oppressus, concessit in fata; nec qui post-secuti Pontifices sunt, intermisso operi manum admouere. Quamquam Pium IV. aiunt non nihil promouisse, curantibus Cicada atque Alciato Cardinalibus, qui tamen omnes postea congelarunt. Vnus Clemens VIII. qui Sanctionum Pontificiarum, volumen septimum adornabat, auctoritatem æquè impertisset nostro, cum calculis certorum Patrum dilaudatum, redemisset suum: Sed & hunc fefellit opinio, qui demum palam dicere non dubitavit; litterarias Vigiliæ minus maturè expendi, absoluique, ubi variè inter se se sentientium, consilia scinderentur, & multorum curas fatigaret, negotiorum in dies incidens cumulus, aut veterum necessaria extricatio. Igitur foetum vitalem futurum, Clemens VIII. è vitæ excubijs abductus, non eduxit: quod præstabit, Cælitibus annuentibus, Paulus V.

lus V. per quē iuris Pontificij sub Paulo IV. inchoata , perfectaque scriptio , æternam Pontificiæ lucis vsuram acceptura est, quam Pontifices decem , annis plus minus duobus & sexaginta, vel conferre neglexerunt, vel incerta conferendi spe destituti sunt . Vrgebis autem , Vir egregie, vti quā celerrimē tanti Principis inultum nomine , diuinum opus in lucem proferatur : & vt decimum quintum felicissimæ dominationis Annum , inter cetera posteritatis decora , vict uro in omnem æternitatem libro, insignem reddat Paulus Quintus . Vale. Ex Aedibus Romæ Non. Decembris .

XVI.

*Roma.*

Galeotto Oddo Baliuo Narnien:

Militiæ S. Stephani

Io: Baptista Laurus S.D.

**S**olutus hodie mane tam repente in Quirinali Senatus, institutum quoque inter nos sermonem soluit : quem , quia totum diem domi sedere cogor, venturo ad nos pomeridianis horis Oratore Hispaniarum, Epistola sarcire decreui, vt maturius , re intellecta , Decemuiros nostros , & Gymnasij Perusini moderatores submoneas , quid horum esse

esse muneris, aut hospitum, illic ingenii cultum capientium, tibi videatur. Ergo non ignoras, Io: Pauli Lancelotti Pontificias Institutiones, Paulo IV. iubente, compositas; nunquam tamen huius, aliorumue, qui postea in illo fastigio collocati sunt, auctoritate in publicam Academiarum lucem emissas. Leander Galganettus I. C. Pistoriensis eas Pauli V. nomine publicari cupit; instatque apud eundem adeò non frigidè, vt cines ipsi ardentius non possemus. Interea dum frustra olim sub Paulo ac Pio IV. excitata machinæ, recoquuntur, ac denuò incus tunditur; nostrarum partium, quicumque ex Academia Perusina pròdiuimus, esse existimo, coniunctis precibus editionem à Sanctissimo Domino efflagitare. Et quo petitio maius habeat pondus, maioreque cum dignitate adurgeatur: quemadmodum superstite Lancelotto, tunc ex vniuerso nobilium cœtu, qui Gymnasium nostrum frequentabant, delecti sunt duo, Ptolemæus Senensis & Glusianus Mediolanensis, missique huc ad Pontificem fuerunt cum litteris Hippolyti Corneci Episcopi, & Myrti Episcopi Caiacensis Gubernatoris: ita nunc velim non solum ex illa classe legari duos; sed par etiam Iurecōsultorum; cum præsto futuri è nostris hic sint Comitulus Episcopus, Franciscus Vbal-

dus,

dus, Hieronymus de Oddis, Antistes Tipher-  
 nas, Paulucius, & Illustrissimus Gherardius :  
 Cardinales præterea Aquinas, Iustinianus,  
 Lanthès, Lenius : primores denique in  
 Romana Aula, qui Perusiae Iuris utriusque  
 lac fluxerunt, quorum amplissimus est nu-  
 merus : ut ficleam protritum illud ; Gymna-  
 sium nostrum videri Seminarium quoddam  
 Præsulû. Cardinaliû, Pontificû, quibus Perusi-  
 na Vrbs titulis admodum gloriatur, tametsi  
 alienis ; cû ob fortunæ inclementiam in præ-  
 sens non queat suis. Tu eiusce rei rationem,  
 Odde, iudicij tui libra examinabis, qui Sfor-  
 tiæ Patris consultissimi sapientiam refers.  
 Et qui consilijs abundas optimis, Academiæ,  
 ac Magistratui, cuius hic vices apud Ponti-  
 ficem geris, pro re dabis, quàm ego innue-  
 rim, meliora. Vale IV. Id, Decembris.

XVII.

*In Quirinalem.*

Scipioni Cobellutio

Card. S. Susannæ

Io: Baptista Laurus S.D.

**N**Ostra nimium interest, qui te litteris  
 molestè appellamus, ut Io: Pauli Lan-  
 celotti Liber, tuo beneficio, perveniat in ma-  
 nus eruditorum, Pauli V. suffragio, & aucto-  
 ritate



ritate munitus. Et sanè ubi rescivi, plurimum è fontibus consiliorum tuorum ad eam rem peti posse, exilui gaudio, & gratulatus sum Manibus popularis mei, simul Vrbi, acque Academiæ nostræ, quibus id aliquando ornamenti accesserit, quod à Paulo IV. & Pio IV. multis licet tum ex primaria nobilitate adnitentibus in Vrbe Viris, vitio tamen temporum, nec rationibus adeò ad pacem litterariam compositis, impetrari nō potuit. Nunc autem cum Pontificis singulari sapientia res Christiana mirum in modum, floreat: in magna scilicet veterum dissidiorum obliuione, quibus sub illis Pontificibus pleraque Romanæ ditionis conculsa sunt, & in viuentium honestissima quadam ambituincula, studiosorum conatibus afferre prælidia laborantium, consilium de eo iuris Pontificij vestibulo stabiliendo abijciendum non videtur: ac iurè debet in tanto otio bonarum Artium candidatis Paulus VI. quod posteritas fauentibus & animis, & linguis exceptura est. Tu verò Vir Clarissime, si sedulò pro nobis prenses, qui in laudabili cura consenuimus (ac patere quæso, hos tantulum spatij curis grauioribus, quæ tuam sapientiam assidue circumuallant, suffurari) cum à studiosis omnibus inibi summam gratiam, tum Pontifex à Perusina Ciuitate

30 Io: Baptista Lauri

non Signum modo referet zneum, aut mar-  
moreum, quod antehac optime de se meri-  
tis Principibus liberaliter indulget; sed quod  
iniuria temporum nunquam concidat, &  
comminuatur, enixè dabit operam; ut in  
singulorum recessibus animorum, in publi-  
cis monumentorum tabulis, in scriptis de-  
nique, quæcumque inibi procudantur, be-  
neficij accepti collocata memoria, quantum  
fieri queat, cum æternitate contendat. Va-  
le Romæ, Idib. Decemb.

XVIII. *Gandauum*

V.C. Iusto Rycquio Belgæ Gand.

Io: Baptista Laurus S.D.

**E**T vixi in Vrbe iam annos aliquot, & ve-  
antiquitatis non incuriosus, Romæ Ro-  
mam sæpius quæsitam, nuspiam inuentam,  
nunc tandem potiore ipsius parte reperi-  
per te, Rycqui doctissime, in cuius illustrato  
Capitolio feliciter assurgit, & felicius trium-  
phat admiratio. Benè sit mucroni asti Bel-  
gico, qui Gothorum ac Vandalorum iniu-  
riam tam ingeniosè vltum iit, & à quo lon-  
gè plures expectantur manubiæ, quam do-  
mestici, aut peregrini hostes damna intule-  
re. Gratulatus Illustrissimo Cobellutio sum  
excel-

excellentis doctrinæ tuæ monumentum, quod amoris atque obseruantix in ipsum, eruditionis ac facundiæ in posteros edidisti. Ego iam pridem apud Saregos Comites Perusix tibi non ignotus, nunc coram Patricio Gandense seculi ago causam, præsidium à tua florenti ætate litteris, senio laborantibus, efflagitantis. Iuua igitur tua industria Scipionis Genio litantes Musas, & crede ad pristina decora multò honorificentius redituras; quandò votis nostris ex Senatorio Ordine complures fauent, & in clientela, si minus tui similes, hoc est, doctissimos, famæ saltem alicuius candidatos fouent. Vale, amabilissime Rycqui, quem amplissimæ Ciuitatis modò donatum iure, vt V. C. Franciscus Bartholinus meus indicauit, Roma ob vetus repræsentatum Capitolium, suum iam dici mauult, quàm Gandensem. Ex Vrbe Prid. Id. Nouemb.

*Romam.*

Præstantiss. V. Io: Baptista Lauro  
Iustus Rycquius Gand. S. D.

**I** Tànè verò litteras à meo Lauro, post silentium tam longum? litteras iucundas, amœnas, elegantes; & quidem mittente

amœnissimo atque elegantissimo Viro Francisco Bartholino ! Odiem niueum ! ò horam inexpectatam ; amoris camen nostro , quem illibatum tibi hætenus seruo , verè debitam & iustam ! Sanè si vel somnio , comperissem te in illa luce hominum , atque gentium hætenus versari , non omissem , quoties conscripsissem ( scribo autem *supissimè* ) quin aut litteris te singularibus appellassem , aut in ijs , quæ ad amicos , amicissimi animi testimonium prodidissem . Nunc quod negligentia mea , siue locorum , in quibus versare , ignorantia , contigit , vt officia nostra desiderares ; conabimur , ne quid in posterum conqueri de cessatione nostra possis . Et si ne nunc quidem , cum maximè opus erat , vllam in me querelam effuderis ; sed benigna vice ijs me laudibus exornaris , quæ amorem potius Tuum nimis beneuolum atque constantem , quàm irati , aut offensi animi significationem continerent . Dabo igitur operam , vt i dixi , vt *ἀντίφιλῶσιν ἐμῶν* posthac diligentius agnoscas ; & si quid Musa nostra præstare possit , aut polliceri , quod in spem posteritatis blandiatur , hinc quoque voluntatis nostræ perpetuum testimonium habebis . Quamquàm istorum tædio temporum elanguit animus , illud quoque vitæ genus , temeritate nescio , an iudicio delectum , in  
quod

quod ex occupationes inciderunt, quæ omnem ferè veterum studiorum vsum eriperent. Quoad tamen eius fieri licet, horis subsecivis amœnitati litterarum indulgeo, & in posterum lubentius indulgebo, quum benignitate Patronorum ea fortunis nostris accessura ornamenta confidimus, quæ vovere magis hætenus potuimus, quàm habere, vel impetrare. Tu quod in publico illo Orbis Theatro nactus sis spectatorem Virtutum tuarum Illustrissimum Barberinum, felicitati tuæ, quàm possum maximè, gratulor. Is enim vir est, qui prisca illa Senatorij Ordinis decora vel æquat, vel superat; atque de Ingenijs iudicare constantius novit, quia Ingenijs ipse maximis Virtute propria meruit accenseri. Huic tam eximio fautori tuo, si dignus videor, quem commendes, fortunam meam cum Persarum Regibus non commutem. Antèquam obsignem, est etiam, quod abs te peti velim: id ne frustra repetam, Cl. Bartholino indicaui. Si non incommodum est, amici causa facies rogatus, quod si Te novi, vel tua sponte præstitisses. Vale. V.C. In Agro Vasio.

Angelo Mariæ Berardo Theol.  
Seruitæ Io: Bapt. Laurus S. D.

**S**uccenseo, Berarde, Epistolis meis, quæ præposteros, nactæ Tabellarios, Salernum ad Binû Ciardolinû nostrû nõ perferantur: quem non est, cur accusem; in officio cessare non solet, & carior mihi est, quàm ut viro possim irasci. Semel vltro ad hunc scripsi: iterûm ac tertio, te rogante. postremas vna cum Card. Lenij litteris, attulit secum Archiepiscopalis familiæ præfectus, qui à Salernitano Archipræsule, Pontificis iussu in Belgium proficiscente, Salernum ad rationes domesticas procurandas, redire est iussus. Valdè tamen vereor, ut hoc anno Ecclesiastica illa nobis tradatur Vigilia; quod videlicet cuiusdam Principis, qui pro Hieronymiano anteuertit, nimium gratiosæ fuisse dicantur litteræ. Urgebimus nihilominus, nec voto nostro denique non fiet factis, vel si in sequentem annum, aut ab eo proximum, reijciamur. Sed dum hæc ad te meditor, si quid sit opus, tibi me ut purgem, accersor properè ad Raphaëlium, cui quartum iam mensem non cum Medicis, verius

rius cum Morte ludæ est. O immanem hereniam! ò malagmata ad vitæ tedium hominem enecantia! Prodigiolam ὁ δρεκν' λην ferro parant aperire, ut quæ ibi malorum lerna occultetur, erumpat; & corpusculum paulatim exarescens, quod sperant, ad sanitatem reuocetur. Incidit autem (quod Deo acceptum referimus, ac B. Philippo Benicio, cuius tu istic Apotheosim diligenter promoues, & in quam Raphaëlus diu excubauit) in Medicos, & Chirurgos omnium experientissimos; hi tam ex arte malum leuāt, quàm blandissimis verbis leniunt. Eò nunc accuro, ut sectioni intersim. Et quamquam parvulus animo meo infederit; dum globus ille carneus perfodietur; iuuabit in atroci carnificina æquabilem & constantem amici vultum intueri; quem ita aiunt composuisse, ut si aliena res agenda effet; eaque tantum in parte videatur fore fungens, cetera ferreus, atque adamantinus. Benè Vale. | Roma XVI. Iulij

XX. 1611. Roma.

Bonifacio Beuilaqua Cardinali,  
Epis. Ceruicn. Io: B. Laurus S.

**B**easti me illis verbis, Cardinalis amplissime, quibus hodie mane in Vaticana



Aula inambulantem, cum ad Pontificiam, deducereris ipse, præteriens allocutus es. *Ἡ γὰρ οὐκ ἔστιν αἰὶν ἡμῶν ἀπὸ τῆς ἀρχῆς.* non poteris breuius, argutius, explanatius rem desideratissimam expedire, qui pro cūra planè paterna, qua tribules, ac ciues meos, inde ab æquissima Perusina Legatione tua, complecti voluisti, visus es eos laqueos à nobis excussisse, quos astutus auceps triennium totum intenderat. Superis gratiæ, disiecti sunt, obtriti sunt. Iam tutò licet ex auriaria cauea euolare, cum nullæ pedicæ, nullæ viscata frondes, nullæ circum insidiz, delitescant. Sed operæpretium fuerit, ne posthac in nidulos nostros venenum vllum aliundè importetur, amuleto ipsos aliquo lustrare, ac præmunire; quemadmodum in id Palumbes vtuntur lauro, Aquilæ calitricho, Turdi myrto. Cogita, obsecro te, Beuilaqua sapientissime, qua nos ratione hominum eiusmodi furaces manus queamus declinare. Nam qui in tua beneficiæ præsidio fiduciam reposuimus, æquum est inermes à te vno tela expectare, quem vnum maximè à præsidij omnibus firmissimum, & scimus posse suos defendere propter auctoritatem, & non nolle propter benevolentiam. Ex Aedibus.



Francisco Cennino Episcopo

Amerino Io: B. Laurus S. D.

Hic deinde Pontificis Nuntius apud Hispaniarum  
Regem creatus est Cardinalis.

**H**eu quantum tibi à nobis molestiarum  
exhibetur ! quantum oneris tua beni-  
gnitas quotidie patitur adiungi sibi ! dum  
fronte adeo perfrieta , vota votis , preces  
precibus cumulamur , & id solum non per-  
gimus efflagitare , quod vsus non postulat ,  
animo non ingéritur , linguae non occurrit.  
Quznam mea hæc licentia ? quznam tua  
hæc liberalitati con iuncta modestia ? Benefi-  
cium præterea auges , spem faciens rei pau-  
cos intra dies penitus absoluendæ . Nec in-  
mentem venit vlllo pacto subuereri , ob id  
fore te in negotio magis sedulum , vt hac  
petitionum graui sarcina te tandem leues ;  
( ne ego iterum , ac Raphaëlius tuus iam fef-  
sum ac respirantem nouis postulationibus  
opprimamus ) iratus quorundam Etrusco-  
rum importunitati ; qui cum ad Urbanum  
Quintum olim Legati accessissent , alter qui-  
dem , nulla ægrotantis Principis habita ra-  
tione , longissima Senem enecauit Oratione :  
alter verò festiuè subdidit : vnum illud soda-  
li excidisse : iussum semet , ni suorum  
peti-

58 Io: Baptista Lauri

petitionibus annuisset, eandem Orationem ab exordio recantare. quo perlepidō dicto delectatus Urbanus, Legatos voti compotes celeriter dimisit. Non inquam, ista cogitatio imponit mihi. nā tu Cennine humanissime, etiam cum conferre desisti, gratiarum valdē cupiens es conferendarum, & nullo tadio affici tua facilitas potest, quæ benē mereri de omnibus semper potest: neque facultati comes voluntas deest, cuius fructus antehac percepi summos; in posterum spero longē maiores, Vale in Vrbe Nonis Quintil.

XXII.

Roma.

V. C. Bernardo Gulielmo

Io: Baptista Laurus. S. D.

**R** Emitto Puteani nostri Promulsidem & Secundos Missus, mi Gulielme, qui per hos dies fuere mihi pro condituris ijs, quibus, adhibita frigida, furentibus Iulij caloribus obuiam ire consueuimus. Omnino pro delicijs habui, & visus est Vir ille pergere mecum in familiaribus sermonibus, quos nonnullis ab hinc mensibus suauissimē instituit, non sine tui honorifica mentione; quippe cui frequens sis in animo & in calamo, futurus

futurus in oculis multò frequentior, si ab Arce Louanij ad Capitolium, atque Amphitheatrum nostrum demigrat, quod tua virtus insigniter illustrat. Equidem notare è cauea possum, tametsi postremus omnium, ceteros ex Orchestra plaudentes tibi, quem & reliqui Ordines veris acclamantionibus con salutant. Tuis ad Clarissimum Puteanum litteris adijciam meas (nam te scripturum, Morellus indicauit) nempe habituras à tuis pondus, & abs te accepturas lucem, qui nos amas in paucis, & in Erycio colendo ita nobiscum certas, ut, cum superare videaris, ne coniunctissimi affectum obruas, vltro paria facias tamen. Vale. Ex Aedib. Non. Sextil.

Io: Baptistæ Lauro V.C.

S. D. Bernardus Gulielmus.

**E**rycio Puteano ut deberem, effecit vna & altera salutatio, quam binis ad te litteris mihi perhumaniter misit. Nomen meum paucis, & vix in vicinia mea notum, transmissum fuisse in Belgium, inter fortuita numerare possum; sed tam charè, amanterque fuisse exceptum, non possum nisi euidam Belgicæ humanitatis Genio tribuere. Agnosco in Puteano Lipsi Bonam Mentem, idest, litteras

litteras & mores. O mixturam mirabilem! doleo tamen, mi Laure, illius raritatem. Quotus enim quisque est, qui doctus simul & probus sit? doctrinam, quasi bonam segetem, malignæ herbæ, idest, parui mores opprimunt, & nescio quomodo florentis ingenij socia est obtrectatio. Quid plura? iam professio litterarum constat ex meris artificijs. Quocirca impensius gratulor tibi & Puteano Bonam mentem, quos styli, & vitæ candor coniungunt. Illi tu (quandò inter vos mutua litterarum missio intercedit) Epistolam hanc perferendam curato. hoc tibi onus imponit humanitas tua, vestra coniunctio, meumque in vos obsequium. Vale. Ex Mulzolo.

XXIII.

*Castilionem.*

Io: Baptista Laurus S. D.

Scipioni Ptolemæo V. C.

**L**itteras tuas adeò favētes nostris perinde legi, Ptolemæe, ac si Apollo Palatinus transmisisset. Igitur fuere mihi pro confortissimo theatro, quamvis laudes eas non agnouerim, quas in me plena manu congestisti. Verum si egregias animi tui dotes intucare, felicissimamque scribendi vbertatem

tem, qua inter ætatis huius disertissimos triumphas; tu is es, quæ minus deceat quæquam supra meritum efferre, nisi excussum iudicium tuum contra ius, fasque, velis interuertere. Quod piaculum ne candidum hominem incurrisse clamitem, & vt modestiæ tuæ sapientius ipse consulam, quam tu meæ; illud scilicet encomium ea conditione admi-fero, non qui in præsens vltio pacto tribui mihi posse animaduertam; sed quia tunc fortasse aliqua ex parte debebitur, cum complures Centuriones mei, liuoris legiones feliciter expugnarint; aut infelicius dimicantes clypeum saltent, ex Græcorum degibus, non amiserint. Iam verò Cardinalis meus tuo erga se studio, atque obseruantia mirum in modum oblectatur. E Bartholucio quidem nostro, qui se hesternâ die deambulanti obiecerat improuisus, haud quidquã exquisiuit prius, quam quid istic rerum ageres; vt valeres: tam beneuolè, tam amanter, vt homini nondum liqueat, vtri gratulari magis habeat, tuæne virtuti, an tantî Principis humanitati. Ego autem in neutro anceps: nam & præstentiam tuam ab eminētissimo quoque scio debere magnifici, & neminem altissimo dignitatis fastigio dignum iudicauerim, à quo tui similes amplissimis suffragijs non cohoneſcentur. Vale. Tudere. Kal. Nouembris.

Feliciano de Penna, Procuratori  
Generali Seruitarum

Io: Baptista Laurus S. D.

**E**T instas vehementer, & tuo camen iure  
postulas, Pater, vt Aurelio Raphaëlio,  
heu nuper nostro, concinnem Epitaphium.  
Porrò ista veniam, & laudem meretur pietas,  
quæ meum quoque animum stimulat, in ho-  
minem, dum vixit, maximè propensum;  
cuius memoriam par est nos superstites  
omni conatu propagare. Quare celeriter  
excogitaui, quæ possent marmori inscribi,  
longius utique victura, quam ipsimet, qui  
scribimus; memores interim mortalitatis,  
cui immincat obliuio, nisi benefactis ab ea  
vindicemur. Reuerendissimo Balthassari  
Bolognetto, vbi iacturæ admonueris, me  
me plurimum commēda.

Atque hæc ad te ex Aedibus, nondum  
certa luce, dum itinerarias ocreas inducit  
puer, meritorium Equum insternit aliis,  
ceterique è familia vrgent abitum; sarcinu-  
lis vtrouque reconcionatis, quas oblitus ve-  
speri, modò excussi, vt Scriptionem tibi Hi-  
spa-

spano-Gallicam conquirerem, & Francisco  
Mariæ Patriano meo, vna cum Archangeli  
Gianij Volumine, à Raphaëlio commodato,  
ad te perferendam darem. Miraberis, ad quor,  
qualesque exilium rerum prædictiones, à vul-  
gati Cometæ contemplatione, Gallus dila-  
psus sit, quibus nec Chaldæorū quivis super-  
stitiosior, nedum castigatior Ptolemæus ad-  
stipuletur. Quamquam in Turcicis, item in  
Germaniæ tumultibus, supra quàm Ger-  
manorum cuiquam expediat, diuinus fuit.  
Sextilem Mensem quod malum exitiabile,  
quòdque contagium Urbem peruasurit, caue,  
facto ipse periculo, quemquam doceas; sed  
valens, ac firmus, quid eueniat, nos admo-  
neas hinc discedentes, & in salubriorem pla-  
gam hoc æstatis concedentes. Tamen ego,  
quantum obseruationes Mathematicorum,  
vacillare soleant, didici olim ex Comète, qui  
anno MDXCVI Mense Iulio conspectus est,  
& ex alio, decennio exacto, Octobri ineunte,  
quo quidem tempore non tam creuerat  
prædicentium insolentia, quàm imminuta est  
fides. verèque exinde intelleximus, Cælum  
hisce Ignibus, per intervalla exorientibus,  
ostendere nobis dumtaxat voluisse, se steri-  
litaris minimè accusandū. posse autē in dies  
Stellas parere longè pulchriores, quod in  
sui primordio pulcherrimas procreauit.

Hæc



Hæc tu subtilius cum Colutio nostro, quæ per te exortatum volo, ut apud Illustriss. Hippolytum Aldobrandinum, multis nominibus suspiciendum, veterem patronum, mei memoriam interdum renouet, & nos serio ipse amet. Vale Pater amabilissime, ac tu præsta tantundem. In Vrbe.

De ætate & de rebus agitis non mubari, non potest  
XXV. *Perusiam.*

Federico Rodolpho Comiti à Fyrstembergh. Io: B. Laurus. S.

**V**Acat audire rerum nouarum aliquid. Accipe, Federice Rodulphæ nobilissime, quamquam in scio indignaberis; & ab intimo animo, quæ tua est excellens pietas, percolueris. Immanes scopulos & saxa confregisti, Libris editis, Archipirata Spalatensis Christianis proposuit vitanda: cum tamen penes eadem, paullo ante miserum fidei naufragium fecisset: sic denique larvam posuit sceleratus Mylla, & Romanæ sedi bello publicè indicto, in Anglicana castra se recepit. recepit autem? Imò audit iam Tribunus & Magister. Vah hominem audacissimum; ac facerrimū! lapidibus dignū obrui, & comminui; ut si qua alia lues immineat innocuo fidelium gregi, veterum exemplo,

expie-



expietur, sistat contagium, nec serpat latius. Pridie huius diei profectus in Vaticanum, legi præfixas Valuis Apostolorum, Pauli V. litteras quæ paternas, quæ minaces, ut ouiculam, si fieri possit, ad caulas reducat, aliòqui diris deuoueat contumacem; simulata mox effigie, ac persona Præsulis detracta, nullis non ludibrijs traducendum, exurendumque. Vides, quàm deploratas dent nobis fabulas quidam verbo Pastorum tenus, re rapacium Luporum imitatores. Iam mirari desuimus Gallicas desultorias, in quibus exilia, cædes, atque incendia, citra ullam Christianæ rei iacturam, exarsere. Nostræ nec tam prodigiosæ, sed multò atrociores, vulnera vix sanabilia, non sine spectatorum lacrymis, fidei truculenter insigunt. Deum clementissimum rogo, Choragum summum, ut scenam inuertat, & feliciore catastrophe concludat. En in hominem nefarium vibrat gladium Philippus Faber Fauentinus, ac gemino Volumine (vtrumque vidi) fortiter expugnat: Zacharias Bouerius classicum cecinit: & præclaram edidit pugnam Andreas Eudæmon-Ioannes. Vale Comes Illustrissime, nosque tui, & Horatij Mancini Abb. vestræ familiæ addictissimi, studiosos fouere perge. Ex Vrbe. Kal. Iulij.

Paulo Aemilio Sanctorio Archie-  
piscopo Consentino S.P.D.

Io: Baptista Laurus .

**G**Rauiter me increparem ipsum, Sancto-  
ri Vir doctissime, qui tam serò tibi me,  
meaque proderem, idque absens, cum in Vr-  
be coram sæpius potuerim: nisi hunc ex præ-  
termissione officij fructum caperem, quod  
nunc non tantoperè erubescam; dū homo nō  
planè angusti animi, etsi litteris parum ex-  
culti, me tibi offerre non dubito, quem om-  
nis eruditionis, eloquentiæque exemplar  
appellare consueui. Nam facit siue ingeni-  
tus quidam pudor, siue imbecillitatis con-  
scientia, vt non satis libens quempiam tui  
similium conueniam. Epistola promptior  
aliquantò sum, quod hac ratione subcharta-  
ceo quasi clypeo, celari videar, veluti qui o-  
lim personati obābulabant, paullū à se ip-  
sis abeuntes, alacrius inibant Scenā; id quod,  
submota larua, minus fuissent ausi. Ob illud  
præterea cū his litteris, venio non inuitus in  
conspectum tuum, quòd cum tibi reddentur,  
proximè aberunt Saturnalia, per quo-  
rum occasionem pileato Centurioni meo li-  
ceb. t

cebit apud vos liberè nugari, conuiuijs interesse, & te ipso coram latinitatis Imperatore, impunè barbarè, & inconditè loqui, Xenia quoque expectare; nimirum Historiarum partem aliquam, quas diutius debere Vrbi, atque Orbi non potes. Commouere enim iam pridem desiderio sui studiosos omnes, quos præteritorum perinde habes cupidos, ac præsentium mirum in modum curiosos. Vale. Romæ Kal. Decemb.

XXVII.

*Romam.*

Io: Baptista Laurus S. D.

Io: Baptistæ Auogadro. V.C.

**D**isceſſi Roma perinuitus, vel ob hoc vnum, quòd ſuauiſſimo congreſſu tuo prius frui non licuerit, quem de litteris Louanium miſſis certiore facere volueram, quas in fasciculum ſuarum, vna cum meis coniecerat Henricus Bonerus, Clariffimi Puteani contubernalis, mihi ab ipſo ante menſem de nota meliore commendatus. Iam vter iter ad hanc Urbem cum Illuſtriſſimo Domino Aulici omnes feliciter explicuerimus, frigoribus hic tamè malè accepti, imò pluuijs, ac niuibus, quæ præter modum Paſchatis ferias inquinarunt, mœrori noſtro à veſtro cle-

E 2

men-

mentissimo Cælo abiuncti, non facile mederi possumus, calamum, atque animum ad iucundiora, quæ hinc exulant, referentes. Ego alterum, vel si illa non absint, longè alijs queam minus, cogitationibus alienis in litteras mittendis intentus. Nam si nescis, qui Cardinali ab Etruscis erat Epistolis, domesticis, iisdemque grauissimis negotijs impeditus, se ab Urbe abduci non est passus. Huius vigiliam nos obire iussi. Quarè Patriam hinc oculis dumtaxat vsurpare satis habuerimus, illuc commigrandi cōsilio planè abiectio, nihilque de Dialogo, deque latinis Epistolis excudendis cogitamus, qui in Italicis æstatem comburemus. Hæc vestitas pallio dedimus nuper ad N. Centurionis nostri audaciam excusantes, qui tanti conspectum viri subire non sit veritus. Sed qui nos non amat in Sauonarola, cum interpretis, & quasi fer-ruminatoris in eo partes egerimus, liberabit nos onere legendi suas, qui nunc obruimur alienis. sic seriò loquar, ne nobis mercenaria præconia, mi Auogadre, obtrudamus. De Graphiscopia consilium probo, cuius scripta quæpiam, ab hinc quadriennium, istic memini me legere, & fortasse tua. Emptores inuenient talium non incuriosos, siue Perusæ imprimenda, siue vbiuis curemus. Doleo, quod haud propius absumus, quando

omnia

omnia litteris committenda non sunt. Cura,  
mi Io. Baptista, valetudinem, & V. C. Bonifa-  
cium Vannozzium ex me saluere iube. Tu-  
dere Idibus Aprilis.

XXVIII.

*Peram*

Io: Baptista Laurus. S. D.  
Cosmo Baletrino Dominicano.

**L**itteræ tuæ Kal. Septēb. anni MDCXVI.  
scriptæ, ad xii. Kalen. Februarii huius  
vndeuigesimi mihi fuerunt redditæ, de qua-  
rum breuitate apud tuos meritò conquestus  
sum; cum infrequens adeò commeantium,  
vltro, citroque tabellariorum traiectus sit, &  
scribendi officia inter nos perrarò vsurpe-  
mus. Quàm multa, Deus bone, interiacent lo-  
corum interualla! hinc illæ crebrò pereunt:  
Venetæ ac Mamertinæ sæpius minus tuæ.  
nostrarū naufragium certè factum oportuit:  
cum domestica omnia sic à te ignorari vi-  
deam, vt, diuersis nunciata temporibus, nunc  
compendio necesse habeam repetere; quod  
non possum citra molestiam. Ac fueram de-  
dita opera in postremis aliquantò prolixior  
non modò quia rerum nostrarum id Ilias exi-  
gebat; sed abs te vt elicerem vberiores; cum  
liceret ea perscribere, quæ de Sodalibus tuis,

E 3 Chio

Chio reuersis, tibi inter nauigandum contigisse; post cognoui: nosque de Turcicæ regionis moribus facere certiores: tum de conuerso nuper Imperio; de abdicato Sene, quem, aiunt, præstigiis, & incantationibus deditum; deque Filio iam demortui consalutato Imperatore: in primis quantum istic res Christiana per vos cultores adolescat, qui verbum Domini peruigili cura disseminatis. Sed tu inuisa nimis breuitate scriptiorem absoluiisti: tantum innuens, bellissimè te habere; recta, & tranquilla omnia istic esse, nostras auidè litteras expectare; nullam abs te scribendi occasionem prætermitti. Ceterum triennium totum, vt de Patre taceam, & de M. Antonio germano tuo, proximè à Venetis reduci, mihi tacuisti. Vix tandem binæ, tertio post anno; quæ illicò Perusiam ad parentes tuos, collectam ex longo sitim explere cupientes, missæ: quos de tua valetudine sollicitos, ingenitus excruciat amor; & exisse seculum arbitrantur, ex quo, infalutatis omnibus, Fulginia demigrasti.

Tibi autem heu quàm tristitia ingerantur, si huc mea vnus conferre studeam? quod parcè fecero, ne te mearum calamitarum, fluctibus velle videar obruere; è quibus, Superum fauente nutu, demum enataui. Anno superiore tres Herculani Fratres, nobis ve-

teris amicitia nexu coniunctissimi, cōtinenter elati, domestica cladi praeluserunt. hos deflere nondum desieramus, cum Io. Paulus Frater meus, ætate integra (alterum & trigessimum annum vix excurrebat) è medio honorum, spatio, ac spe florentissima fortunarum abreptus est, nosque mortalium ærumnissimos deseruit. Quam tragœdiam Pater tuus, Auunculus meus, mihi Romæ, nihil tale cogitanti, plenissima mitium alloquiorum, epistola, coactus obiecit. Inaudieram de Febricula, Florentino itinere, contracta, quæ & apud Thrasymenum in reditu inualuerat. magnam verò vsque adeò daturam stragem, ne Medici quidem opinabantur. Fortè XIX. Septēb. triennii iā exacti, Viros sex clarissimos, & omni virtutū laude præstantes in amplissimum Collegium adsciuerat Paulus V. è quibus Genuensis non multò post obiit; & quamvis vno ex his, alteroque prius vterer familiariter, omnesque obsequio colerem reuerenter; iusta que ob id suppeterent gaudendi causa: gaudium tamen, nescio unde tam impotenter erumperet, opinione cumulatius affluebat. quare eam lucem, panē cibi, potusque expertus, voluptate temulentus exegi. Me miserum! octiduo post tragicam fuisse persensī: ac Fratrem, eius diei primordio, purpuratorū inauguratricis, ex humanis euolasse. Vbi ad me redij; cogitavi, non te-



merè animum meum tum præ læticia exiluiſſe; quod Deus illo temporis puncto, Beatarum Mentium purpura Fratrem inſigniret, & trabeam immortalitatis immortaliter fruendam traderet: quam hic Purpurati ad paucos dies, aut annos induunt, honoribus breui duraturis, Pontificis quoque morituri, beneficio perfruentes. Triduo poſtquam iactuſum admonitus, reuertor in Patriam; hæreoq. vltra ſpatiū quadrimeſtre; quo tēpore proh quàm difficile negotium habui, res vt priuatim meas, improuiſo turbine diſiectas, ac laceras, componerem? Equidem è rationibus quibuſdam labyrinthæis nunquam me ad plenum explicafſem; niſi Pater tuus, Vir acutiſſimus, Theſei officio mecum paternè eſſet functus. Itaque redii ad Urbem paullò quietior, vnicum à Diuina clementia ſubſidium petens, cui hoc, quantumcumque obuenerit leuamenti, acceptum fero.

Factus verò ex ea clade noſtræ mortalitatis memor; modò extra Spem, Metumque, rerum humanarum ſatellites, me mihi fortiter vindicaui: neque inter Aulæ nugacia, quidquam de aſſerta libertate, imminuitur, quòd ſubſeruare ea mihi iubeam; quippe quæ otioſo ſapienter homini (abſit verbo inuidia) contra quàm plerique euenire ſoleat, voluptati ſint. Veluti enim interſim Fabulæ, rideo ſubindè Mimos, & perſonas, quas conſequa-



sequatur sibilus, & complosio. Ita hic se res nostræ habent: do nestica curat Pater. Sacerdotij Oliuetani rectissime composita lis est: & studijs, quantum per aulicas occupationes licet, datur opera vt sedula, ita & ad parandam mentis tranquillitatem efficax. Quin ad abstergendum penitus dolorem (didicimus autem leuamentum vnicum à litteris petere) superiorem Annum non illiteratis Vigilijs sic impendimus, vt Epistolarum cohortem ab Augusta nostra emiserimus: In ea de itinere, istuc à te suscepto meminimus dumtaxat: ad te nihil; propterea quod tuis minus nos ipse prouocasses; & vtrum, quas antea transmiseram, accepisses, ignorabam. Volumen per certum hominem Venetias ad V. C. Lælium Fontium afferri curauimus, qui in fasciculum Oratoris Veneti, apud Turcarum Regem agentis, conijciat; & Galatam Constantinopolitanam tutò ad te perferendum curet. Quamobrem & hanc scriptiõnem, Fontio transmittendam, haud perituram ratus, de industria longior esse statui. Nec tantum iacturam illam, licet omnium grauissimam, satis erit indicasse: vulnus aliud æstate anteacta nos transfodit, & quidem biceps. Christophorus patruus, & Bernardina huius Soror supremum vitæ diem obiit. Atque hæc quartum & octogesimum annum

annum agens, Viro superflite nonagenario .  
 Alter in Calabria , cum eo se recepisset per  
 causam declinandæ parumper inuidiæ, depo-  
 sita vltro Vicarij Mamertini persona , graui  
 oborto dissidio inter Hierosolymitanos E-  
 quites, quorum gerebat symbolum, & Hispa-  
 nienles . Ad quos icus haud imparatum ha-  
 bui pectus, qui didici carere omnibus, extre-  
 mus scilicet meorum, in hoc natus vnum, vt  
 efferam vniuersos; meque serio ad migratio-  
 nem, quæ mortalibus quotidie immineat,  
 comparem . Sed enim mitto flebile argu-  
 mentum, & desino de infortunijs loqui.

Recentiora portenta ad se vocant, quæ to-  
 tum terrarum Orbem incerta futuri lance  
 suspenderunt . Postremos vertentis Anni  
 menses Trabs ex igne conflata primum; duo  
 deinde Cometæ insignes tecerunt; quam-  
 quam natutinus tantum se nobis liquicò vi-  
 dendum obtulit. Emergere subito diuinæculi  
 simultates, prælia, a gritudines, funera pro-  
 nunciantes . Iam, ne penitus absit dictis fi-  
 des, feruet in Germania bellum, insurgunt  
 in Casarem ij, quibus famulari obsequio ni-  
 hil antiquius, nihil sanctius esse debuerat. Pe-  
 stis, fortè vltura perduelles, apud Bohemos  
 grassari cœpit; in pagis aliquot Heluetio-  
 rum Christiana res labefactatur. In magna-  
 tes quoque non nullos, qui ad amplissimos  
 hono-

honores cum errore hominum ; tum commendatione fumosarum Imaginum obrepserant , lævæ felicitatis exempla , lausta Nemesis , proferuntur . cum interea Seianus ille Gallicus , deterrere posset eos , quibus foret pecunia potior , quàm fides . Quod si par non obijciatur reflantis fortunæ mucro : infulis , ac verbenistribuendum . est : tametsi alterius inauguratrices manus , ab operatu adhuc calentes , audierimus constrictas vinculis , & Satrapem ipsum veloci effedo Oenipontem abductum . Idcirco maioris Exarchi iussu festinat hinc in Noricos , quo & ego inuitor , Vir è Duodecemviralī Collegio delectus . Quarè dum in Germanijs è Bellonæ Fano arma furialia educuntur , & odiorum incendia exaggerantur ; in Gallijs hilarè cantat Hymenæus , & Nuptiales in Sabaudiam adportat faces . Propediem & hic excitabuntur Burghesianæ , initaque societate , Aquila , Draco , atque Vrba inter sese amicissimè coibunt . Aderit Nupta ex Etruria ; speramus omnia plena plausus , & tripudiorū . Legati Heluetiorum heri perbenignè ab Vrbe dimissi . in Regno Neapolitano tumultuatum est in Gironium ; sed citra sanguinem compressus rumor . Turcicæ quædam classes à Prorege speciosa fraude captæ , direptæque : sumptæ ab his mutuò instrumenta , atque ornamen-

ta . Nauarchos enim, turbanque nauticam barbaro ritu, Petrus obarmauit. nostri exercitus bracciijs, cōtento arcu, appensa ad latus pharetra, abraſo mento; turbinato pileo, linis circumplicatis obuoluto, incedebant. Quid multa? ſefellit ex ſententia delatos improuidē per noſtra maria, mendax habitus & ſermo. Tormentis viciffim naues ſe ſalutant: dum plerique hoſtium, qui è puppi deſiluerant, aqutum tendunt, Prorex ſit propior, amicē excipitur: interea cædes cooritur, & magna in imparatos, nihilque tale metuentes, editur ſtrages. Maxima pecuniarum vi potiuntur Neapolitani; magnum Turcarum numerum obtruncant, longē plures captiuos ducunt, in his Virginem formoſiſſimam, quam in Gynecæum Turcici Imperatoris, adhibita cuſtodia, ablucebant. Sed quid iſtinc proximē eſt allatum de ſœdere cum Rege Perſarum iſto? Per multa apud vos ſint, de quibus nos queas facere certiores, ſi animum intendas; nec tribus dumtaxat verſiculis ſemper velis nos dimittere. Ego nihil præterea adiungam; quod ita implerim quaternas paginas, vix vt nomini ſubſcribendo vâcet locus. Vale Frater amabiliſſime, & Iſchiadem illam tuam, qua te laborare etiamnum ſcribis, alicui Turcarum liberaliter imperti: ad tuos, cum pri-

primum liceat, reuertare, meique inter orandum, sacrificandumque assidue memineris.  
Ex Vrbe Roma quinta Febr. MDCXIX.

XXIX.

Roma.

Io: Baptista Laurus S.D.

Gregorio Cybo V.C.

**H**oc est, mi Gregori, verè esse aulicum; rationes viuendi suas alieno arbitratu moderari, ab alterius præscripto hilum non recedere. Quam sanctè deieraueram, postquam hodie mane cum Cardinali tuo eram locutus, mansurum me domi, & aduentum tuum à prandio præstolaturum, cui grandia illa latentium Disciplinarum volumina ostendere habebam: in his Fortunati Scacchi Augustiniani Sacrorum (vt nunc quidem titulū fecit, neque dū edidit) Eleo-chrysmatum Libros quinque, quos ad me misit, eosque, rara eruditionis fruge resperfos, ad miraculum vsque suspexi: inspecturus postea vna tecum alios aliorum, si venissem in Vaticanum, quod constitueram. Cum ecce tibi horis pomeridianis Vincentius Suardus, Mantuanus Episcopus, imminet, Cardinalis vocat, adest Currus, in Hortos Ianiculenses imus, vbi diem fermè solidum condidimus.

Do-

Domum repeto , Iacobi Vectiani Nuptiale Carmen , ab eius populari accipio , quod secum Vir humanissimus attulerat , cupiens nobiscum congregi ; quem ego si allocutus essem , ereptam suauitatis tuæ consuetudinem al qua sarcire potuissem : sed frustra ille ad nos venit , & te carui : ac ne planè totus displiceam mihi , schedulam à me habe , quando me non potuisti ipsum ; quæ te in noctem saluere iubeat , me tibi purget , & hoc vnum de Harpocrate illo innuat : perpulchrè Theatrum , quod dicitur , mihi refferasse , mox clausisse . pro quo precor homini iratas Gratias , qui tam ingratè suos sibi ludibrio habendos putat . Sed hoc malè habet : illud me magno-perè delectat , quod à Hieronymo Besora , Barcinonense , Hieronymi Bossij Ticinensis missus est legendus Epistolarum liber ; in quibus multa de te mentio , & me non semel honorificentissimè appellat , Enimuerò tu , ac Massinius , mei nimium amantes , dum Ticini versabamini , Bossio imposuistis . Doleo , quod Philippo superstite ignorauerim : exposu-lasssem cum illo hanc iniuriam . Te obiurgare non ausim aulicus aulicum . Claudium Sullannam , hominem candidissimum , volo etiã atque etiam à me saluere . Ex Aedibus Nonis Quinctilis .

XXX.

Romam.

Maphæo Barberino Cardinali .

Io: Baptista Laurus S. D.

**Q**Uæ ego officia , dum istic sum , minus  
 sæpè usurpare soleo , quòd fucum ne-  
 icio quem in aula versantibus subo-  
 leant , ea si nunc negligam , qui ab Vrbe  
 absim, & plusculum existimer abfuturus, ni-  
 mis absurdè faciam ; præsertim intercurren-  
 tibus Sacrosancta *ἡμετέρας ἀπαστάσεις* ferijs ,  
 quas felices , ac faustas precari Principibus  
 prisca consuetudo iubet. Quam rem me quo-  
 que in primis apud te Patronum amabilis-  
 simum religiosè ob re decet, cuius eruditio-  
 nem, & amplissimam fortunam, cum pari hu-  
 manitate coniunctam, exerta, & clara voce  
 iurè vbique prædico. Accedit, quod nisi meus  
 calamus in eo utcunque incalescat ; videa-  
 tur frigore, ac niuib. planè obriguissè, qui-  
 bus per hosce dies propè hic obruti sumus ,  
 vbi suum Aeolus statuissè domicilium per  
 Hiemem creditur , quæ incrudescit adhuc ,  
 & nulla Veris habita ratione , Aestati vix de  
 loco cessura est . Ne quæso, Princeps, interim  
 patere, nostri memoriã apud te exole scere ,  
 dum hic hæremus , & Epistolis præter opi-  
 nio-



nionem additi alienis (qui in has prius vernacula Lampade excubabat, Cardinale non inuito, rationibus istis quibusdam expediendis præst) perrarò ad te danus nostras: cui tamen, absque litterarum officio sit, nihil scio esse exploratius, quàm hunc animum, tui oppidò obseruantissimum, meque excellentissimarum dotiumtuarum, vel citra purpuram, verissimum præconem. Vale, Tuder. xxij. Aprilis.

*Tuder.*

M. Cardinalis Barberinus. S.D.

Io. Baptista Lauro.

**I**N tuis officiosissimis litteris impressam, conspicio benevolentiam non vulgarem, qua me prosequeris, cuius imagine nihil gratius oculis animi contemplari possem. Hac igitur mirum in modum oblectatus, me tibi plurimum debere fateor, cum nullam temporis opportunitatem præterlabi sinas, arctius in dies me deuinciendi; tibi que inuicem ab omnium gratiarum largitore Deo, pari precor affectu, non solum hos solemnes dies, sed plurimos annos felicissimos, Pro comperto habeas, in te redamando, cui cedam, esse neminem: flagitat id à me tuus  
erga



erga me flagrans amor, morum suauitas, & eruditio: & si detur occasio, quam vehementer opto, meam hanc tibi propensam voluntatem, libentius re, quam verbis, testificabor. Vale. Dat. Romæ vi. nonas Maij.

XXXI.

Roma.

Ioanni Angelo Duci ab Altaemps  
Io: Baptista Laurus. S. D.

**N**obilissimum Satyrographorum Peresium, vberissimo ac doctissimo Casauboni Commentario illustratū, remitto, Dux Clarissime; cuius lectioni nunquam interruptæ, postremos hosce Tiburtini secessus, dies tanto cum fructu, atque vtilitate impendi, vt euaserim inde multò alacrior, & ad virtutis studium inflammator, planè vbique melior, coaceruatis ad sapientissimi Poëtæ monita, ab Isaaco aureis Chrysostomi, Nazianzeni, Basilij, Hieronymi, aliorumque eius notæ Scriptorum sententijs. Vt taceam priorem, ac posteriorem Platonis Alcibiadem luculenter expressum, & Stoici personam semel, atque iterum appositè exhibitam. Nam vbi de legitimo diuitiarum vsu verba fecit, de rectè propitiando Numine, votisque concipiendis, supra Eutyphronis, ac

F

Tyrij

Tyrij diatribas, se ipsum omnibus partibus meo iudicio, superavit: neque Christianus doctor utilius potuit precipere, neque eruditus interpres religiosius explanare, modo paucula abradantur, castigatis piorum auribus obstrepentia. cum tamen pudorem, virgineum in toto opere agnouerim, & utrumque morum permodestum censorem, ac verecundum egisse animaduverterim. Alterius verò prolixitas à legendo me non terruit, existimantem quodque longissimū, iuxta Aristophanem, esse optimum, pulcherrimumque. Quid plura? factus per te sum Persio amicior, cuius dictis etiam sciam Diuum Hieronymum, tutelarem meum, perlibenter usum. Huius patrocinium utrique nostrum perenne voueo, teque, Princeps humanissime, multa cum gratiarum actione valere feliciter iubeo. Ex Aedibus,

XXXII.

*Sangenesium.*

Gaspari Murtolæ. V. C.

Io: Baptista Laurus. S. D.

**E**T vultum mihi, & animum suauissima hilaritate, mi Gaspar, tua adspersit Epistola, qua officij, si minus prætermissi; dilati saltem, uti vis, excusationem obis, & in excusam

succam Dynastiam istam, in qua videris pro-  
pemodum consenuisse, vocibus perlepidè  
tragicis incandescis. Sed nec Eques Aurispa,  
Sororis tuæ vir, in reddendo Poëmate pec-  
cavit quidquam. Credas, amasse me tardita-  
tem, si qua fuit, qui dari mihi spatium vole-  
bam legendi prius Beresithiaden Gallico la-  
tinam, quàm Etruscam tuam delibarem.  
Quia verò homini aulico deesse occupatio-  
nes non ignoras, feci longius intervallum, &  
plures ego in euoluendo Libro contriui men-  
ses, quàm qui confecerat, verteratque. Com-  
modum igitur è Theatro Gallico defessis vi-  
ribus exeuntem, festiuissimè excepit Etru-  
scum tuum: in quo docta, varia, selecta de-  
prehendi; dum Cosmotheoriam, atque im-  
pressa homini diagrammata, Virtutes, Artes-  
que omnis generis, capacissimo ingenio tuo  
inditas, prosequeris. Quare si liberalitati  
tuæ referre parem gratias, ab ipsomet Poë-  
mate petendæ illæ sint, quibus tam merito  
abundat plurimum; quàm verè res, cuius  
argumentum speciosè tractat, ab ornatu no-  
men duxit. Adjicerem verbum de Piscato-  
rijs Odulis: verum qui sic splendidè partes  
conflantes Orbem in vniuersum expressisti  
numeris, non absimili genio his coalita mo-  
dulatus es. Velim tandem, sicuti propitium  
Apollinem in dicendo habuisti, propitia

item Iunone in regendo vterere. Nam quem (malum) mihi famelicum magistratum nar-  
ras præpinguis Prætor? eò tu scilicet vberta-  
tem importas potius; nec est mirum, si an-  
nonarium Præsidem oppidis sterilibus diu-  
tius præesse Princeps noster iubet. Opulen-  
tiora prestant tibi tua promerita, quibus  
aderit bona Iuno, hoc est, aurea. Vale, ac  
Musas vernaculas tuas identidem nobis con-  
cilia. Ex Urbē, Postrid. Kal. Iunij.

Sed non te celauerim, Murtula, quid ho-  
die gaudij Hannibali attulerim. Heri ve-  
speri Musæolum ab inanibus schedijs pur-  
ganti, eaque conscindenti, concremanti,  
occurrit præter opinionem Epistola, à Cæci-  
lia Poloniæ Regis Sorore, ad Olympiam Poë-  
triam (Margheritæ Sanrochiz, quinquennio  
autè vita functæ, prætulisses) Equitis Hanni-  
balis Cari, Poëtæ celeberrimi neptem, & Au-  
rispæ nostri matrem, scripta. Nam quo anno  
Ferrariense Bellum pænè exarsit, cum ego à  
Lauretana Virgine digressus, ad spectatissi-  
mam feminam hospes diuertissem, ea reddi-  
ta est, & autographam, exemplari relicto (cu-  
rioso quippè adolescenti illa non grauatè  
indulfit) mihi reëinui. Velim tu quoque le-  
gas, ac nobis pro exemplo assem pares. Va-  
le iterum.

Cæcilia

Cæcilia Dei gratia nata Regina Sueciæ,  
Gothiæ, Vandaliaëque, Marchionissa  
Baden. Comitissa in Spanhaim, Do-  
mina in Rodemachern &c. Soror Sere-  
nissimi Regis Poloniae.

Olympiæ Caræ Sorori suauissimæ.

**P**ostquam Anconam appulimus, magna  
humanitatis, & benevolentiaë officia à  
generoso Domino, Christophoro Zuccarino  
Equite, nobis sunt declarata, quæ nos vehe-  
menter inflammant, vel ceperunt potius,  
ut te tam prudenti, & in omni vitæ genere  
circumspectissimo Viro nuptam, maximo-  
perè videre cuperemus, vel ob id maximè,  
quod talem Virum non nisi prudentissima,  
& rerum maximarum vlu scientissima femi-  
na gaudere arbitraremur. Quæ res magnam  
à Diua Virgine Lauretana, ad te scribendi no-  
bis præbuerunt ansam; ubi aduentum tuum  
cum aliquantisper expectauerimus, idque  
frustra; rogamus ut, vel iam omni cuncta-  
tione abiecta, aduoles, & conspectu nos tuo  
diutius ne priues. Fortasse non pœnitebit  
te, me cognouisse. Vale, & de me optima,  
quæque tibi pollicere. iterum Vale, 31.  
Martij MDXC VIII.

Tibi ex animo benè fauens

Cæcilia.

XXXIII.

Roma.

Virginio Cæsarino . V. C.

Io: Baptista Laurus S. D.

**T**Estes habeo Viros grauiſſimos , Tuarumque Virtutum veriſſimos præcones , PP. Famianum Stradam, & Dominicum Francuccium , quanta per hos dies cupiditate flagrauerim ad te adeundi , & hoc, quidquid eſt Verficulorum , Tibi offerendi . Sed dum expecto , vt ex diuturno morbo reualeſcas , vel aliquæ ſaltem inducæ ſiant ; quo tibi moleſtiæ minus obijceret aduētus meus : fruſtra video eſſe votum ; pertinax morbus non remittit , & me tamen plus æquo meticuloſum Viri illi , Tui obſeruantiffimi, noſtri peramantes, ſubaccuſant . Ad quos ego: Accedamne importunus ſalutator , ac tantum ineſſe virium Carminibus putem meis , vt audita dumtaxat, aduerſam valetudinem ab ægro corpusculo propulſare queant ? quemadmodum Achilles Lyra perterrefaciebat Hectorem , & Regius Pſalter , ne ſacrum exemplum fileatur apud eum , qui ſpectatiſſimæ religionis ſit , à Rege ſuo intemperias fidibus proſligabat . Non ea eſt Camenularum mearum *ἐπίγνη*, Vos uos, inquam, Poeticæ

ticæ eloquentiæ Duces , id præstare decet ,  
 quorum voluntatem par facultas , faculta-  
 tem par exitus consequatur . Quid quæris ?  
 acquieuerunt scilicet , ac multò libentius ;  
 ubi recepi , missurum me vicariam episto-  
 lam cum Libello . Ea porrò aditum haud ita  
 difficilem habitura est ad te. quam si nunc  
 quidem excludas , & ad colloquium non ad-  
 mittas ; piaculum nullum est. me, si accessero,  
 quæ tua est comitas, facilitasque, audeo dice-  
 re, non potes . Vale ex Aedibus .

XXXIV.

*Perusiam.*

Io: Baptista Laurus

Francisco Signorello . S.D.

**C**Um forte nuper in Abbatem Signorel-  
 lum , Patrum tuum, Tibure reuertentē,  
 incidissem (perrarò nunc congregimur, ab-  
 sente hinc Cælio Card. cuius in nobili famula-  
 tu princeps ille est,) & ut sit, multa de rebus  
 partim Urbicis , partim nostratibus ( profe-  
 cto recens ad vos Gubernatore, Iulio Roma )  
 collocti essemus : interrogavi demum, nū-  
 quid de Pellini Historia Perusina, à Fregio ty-  
 pis data , istinc haberet noui . Memineram  
 enim biennio superiore, Volumen primum,  
 Venetijs editum , me videre apud Bibliopō-



lam Naccarinum; ac Fregium, qui compactum redimebat, dicere, nondum statuisse sese, publicaretne seorsim volumen quodque, an tria simul (totidem reliquerat Pellinus) quo rerum series vniuersa obijceretur Ciuibus, suauissimæ lectioni, post annos quadraginta inhiantibus. Negauit aliquid compertum sibi, Teque, qui proximè litteras ad se dedisses, nihil indicasse. Subinde ostendit binas tuas ad se, & ad Illustrissimum à Monteutere, politissimas herclè, & varijs elegantia luminibus resperfas: quas penès me esse voluit, vt, quoniam ipse Tibur recogitabat, significarem tibi, & valde illas ambobus placuisse, eosdemque nihil magis cupere, quàm de tuo in bonis Artibus progressu creberrimè admoneri. Subijcerem verò de Pellino verbum, & te vtrisque gratificaturum, si quid de Libris eius editis, aut mox edendis perscriberes. Iam calamo semel suscepto hoc addam amplius, tuæque cogitatio humanitatis plurimum hortatur. Velim Francisce, per te fieri certior: peccetne alicubi, quam hic Inscriptionem appinxi. Qui transmisit, vereor vt satis ex fide. Leges in marmore Fontis Laurentiani, præpilata illa cratæ ferrea obuallati. Nec Iosephus Nerius non erit consulendus, antiquitatis acutissimus, vt quidem Analectorum concinno opere



Epist. Cent. Sel. 89

re declarauit, indagator, cui precor prosperam valetudinem, & Tibi Musarum beneuolentiam. Romæ.

SIXTO PONT.  
NIC. PEROTTO  
PROPAPA AN-  
... VVE. QVAESTO  
RE ERE PVBL..  
NS INSTAVRA-  
TVS. MCCCCLXXV.

*Romam.*

Io: Baptistæ Lauro.  
Franciscus Signorellus. S. D.

**P** Robasse te scriptiunculas nostras, quas tibi, superioribus mensibus Hieronymus Abbas Patruus meus ostēdit, lætor, nec miror tamen. pro tua enim humanitate est, qua me vltro compellas, & ad scribendum prouocas, cui ego, non amore tantum, verum & obseruantia respondeo. Et fateor sanè, vehementer me tactum epistola tua, & mirum in modum ad laudis studium inflammatum, ea præcipue parte, qua significas, Auunculum, & Patrum meos, quorum monita semper facta tecta esse volui, summopere optare, vt  
ego in

ego in bonis artibus quotidie proficiam. Sed de his hactenus. Quod verò de Pellini nostri Perusinae Historiae Libris scribis. scias, nullum adhuc volumen prodixisse, sed tantum primum biennio superiori, dum tu hic Perusia fuisti, apud Bibliopolam Naccarinum visum, quod latet in tenebris. Reliqua, ut Elephantis partum, adhuc expectamus.

Inscriptionem, quam in calce epistolae appinxisti, Nerio Doctore meo, ut scripsisti, ostendi. Ille quamquam nec illius aui mixto-barbara monumenta contemnere soleat: hoc tamen accuratius expendere, operae pretium vix esse credidit. Et tu mihi hanc veniam dabis, mi Laure, si cum viro illo instructissimo, & ut ipse dicis, antiquitatis peritissimo, me facere dixerò. Equidem ex epistolae tuae prioribus verbis in hanc suspicionem veneram, quasi tu exigeres, ut illius, meamque sententiam de inscriptione illa perscriberem. ex posterioribus verò conieci, te potius desiderare, ut exemplum istud ad illum lapidem explorarem. Sed ego, ut verum fatear, substiti, & mecum reputare coepi, num aut flagellatae annonae, aut alterius huiusmodi flagitij compertum plebecula ista me habere posset. Scis enim, in eo conspicuo, & celebri loco fontes vinctos demore fisti, in quos turba saeviens poma mittat

tat, vt identidem exanimis fermè reddat.  
 Et licet mihi horum criminum minimè con-  
 scijs viderer, attamen ne vndique repentè  
 concursus fieret, si illuc accessissem, absti-  
 nendum potius esse duxi. Ceterum seriò, si  
 iusseris, propediem explorandum curabo.  
 Vale Vir eruditissime. Perusiæ.

X X X V.

Roma.

Io: Baptista Laurus  
 Vrsino Cardino S.D.

**N**Vlla mihi auis, si cum veteribus desipe-  
 re velim, nec præpes, nec oscen, nul-  
 lumque tripudium solistimum auspicatius  
 heri esse potuit: quàm tuus, Vrsine suauissi-  
 me, occursum. quem propterea vesperi sub  
 horam accumbendi ad me diuertere volue-  
 ram, quod multa mihi, Bononia reuersus, de  
 Thoma Dempstero, ac de Romulo Paradiso,  
 Viris eruditissimis, obstrepente nemine,  
 expedisses. Quemadmodum verò dixeram,  
 ægrè me laturum, si fidem falleres, ita nunc  
 habeo gratias, quod te frustra expectauerim:  
 perierit mihi licet plurimum Niuium in po-  
 tu, & ferculis. nam de cetero apparatu adeò  
 tibi non irascor, quem tu quidem absens mi-  
 nus corrupisti; vt diras omnes in Cæsaria-  
 num Vrsu iurè detorqueam, qui missus qua-  
 lesq;

lescumque , tanquam fœda. Harpya, polluerit, dilcerpserit, comminuerit. Rem audi, ne non mecum effusissimè rideas; non ut ex eo aliquid mali ominis nobis eruas.

Adductus est haud ita pridem in hanc viciniam Vrsus satis mitis, ac mansuetus, catenula tamen nunquam non reuinctus: qui cū grex Puerorum lusitat, edulia porrigens, manu permulcens. Heri incipiente Nocte, in exhaurienda Ceraforum corbe, quæ fuerat obiecta, occupatus, se mitiorem solito adolescentulis colludentibus præbebat: cum à nescio quo temerè laxato loro, ceruicem excussit, & in pedes se se attollens, perterruit vniuersos, qui veluti fumantem eius nasum grauiter lassissent, metuere sibi à saginato didicere, vnde & fuga sunt dilapsi. Imminere Animal abeuntibus, petere illi propinquiore domos, saxa, & fudes iaculari, clatrare fores, clamores in tota vicinia commouere. Vrsus hac, illacque protrusus, in nostras Aedes, incautius obseratas, irrumpt; Cellas vinariam, & penuariam atrienses famuli occludunt, culinam haud adeò celeriter potuere. Itaque Coquos negligentes, otiososque opprimit, & coquinaria Tragœdia iunestauit. quippè chytropodas, cacabos, ollas igni admotas, in quibus & erant cenaturis nobis comparata, totumque futuræ Cenulæ patri-

mo-

monium, immanissimè subuertit. Atque hic diutulè debacchatus, obito quasi triumpho de Spolijs Epularibus, recedit gloriosus, non expectatis depopulatæ officinæ Dijs victoribus. Profiluierant enim iam Coqui, mardentes iure, fuligine nigri, semiustos torres, mortarium, tonsillum, furcillas, ceteraque arma in hostem attollentes, vibrantes, congerentes. Verum in tutum prædo secesserat, omnibus plorare, ac valere iussis, quorum castra conuiuialia expugnarat.

Id dolens, exacta panè prima vigilia (nec audebat se in meum conspectum dare) renarrat Puer. ego risu diffluere, te dumtaxat hospitem miserari, cuius mensæ feroculus, & famelicus Vrsus ad hunc modum fuerat insidias molitus: spem modò vnā ultionis superesse; fore videlicet, vt hunc in Vino (trito nostratibus prouerbio) caperemus, quod in argenteo, & vitreo vasculo iam gelasceret; conficiendamque esse aduentoriam Cenulam cum embammatis, atque tragematibus. Sed suaserit tibi certè aliquis bonus Genius, ne friuolo ientaculo interfueris, vt hic totam noctem cogereris esurire. Haud sic opinor, res abibit in prandio, cui, propitijs Gratijs, hodie te his inuitatum litteris, nulla mora interposita, adesse iubeo. Excubito-  
res conduxī; nihil est in matutino triclinio

nio metuendum . Tu caue desis ; nec mensæ accingar, nisi tecum ; nam me incenatum , somnoque parcissimo refectum , facile potes conijcere , gestare in vtero obmurmurantem famem . Ni venias , conuiuij vtriusque impendium ad assem solues, ac restitues in solidum Vrsinus, quæ abstulerit, non abstulerit petulans Vrsus . Ex Aedibus ante lucem .

XXXVI.

*Roma .*

Io: Baptista Laurus S. D.

Rodulpho Buccalino. I. V. C.

**Q**uid ni verò exclamem , Rodulphe , ô fictilem hominem ! ô bullam momentotemporis nascentem , atque euanescentem ! ô procacem Parcarum lusum ! quem possem ferre , si in gregarios quosque exercerent ; sed in Viros & principes, & celesti præditos ingenio ambitiosa quadam inuidencia continenter ludunt. Nonne ita censeam , subtracto nobis per morbi vim nefariam , patrono optimo , amico incomparabili, eloquentissimo iuxta ac doctissimo Alexandro Magio ? in quo scilicet Aula respirabat vno , ereptis haud ita pridem , maximo Reipub. litterariæ damno , Alexandro Burghio, & Balthassarre Ansidro , Me autem præ-

præter publicam studiosorum vicem, par est, vehementius dolere; qui ita priuatis nominibus debebam ipsi, ut non arctioribus cancellis eorum occludi recordatio queat, quàm quantula futura est æui, quod vixero, diuturnitas. Memini adolescens, cum Perusiæ Beuilaquæ Cardinalis Prolegatum ageret, quàm optimè de me, & de reliqua familia fuerit meritus; tum quibus iuuenem consilijs, quibus cohortationibus ad capeendum iter laudis, ac doctrinarum paterno affectu impulerit. Clientulo nimirum Phœnix est visus, ex cuius ore Mercurij catena prodibat; auribus omnium, quos linguæ lenocinio circumduceret, inserta; cuius pectus (è quo, tanquam secretiore Musarum adyto, cogitata sapientissimè proferret) Bibliotheca quædam spirans erat, & obambulans Musæum. Inde etiam audiit perspicax Iustitiæ oculus; quamobrem à Clemente VIII. non vni Vrbi præfectus est, qui & Romam euocauit, atque in Sanctissimum Rerum publicarum Consilium, ut in Prouincias quasdam curam intenderet, cooptauit. cui pulcherrimo muneri sub eodem Clemente, Leone XI. ac Paulo V. laudabiliter obito, nunc immortalis est: nobis alienissimo tempore, imò nondum suo, qui annum quinquagesimum quintum non excesserat. Sed non  
faciam



faciam, vt pluribus exequar iacturam nostram, mœroremque tuum exaugeam, quo spectante (quamquam spes adhuc aliqua sub blâdiebatur, haud ita celeriter auris communibus destitutum iri, qui easdem ambientes precario reflatu salutabat) hominis expleta mortalitas est. porrò hæc expleta potius, quàm vita: cum grata posteritas immortalitatis honorificentissimo suffragio eâ exceptura videatur. Hæc suauitate colloquendi tecum, amabilissime Rodulphe, quem sospitem seruet mihi diutissimè præpotens Deus: in quo vno me consolor, & libentissimè acquiesco. Ex Aedibus. Kal. Martij. MDCXIX.

*Romam.*

Franciscus Suueertius.

Gauconi Gaukema Canonico

Aquisgranensi. S. D.

**A**Mo tuam satis crebram scriptionem, satis, nimis non dicam; non si in dies me compelles. Suauè semper à Gaukema, aliquid, & de reliquis Amicis audire, quos animo huic fideliter habeo insertos: inter quos D. Io: Baptista Laurus Perusinus, cuius Epitaphium pro Lipsio, & Centuriam Episto-  
larum



larum accepi . Grata omnia , quia à tali  
 Viro, quem ex animo amo , quia me non vi-  
 sum, neque notum amavit : quod illi signifi-  
 co Elegia nostra . Inuideo vobis ( cur men-  
 tiar ? ) quod mihi non calcare ea loca fas :  
 atque vtinam vel furtim liceat ! & panè , di-  
 cam cum Lipsio , Geniali aliqua machina,  
 eò transferri , & salutare Amicos omnes .  
 Nam hic , præcipuè in Bohemia, & Germa-  
 nia , nubes & tenebræ maximæ . Antuerpia  
 XXV. Februarij M.DC.XIX.

Romam .

D. Io: Baptistæ Lauro  
 Franciscus Suueertius . S. D.

*Et Vetus, ex tritum est: ignoti nulla cupido .  
 Sorde superiecta sæpè ita gemma latet .  
 Inuisus tibi sum , mihi tu . Quenam ratio ergo  
 Cur tuus, aut contra tu ineus esse velis ?  
 Et tamen hoc nuper cupidis euenit utrumque ,  
 Vt desiderio velles uterque pari .  
 Nam simul ac Virtus fama est tua cognita nobis;  
 Et studium nostri quàm foret acre tuum :  
 Illicet accenso mihi dulcem in corde calorem  
 Exciuit , quæuit omnia uti cupiam .  
 Et licet hic, BAPTISTA, prior tibi veneris ardor ,  
 Non minor idcirco flammæ secuta mea est .  
 Quare in amore duces oculos qui credidit , errat ;  
 Auribus est in te nam meus ortus Amor .  
 Hunc si porrò tua pergas ex parte fouere,*

*Qui modò sic natus, fiet adultus Amor.  
 Suavis Amor, nullisque fauis cessurus Hymetti:  
 Namque ubi verus Amor, inelle redundat Amor.  
 Illo auctore, animum cum Carinine do, dico, nostræ  
 Ut testis fidei sis citharæ apta fides.  
 Aut citharæ potius Maia satus ipse repertor,  
 Promissique tenax magna Hera, sancta Fides.  
 Numen habent ambo, testem tibi quemlibet opta,  
 Siue DEO mauis credere, siue D EAE.  
 Antuerpiæ in Oculo Urbium . CID IDCXIX.  
 XX<sup>to</sup> Februarij .*

FLORES LIPSII iam quintum sunt sub  
 prælo. Epitaphium ad Bonciarium scriptum  
 auribus meis inerrat: iterum edi, & viuere  
 dignum, quod per me fiet in FLORIBVS.  
 Tu me semper, semper amaturum ama. Sa-  
 lutem D. Gaukema amico optimo, qui  
 sæpissimè honorificam tui mentionem fecit.  
 Centuriam Epistolarum antea videram, &  
 legeram, mirè placuit. Vale mi Laure.

37 XXXIV. Antuerpiam.

Francisco Suueertio suo  
 Io: Baptista Laurus S. D.

C Armen aureum abs te, aurei pectoris  
 Viro missum, legi, mi Suueerti, & qui-  
 dem Gaukema, nostri in te affectus prodro-  
 mo, afferente: Carmen inquã, inita inter nos  
 amicitia pignus, longè iucundissimum, & dolci  
 amo.

amoris illicio quemque captivum trahens :  
 quod me continuo fecit suum . Quamobrem  
 verba , quibus tibi gratias agam , non faci-  
 le reperio ; ac confugerem ad consueta Mu-  
 saru officia , nisi nostræ tuis spontè cederent ;  
 ob id fortassis nō illaudabiles , quod Suocer-  
 tij laudibus volentes suffragantur , cui pal-  
 mam vel inuitæ , ac victæ deferāt . A me verò  
 quanto breviori epistola salutaris ; tātò pro-  
 lixiore benevolentia te altiùs in animum à  
 nobis receptum fuisse , pro certo velim tibi  
 persuadeas . Benè vale , meque hic ad nutus  
 & imperia tua præstò futurum , vt cœpisti ,  
 amare perge . Ex Vrbe Roma , Non . Aprilis .

38 XXXIX. *Perusiam.*

Io. Baptista Laurus S. D.

Cæsari Meniconio Academia  
 Insensatorum Principi.

**C**onflagrationem istam Decemviralis  
 Sacelli , quæ Cenam genialem veteris ,  
 recentisque Magistratus consecuta est , mo-  
 lestissimè audiui , Cæsar ; quemadmodum  
 olim Dominici Templi , apud vos om-  
 niū maximi , & vetustissimi , à Pio II. dedicati ,  
 subitam ruinam . Ac Palatina Aedicula vna  
 cum sacro instrumento , facilius queat refici ,

G 2 & sum-

norum Imperatorem vixisse : quo quidem nuncio magnus mœror bonis omnibus adpersus est , aliud belli incendium in Germania metuentibus . Sed Cælitibus Christianæ Reipub. salus cordi erit , qui nos quoque , mi Cæsar , seruent incolumes. Romæ ,

Eia quid Insensati nostri moliuntur ? caletnè de recudēda Francisci Coppettæ Poësi elegantissima consilium ? non facilè credas , quàm anxie à doctis exemplaria expectantur . Vrge , quantum potes . Licebit hinc & vos remunerare Academicorū Humoristarū doctis lucubrationibus : in his Hieronymi Aleandri Iun. Latinis , Vincentij Gramignæ Etruscis . Pellini Historiā Perusinam , si quando Fregius ediderit , nobis curā : ego Gallicanam V. C. Homeri Turturæ , proximè in lucē datā , paro iam ad Balestrinos meos , à quibus poteris petere , & valebis . x. April. 1619.

39.

XXXX.

Neapolim.

Bernardino Stephonio è Soc. Ies.

Io: Baptista Laurus. S. P. D.

**M**itto, Stephoni ornatissime, quod festinantibus Musis, vtinam benè fortunaturis, sub hos dies effudi Carmen: cui quantum, te absente, perierit Gratiarum (Mu-

tius Riccerius, Musarum delictum, agebat  
 Tusculi) indicat illud iam, quod languidu-  
 lum est, insuaue est. celeritas commendauit  
 nonnihil. Quippè tempestiuitate quadam,  
 efferuescentia aliorum studia, easdem Nup-  
 tias efferre gestientium, longè post se reli-  
 quit. Consultò autem perunlgatam neglexi-  
 mus horum Poëmatum ὕμν: neque euoca-  
 uimus Cupidines, Hymenæos, Veneres; Fe-  
 scenninos multo minus, à quibus in omni  
 scripto persanctè abstinuimus. Nàm huic æ-  
 tati, atque instituto, ad quod viuendi ratio-  
 nes accommodauimus: tum verecundiæ  
 Principum, quibus Epithalamium debeba-  
 tur, parendum fuit: qui propterea, opinor,  
 munusculū aliquantò vberius dilaudarunt,  
 me honorificentius exceperunt. Verum,  
 heu nos infelices! dum in calce liberorum,  
 prædicimus natalia, propagationes, atque  
 incrementa, percellit nos atrox nuncius de  
 inopinato amicorum quorundam interitu.  
 Iamque vt non in Patria solum desiderare  
 habeam Eugenios, Columbos, Ansidæos;  
 obiit hic nobis, plus quadrimestri morbo  
 enectus, Aurelius Raphaëlius: paullò antè  
 tui amantissimus, Alex. Magius: in Nori-  
 cis Alphanus, Cæsius, Vbaldus: in Bruttijs  
 noster Moriconus. Ceterum ne funebrem  
 epistolæ huius clausulam in totum delen-  
 dam

dam censeas; quæ turpiter à nuptijs ad Libitinam deflexerit; reuocemus, Stephoni, nobis in memoriam confarreationes illas, & consuetudinem Viris tradendi Virgines usu æquè, ac mancipio: quod de vitæ quidem vltura per exigua non est dicendum, quæ certo spatio, non perenni, datur mortalibus vendenda. Audin' Lucretium?

*Vitaque mancipio nulli datur, omnibus usu.*

Vale. Manliano secessu, quem Mantuanis Musis Dux Ferdinandus Gonzaga, olim Card. adoptauit, ad valetudinem confirmandam, Io: Gualterius Epif. quod tibi à me indicatum voluit, salubriter vititur. Ex Vrbe.

XLI.

*Romam.*

Io: Baptista Laurus S. D.  
Dominico Francuccio Theologo.

**C**Um nuper recognoscerem per otium  
DIALOGVM priorē meū, in quo personas facio colloquentes de Viris, istic litterarum gloria præstantibus; incidi in eum locum, vbi ex occasione inspectæ in Poecili Tabulæ, in qua Diua Magdalena, egregiè depicta, conspiciebatur: Beraldus (hunc & Veliam amicè congregi cōmentus sum) tui ad hunc meminit modum *Hanc mihi antea-*

*Et a vita flagitia, & noxas execrantem, excussa que altius, collacrymatione contractas maculas ex animo abstergentem, artificioso Dramate exhibuit Scipio-Dominicus Francucci, Vir, ubi ab humana, diuinaque sapientia fastigio paululum recessit, ad amœna Musarum Viridaria non grauati deflectens. Et quia complures imminet, non quidem ut edam (nam Dialogos consequentes haud dum confeci, neque absens ab Vrbe queam, qui de viuentibus in Vrbe sermonem institui; & scio, consilium, non improbari) sed ut copiam legendi faciam, quod saluo officio, negare non possum: interim verò periculum sit, ne quis sibi exemplum summat, quod auertere in mea manu non est: antè quam alicui dem, in mentem venit, de tui ipsius Nomine, ad eam rationem congeminato, te consulere ipsum, Francucci. Cum enim, quod tibi inditum natali die Scipionis nomen fuit, in editis hactenus leuioris operæ, ut sic dicam, scriptis retinueris; reicce-  
ris autem Dominicum, ubi Theologica publicaris, quæque istam magis decent, quam sustines, personam, ut es religiosæ obseruantix magnus cultor; occurrit mihi inter scribendum nexus ille nominum, quem aures sanè respuere non sunt visæ. Ne quid nunc tamen, te inconsulto, proferam, pergratum erit*



erit, si quam primum sententiã ea de re tuã nobis exposueris. Cupio etiam Epistolam Baiano reddas, quam perlectam obsignabis; nec tunc misi, cum exaravi, quod S I L V A E carebam exemplari, quod illi vnum, reliquis extortis, reseruaram, tamen si mox legit: Te, quæ tua fuit humanitas, commodante; qui amore adductus, nostra semper plus æquo æstimas; quamquam id nobis haud adeò mirum; cum eximiæ eruditioni tuæ, ne d se de sciscat, nihil, quod sit alienum ( quippè cui, quod desit, de suo largè tribuat ) non eximiũ videri soleat. Vale, ac Viris lōgè grauissimis Iulio Strozæ, & Gulielmo Settonio salutem à me plurimam nuncia. Tudere. Kal. Aprilis. M. DC. XI X.

XLI.

Roma.

Io: Baptistæ Lenio Cardinali S.  
Cæcilie, Episcopo Ferrariensi  
Io: Baptista Laurus. S. D.

**T**Va facit singularis humanitas, & magnitudo animi, summo studio erga me, benevolentiaque coniuncta, vt ad te non liberius solum, verum etiam audacius adeam, & in tuas grauissimas curas, proiecta quasi verecundia, irrumperere non verear. Rei enim

ex-



expectatio, cuius spem omnem in ope, ac  
præsidio tam effusæ beneficentiæ iurè repo-  
sitam habeo, valdè me sollicitat: haud quia  
minus id sis piè, strenuè, liberaliterque factu-  
rus: sed quia meritum meum nullum est, of-  
ficia mea in Mæcenatem illum nulla sunt; &  
quàm tu potes celeriter imponere extre-  
mam manum propter auctoritatem, tam-  
ego sustinere non potero tantam gratiam,  
propter imbecillitatem. At enim hoc est  
demum eius, qui summa valeat pariter, ac  
velit: clientulos suos omni ornamentorum  
genere cumulatè augere, magnificè cohone-  
stare. Nimirum vos decet Viros Principes  
Cælum, à quo, ob maximæ dignitatis fasti-  
gium, propius abestis, imitari: à Cælo sci-  
licet gratuita rerum omnium vbertas in Or-  
bem manat, & pro collatis muneribus nul-  
lum à mortalibus reposcit sænus, quia mor-  
taliū neminem fore nouit referendo pa-  
rem. Votis igitur acquiescit gratias vltro  
agentium, sibi que de immenso beneficio  
gratulantium. Qua quidem officiosa volun-  
tate plurimum à nobis afficeris, Leni: cui  
gratias eò vberiores, amplioresque agam;  
quò tu Cardinalis humanissimus, & ad be-  
nè merendum natus, voluptatem, & fru-  
ctum absoluto ex opere, æquè, opinor, vbe-  
rem, æquè amplum consecuturus es. Nam  
tibi,

tibi pro re tanta animum , calamum , vigi-  
lias , & lucubrationes omnes voueo ; cum  
præsertim habituræ semper illæ sint verum ,  
atque vnicum in tua sapientia perfugium , in  
beneficentia solatium , in amplitudine orna-  
mentum . Vale , VIII. Kal. Maij .

XLIII.

*Romam :*

Henrico Chifellio. I. V. C. An-  
tuerpiensi Io: Bapt. Laurus. S. D.

**N**Vnquam æquè fui in hoc secessu occu-  
patus. bis in hebdomade, sæpè etiam  
ter, grâdes Epistolarum acerui sese obijciunt,  
tam multæ huc Principem sunt consecutæ ,  
tam crebræ commoranti afferuntur , quibus  
omnibus relcribi oportet, vel si præter comi-  
tatem, atque officiosa verba, aliud contineant  
nihil. Quæ me res tædio enecat, tanto maio-  
re, quòd amicos appellare non vacat, Teque  
in primis , mi Henrice , qui cum diuturnio-  
re silentio sum vsus , quàm coniunctio no-  
strorum exigebat animorum . Accessit nu-  
per oculorum dolor , & quædam grauedo ca-  
pitis, cui decem turres quodammodo incum-  
bere videntur. Leuat tamen plurimum, quod  
propediem , qui hanc nobis tradidit Lampa-  
da, dicitur affuturus, cui continuò regeremus.  
Statui autem totos duos menses reficiendo  
ani-

animo impendere, & exeunte Maio, in Agellianum meum proficisci, vbi venari, studere, otuari liberè dabitur. Senecæ Tragœdias, præter ceteros Scriptores, in id paro: in quibus quia, post Medeam, Thebais mirè placet, & molestè semper tuli ad posteros integram non peruenisse; Eam autem cum Tu elegantissimè absolueris, & ad gemmas illas contuleris facundiæ tuæ preciosos Vniones; vehementer cuperem illorum mihi exemplum, Carminum transmitti. Enimuerò inerrat etiamnum auribus meis Iocastæ, atque Oedipi tui lacertosa oratio, tuorumque quasi Luscinia Iamborum. Da quæso operam, Henrice, ne hæc frustra me spes habeat. nec metuam ominosas Thebas, in quibus haud quidem Oedipum, potius exoculatum Homerum agnoscam, mihi Helenes poculum propinantem. Vale, & Iacobum Vectianum meo nomine saluere iube. Tuderti 3. Non. Maij M. DC. XI X.

*Tuder.*

Io: Bapt. Lauro Theologo Perus.  
Henricus Chifellius S.P.D.

**R** Ed didit mihi gratissimas tuas Felix Contelorius, vtinam te reddidisset, cuius

cuius illæ desiderium acuerè, & velut ignem cineri suppositum, denuò inflammare. Tertium iam mensem te careo, Vir doctissime, caret ipsa Roma, imò Respublica litteraria tota. Quicquid enim temporis negotijs illis, quorum te mole premi, & opprimi significas, impendis; Pegasides ereptum sibi dolent, & iurè queruntur. Otium ego quidem tibi, & quietem in Tudertini agri amœnitate, procul Romano strepitu, augurabar, & scaturientiū ea murmura fontium, salubrem, vt reor, Cæli plagam, pulchram denique ludentis naturæ varietatem, omnia Musis propicia, & ardentius te ad earum amorem excitatura, iudicabam, sed heu! contra euenit; ac tibi, vt video, in medio Tibure, an Tudere? Sardinia est: credo tamen molestum illud scriptionis onus alteri iam regefferis, quem mox adfuturum sperabas, & cum Beraldo tuo, ac Velia in gratiam redieris, quorum ego nunc apud te causam ago, atque nimis diu in carcere detentos, in publicum prodire permittas, enixè rogo. Doctissimi sunt eorum sermones, iucundi, vtilis, nec leuis ad Musarum, delicias incitamenti. Iocastæ meæ fletus non transmittō: cum enim propediem typis eos mandare cogitem, iucundiore adspectu leges. Iacobum Vectianum cum primum conuenero, salutabo: felicia tibi præcor, & regressum

sum tuum auidè præstolor. Vale Dat. Romæ  
x. Kal. Iun. 1619.

*Tuder.*

Io: Baptistæ Lauro S.P.D.

Jacobus Vectianus.

**H**Eri Chifellium nostrum, non viden-  
dus, inuisi, teque ibi reperi, quem  
nec videre, nec alloqui tamen potui, abs  
te salutatus. Enimuerò etiam hoc decrat, vt  
desiderium tui meum, quod sustinere am-  
plius haud queo, pauculis verbis, affectum,  
inducantibus, magis acueres. Igitur aut mi-  
hi para longioris epistolæ veluti capacissi-  
mum poculum, quo me proluere possim, &  
quod ait anus illa Plautina, inuergere in me  
liquores tuos sino ductim: aut insignem a-  
micitiæ nostræ iniuriam abs te factum iri,  
iam ante denunciò, ne tibi non prædictum  
dicas. Neque est, cur ad illud confugas cap-  
tionis genus, quod soletis ex hoc Aulicorum  
genere plerique omnes; in hoc otio pluri-  
mum inesse negotij. Scimus, & hanc veniam  
petimusque, damusque vicissim: quandò ne-  
que nos, Romæ qui sumus, ita cessamus ab o-  
pere, vt nugari, quàm libet, possimus, & ta-  
men interdum aliquid conamur, & amico-  
rum

rum recordamur. Et cogitabam equidem, scribere; cum ecce tua, non epistola, sed saluatio anteuertit. Neque illud obijcias, si-  
luisse me tamen hoc trimestri toto: nam re-  
geram, & fortassè iustius: qui enim diuina-  
re ego potui, ubi nam terrarum fores? nec  
me putes velitari, vera narro. Cum semel  
atque iterum ad Cardinalis ædes, Romæ quæ  
sunt, accessissem, tui inuisendi, alloquendi,  
tecum garriendi causa, easque reperissem  
occlusas; ita inde discessi, ut nunquam vene-  
rit in mentem istius secessus. Monuit deinde,  
cum ab eo quæsissem, Cuius tuus, Auditor  
meus (mensis nunc est, aut fortasse amplius)  
te tuum Cardinalem ad Tudertinam istam  
eius Ecclesiam secutum esse. Atque ego sta-  
tim mecum: delitescentem hunc, & veluti  
fugitium, deprehendam ipse meis litteris.  
At dum diem è die traho, meque auocant  
aut docendi occupationes, aut deambulation-  
es, aut aliorum causa susceptæ litterarum  
scriptiones, quibus frequenter distineor; en  
ipse te indicasti, & amorem in me tuum;  
quem ego, hominis nempe eruditissimi, di-  
fertissimi, omnium, quos nouerim, lepidissimi,  
ita amplector, ut arctissimè constringam, &  
cum amore commisceam meo, quo ob tuas  
animi, & ingenij egregias dotes flagro arden-  
tissimè.

Habes

Habes Epistolam inanum plenam verborum, & ex eo genere vnam, quæ vos cruciant præclara ingenia, meris infartam nugis. At quam deuorâ molestiam eorum causa, quos neque de facie nosti; illas causa respuas, quem amare, neque nunc, cœpisti? Ego verò non eo solum contentus sum, vt legas: sed rescribas velim, vt indices rursus & amorem tuum, & rectum scribendi modum. Vale. Romæ 3. Kal. Iunij.

Ferrarinum & meo, & Albertini nomine, quem nunc dimitto post longas confabulationes, saluta. Huic quoque, & si ignoto, magnam habeto gratiam: nam nisi me à scriptione auocasset, longiori te onerasset Epistola.

XLI V.

*Romam.*

Iacobo Vectiano

Io: Baptista Laurus. S. D.

**T**Rimestri hoc toto motoriam ferè egi fabulam, Vectiane, nunc aulicus, nunc rusticus, nunc Urbanus. Perusie ultra mensem fui, quo mihi Epistolas è Taberna litteraria redemptas, cum Puerorum alteri, quæ hic reliqueram, transmittendi negotium dedissem: principio bona quidem misit fide,  
mox



mox me in scio, prouincia nulli delegata, ad Nundinas Fulginate profectus est. Itaque heri Tuder redeunti, manipulus litterarum oblatuſ est. in his & tuæ erant, iij. Kal. Iunij scriptæ, ne quid mecum expoſtules, quod nihil hætenus reſponſi acceperis. Nam quod Albertino debere me viſ, quod breuioreſ, quàm in animũ induxeras, exaraueris, adeò homini elegantiffimo nullam habeo gratiam, vt, cum iſtuc rediero, officioſo conuicio in eum ſim uſurus, qui voluptatem, quam ex tuiſ epistoſiſ uberrimam haurio, nobiſ eripuerit; ſcilicet vt tuo diſertiffimo ſermone citra æmulum fruereſtur ipſe: etſi (ſecreto hoc audi) veniam do, qui feciſſem tantundem. Iam huc reuerſuſ, ex Aulico famulitio omneſ reperi diſcuſſanteſ, ſtrepenteſ, conuaſanteſ. perendie enim profectionem ad Urbem edixit Princepſ. Quare ad nullas, præter quàm ad tuas, ne periſſe in itinere exiſtimareſ, reſcribere libuit. Doleo, quod non licet fuſiuſ ob temporis anguſtias. Te docerem profeſſò, haud rectum ſcribendi modum, quæ tuarum fuerat litterarum clauſula; ſed candidiſ agere cum amicis, qui id à te æquiſ exigant, cuiuſ eloquentiam merè Atticam, vel Hymetticam, atque Athenarum incolæ agnoſcant, & imi



114 Io: Baptistæ Lauri

tari studeant . Verum non ego te simili laudationis referiam sagitta , vt Lyrici verbo vtar . Fungi te hac facundiz Dictatura , & coram reuincam, & non sine populi suffragio. Interim quàm potes diligenter ac fastidiose ; sed quam etiam potes celeriter ( vrgeor enim, vt edam ) Centuriam Epistolarum nouam velim censeas ; quam cum his tibi reddet , iussus reditū Principis anteuertere Riccius meus : erit id mihi maiorē in modū gratum. Vale mi Vectiane, & Albertinum, quem non pigebit propius cognoscere, ex me salutata ; te, atque illum iubet Ferrarinus. Ego Reuerendissimum Antonium Quærengum , & Augustinum Mascardum, Viros longè doctissimos, iubeo tum amanter, tum reuerenter . Tudere . X V I. Iunij.

Io: Baptistæ Lauro. S. P. D.  
Iacobus Vectianus .

**I**N tuam Epistolarum non quasi peditum Centuriam, sed ob styli sublimitatem, ornatum, candorem veluti lectissimorum, Alam equitum, quam vel inuitum gerere coëgisti censuram, libens exercui, Vir eruditiss-

ditissime. Recensui igitur & recognoui: & quid putas, Equum aut tibi Ductori, aut tuorum cuiquam ademptum iri? imò verò & tibi, & illis honores, & commoda de publico statuenda censeo. Nec mirere, hoc me officio tam properè, tam celeriter, secus ac me facturum Riccio tuo dixeram, factum fuisse. Nam ubi vnum & alterum, tertium, ac decimum ex tuis militibus, conspicuis insignitos armis, equis nitentibus tam decorè, & sublimè incedentes perspexi, totus in amores exarsi, & vniuscuiusque curiosis oculis perlustrandi desiderio sum captus ardentissimo. Itaque qui præsens præsenti dixeram (& verè) quibus, & quantis hoc præsertim tempore occupationibus distinerer prælendi, scribendi, ad aliorum nutum, & quod ægre me semper habuit, ad præscriptum, & quasi designatum orbem carmina texendi: ac petieram viginti saltem dies, minimum quindecim, decem obtinueram; en intra quatrimum hoc sum munere defunctus, benè, an malè, tuum esto iudicium, ubi vnà erimus. Scilicet adeò me cepit tuarum Venus Epistolarum, Lepores, Charites, Cupidines, totum illud Amoris Regnum, in quo te dominari vel à principio cognoui, vt in tuis, quos literis commisisti, sermonibus

## 116 Io: Baptistæ Lauri

audiendis per hos quatuor dies solum detentus fuerim : & , qui alijs , quam obstrinxi fidem , non præstiti , Pueri tuo quod eram pollicitus , en vel antè tempus repræsentavi . Atque audi , quid in mentem venerit inter legendum .

Mihi tu alter Apollo visus es , Eloquentiæ quasi alterius Daphnes , amore correptus , ac parè cōfectus . Ipse igitur sequi , illa fugere , ac nō verè , neque adeò celeriter , sed lentè , ac simulatè , vt capi vellet . itaque eā nō lōgè , nec diu secutus , faciliè affecutus es . Quid mirum , ista ingenij celeritate , & quam in complexum se dare tuum voluisse , nemo non nouit ? Sed vide amoris igniculos , & potentiam , vbi se in cuiuspiam animum , & præcordia immisit : non eo solum contenta fuit , vt suis te ex nobilissima planta sumptis exornare corollis posses ; verum ipsam vsque adeò dilectam , & amatam Arborem in te ipsum transferri , & veluti transformari voluit , teque LAVRVM , nunquam non virentem , nunquam non florentem , appellari . Te propterea Phœbus , non vt æmulum odit , aut insectatur , sed Daphnen in te , te in illa reueretur , ac colit ; seque tibi totum infundit cum Musarum choro , & Gratijs . Nam , re vera ,  
neris

neris sint, seu strictiore, seu laxiore numero  
 vincat, Pindū redolent, & amœna illa vireta.  
 Hoc meum de tuis Epistolis, & Carmi-  
 nibus iudicium sincerum; rectum, mini-  
 mē fucatum, nisi iudicio fallor. Nam ut mi-  
 hi Amor imponat, caue suspicere, aut pro  
 tua modestia affirmes; cui tantum tribuo,  
 quantum par est; supra fidem, aut veritatem  
 non indulgeo. In clausula Epistolæ quid abs  
 te velim, credo, iam intelligere potes; ut  
 præstes, quod & à multis flagitatum, & abs  
 te promissum non paucis, præsertim Cardi-  
 nali Barberino, Viro Latine & Græcè doctis-  
 simo, Musarum autem (dicam verè, ac sine  
 fūco) & Apollinis alumno comparando cū  
 paucis, seu vetus seculum videas, seu no-  
 strum. Prælium expetit Centurio tuus & præ-  
 lum, vincere assuetus, cedere nescius: &, en  
 LAVRO reuinctæ sunt epistolæ tuæ, tanquam  
 Reipublicæ literariæ nuncium adferentes de  
 Victoria reportata, hostibus fūsis, & Barba-  
 rie profligata. Sine exeant, sine videantur,  
 sine expleant eruditorum vota hominum.  
 De peregrino autem Milite, & veluti manu  
 auxiliaria quid dicam? miratus sum tam si-  
 miles moribus, robore, animo, incessu, ha-  
 bitu coire potuisse diuersarum Milites na-  
 tionum: sic appello Epistolas tuis adiunctas

118 Io: Baptistæ Lauri

Barberini , Barclai, Rotæ, Gulielmi, Torto-  
letti, Meursij, Chifellij, Puteani, Rycquij,  
aliorum, seu Italorum seu Transalpinorum  
disertissimas, & vel per iocum, & lusum,  
doctissimas scriptiones. At vide, mi LAV-  
RE, quam ego proximè ad te misi, vt sub  
tuo Veteranorum vexillo militiæ tyroci-  
nium poneret, aut tolle de hoc numero, aut  
quem illi dare commilitonem tunc dignatus  
es, eidem ita commenda, vt veluti sub la-  
tere testam, ac defensam velit; dum animum  
& ipsa sumat, & saltem incipiat audere.  
Vale, ex Collegio Clementino.  
Kalend. Iulij.

XLIV.

*Romam.*

Io: Baptista Laurus S.D.  
Torquato Florauantio. I. V. C.

**O** Me obliuiosum! qui cum heri tecum  
duas horas apud Remboldum, de re-  
bus, quas istic expediendas tuæ fidei com-  
miseram, essem locutus; dixissemque, tradi-  
tuum me, antequàm digrederer; Pontificia s  
Lucij II. litteras, è tabularijs Monachoru m  
nostratium Casinensium, ab exceptoribus  
publi-

publicorum actuum fideliter exscriptas ; ut cum usus posceret, duodecimviralibus Comitibus obijceres: eas tradere non sum recordatus, & nunc demum occurrit, cum Ocriculum perueni, neque transmittendi copia est, fasciculo per imprudentiam in interiore conclavi ædium mearum relicto. Nec me latet, quantæ mihi iacturæ fuerit, si eo diplomate diutius careas. Ob id subito consilio Puerum ad te extrusi : me enim relegere tantum viarum nec permittat Princeps, nec ego libenter faciam meapte natura tardiusculus, ac morosior : qui si in Urbem reuolem, istinc ægerrimè postea diuellar. Igitur ad læuam Musæolum nostrum ingredienti, pluteus se offeret *διπλωματοφόρος*, ac dabis veniam, si humanitate tua sum abusus ad meam obliuionem redimendam. hoc pacto itineris reliquum pacatiore animo conficiam, & cum istic iudiciorum Rota impelletur, mitiore circumactu nouus cruciabor Ixion. Vale. Torquate integerrime, & in arcem causæ T. Manlij cognominis tui auspicio strenuè inuade, ac Laureatas litteras quàm primum ad Laurum tuum mitte. Ocriculo raptim à calamo ad ocreas, & calcaria. Postridie Kal. Quintilis.

Petro Stephano & Iulio Gallis  
Fratribus Io: Bapt. Laurus S.D.

**O**ptimæ spei Iuuenem, qui nec obijci nobis potuit commendator, in hoc itinere Lauretano, nactus sum. Singulari est probitate, fide, ac pudore; valet ab ingenio, & memoria, graphicè pingit litteras, splendide loquitur, numerosè & suauiter ad Lyram canit; prorsus ut tetricum quemque cogat frontè exporrigere, amœnitates amplecti; Philologia verò sedulā nau ut operā, sic ut tā egregiè Lauro vestro vsui futurus videatur, quā Tiro, & Laurea Tullio. Iam hoc, quidquid est officij, Auunculo ipsius, quarumdā Monialium à sacris & confessionibus, facere non possum, quin præstem. Propterea habebitis hic libellum supplicem ad illustrissimum Patrum vestrum, amplissimi Senatus Coriphæum. Cupio, quantum queat fieri per vtrumque, opis tantū in egenas conferatis; eamque non quidem apud me, qui alijs nominibus ambobus sum obstrictus; sed apud huius Urbis Magnates aliquot, probos Viros, ineatis gratiam. Valete. Anconæ.

Antonio Mariæ Gallo Cardinali  
Episcopo Ostiensi.

**P**Remi Moniales hæcce magna rei frumentariæ caritate, non semel tibi Illustrissime Domine, indicatum; nec depellendæ inopiæ potio-rem ullam hoc tempore fore rationem censent, quàm si ea pecuniæ adhibeatur summa, quæ uni, aut alteri Puellarum, in ipsarum contubernium cooptandarum, dotis nomine tradi consuevit. Proinde ab istius sacri Consilij beneficentia enixè petunt, id ut sibi cum tua, tum aliorum Illustrissimorum Patrum voluntate facere liceat: seseque Deum Opt. Max. pro incolumitate omnium assiduè precibus fatigaturas pollicentur.

XLVI.

*Perusiam.*

Fuluio Paulucio Pauli V. à cubiculo, nunc etiam Gregorij XV.  
Io: Baptista Laurus S. D.

**E**Rgo tuus imminet ad Urbem reditus, Pauluci, exeunte iam Autumno, neque te vnquam appellavi litteris, siue Perusiæ

asti.



æstuantem, siue inter Aquarum Nucerina-  
 rum potores iucundissimè apricantem: pro-  
 fectum quippè ad Virgilium Florentium no-  
 strum, Nuceriz Antistitem, hic mihi non  
 semel affirmarunt, qui propediem Cardina-  
 lis Beuilaquæ tui aduentum præstolantur.  
 Sed non committam, vt, Romæ cum fueris,  
 coram mihi erubescendum sit. Dicam quàm  
 potero breuiter, quid te velim. Sub hos dies  
 quos Aula Pontificia traduxit Tusculi, ego  
 me Tibur, inde ad Varronis Vicum contuli.  
 Eò cum libellorum aliquid attulissem, &  
 in his Annalium Epitomen, è veteribus  
 Urbis nostræ tabularijs, non sine magnis  
 sudoribus conflata; de ANVLO B. Virgi-  
 nis Historiolam in Varroniano secessu, apud  
 Ant. Aegyptium, fideliter, si minus feliciter  
 concinnaui. Sciebam tale quiddam Vincen-  
 tium Herculaneum, nostratem olim Episco-  
 pum, me puero, à Contulo seniore exquisi-  
 uisse: & Schedia hominis quædam in manus  
 meas forte inciderant, in quibus Tui erat  
 perhonorifica mentio, in cuius nempè sub-  
 urbano Dialogum exorsus erat. Sed præter  
 autographam Senensium Epistolam, nihil è  
 tumultuaria scriptione nobis petere licuit.  
 (nam in Imaginum cultum, & in res supra  
 naturæ vim, atque ordinem effectas, latissi-  
 mum parabat excursus: tum de Hugonis  
 Ita-

Italiz Comitibus rebus gestis , & de Iudæorum Tribubus narrationem pertexuerat ) Eam rem tibi indicatam volui, Pauluci, quod & ad dignitatem tuam , & ad fidem meam, pertinere videbatur . Quod igitur aut Con-  
tulus ipse per se se , si diutius vixisset , præ-  
stare potuisset; aut per te, qui in nostra Ciui-  
tate auctoritate plurimum polles, à Decem-  
uiris impetrasset : ego abs te maiorem in-  
modum peto . vt quando Sixti IV. atque In-  
nocentij VIII. Litteræ, seu Diplomata qua-  
piam ; suis locis inferenda sunt ; eorumque  
exempla è Bibliotheca Vaticanâ difficillimè  
eruuntur; tametsi operâ suâ V. C. Nicolaus  
Alamannus, qui Ansidæo nostro successit. Cu-  
stos , largissimè detulit: ea cupio istinc mihi  
cures, siue Constantio Abbati ; Nepoti tuo  
mandes . Nec , puto ; recusabit ; tantâ Viri  
est in omnes comitas , & tam singularis  
erga me beneuolentia . Nam & miro can-  
dore conatibus nostris fauet , qui ea gra-  
tia ipsi immortaliter debemus : & publi-  
cæ rei deesse non debet : quam & iuuare æ-  
què scribendo potest , cuius ingenium me-  
ritò habuerit laudatorem Lipsium. Benè va-  
le, atque horsum regrediens ; vtere propitio  
Numine . Romæ . MDCXIX.

*Romam.*Io: Baptistæ Lauro  
Fulvius Paulucius. S. D.

**T**ibi verò adeò erubescendum non est, quod ad hanc diem scripta distuleris, ut ego potius rubore suffundar prolixa tua humanitate, cum videam; me neque in secessu à tui memoria secedere; quemadmodum graphicè, & luculenter conscripta epistola testaris, quæ me Urbem versus iter arripientem, occupavit, & ut sit, viæ se iam iam commissurum in aceruo occupationum, quibus sepositis, soli huic curæ studui, ut tibi satis, imò Ciuitati nostræ, facerem. Sed magis hoc optaui, quàm præstiti: licet enim statim à tuis acceptis, sedula, atque perhumana, ad peruolutandas veteres, recentisque Palatij nostri paginas, Cancellarij opera vsus sim; paucas tantum, quæ tuæ rei facere visæ sunt, excerpti, easque mitto: Pontificum autem diplomata ad manus adhuc non perueniunt: sed curiosius perquirentur, ut studium exquisitius non sis desideraturus. At Cõtuli schedia frustra exploraui, incuria namque seu illius, seu aliorum perierunt, cum ille periit; & plures dumtaxat  
eum

eum de ANVLO opusculū exorsū meminerunt : inter quos ego, cuius in Dialogo quodam præcipua , & amica erat mentio. Gratum autem, ac mirum in modum fuit, intelligere, à te prouinciam hanc modò susceptam, tuamque manum insigni huic Anulo admotam; & vt iudicij mei calculum addam, quæso te, sic excole tuum, à natura traditum, animi agrum; & quem Deus feracem optimarum Artium dedit, tu ad laudem illius, supra quam nil nisi Deus est, industriæ aratro scinde, præclarumque hoc pignus à te; cui à Musis (veluti de Hesiodo dicebatur) LAVREVM sceptrum datum est, in lucem protrahatur; apud quem autem sequestrem diues ingenij tui supellex tutius potest deponi? Omnes pro hac suscepta prouincia beneficium capient, ijsque, quibuscum hoc communicaui, etiam nunc iucunda præsumptio est. Alacri igitur animo ad opus emoliendum accingere, atque in hunc Anulum non digitos modò; sed plenam (vt sic dixerim) manum immitte. Verum in laudando Abbate illam contrahe; quæ enim à nimio amore profecta, in calce Epistolæ promissis, ille cū maxima animi contractione legit, velletque vti plenè, ita verè ea esse prolata; sed plenè, verèque vterque te amamus; tu perge amantes redamare. Vale, Perusiz.

XLVII.

*In Quirinalem.*

Marco Antonio Burghesio Principi Sulmonensi, Pauli V. ex Fr. Nepoti. Io. Bapt. Laurus. S. D.

**G**rauitèr peccassem, Princeps humanissimè, si in tantà gaudiorum, vt sic dixerim, temulentia, quæ omnium animos in tuis Nuptijs nouo more lymphauit, non & ipse Versiculorum aliquid effunderem, vetus familiæ vestræ Cliens, & Cardinalis Auunculi tui patrociniò validè obnoxius. Siluulam, igitur, hoc est, tumultuariam scriptionem vt ab occupatissimo, Tuzque amplitudinis studiosissimo profectam, tam non debes improbare; quàm ea, quæ efferuescentis latitiæ ebrietas peperit, despicienda non sunt, adeò & auribus auidè combihenda. Deum Optimum oro, vt auspicatissimis primitijs Cõiugium istuc quàmprimum benè fortunet; alijsque gaudendi causis nos in dies hilariores facti, voluptatem omnium cùm apud sapientissimum Pontificem, pro cuius longauitate vota facimus, tũ apud posteros, quasi voce publica, testatissimam, celeberrimamque reddere possimus. Vale. Romæ Idibus Augusti M.DC.XIX.

Alexan-

Alexandro Vrsino Cardinali,  
nunc Flaminiae Legato  
Io: Baptista Laurus S. P. D.

Q Varenti iam pridem, ecquis mihi adi-  
tum ad amplitudinem tuam, Princeps,  
aperiret; quando Legio illa Episto-  
larum mearum, per Comitem Bigazzinum,  
me incio, tibi reddita, idonea satis non est  
visa: commodum obrulit se se Nuptiale Car-  
men, quod Excellentissimæ Sororis tuæ,  
ac Principis Sulmonensis sanctissimo Coniu-  
gio nuperrimè dicaui. Quod quidem ab A-  
manuensi paullo elegantius descriptum,  
cum hic Maior Aula, fauentibus & animis, &  
linguis, ob argumēti nimirum præstantiam,  
exceperit: non sum veritus, idem formis æ-  
neis expressum, ad te Cardinalis illustrissime,  
transmittere. ratus videlicet minus tibi in-  
iucundum fore, quia & de tuis ageret, & ho-  
minis vobis addictissimi obsequium, religio-  
samque curam apprimè declararet. Cuius  
nempè si tibi, Princeps, quoquomodo haben-  
dam aliquandò rationem duxeris, non in-  
postrema felicitatis meæ parte ponam: à  
qua ubi non absit candidi Principis patro-  
cinium; continuò aderit circumfluentium  
bono-

bonorum catena felix, quæ æternum familiæ  
vestræ obstringar, mûcipium vltro obatum,  
ac re ipsa omnium, quotquot hæcenus no-  
ueris, fidelissimus Cliens. Vale. Ex Vrbe.

*Romæ.*

Io. Baptistæ Lauro V. C.  
Marcus Antonius Rota. S. D.

**S**Vbrusticè fecisse videar, quod auditione  
pridem cognitû; Epistolarum Centuria;  
Sânelij ac Morâzani testimonio nuper dilau-  
datû, mox obuium, adeò & vltro te te dantē  
nondum adierim, ac salutauerim. Deberi  
à me diutius Virtuti, moribusque tuis hoc  
quicquid est, officij, iam vetat conscia facti  
mens, & comes erroris pudor: tum verò  
etiam prohibet SILVA, hic recens edita, in  
Nuptias Burghesianas; cuius lectio vel igno-  
tos (modò ne sint Musarum, hoc est, Huma-  
nitatis expertes) ad Auctoris amorem, &  
æstimationem inuitet, excitet, impellat.  
Næ perpulchra isthac demerendi animos,  
assequendæ dignationis ratio, optata pleris-  
que alijs, tibi Laure, tam expedita, quàm  
præfens Apollo est, & Charites; quàm pro-  
pud genius, promptum ingenium est ad bo-  
nitatem, ad comitatem, ad artes omnes be-  
neuo-



nevolentia, pretijque conciliatrices. Sic  
 itum à te ad egregiam famam, & bonam Vi-  
 rorum Principum gratiam. Sic in Vrbe, Or-  
 bis Theatro, Vnus è paucis, hoc est, melio-  
 ribus, eruditioribus numeraris. Talem &  
 ego, quod olim animo feci, stylo nunc tan-  
 dem amatum, cultum venio; carditatis ve-  
 niam ita non auersatus, vt confessione paul-  
 lò antè non erubui. Tuæ humanitatis fuerit  
 non excludere, quamquam vnum de pluri-  
 mis; sed excipere, meritum hoc saltem no-  
 mine: quòd in Te honorando, quid publico  
 sermoni, quid priuatis testimonijs, breui-  
 ter, quid Virtuti, doctrinaeque debeatur,  
 non nihil videri possim intellexisse. Cete-  
 rum operam, & obsequium tibi meum, qua  
 qua in re, vbi vbi vsus erit, ex imo pectore  
 defero. Vale, ac Io: Matthæo Moranzano,  
 mihi semper æstimando, plurimam salutem,  
 Viterbij, Die XX. Augusti M. DC. X I X.

XLIX.

*Viterbium.*

Io. Baptista Laurus S. D.

Marco Antonio Rotæ V. C.

**H**Abueram antea Moranzano, ac San-  
 nellio magnas gratias, quòd te mihi  
 Virum tam candidum, & tot virtutibus flo-



rentem, vberi prædicatione absentem primo, mox præsentem præsentem conciliaſſent: (etſi enim brevis admodum fuit congreſſus noſter; iſtius tamen peſtoris diuitias, quaſi per tranſennam, ſed non oſcitanter, adſpexi) nunc verò acceptis à te litteris, adeò rethoricè ſcriptis, nihilque prorsus nauì, præter meas laudes, habentibus; profiteor illis me debere maximas: qui icæ inter nos fœderis auctores, me Viri optimi, elegantiffimi- que beneuolentia, Te ingenui hominis obſequio auctum voluerint. Nam quid præterea tibi de me polliceri queam, niſi ſi quid audeat in tui laudem meus, inter Aulae fucos minimè fucatus calamus? quos certè plurimum erga nos ſuboluit tuus. qua vna re impediior, quo minus Epistolam, feliciffimo orationis fluxu abſolutam, circumferam, atque oſtentem, mirè cupidus ab omni ambitionis ſuſpicionem abeſſe, quemadmodum ab ijs ſtudijs longè abſum, per quæ in primis comparatur. Porro ne doctioribus amicis legendi voluptatem inuiderem; conſtitueram, nudo tuo dumtaxat ſeruato nomine, meum confodere. Verum poſt animaduerti, niſi illic eadem opera iuguletur Centurio, eradicetur Silua, & cariffimorum capitum iucunda commemoratio, quibus omnibus facilè prodar, oblitteretur; id, ſcrip-

tione salua, non licere: quam sic laceram, atque interpolatam, veluti Aeneas Deiphobum, vix ipse agnosces parens. Quarè mihi seponam, & Gratijs, quæ tibi scripturienti adfuere: ad quas vtique confugiam, vbi frigidius amare incipias, tanquam initæ amicitæ testes; vbi penitus gelasceas, violatæ vindices. Vale & à Moranzano vicissim salue, qui vna mecum ex animo iubet Sannellium. Romæ XXV. Augusti M. DC. XIX.

*Romam.*

Io: Baptistæ Lauro V. C.

M. Antonius Rota S. D.

**Q**Uæ mihi aliundè spes erat facilitatis tuæ; fiduciam nunc eius habeo, & artham, tuam ipsius Epistolam viij. Kal. Sempt. Non enim solum ad litterarium colloquium prouocatus admittis; sed vltro allicis, atque adeò trahis in sinum. Istuc verò est (aut ego fallor) Longimani Regis munificentiam æmulari, & instar septem gemini Fluij sitientem Aegyptum irrigare vbertim, & ad ebrietatem perluere. Tu tamen paullò lentius vide; vt ne quid imponat liberale de me iudicium; neu plus nimio fortasse impari offeras. Nosti communem in-

dando cautionem, vbi subest: in accipiendo suspicio: parua in re vt fidem explores: bene si responderit, credere pergas maiora: si non, tuo quàm minimo impendio desinas. Ego quidem polliceri ausim conatus, & nifus quosque omnes industriz, curaz, sollicitudinis ad tuendum, retinendum, &, quo ad eius fieri possit, promouendum affectum, istum in me tuum largiorem. Sed quid si meri conatus? nec pro voto, pro debito assequi dabitur? satis, inquis, eo casu duxerim debentem, volentem animum. Ain tu? accipio conditionem. Eccum vtrumque. Nihil iam est officij, quod vel partibus inferior omnibus reformidem à tam munifico datore, debitionem videlicet pro solutione, pro effectu voluntatem accepturo. Vnum est, siue alterum, Laure, quod minus arridet in litteris tuis, de fuce calami, deque hæsitacione amoris mei. Breue sic habeto, & credito, veracem illum, constantem hunc; vt animus (à quo, & in quo vterque) simplex est, apertus, minimè varius, immutabilis. Apagè Proteos, & Vertumnos. Odi, odi, & execror semihomines istos, an pseudoviros? si qui vsquam sunt; non minus amicitiz, quàm ipsiusmet homologiz olores, panè dicam euerfores. Ea de re amandum Te, colendum suscepi multò libentissimè; certus  
niuei

niuei candoris, ac illibati pudoris Tui, vel in medijs Aulæ fucis, & fumis, quorum mihi etiam caussæ procul. Restat; vt pari cum affectu mutua, seriatque inter nos adhibeatur, & exerceatur fides; indeque firmetur, augeſcat, perennet exortus amor. Quod ego præstare de me possum; de te sperare sic iuuat, vt certum habeam. Sannellius post nuptias Sororis nuptias totus fuit in Vinde-  
mijs. Bellè, inquires, ab Hymenæo ad Bac-  
chum. Neutrum tamen sine Pallade Tuque,  
Moranzanusque mecum putate, & vterque  
ab vtroque saluere plurimum. Viterbij IV.  
Kal. Septemb. M. DC. XIX.

L.

*Præneste.*

Francisco Columnæ Principi  
Prænestino Io. B. Laurus S.D.

**I**Mmemor sim instituti mei, Columna Prin-  
ceps humanissimè, qui amplissimorum  
Virorum amicitias, ac Principum doctrina  
excellentium, planè tui similium, gratiam  
ambire soleo; si oblatam mihi præter opi-  
nionem meam, & si non præter vrbauitatem  
tuam, tam amicam voluntatem, quam in-  
tuis ad Io: Camillum litteris liquidò perspe-  
xi, non exosculer. Debui equidem iam pri-

dem Genio Famæ tuæ qualiacumque scriptorum meorum libamenta offerre: quæ, quia potius nugamenta emuncto iudicio tuo visa essent, abiecta à nobis sunt, & spontè latuimus intra proscenium; qui sapientiæ istius Theatrum exhorrueramus. Iam quandò beneuolum caput nihil tale cogitanti, oblati tibi nostris Versibus, & Epistolis, amouit velum, & in scenam adduxit: en tibi, Princeps, cultum & obsequium à clientulo omnium deditissimo, quantum queas credere, sincerissimum. Neque verò vllam pro humanissima Salutatione, delatoque patrocinio tuo à me gratiam exige, qui Gratijs tuis adeò arctè obstringi in dies cupiam, vt nexu, & mancipio verè fiam, atque habear tuus. Vale Romæ.

L I.

*Perusiam.*

Io: Baptista Laurus S.D.

Alexandro Balestrino I. V. C.

**I**Ta mihi, quæ cupio, eueniant omnia, vt conditionem illam liberalium Artium, profitendarum nemini malim, quàm Valentino obuénire, nec fore puto inanem prensationem: modò qui in arena hoc tempore depugnat, missionem obtineat; quo de valdè  
vereor

vereor. amat enim gladiatorem Veronensem Princeps, ut qui maximè. Et quamquam à sui Antistite sodalitijs, utpotè alienæ prouinciz succenturiatus, minacibus litteris Tuderè reuocatur: qui tamen pro potestate utrîque imperare solet, negat migrationem huius ferre se posse. Quarè non manendi solum veniam tribuit volenti; verum etiam vel abnuentem videtur ultro esse coacturus. Omnino siquid interuenerit, quò sufficiens alius sit Valentinum nostrum perbonam spem habere iubeo; cui voluntatem erga se meam ne dum conatu, re quoque ipsa declararo. Iam hic, si nescis, totum tri-duum tripudijs, acclamationibus, incendijs nationum vndique gratulantium, vniuersa Vrbs personat. Propterea quod Pontifex Ferdinandum, Philippi III. Hispaniarum Regis Filium, in amplissimum Cardinalium Senatum cooptauit. Marsilius Peruzius, Archipræsul Theatinus, cum purpurea Infula, ac Galero in Hispaniam profecturus est, aiuntque, complures è Romana nobilitate secum ituros vna. Quid si & ego eodem cogitem, amicus Præsuli non inter postremos, &, cum tantus non esset, persamiliaris? id consilij agitat & Cybò. Arbitror, æquè illi suum, ac meum mihi Principem eundi potestate facturos. Quidquid decreuerimus, statim

scies . Sed fortasse rides meam hanc *oꝑulũ*,  
ad itinera hoc anno capeſſenda . Germani-  
cum ſuperiorum Menſium fuit merum ſom-  
nium , an Hiſpanienſe eò exiturum ſit , poſt  
videro . Tu quidem, dum huiuſmodi deſide-  
ria præ me fero, caue Laro ſeu Fulicæ, inania  
crepanti , cum foetus in lucem proferat , me  
conferas : ſic vt licere tibi putes dicere, quod  
prouerbij vices iam obtinuit, Larus, an Lau-  
rus parturit ? Vale , & Viro præſtantiffimo  
Ioanni Thomæ Giliolo , atque amicis com-  
munibus plurimam. Romæ iiij. Kal. Auguſti  
M.DC.XIX.

LII. *Vicum Varronis.*

Io: Baptista Laurus S. D.

Antonio Aegyptio I.V.C.

**Q**uod tibi ad Varronis Vicum redeunti  
eram pollicitus : nunc demum per ca-  
lores , qui, Auguſto exeunte, paul-  
lulum remiſerunt , præſtare licet . Ergò ne  
tu æquo & merito iure verba tibi data ex-  
poſtules , Equum huc ex condicito amanda-  
bis , vt quatrimum apud vos ſim : & per te  
non Tiburtinas ſolum delicias, quibus in præ-  
ſens Alexander Eſtenſis , Cæſius , Priulus  
Cardinales fruuntur , reguſtem ; ſed etiam  
No-



Nomentum, seu quidquid eius cicatricum,  
non longè extat à Curibus, Varronis Do-  
mum, quæque Sublacensis tractus antiquita-  
tis retinet vestigia, perlustrem. Iam hinc  
tu quoque recentia de nobis audies: præter  
enim Urbana, ridebis lepidum Picentis fa-  
ctum, qui occlusus carcere tenebatur. Is,  
cum dies aliquot, obuoluta capiti fascia, si-  
mulasset morbum, carcerarium ita flexit pre-  
cibus, ut ad se identidem colloquio atque  
ad spectu subleuandum amicè diuerteret, fe-  
cit ille scilicet humanius, quàm cautius.  
Quadam enim die dum inter fabulandum,  
valetudinarius repagulo fortè innititur, &  
velut ex abdito altum screat, dextramque  
ad pectus, screatibus validè concussam, sæ-  
pius refert: orbiculum argenteum, quem  
astutus summo induerat anulari digito, de-  
cidere sibi ultro patitur, & in varia bracchij  
agitatione, in angulum custodiæ remotio-  
rem proijcit. quem ratus Custos casu dilap-  
sum, dum pronus, ut accipiat, & conger-  
roni restituat, incumbit: confestim caprato  
tèpore Picens, impulsà ianua, foras profilit,  
ad seque adductam veste celeriter oppeffulat:  
tum reliquis reſeratis latebris, captiuos  
quosque ceu sublato pileo, ad libertatem vo-  
cat. Sed iucundiora in congressum nostrum  
reij-



138 Io: Baptistæ Lauri

reijcio:nunc iumentarijs hisce litteris iocorum plus satis . Vale , ex Vrbe postridie Kal. Septemb.

LIII. *Lugdunum Batauorum.*

Ioanni Meursio V. Clarissimo

Io: Baptista Laurus S. D.

**M**E quidem Criticis ad Plautum tuis, & castigato Arnobio , delicijs meis , egregiè fascinasti . Quid ni ego id verbi apud te, quod tu Vir doctissime, in priore Exercitationum parte , ad magnum Scaligerum, vsurpasti ? Alia tua scripta mihi hætenus videre non contigit , & scio esse plurima. vti ex homine comperi, qui proximè ad nos redux ex Hollandia , hæc & multa retulit de Academia vestra, de studijs tuis, & de affectu in Italos: quæ commemoratio animum impulit, iampridem ad amplissimos litterarum Præsides, Tui similes , sua sponte anhelantem . Et ecce volatum auspicatur , Iunone non auersa , calentibus Nuptijs , & Saliaribus Principum nostratium Cenis hilariter adstrepentibus . Inter quas enatam Poëticam foeturam ad Te mitto , quæ distorta licet , vt celeriter exclusâ; recepta tamen est

est plausibiliter : quia coniugalis quidam  
 Anteambulo , & Venerij vadimonij index e-  
 rat . Utinam non abfuerit à versu Venus :  
 At enim vbi tu , Meursi ornatissime, perle-  
 geris , ipsa confestim aderit ; cum in tuis &  
 labris, & libris sessitet ; quosque ex te hausic  
 spiritus , eosdem in omnia, quæ in manus su-  
 mas, immigrare suauiter inbeat. Vale felici-  
 ter V. C. Romæ XXVIII. Augusti , die ipso  
 natali meo. M. DC. XI X.

*Romam.*

Io: Baptistæ Lauro V. Clariss.  
 Ioannes Meursius S. D.

**E**T litteras tuas libens vidi, Vir præstatis-  
 sime, & adfectû in me tuû ex illis didici.  
 Fateor ego plurimû me debere tibi ob huma-  
 nitatē tantā, & beneuolentiā, quā abundē sic  
 depromis . Debeo autem tanto magis, quan-  
 to minus sum promeritus . Munus quoque  
 Libri addis , vt me magis obligares . Quid  
 vis amplius? fateor me debere tantum, quan-  
 tum soluere nunquam possim . Scito autem  
 ferio me daturum operam , ne tu plus me  
 amare possis, quàm Te ego, Virtutesque istas  
 tuas animitustolo, venerorque , æternû  
 fa-

140 Io: Baptista Lauri

facturus. Te vicissim rogo enixè, quem  
amandum sponte tua suscepisti, idque igno-  
rantem etiam, cum vt amare deinceps ne-  
desistas. Bene vale Vir Clarissime. Lugduni  
Batauorum.

LIV.

*Ferrariam.*

Carolo Emmanueli Pio Cardi-  
nali, nunc Piceni Legato,  
Io: Baptista Laurus S. D.

**N**Imium diu, Princeps Cardinalis, nostra  
hæc aduersum te officij ratio conge-  
lauit: qua tandem adductus id ad te mitto,  
quod citra religionem differre amplius non  
possum. Parco dicere; Perusia vsque expe-  
ctandum fuisse exemplar, &, quo huc minus  
celeriter adferretur, imbres assiduos, meo-  
rum absentiam, & occupationes obstitisse.  
Iuuat culpam agnoscere, nec deprecari; vt  
libenter ignoscas; meque negligentia reum  
agere, libentius vt absoluas. Erat præterea  
consilium, dare Litteras sine vllis litteris,  
quo, me tacente, aliqua pudori meo consu-  
leretur, qui modò hac ipsa errati confessione  
insigniter vapulat. Simul deterrebat iudi-  
cij, ac sapientia tua magnitudo, cui nihil  
non

non sobrium , nihil non emundum decebat offerri: cum contra in meis Libris pleraque vulgata , ac protrita deprehensus sis. Ceterum reputans animo , quàm amœna apud Te semper nouerim Gratiarum diuersoria ; omni formidine valere iussa , Cauacepio Librū dedi ad te Princeps humanis. perferendum ; quem in primis rogatum volo , vt expungas nomen , quod contraxi , & accessiorem fieri aliquam beneuolentiæ erga veterem clientulum tuæ patiaris, quam etiam in parum aut nihil promerentes cōferre liberaliter consuesti. Vale. Romæ.

L V.

*Tybur*

Io: Baptista Laurus S. D.

Latino Donzellio I. V. C.

**E** St quod rideas, indigneris , miserescas : fuga , cædes & conuiuium hesternum diem clauferunt , produxere , inchoarunt . Breue faciam : nam renarrare gestientem Rusticus cum Mula clitellata , ad vos festinans, vrget, vt duos vtres fartos Oleo, quod sit defœcatissimum , inde ad nos comportet in Sacros , qui iam imminet , Ieiuniorum dies . Tiburtinum enim pluris æstimo, quàm Soractæum , licet vtrumque optimum, vt si quod

si quod aliud . Scito autem , primariam illam feminam , cui Vir triobolare Scortum super-induxerat, per speciem obeūdi nouem Urbis Tempia, magna prius argenti , atque auri vi coacta , sub Auroram , via Ostiensi , ad mare processisse , & conscensa triremi, secundis ventis, in Patriā cœpisse adnauigare .

Iam ad ripas Tiberis , contra radices Auentini , Nauicularij duo , qui , ob prædulam nescio quam , in mutuum odium exarserant , Monomachia controuersias finierunt . Quippè strictis ensibus , irruerunt alter in alterum , sibi que ex aduerso occurrentes , vt erant seminudi , ambo se mucronibus induerunt . Ergo lethaliter confossi , littore in ipso , dubium , an recognita fide , expirarunt . At enim feralem casum leniuit perlepidæ Epularum catastrophe .

Philosophus quidā, cano mento, atque hircina barba (ad quiduis potius, quàm ad amorē factum existimasses) meretriculā deperibat ; quæ amatores alios elegantiores, opulentioresque malens , suspendebat naso sapientiæ , vt putabat , sterquilinium . iidem, vt riuali ludos facerent , mulieri persuaserant hominem vt adspiceret placabilius, aureosque decem in cenam posceret . Pecuniam haud ille grauatè largitus est. curant  
amasiij

amassij conuiuium, splendide apparant, adornatque argenteis in lancibus plures missus. Verum eo consilio, vt cena inita, irrumpan ipsi, & scortatorem illusum, atque incenatum extrudant. Adest ille ad certam horam; iamque accumbit. Vasa argentea, escaria, & potoria adferuntur. vix vesci dapibus cœperant; egregij ganeones superueniunt, Satellitum exemplo, obstrepentes, inclamantes, fores effringentes. De industria pallere meretricula, & barbatum Adonim obsecrare, vti secedat, & alicubi tantisper delitescat; dum furentes, aut ebrios amiculos dimittat. Porro astutum hominem minus fefellit Muliercula. præsefert vltro metum, oratque, cereos, vt extinguat, donec illi triclinium intrent, vt & ipsa spatium mox habeat turbatores dimittendi. Aequa res visa est, paretur. Ergò dum quasi tentabundus posticum petere videtur; vasa duo argentea clam surripiens, sub axilla recondit, ac vafer exit foras. Nebulones risu diffluunt, illato lumine, vino, atque epulis largè se se ingurgitant. Postridie decocta temulentia, quanti sibi Epulum constiterit, deprehendunt lamentantes; non ausi hircere, & Philosophum, fortassis negaturum, in ius vocare. Quamuis, quæ vltro nea hominis liberalitas fuit, sæpius rogatus demum

demum recuperato , quod numerauerat, argento , quæ sublegerat, restituerit. Nec profectò imponere Philosophis meretriculas decet : plurimum enim inter hos, atque illas conuenit, si Pythagoræ credimus , qui in Aspasiam Milesiam renatus fertur, & cum Pericle consuetudinem habuit. Verboſitati huius Epistolæ veniam dabis mi Donzelli; ac quandò in rebus friuolis olei nimium consumpsi ; si memineris curare mihi optimum, ante quàm huc ad Ruuereium tum redeas , studijs seuerioribus , utroque nostrum magis dignis , affatim impendam Petrus Heredia , què cum à prandio hæc communicauì , simul Adulationis Imaginem, fusius descriptam , quam loquentem facio , atque audies inter deambulandum ( nam hic inuoluo ) me tibi salutem suis verbis adscribere uoluit. Vale, ex Vrbe . Caue excidat in reditu, ad Pontem Lucanum , exscribere mihi postrema uerba ex publico marmore, que exemplari meo desunt , sic est clausula .

*Moesiæ ita præfuit , ut non debuerit in me differri Honor Triumphalium eius ornamentorum . . . . .*

# ADVLATIONIS ICON.

**I**Nnatat ergo oculis etiamnum turbida vestris  
 Caligo? prohibetq; meum deprendere Nuinen,  
 Et nomen? quod fumosis mihi robur in Aulis,  
 Quas acies armare queam, quod militet agmen,  
 Iuratū dextramque meā, patriumque Tribunal  
 Pone supercilium, caramque agnosce Parentem,  
 O septemgemina grex consultissimus Urbis,  
 Extrude ignauam noctem, lux impigra mentem  
 Irriget, & nostrum sollers circumspice mundum.

Me natura sagax, & rerum prouidus usus  
 Nascenti peperere Orbi; cum cœpit in unum  
 Turba coire rudis, profligatoque ferarum  
 Agmine, constructis se occlusit mœnibus ultro,  
 Meque Deam coluit. per me Pax omnibus, à me  
 Et cultus, viteque tenor fluxere trabenda.  
 Exuit hinc pecudem, commercia comis iniuit,  
 Sincerum eliciens arcano è pectore amorem  
 Fortiter his, duro fuerant qui è stipite nati.

Cernis ab auricula, excutio cū tempus utrumq;  
 Quā multa glomerentur Apes? ut Tibia spargens  
 Dulce melos, franet Ceruorum examen, & altè  
 Sopiat? exornetque Animal versatile pallam,  
 Nēpe hominis quod imago decet, quodque aëre a-  
 Vescitur; atq; albū præter, roseūque colores (per to

K

Induit



*Induit omnigenos . quare inspicere sedulus, ecquod  
Ingenium , moresque mihi ; tum collige, nostro  
Quidquid ab exemplo faciundum reris, ut Aula  
Ancipites venere animos , & vincula nectas .*

*Vndent ora fauis, cupidas transmissa per aures  
Melta Hyblae fluant, mētesque a rupe profectas,  
Monstrosoque mari, facili mitescere coges  
Alloquio, certoque tibi se fœdere iungent .*

*Scilicet Aonio non absque Amphione muros  
Thebarum extructo, etas memoravit Auorum ;  
Et rigida immoto mansi, sent vertice Quercus ,  
Ni Geticum sonuisset ebur, Mea frangere Pitho  
Corda potest, adamante sata; et cum flexilis in me  
Versus amor, sensus animi explorare laborē, (lac  
Qua vergat, quid pronus amet, quid uē oderit ; il-  
Se meus insinuet , personamque anxia in omnem  
Vertar , & occulto quouis me tramite sistam.*

*Indoleat , flebo ; letabitur, abdita rumpent  
Gaudia; vindicibus gladijs armabitur, ira  
Me quoque raptabit, ferroque ultore probabit  
Vel sociam Bellona suam; flagrabit amore ,  
Meque suo Puer Idalius spectabit ab igne  
Exustam, laudabo manus, labra, ora, comasque.  
Tum siue ipse sui captus dicetur amore ,  
Ac laudet speciem ipse suam; super Astra feretur  
Iudice mē, pulcher; frustra et se cōferet olli (donis.  
Phryx iuuenis, Narcissus, Hylas, Hyacinthus, A.  
Si meliora probans , se vel sapientibus aquet ;  
Dixero, Socraticis illum maduisse fluentis ,  
Et*

*Et Sophia assuetum dapibus, superasse Mineruā,  
 Non aliter geritur quodcūque ubicūque, latens;  
 Ut prænsem faciem, memetque per omnia laxem  
 Exempla. Ingenio sic versicolore notatur  
 Piscis, arenosa qui stans in margine ripa,  
 Instar lucentis speculi, quo cuncta coruscant,  
 Effigiem quamcumque bibit. sic unda quiescens  
 Nullo infecta luto, rerum simulacra rejundit.  
 Qua latè inciderint, puppisque Magister aquosa  
 Vitur indicibus ventis, & quemque fauentem  
 Ad pelagus, cursumq; adhibet, moderatur et alnū;  
 Ceu consanguineum reserauerit Aeolus V trem.  
 Artibus his ergo quisquis feliciter usus,  
 Qui sapiens lateri Domini regnantis adhaeres;  
 Conscendes animorum arces, Auleque triūphans  
 Imperio; titulis, amploque augebere censu,  
 Et tua venturi surgent ad facta Nepotes.*

LVI. *in Collegium Gracorum.*

*Andræ Baiano Theologo Conym-  
 bricensi. Io: Baptista Laurus. S. D.*

**O** Aulicas compedes hodie mihi permole-  
 stas! quas excutere tantisper non licuit,  
 dum operam tibi darem, Persianum nodum in-  
 conferto præstantissimorum Virorum theatro,  
 docta oratione explicanti. Mæroris habeo so-  
 cium Dominicum Francuccium, qui iturus ad

Cl. Cæsarinum, mox ad te recursurus, neutrum potuit, laxato in violentum, atque obscenum imbrem Cælo. Itaque in Aede sacra ad Mineruam, mecum substitit, leniuitque diei tædium, institutus à nobis de facundia, & eruditione tua sermo. Quamquam autem ille apud te mei vices, tum salutantis, tum purgantis gnauiter obibit; decreui tamen tibi aliundè obrepere, nec in totum hac nocte, quod interdum nequiui, à te abesse. Me scilicet in Siluam abdidi, quam ad te mitto, nescio, an expertem prorsus Venerum & Gratiarum; hoc scio, de industria dicatam Musis, quæ, ut nubentium Principum tripudijs canentes intersunt, ita animorum nexus fauētes curant, meque tibi arctissimo vinculo obstringunt. Vale. in Vrbe.

Ioanni Baptistæ Lauro Theologo  
Andreas Baianus S. D.

**Q**uid Aulicus ad Rusticum? Egonè ille dignus, quem, non explicantem, sed rusticè abscindentem nodum Persij spectaturus, Aulicas, ut ais, compedes velis excutere? atque eas denique trahens præ studio mei audiendi, vim imbrium incuses importunam, quibus de via in ædem sacram ad Mineruam recesseris? scilicet ducebas tuas aulicas in aureas tantisper  
vertere

vertere potuisse compedes , quod in aureas  
 alterius Herculis Gallici catenas incidisses .  
 Benè tecum, & melius mecum adum esse iu-  
 dico; quod imber mihi ille aureus, tibi ve-  
 rò tunc sanè, pro singulari tua in me huma-  
 nitate, ferreus, & molestus incubuit; quo  
 minus tantum Te ego auditorem, & tu me  
 tam ineptum Oratorem sustineres . Siluam  
 tandiù mihi optabilem, tuis in litteris pro-  
 missam, non dum vidi: videram tamen apud  
 Francuccium nostrum, cum recens nata fuit.  
 legi, & relegi, atque eam *Aspexi* totam  
 censi, & tuo dignam nomine, & ingenio,  
 ac denique Burghesio Principe dignam . Te-  
 tigit me tunc etiam canendi nescio quæ  
 prurigo, non Epithalamia, absit, non Cæle-  
 stes Nodos, non Siluas (quid enim post tan-  
 tos, ac tales viros mihi ex Castalia haurien-  
 dum supererat?) sed Repotia quædam: qui  
 tandem partus elanguit, & abortus est in  
 aduersarijs, alioquin nasciturus integrè, si  
 tunc obstetricem inuenisset . Vale, & in Tuis  
 me accense, ac refouè . Romæ ex Aedibus  
 nostris .

Tiberio Cincio Vtr. Sign. Refer.

Præsidi Firmano

Io: Baptista Laurus S. D.

**R**efrixere de Cæsare rumores omnes ,  
quibus Aula admodum suspensa in-  
cumbebat , qui & inter se se euentu collide-  
bantur . Compressæ sunt simultates , versa in  
amorem dissidia , & optimè conuenit inter  
eos , qui de Imperatoria specula laborabant  
mirè anxij , æquis in ea statuendus esset , æ-  
quis Germanicæ vigiliæ præponendus . Im-  
mortales Superis sunt habendæ gratiæ , pia-  
cularibus hostijs gratulantibus consalutan-  
dus Deus . Ac postridie faciet vna cū sanctis-  
simo Hierarcha Cardinalium Senatus .

Nam hodierna die complures nuncij , alius  
post alium , huc maximis itineribus è con-  
uentu Francfurdiensi cōuolarunt à Legatis ,  
litteras afferentes de Ferdinando Austriaco  
ad Imperij fastigium euecto . Dici non po-  
test , quàm omnium libentibus , & propè ad  
tripudia compositis animis , ea vox fuerit  
excepta . tam altè Cæsarianæ studium glo-  
riz in hominum mentes descenderat : de  
cuius iampridem in Christianam religionem  
peruigili cura celebris apud omnes fama

per

percrebuit . Pontifex cum , peracto sacro ,  
 secedere decreffet in Tusculanum ; eo perla-  
 to nuncio , profectiōis consilia distulit , &  
 comitia indici in crastinum imperauit , rem  
 Patribus , sicuti est gesta , renarraturus . Quæ  
 te , Præses integerrime , ignorare nolui , haud  
 omittens , Farnesium , ac Sfortiam Cardd. in  
 Capranicēsem pagum pridie huius diei com-  
 migrasse . Tresium propediem abiturum ,  
 vt quidem ille ait , Lauretum religionis  
 ergo , alij verius , in Hispaniam . Ego quo-  
 que ad te , Octobri ineunte , per occasionem  
 Lauretanæ peregrinationis obeundæ : quam  
 sanè diu est cum cogitat Card. Auunculus  
 tuus , Dominus meus . Ni animum abducat ,  
 Gregorium Narum , & Io: Baptistam Astal-  
 lium , clarissimos hospites , expectes licet .  
 Aesium inuitat Lucas Cellesius Prætor , Ma-  
 ceratam Felix Card. Asculanus . Vale , ac lit-  
 teras ad Ferdinandum Imperatorem . N. no-  
 mine conceptas , quarum exemplum Nino  
 debeo , prius lege , & nos ama , Romæ B.  
 Virginis Natali die M. DC. XIX.

Ferdinando Cæsari  
 semper Augusto.

**S**I quisquam est , qui diuinæ clementiæ  
 magis ex animo gratias agat , quod tam

multa Germaniæ diffidia læto fine compo-  
fuerit , quæ & ad Maiestatem vestram in  
isto fastigio collocandam , arcana quadam  
ratione conspirare voluerit ; hunc vnum  
sciat Maiestas Vestra esse me , qui erga ean-  
dem iampridem tantum amoris , obseruan-  
tizque suscepi ; quantum & meæ non semel  
transmissæ istuc litteræ , & creberrimi hic in  
Urbe habiti sermones , palam fecerunt ; qui-  
que nihil vnquam ardentius cõcupiui , quàm  
vt, sublati bellorum incendijs, is triumphali  
solio imponeretur , qui cùm maiorum suo-  
rum amplissimis benefactis , tum sui ipsius  
promeritis totius, Orbis suffragio dignissi-  
mus iudicaretur. Quandò igitur Dei optimi  
beneficio in ista Imperatoria quasi vigilia  
Maiestas Vestra constituta est , cuius consi-  
lium , ac studium in Christiana Repub. fla-  
grans antehac semper fuit , & deinceps bo-  
ni omnes flagrantissimum fore confidunt :  
superest, vt ab eodem Numine summis pre-  
cibus contendã, vt perpetuum idẽ esse velit ,  
& Maiestate Vestra aduersus Fidei catholicæ  
hostes, tanquã firmissimo propugnaculo diu-  
tissimè vtatur : mihi verò facultatẽ præstet,  
officij, obseruatizque erga eandem meæ præ-  
cipuo aliquo argumẽto declarandæ. Romæ.



LVIII.

*Bononiam.*

Bartholomæo Florauantio Vtr.  
Sign. Refer. Io: Bapt. Laurus. S.

**N**ihil mihi Thomæ Dempsteri elegantissima Præfatione potuit accidere opportunius, quæ BONONIAE titulum præfert, & laudes ingeniosè, copiosèque narrat. Triduo enim ante egeram pluribus cum Virò primario è familia Iulij Cardinalis Sabelli, cui Bononiensem legationem proximè decreuit Pontifex, de Gallia Cisalpinæ nomine, deque Rege Celsino, à quo, ceu à Boijs, aut à Bono Rege, Bononia, sic Felsina fuerat transnominata. Cumque non occurreret, ubi adnotassem: accessit in tempore Scotus testis locuples, qui permulta in vnum, è multis petita, quasi gemmas, congeffit, ad Urbem exornandam, cuius ornamenta amplam adeò segetem tot Scriptoribus, quos marginarios consuluit, peperere. Quod autem exquirebas iudicium, quandò tanti mediocritatem nostram facere videris, elicit à me breuibus Thomæ castigata scriptio, quæ commendant eruditio multiplex, iucunda varietas, & felix castæ dictionis fluxus. Nam quot, quantaque quatuor paginis comple-

ctitur



Ætetur rara, arguta, atque recondita! quæ vix cuiquam diuturna multorum voluminum, lectio queat obijcere. Quamobrem gratior plurimum Patriæ tuæ, quæ Corrados, Sigonios, & Titios non est cur desideret.

Vnum abs te, Vir humanissime, prius quàm ad nos reuertaris, mihi curatum velim; Caroli Sigonij de Episcopis Bononiensibus librum, cui hic iam tres menses frustra immineo, neque dum alicundè possum eruere. Geminam cum vestrate Historiam de Episcopis Perusinis conscriptam, breui excusam, videbis. Sigonij tamen exemplum aueo, vt conferre liceat. ordinem, & diligentiam, si Cardinalis imperet, in Tudertinis secuturus, quorum Iconas, & Elogia breuiuscula, in maiore Aedium Episcopaliū, Aula, penicillo expressa, in itinere Perusino, si quandò Tuder diuertisti, facisè adnotasti. M. Antonij Capellij scripta, quæ imperaue- ras mitto per Hondedæum: ea partim Venetos, partim Colonienſes typos subiere, item Matthæi Ferchij Veglenſis Apologias. Apocalypſim Bohemicam in tuum reditum referuo. Amphiaræum aliquem, vt apud Papi- nium, te auditurum canentem numeroſè, & diuinantem, puta. Vale. Ex Vrbe.

Scipioni

L IX: In Quirinali.

Scipioni Burghesio Cardinali S.  
Chryfogoni, Pauli V. ex for. Nep.  
lo: Baptista Laurus S. D.

**N**Unquam, ut Antisthenis vocem illam  
probarem, adduci potui, qui, cum in  
equestri pompa Platonem audisset, dilaudan-  
tem Equum, crebro hinnitu excelsos spiri-  
tus indicantem, propterea hominem repre-  
hendit, quod instar Equi, fore aliquando  
ambitosulum suspicaretur. Animum enim  
gloriz appetentem, modò eam sibi rectè fa-  
ctis, ac liberalibus artibus comparare stu-  
deat, tanto æquius magnificandum semper  
existimaui, quantò in illos acrius sum inue-  
ctus, qui amant ignoti esse, ut in otio, quod  
aiunt, tranquillè viuant, hoc est, turpiter in-  
desidia consenscant. Quam equidem ut ab  
hac ingenij mediocritate pro virili excute-  
rem, vel à prima adolescentia dedi operam:  
decreuique in eo pergere, quotidie promen-  
do aliquid: cum præuolantem ætatem nul-  
la re videam tenacius inhiberi; quam si lit-  
terarius utcumque clauus infigatur. Ergò  
habes vnde uigefimi huius anni litterariâ v-  
suram alteram, quam rogo, Princeps, behe-  
uolè

uolè excipias securus laudum capaciore,  
 abs te modio colligendarū, si patrociniū vel  
 leuissimæ lucubrationi non deneges : quā  
 si grauissimas obijcerem, quas mea tenuitas  
 conferre non potest, & tua amplitudo, & si  
 à summis ingenijs requirat; à nobis certè  
 non paruis conatibus parua molientibus,  
 haud expectat. Quamobrem non semel hu-  
 manitatem istam experti, Te hoc munuscu-  
 lo appellare non dubitauimus : quippè  
 in spem adducti, fore vt non reijceres. Qui  
 non Artaxerxem modo Persarum Regem in  
 recipienda Aquula imitari consueueris : ve-  
 rum etiam Pij II. comitatem ipse Pauli V.  
 Nepos, ad viuum exprimere tibi propo-  
 fueris. Cui ad Senenses proficiscenti grega-  
 rius custos, emuncta celeriter Vacca, in li-  
 gneo vasculo lac potandum deferre non  
 erubuit. Admisit generosus Princeps, & suo  
 & Cardinalium obequitantium ori apponi  
 iussit. Laudauitque hominis angusta in re  
 liberalitatē, qui largiter voluit, quiq; ne lar-  
 gius valeret, donariorum penuria meliorum  
 malignè excludebatur. Vale Burghesi illu-  
 stris. atque eandem Cælitum indulgentiam  
 te quoque obituro cogita; quæ tibi alteru-  
 trius Hierarchæ infulas, longa serie feliciū  
 auspiciū pollicetur. In Vrbe.

*Romam.*

Io: Baptistæ Lauro

Bartholomæus Tortolettus S.D.

**C**Um sapissimè de tua in me beneuolentia Cauacepius noster ad me retulit, tum quandocumque usu venit, ut præclara ingenij tui monumenta in publicum edita, ad ipsum perferenda curaueris, & mihi, quod & proximè præstitit, tuo iussu, qui meum iudicium nimium videris æstimare, legenda permisi: quod quam mihi iucundum fuerit, pluribus explicare non est necesse. Etenim & tua scripta mirificam, & satis hominibus perspectam, & laudatam præferunt elegantiam, & isthuc voluntatis, & iudicij de me tui testimonium ad meam dignitatem magnoperè arbitror pertinere. Itaque non sum rātus committendum, ut toties prouocatus, diutius fileam, neque tibi gratias agam, quàm maximè fieri potest, liberales, certiolemque faciam me tui amantiolem, aut studiosiolem esse neminem: cum meæ beneuolentiæ, & studij causa à tua virtute protecta sit; ac si mea opera uti opportunum duxeris, me tibi officio nullo tempore defuturum: Quid autem sentiam, non de tuis laboribus

boribus sanè luculentis, id enim satis explicavi, sed de latini sermonis, quem præcipuè colis, peritia, & usu; dicam meo more liberaliter, nulla me yberiore affici voluptate, posse, quàm cum in ea me lingua aut legere, aut scribere aliquid contingit, cui præsertim quidpià inusitatũ insit nitoris, & gratiæ, quæ omniũ linguarũ, omniũ gentiũ, omniũ seculorũ, meo quidẽ iudicio, faciliè obtinet principatum. Quid enim ei desit aut ad exprimendas res efficax, aut ad venustatem concinnum, aut ad maiestatem decorum, & splendidum, in mentem non venit, imò verò abundè omnia, & supra ceteras; nam tametsi communi ferè consensione ea potissimum inualuit opinio, vt Hebræa, Græcæque linguæ aut locupletiores, aut elegantiores, aut certè significantiores fortasse videantur; tamen nescio qua ratione factum sit, vt nihil amabilius, nihil gratius meis auribus instillari possit, quàm argumentum illud, quod latinis characteribus conditur, seu illa sit consuetudo, aut propensio naturæ quædam, seu quod ratio soni Hebræi, Græcique sermonis à nostro usu vehementer abhorrens, ad latinam me suauitatem conuertat. Quo magis commoueri me sentio, cum audio quosdam, qui latinas litteras insensè respuunt, & planè improbant

bant, quarum vim, & pulchritudinem non intelligunt; ijsque hunc, quem communi consuetudine usurpamus sermonem, æquiparant; atque etiam, si Superis placet, impudenter anteponunt. Quasi verò, si quid magnifici, ac splendidi in familiari huiusmodi nostro idiomate continetur, non illud è latinis fontibus deriuarint maiores nostri; atque in illa temporum colluie, qua inuadentibus Italiam Barbaris, vna cum dominatione & potentia, bonæ Artes interiere, in hanc nostratem linguam, quoad per eos fieri potuit, haud totum contulerint. Etenim nihil nostrum habemus, quod laudem mereri possit, omnia extera, aliena, peregrina, ipsa doctrinæ, & sapientiæ arcana, necdum eloquentiæ, ad imbuendos animos, è Græco penu in Latium manarunt; è Latio in nostros vsus translata sunt. Quod si ex hoc maximè inquam, vt sanè faciunt, huic generi orationis, quæ vulgari vlu recepta est, Philosophiam, nec non reconditarum quarumcumque disciplinarum intima, consignata fuisse mysteria, ac propterea superuacaneum esse latinis litteris operam dare, in quibus addiscendis flos, & ver ætatis frustra deteritur: non inficiar, eam esse conditionem scientiarum grauissimarum, vt exutæ latinitate proprium decus, & maiestatem  
tueri

tueri minimè posse videantur, & Reginas plebeio vestitu iudutas, ac sordidas repræsentent: imò verò, neque integrè neque significanter nostram linguam referre posse eiusmodi sententias censeo, quæ in latina suum quasi corpus propriū habent. Quamobrem si peregrinam, nihilque ad nos pertinentem orationem latinam existimant, neque potius domesticam, & cognatam nobis, sed fato quodam ereptam, quid est, quod ab ea tantoperè abhorrent, cum peregrinas vestes, externos, atque alienos mores Itali homines tanto studio prosequantur, & induant? Etenim ita usu comparatum est, ut quæ olim natio omnes imperio sine controversia superavit, ea nunc specie quadam illecta quietis, & lucri, vno seruiendi desiderio flagrare videatur. De Lectione, nisi pertinacius agere velint aduersarij, conuictos medius fidius se esse fatebuntur; de Scriptione fortasse maior quæstio. Nam qui latine scribant, scribere eisdem aiunt admodum paucis, & gloriam suam angustius coercere, cum ea cognitio arctis sanè terminis nostra ætate conclusa sit. Aberrant tamen in hac quoque parte toto Cælo, nisi fortè latius patere statuendum sit, quod vnius Italix finibus circumscribitur, quàm quod per vniuersas Christiani Orbis prouincias largi-

gissi-



gissimè peruagatur; Scriptoresque figulis potius, ac tonsoribus, quàm viris doctis, & eruditis suam industriam præstare velint.

Ceterum eo vel iniuria temporum, vel ignavia, & socordia præsentium hominum deducti sumus, ut non modò politiores litteræ, sed studia propemodum omnia, quæ sapientiam pariunt, conticescant, obsolescant: Philosophiam magistram vitæ qui attingat, aut nemo reperitur, aut oppidò pauci. Solæ fortasse Leges non nihil loci, ac commodi apud nouissimum seculum videntur inuenisse: quippè quæ in re familiari tum defendenda, tum amplificanda versantur ut plurimum: non enim, quæ virtutem inducant, sed quæ censum augeant, eæ artes suspiciuntur. Indignum verò, nisi cum venalibus animis sentiamus, flagitij genus, mentem instruere disciplinis, quæ nobis ad benè, beateque viuendum, à Deo immortali singulari beneficio traditæ sunt, ut corpus vilissimo, ac sordido quæstu ditetur, & pingueat. Qua ratione autem sapientes isti Leges calleant, interpretentur, administrent, sine pudore dici vix potest; cum absque litteris plerique, ac latini sermonis expertes, omnem barbariem in subsellia, & fora traducant, & buccis ambitiosè inflatis, solos paragraphos sonent, & digesta; quæ tamen minimè digesserunt, ac



fortasse non degustarunt. Nam si sapientum  
responſa, & leges illas à summis viris dicta-  
tas vidissent, ac memoriæ mandassent, haud  
profectò in tantam vocum fatuitatem cor-  
rumperentur, & nobilissimam facultatem,  
non inquinarent; cum illæ candido, atque  
eleganti sermone, illustribusque in primis di-  
cendi formulis conscriptæ sint. Satis habent  
hi, si posteriorum scriptorum riuos attingât;  
fontes perhorrescunt; nimirum consilijs vt  
plurimum ad quæstum magis, quàm ad ve-  
ritatem accommodatis, nunc demum vni-  
uersa propè Iurisperitia continetur. An ve-  
rò animas incorruptas, immortales, ad bea-  
titudinem diuinitus procreatas, corporibus  
postponendas, iudicandum est? virtutemque  
auro posthabendam? Ita sanè contendunt.  
Litteras præterea aut nullas vulgò attin-  
gunt, aut fastidiunt plurimi, atque in eam,  
væcordiam adducuntur, vt litteratos homi-  
nes explodendos putent, eosque planè ine-  
ptos, atque inutiles in Republica prædicent;  
litteratorum autem conatus, & opera non  
secus irrideant, ac si essent furentium delira-  
menta, & somnia ægrotantium. Qua verò de  
re in Aulis, in Foris, in Ciuili societate, at-  
que amicorum consuetudine inter se hostes  
istius Musarum, & Mineræ strenui admodum  
colloquantur, pudet commemorare. nam

cui

cui sententias, è nobilibus disciplinis erutas, liberalis cognitio neutiquam subministrat; ille in obscenos, indignosque sermones degeneret necesse est; aut cum benè loqui nesciat, malè loquatur; ac tum demum summam gloriam sibi adeptus esse videatur, cum bonorum studia, fortunam, mores maledictis exagitauerit. Viderint cum ipsi, tum qui alunt eiusmodi dedecora (utinam non plerumque in suam perniciem). Sed vniuersus terrarum Orbis propè iam consenuit; bis pueri Senes; puerorum autem illud primum ac potissimum elementum est, vt litteras odio habeant. Tibi quidem, Laure, gratulor, qui ab eorum instituto longiùs abes, neque insanas huiusmodi inimicorum voces, Vir fortissime, reformidas. Ego quoque eandem tecum viam inirem, si aut ingenium, aut otium suppeteret; sed cum meas vigilias attentius intueor; animo me oportet planè concidere. Nam nisi ab Aula quietem impetro, desperata res est, nihil perfectum, absolutumque de meo vnquam penu depromere licebit: adeò multa, eaque varia temerè (quod Iuuenutis est vitium) inchoata sunt à me, in vtraque lingua, vtraque oratione tum ligata, tum soluta, præsidia futuri nominis; quod quemadmodum parare possim in tantis virium, ac temporis angustiis, comminisci ne-

queo. Illud saltem fortuna permetteret, minus meliora, at non deteriora ut discernere valerem, atque aliquo delectu testari posteritati, me inertem, ac desidiosam vitam quasi fortuito non agitasse. Tu, qui ingenio plurimum vales, cumque ad aptè, ornatèque scribendum tuo stylo nihil desit, facilitate nihilominus dicendi iacturam temporis redimis, quemcumque aditum ad summum litterariæ gloriæ fastigium & appetere, & sperare potes. Vale. Ferrariæ x. Kal. Nouemb. An. 1619.

L X.

*Ferrariam.*

Bartholomæo Tortoletto

Io: Baptista Laurus S. D.

**O**Mninò præter spem tuæ mihi obuenerunt litteræ, disertissimè Tortolette: quæ eò gratiores, quo expectabantur minus putabam enim me Cauacepio excidisse, aut abesse ipsum Ferraria, à quo (sex septem abierunt Menses) tantum accepi binas. in his semel de te mentio, cum permulta de studijs, ac lucubrationibus tuis posset, & à nobis rogatus, deberet, quæ hic coram receperat. quo tempore Romam à Cardinale vestro ablegatus, Gibertum Pium, cum suorum splendore natalium, tum Columnensi nupero

nupero coniugio florentem, immatura morte præreptum offendit, quem crediderat valetudinarium. Homini autem cum negotium dedi, scriptorum meorum, cuiusque modi missem, tibi, nostri amantissimo, indicandorum; meum non fuisse consilium, ut ex eo laborem scribendi ullum sumeres, utique in ista Aula occupatissimus, inde opinor, licebat intelligere; quod ad te per eam occasionem verbum nullum: quem ego Artibus & facundia excultum, quamquam rudi, ac ieiuna Epistola, appellare ultro non dubitasset. Quamobrem magnas benevolentie in me tuæ gratias ago, qua adductus, litteras ad nos miseris tam vberes, tam elegantes, tam veras denique de re, hac quidem tempestate, ad miraculum, pænè dicam, negligenter habita. Etenim per quàm pauci hic sunt, qui (ut missos faciam eos, qui Philologiz, & Philosophiæ haud quidem nuncium remittere, nam aliquandò agnouissent, sed sibi in totum interdixere) Tullij, meliorumvè splendoras, & omni Gratiarum penu referas cenas, desiderant: adeò multi triuali & famelica oratione contenti, vulgariter ac fordidè conuiuantur. Aduersus quos, sermonis elegantie osiores, æquissimo iure strinxisti gladium, Tortolette; cui tamen (quandò nullius iam rei vberior est annona, quàm homi-

num, à Mufis amœnioribus abhorrentium) nullus adijci ignis fatis queat, ad hanc exce-  
tram exurendam, nullum fulmen ad hos Sal-  
moncos deterrendos, obterendosque. Non  
possum obliuisci spinosas quasdam, imò mon-  
stri similes litteras, quas legit mihi nuper  
Vir amiciſſimus, cum primis eruditus & elo-  
quens, ad ſe, vt dicebat, à quopiam ab Inſu-  
bria exaratas, qui Hiftoriam nescio quam  
aggreſſus eſt ſcribere. Lapides, ita me Cæli-  
tes ament, non verba loquebatur: tum pe-  
riodos ſic obuoluebat, & vocibus quibuſdam  
ab Oſcis, & Volſcis malè corrogatis, in-  
terpolabat; vt latinæ orationis faciem non  
agnoſceres, planè aſper, horridus, olidus, ve-  
luti è piſtirinò prodiſſet, haud certè Plauti-  
no, aut Apuleiano (nam hoc ferendum erat)  
ſed ex hircosa aliqua Aboriginum caula,  
qui rancida omnia fuerant balba de nare  
locuti. Qui verò ſalebrosæ Epistolæ lectione  
meas aures onerauerat, à nobis bona fanè  
fide expetebat, vt cum illo data litteraria  
ſyngrapha, amicitix ſœdus inſtitueremus.  
Eſſe enim apud Magnates ſuos in ſumma gra-  
tia; nec minoris candidatum Aulæ à nobis,  
qui in Vrbe viueremus, reiſciendum videri.  
Ad quem ego: Apage, inquam, Spurinam &  
Labeonem iſtum: cuius vel remota conſue-  
tudine, facultas dicendi hæc, quantula eſt, il-  
lico

licò maculas vsque adeò luridas contrahat ;  
vt me deinceps, furenti Aiaci persimilem ,  
intemperijs actum , sis iudicaturus . Porro  
Latinæ Linguæ maiestatem ita à puero de-  
uenerari cœpi, vt nullo non thymiamatis ho-  
nore, nulla nō dignam victima semper existi-  
mauerim. Eius simulacrum Plautus, Teren-  
tius, Cæsar, Cicero graphicè conformarunt,  
& ductas vtcumque lineas à Linio, Curtio &  
Cornelio, nemo aliqua ratione delendas ha-  
ctenus putauit. Qui omnes, mixta colorum  
artificiosa temperatione, hanc apud sanioris  
iudicij viros expresserūt Helenam; quemad-  
modum apud Crotoniatis Zeuxis expressit  
suam. Ab hoc archetypo hodie non deflectūt  
oculos Barclaius, Sacchinus, Famianus, Gallu-  
tius, alij, qui quotidie apud V. C. Paulum  
Mancinum ad doctissimam Humoristarum  
Palæstram confluunt. Tu reddis adamussim  
Tortolette. Testis olim mihi Pompeius tuus,  
& in parū dissimili genere, Secularis Clemen-  
ti viij. oblatu Annus, proximæque ad nos  
litteræ abundè declararunt. Perge autem  
Vir eximie, & quæ multa habes iam pridem  
contexta, atque perpolita, quæque in dies  
procudis, ede nobis; ede Vrbi, quæ tui præ-  
sentis orationem hausit sæpius, & nunc an-  
xiè requirit, nec ferre potest absentem. Vale,  
Romæ Non. Nouemb. M.DC.XIX.

LXI.

Romæ.

Federico Cæſio Principi S. An-  
geli Io: Baptiſta Laurus S. D.

**D**E Tubo Optico, de nouis Stellis per eum  
in Cæleſti regione deprehenſis, deque  
Maculis Lunaribus Orbis iuxta tecum ſentio,  
Princeps doctiſſime. Aliud turbat, quod an-  
tequam experirer, propè neglexeram, ex-  
pertus modò, ſatis admirari non queo,  
cuius tu cauſam ex abdiſſimo tuæ Phyſio-  
logiæ penu mihi eruas oportet. Haud cuiquā  
ignotum (ecquis verò rem ignorat inſigni-  
ter noxiā, induſtria opinor, ac manu Furia-  
rum in Orbem inueſtam?) quæ ſit vis pul-  
ueris tormentarij. quem è ſulphure, nitro-  
que conflatum, cum in pharmacum, quiſquis  
ille fuit, apparaffet, proſiliens è percuffa ſi-  
lice ignis, morti propius inferendæ idoneum  
declarauit. Nefarium inuentum ut iam am-  
plius, amiſſa nouitatis gratia, non ſuſpici-  
mus, ita peſſimè execramur. De puluere  
autem aureo ſi fortè minus inaudiſti, per  
me intelligas licet, &, ubi ad experienciæ  
libellam reuocaueris, etiā alios doceas. Ego  
proximè argenteo cocleari impoſui, tum  
ſubtus ignem admoui. è veſtigio non in-  
subli-



sublime, quod nitratus consuevit, sed deorsum facto impetu se proripuit, prorsus contra quam efficax, potens, & in pyramidem euadens elementum soleat. quod hic diuerso vtatur ingenio, ac degeneri combibita indole, quasi amputatis alis, de more in altum non audeat subuolare. Hac in te Princeps acutissime arcanas naturæ vires scruteris velim: quamobrem in flammam procliuor aurea scobs contrario nitatur motu. tamen si dum id neutiquam somniculosè cerno, ad secretiora me referre ipsum non curo: quodque tam facile oculis obijcitur, qua ratione valeat fieri, altius non inquirō. Temerè quippe dubitem posse contingere, quod oculata fides mihi indicat contigisse. E Muszolo.

LXII. *In Vaticanum.*

Io: Baptista Laurus S. D.

Angelo Roccæ Epif. Tagastensi,  
Apostolici Sacrarij Præfecto.

**E** St cur tibi gratias agam, Pater religiosissime, qui Musas nostras iampridem altissimo otio incubantes, & marcenti veluti somno ebrias, B. Patris vestri Augustini, cuius ego festum diem Natalem meum colo,  
sublato



## 170 Io: Baptistæ Lauri

sublato vexillo, inflataq; tuba excusseris, &  
 ad sanitatem redire imperaueris. Nisi si ve-  
 rius Caduceator dici debeas, qui obiratas,  
 & simultatem nobiscum se velle diutius exer-  
 cere interminantes, præter spem reconci-  
 liaris, & in pangenda B. Præsulis sanctimo-  
 nia, mecum tam amicè conspirare volueris.  
 Enimuerò ex quo ingenuas Virgines iussi  
 Fornacem calcariam extruere; Triumphum  
 Murium & Ranarum canere, & in Abdera-  
 Vrbe excindenda fortius insudare, quàm  
 præceperat in Batrachomyomachia sua.  
 Græculus auctor, quicumque fuit: illæ mihi,  
 quasi violatæ maiestatis dixerunt diem, &  
 vltione acerrima, hoc est, longissimo silentio,  
 de impudentia nostra supplicium sumere sta-  
 tuerunt. Exinde non nisi in biduum paullo  
 mitiores sum expertus; cum præissent vtique  
 multa verborum lenocinia, & prensassem  
 vocibus adeò in obsequium calamistratis; vt  
 redimere ferreas compedes, & duriciem à  
 filicibus possent amoliri. Impetraui nimirum  
 breuem haud auersi Numinis vsurā ad Ico-  
 na Adulationis effingendum, in Aulica Ve-  
 natione indicatum, mox ad ingenium redie-  
 re. Nunc demum per te Virum integerrimū,  
 nobis sunt placabiliores factæ: puto, tam  
 gratioso oratori non potuisse pernegare.  
 Tibi igitur debetur vni sacrum Carmen;  
 quod

quod, ne prorsus contemnam, haud quidem illud præstat, quia ego condiderim, homo, ut tu vis, plusculum eo in genere à prima Iuuenta exercitatus: verum quia ipse intercesseris, atque obtinueris; quippè nec tibi ingratû, qui poposcisti, nec pio Parente, què pro virili cantat, planè indignum. In posterû cum quid eiusmodi ab irato Choro extorquendum erit; neminem alium mihi pacificatorem, præter te, malo. Præsto enim ille tibi sit, quem minus obsequentem à celeberrima Bibliotheca, abs te magnis sumptibus apud Augustinianos Sodales excitata, possis prohibere. Vale in Vrbe.

LXIII.

Roma.

Julio Cæsari Stellæ Comiti,  
Pauli V. ab intimo Cubiculo,  
Io: Baptista Laurus S.D.

**C**Rede mihi, Stella Comes humanissime, cum essem Tuderti, nihil propius est factum, quàm ut cultissimas Musas tuas peracri Iambo, hoc est, ciuilitatum aculeis obarmato prouocarem, quæ mihi tamdiu Nuptiale tuum Carmen in Burghesium, cui & ego tanto antè proluseram, differrent. Et sanè obtinuerat apud me, quod coram dixeras

xeras te in illius vestibulo præfatum : fore  
 utolim concepta , quamquam emissa post  
 tres menses foetura, ac fortuitò eò vsque di-  
 lata, homines legendi percupidos nanci-  
 sceretur, neque scriptorum eiusmodi am-  
 plius aceruo delassatos. Cum prius tam mul-  
 ti, varia cætuū modulatione, quasi Pyrrhica  
 Chorea indicta, ad præliares Nuptias pro-  
 siluissent. Hodie demum cum maximè nu-  
 bilum est Cælum, perindè atque ægrè ferat,  
 Pontificiæ Alæ affeclas, vna cum sanctissimo  
 Hierarcha, in Tusculanum commigrasse, Stel-  
 læ à vobis, vel meridie, cum est sudum, cla-  
 riores, sunt redditæ. Nam tuo Carmini Io:  
 Baptistæ, Fratris tui, Elegia adiuncta erat,  
 quam in suam ad Episcopatum Bitunti con-  
 secrationem decantarat. Nihil ea potest  
 fieri emunctius, elegantius, religiosius. Tan-  
 ti verò illa non apud me modò, sed etiam,  
 apud omnes germanæ latinitatis æstimator-  
 res, atque animæ in negotio plurimum ocu-  
 latorum, futura est; quanti & Roberti Card.  
 Bellarmini ad Angelum Epif. Theanensem,  
 Nepotem Patris ænesis; Io. Victorij Roscij de  
 Episcopo perelegans Oratio; & Ioānis Gual-  
 terij, Burgentium Antistitis, ad se inangu-  
 ratum præscripta Admonitio haud ita pri-  
 dem fuit. Eam amicis ad Ecclesiarum fa-  
 stigia identidem euectis, Animarum pa-

ro seget em; nec vnquam in manus sumam,  
nisi beneficij tui, Stella præstâtissime memor:  
cui gratias ingentes habeo, tibi que, & am-  
plissimo Fratri, gentilitias Stellas propitias  
ac fauentes continenter precor. In Vrbe.

LXIV. *Neapolim.*

Io: Baptista Laurus S.D.

Laurentio Mancino Abbati.

**L**ongè opinionem meam fefellerunt nō-  
nullorum præpostera iudicia, qui arbi-  
trati sunt à nobis Minervam, quod dicitur,  
Athenis violatam. Taceo de loquendi for-  
mis, à Christianis Scriptoribus passim vsur-  
patis. illud non debeo, quod vni mihi frau-  
di fuerit, non paullò liberius, sed vberius  
ea per succenturiatum militem pronuncia-  
se, quæ à compluribus noueram multò antè  
diulgata. Haud tamen malæ causæ, Ante-  
signanis nostris ita decernentibus, patrocini-  
nari volui. Nam alios, qui, in legendis no-  
stris, tenebras in oculis videntur ferre,  
adeò nihil moror; vt, qua ipsi nos verberant,  
eadem ego illos æquius castigatione verbe-  
randos putem: quibus, si qua lux affulsit,  
palustris, vt appellat Persius, verè fuit. Sed  
non vacat, Laurenti, litteris prolixioribus  
tecum

tecum in præsens vti: cum immineat Tabel-  
larius, & ex cohorte Aulica omnes à scri-  
bendo reuocent, præproperum hinc abitum  
Lauretum versus molientes. Puer quoque  
meus colligere sarcinulas habet, mulioni-  
bus tradendas. Vale mi Laurenti, cui multū  
gratulor amplissimi Principis, Alex. Cardi-  
nalis à Monte-alto, effusissimam liberalita-  
tem. Cælites benè faxint vnico huius aui  
Mæcenati, qui tam munificè fortunis tuis,  
tuorumque, prospiciendum putat.

Litterarum Pontificiarum, quibus Vrbis  
nostræ nobilitati pariter, atque vtilitati pa-  
ternè consultum ijt proximè Paulus V. exem-  
plū Theodorus reddet. Perusiæ proponentur  
publicè, & tanquam inflato classico, indor-  
mientes nostrorum animos ad rem familia-  
rem studiosius comparandam, excitabunt,  
Vale iterum, expeditiore nūc Via ad nos re-  
uersurus, quā cum olim per causam vi-  
rium à morbo recuperandarum, istuc con-  
cessisti, vsus es, & quidem curante Viro sa-  
pientissimo, Philippo Philonardo Card.  
Ex Vrbe Roma.

Gaspari Matthæio V.C.

nunc vtriusque Signat. Refer.

Io: Baptista Laurus S.D.

**Q**Uod inter deambulandum hodie narrare tibi institueram, & cuius gratia exemplar Inscriptionis ad fossam Bracchianam requirebam; te postridie ad Thrasymenum Lacum profecturo, ut animum à grauissimis Iurisprudentiæ, artiumque studijs parumper leues, dicam planius per Epistolam; enixè cupiens, cum illic fueris, alicui tuorum negotium des, ut describat, & ad me Romam mittat, qui talium manipulum ad V.C. Saueertium meum paro, Selectis Christiani Orbis Delicijs additurum.

Cum Laci Thrasymeni Emissariū, labe interna soli interclusum, prohibuisset per plures annos exitum aquis; excreuerat adeò Lacus, & super-stagnauerat, ut nō solum vicini campi, ac vineta occuparentur, & piscatio, quæ solet esse admodum copiosa & quaestiuosa, impediretur; verum etiam Oppida, quæ in Insulis Thrasymeni, & ad ripam in continenti sita sunt, inundarentur ad eam altitudinem, ut incolis, domos ingredi volentibus, non nisi per fenestras, ostij vice, pateret

teret aditus. Neque tantæ calamitati opera  
 Cardinalium nonnullorum, qui Legationi  
 Perusinz præfuerant, aut aliorum à Clemen-  
 te VIII. ut id curarent vnum, transmissorum,  
 remedium vllum adhibitum fuerat. Tan-  
 dem missus est ab eodem Pontifice Maphæus  
 Barberinus, tunc Camera Apostolicæ Præ-  
 sidens Clericus, nunc verò Cardinalis, qui  
 anno M. DC. II. quatuor mensium spa-  
 tio, in pristinam formam Emissarium resti-  
 tuit, & securius aduersus imminentes terræ  
 labes, & Chasmata, nouo addito diuerticulo,  
 reddidit: vti ex Epigraphæ conijcies, à Viro  
 disertissimo concepta, & ipsius iussu ad Emis-  
 sarij ostium in marmore incisa; in qua ta-  
 men, quæ fuit Principis modestia, nullam de  
 se mentionem fecit. Ac ne cura exscripti La-  
 pidis non tibi, Gaspar humanissime, scæneret,  
 ego Principis eiusdem ROSA te donatum  
 volo, vna cum Bonciarianis litteris, ut  
 ad Dulcium, suauissimis: Vale iterum,  
 atque iterum, & nostræ obseruantia sem-  
 per memineris. Cras me, Superis, addiu-  
 uantibus, ad Card. Proauunculum tuum. Cui,  
 Tuderti cum fuero, verbis quàm potero offi-  
 ciosissimis plurimam ex te; in Vrbe, Mario  
 dicam Patri. Perusinz ex Aedibus.



Ἐμφηλον ἐκπροχέου πλούτον καὶ ἡδυμορ δσμύν,  
 Οἴμασι πορφυρέω χράματι χάριμα φέρον,  
 Φαιδρυσύνλιν πεδισ, πάντων κλέος ἔσοχον ἀνθῶν,  
 Ἀνθηροῦτ' ἔαρος κόσμον; ἐροῖε κορῶν,  
 Οἷντάτων τὸ Ρόδον φερρᾷ περίφραξεν ἀκανθῶν,  
 Φίλῃατορ ὡς ἔργον ἡλοτυπεῦσα φθοίς:  
 καὶ τάχα τῷ φύλακας παρέφυσεν, θῆκε δ' ἀλουργῶν  
 Ἀρβισι βαλομένη τὸν βασιλῆα λόμεν.  
 Ολβίσεις ἔπλοισι ἀρχὸν φερρουμένον; ἀρδᾷ  
 ὡς Ρόδον. αμφοτέρωρ κῆδος ἐφημέριον.

**I**ngenitas qua pandit opes, & odore superbit,  
 Et splendaore oculos Muricis exhilarat,  
 Camporum iubar eximiū. Iuuenumq; voluptas  
 Insignis florum gloria, Veris honor:  
 Spinarum Natura Rosam munimine cinxit,  
 Vt rem, cuius amor sollicitum cor habet:  
 Forsan & hanc positis custodibus induit ostro,  
 Vt pote Reginam floribus esse velit.  
 Vt felix colitur sepius Rex milite floret  
 Ceu Rosa. virisque rapit, qua dedit hora deus.

Bononiam.

M. Ant. Bonc. Francisco Dulcio. S.

**O** Verè vernum, verè roseum, imò meliteum  
 ac nectareū Epigramma, Dulci suauissime,  
 M quod

## 178 Io: Baptista Lauri

quod fruendum nobis apposuisti, à communi Domino, græca pariter, latinaque conditura laboratum. Id verò cum alter aurium mearum Anagnostes, græcè plosculum intelligens, græcè antea mihi gustandum exhibuisset; in mentem venerat conari, si possem quoquo modo repræsentare Atticas illas Veneres Gratijs latinis, tum remittere ad Illustrissimum Patrem, alijs indutum vestibus infantem. Vbi verò & latinos gerentem habitus, & pari passu incedentem conspexi (valeat Philosophus) eodem temporis momento, & dolui meam vicem, spe frustratus reuestiendi, & gauisus sum vicem illius, aptiore, quàm ego facere potuissem, veste conspecta. Mens rursus inciderat euocare Musas Etruscas, & tertium illi habitum concinnare. Sed veritus sum, ne aut me non agnoscerent, diu illarum consuetudine intermissa, aut ne non bonam mihi operam nauarent, post-habita latinis. Massinium nostrum, cum redierit, rogare in animo habeo, siue ille diutius cunctabitur, Narduccium, aut Chrysaldum. Apagè qui dicunt, ex Principum Aulis exulare Musas. exulant vnde non aluntur, siue vbi cuiuspiam ipsæ altrices non fuere. Ingenuos, magnanimos alumnos suos nunquam deserunt, sed his semper adstant, obsequio parata. Raros, in-

quies

quies, huiusmodi sit inuenire Principes doctos, liberales, elegantes. Non est dubium, raros. nempe quia raros Calliopa & Minerva aluit. Propè libet hoc loco instituere querimoniam aduersus Principes Age Dulci, diuina, aduersus quos? Nempe inquis, aduersus hostes Musarum; Imò, inquam, aduersus earumdem cultores, atque amicos. Nam si cum opibus, dignitate, potentia, bonas quoque Artes sibi vindicant; quid obsecro priuatis nobis relinquunt, in quo eminere, gloriari, saltem acquiescere possimus? Id verò si Principes efficere pergant, & Cardinalis Barberini exemplum sequantur; quis non censeat fore actum de priuatis eisdem ingenijs, eisdem famelicis litteratis? Nā si Epistolā scribere, si dictare Orationem, si pangere Carmen, si quiduis mittere in litteras græcè pariter, ac latinè tam poterit (exempli gratia) meus Antistes, quàm ego facere soleam; quis non intelligit facile fore, ut nos frigeamus, & minore apud Principem in honore, ac pretio simus? Hæc, inquam, se se obtulerat calenti calamo querimonia, quam post paullum refrigerata mens, non admittit, experientia reclamante. Itaque desino, votum reponens pro querela. Dominis meis Illustrissimis Legato, & Prolegato felicem, ac prosperum precor Sacrosanctum Redem-

180 Io: Baptista Lauri

ptoris nouum Natalem. Tu etiam atque  
etiam vale, Dulci dulcissime. Te Laurus &  
Saluucius saluere iubent. Ego Bertolanum  
& alios Lucenses. Perusie postridie Non. Ia-  
nuarij M. DC. XIII.

LXVI.

*In Vaticanum.*

Constantino Caietano Abbati,

Pauli V. à sacris litterarum monimentis,

Io: Baptista Laurus S. D.

**Q**uam multa præter opinionem, adeo  
& contra votum accidunt! Abbas re-  
uerendissime. heri vesperi cum me domum  
recepissem, nihil habui potius, quam ut tibi  
Dionem conquirerem, quo Clariss. Comes  
ab Arcu in dies aliquot uti cupiebat. Quid  
verò censes? Bibliothecam diligenter ex-  
cussi, omnia scrinia, omnes arculas subuerti:  
nusquam tamen Niczus, aut Xiphilinus sal-  
tem inueniri potuit. At at recordatus sum,  
Volumen utrumque abstulisse secum Tybur  
Tiberium Fontium meum, Cardinalis Priuli  
Iathrum, qui eò hoc æstatis commigravit, &  
ut Romanæ Historiæ continuata post Gale-  
nos suos lectione, tempus falleret, indè nos  
fefellit, Ipe nunc reperiendi destitutos: qui-  
que comoditati Libri oblitus eram, eius for-  
tasse

rasse in discrimen fides apud te adducitur, cui, de me iam pridem optimè merito, in re longè maioris ponderis semper gratificari cupiam. Igitur dabis veniam culpam ingenuè fatenti; quam redimere precibus non par fuerat, nisi fuisset temerè pollicitus. Repræsentare equidem tunc potero, cum non erit vsus, & veluti res alienum dissolvere, cum non reposcetur. Sed quo tibi arctius deuinciar, nomenque haud facilè expungendum tuis rationibus accedat; Rosvveydum in trīdum à te expecto, vt post, doctissimam velitationem tuam recognoscam. Amo te de Monasteriologia, à V. C. Carolo Stengelio tuo nomini dicata. Miræi Benedictinis Originibus adiunxi, vt muneribus carissimorum capitum me identidem oblectem. Vale Vir acutissime, & eruditionis tuæ face Antiquitatem perge illustrare, cui nostro auro propitius Castor affulisti. Ex Aedib. in Vrbe.

LXVII.

Romæ.

Aloysio Capponio Cardinali,  
nunc Archiepisc. Rauennati,  
Io: Baptista Laurus S. D.

**N**ihil non debeo Horatio Mancino Abbati, qui in me amando, tuendo, de me-

M

3

ren-

rendo, nullum seruat modum. Mitto dicere, quàm dulci me officiorum sarcina apud Principes Lenium & Lantem non semel onerauerit: voluit id etiam nuper apud Te Cardinalis amplissime, cuius patrocinium, ac beneuolentiam sperare quidem propter ingentam tibi humanitatem, potui, præstare aliquid, quo ea haud planè indignus viderer, non potui. Nam pro oblato illo ingenoli nostri foetu adeò habere gratiam nullam debuisti; vt magnæ mercedis loco fuerit, quod Vir grauissimus nugacem, & linguacem non reieceris. Quid autem iucundissimus Senex de me tibi insusurravit, nescio, an facile credideris, quod dicturus sum: cum magnum pudorem incussit, vbi renarravit, tum excidit iam illud mihi, qui referri in felicius rationarium, ex quo in hanc militiam me volens mancipauit, vix somniare sum ausus. Honorificè nimis quidam de me & sentiunt, & loquuntur; sed quibus perbellè imponat Amor, & quorum errore si rantisper delector, paulò tamen post hinc me grauitè oburgo ipsum, qui gregalis in litteris notæ, virtutis dumtaxat cutem, nunquam intima viscera scrutatus sim. Ne verò Cardinalis humanissime, commendatione adductus Horatiano prolaboris, quo & tua te benignitas vltro impellat; egoque interim sustinendo oneri

impar, cogam dependere de suo, quicumque de tenuitate nostra alijs plusculū polliceantur: spontè hac te Epistola pramonitum volo, tuum ut potius mihi amorem serues, quā alienam gratiam eblandiaris. Hanc non exambiam propter humilitatem, quæ & immerentem non proficiscatur; illum tua deferat humanitas, cuius amabiles nexus nostra ferre imbecillitas non recuset. Vale in Vrbe.

LXVIII. *Louanium.*

Erycio Puteano V.C.

Io: Baptista Laurus S.D.

**N**Ec cumulationem pietatem erga Bonciarium, popularem meum, tui olim peramantem, præstare queas, Clarissime Puteane: nec ego plus officiorum à quoquam efflagitare; quā ut litterarium xeniolum, quod humanitati tuæ defero, non repudies. Iam tu decennio antè ex Italia nostra, quā M. Antonius è viuis. Vigetnè verò tuus etiānum erga hunc, atque illam Amor? En hunc & Hymenæus noster adit, qui nuper Burghefiorum & Vrsinorum Nuptijs castissimè prælusit. In earundem scriptiunculam mitto, studij aduersum te singularis, ac veteris obser-

nantia indicium meæ . Humanitatem  
& candorem tuum edita iampridem abs  
te scripta declararunt, & illustres Viri, è fa-  
milia Archipræfulis Hydruntini, qui è Bel-  
gio nuper ad Urbem redijt Exlegatus, co-  
ram testati sunt. Igitur oblatum tibi olim  
nomen, & recenti professione, certius oppi-  
gnatum, seu maior Bonciariani affectus  
heredem (nam euocare in hoc amicos Ma-  
nes non dubitem) in tuis accenseas velim.  
porrò vtrique vberem benevolentis animi  
significationem debes; quam non tam con-  
stantiæ suadeat laus, quàm iubeat fides. Va-  
le, Romæ. Prid. S. Lucæ. MDCXIX.

*Romam.*

Io: Baptista Lauro V.C.

Erycius Puteanus S.D.

**B** Onciarium in te iampridem amo, mi  
Laure, qui tanti ingenium Viri nobis  
repræsentas; ingenium, verè dicam, Musa-  
rum. Sed illæ, tanquam nomine tuo captæ,  
propitium tibi Apollinem reddunt; in.ò ali-  
quid iam Apollinis in pulcherrima Silua tua  
agnoscunt. Sanè generotus hic impetus est,  
nec argumento furor cedit. Quàm plerique  
hodie, qui carmen tentant, frigidi sunt? quàm  
lan-



languidi in his sacris? Tu ignem præfers; ut si velis, ne obscurus quidem esse possis. Verè ignem: nam incalui. Hoc igitur tam bono affectu stimulatus scribo, & me tuum esse profiteor, quemadmodum Bonciarij fui; facturus vique, vel quidquid constantiæ suadebit laus, vel fides iubebit. Vale Louanij. Postrid. Eid. Febr. M. DC. XX.

Si Silux loco Epigramma admitris, hoc istud, Ethicum magis, quàm Poeticum, in *ἠθικὸν* accipies. Si pateris, per te aulica Clarissimos V. V. Bonifacium Vānozzium, & Bernardum Gulielmum salutare.

Est iam Romæ amicus quidam meus, & contubernalis nuper, Henricus Bonerus; huic ut faueas, rogo. imò hunc ut noscas, rogo. Est in Collegio Germanico nostræ gentis Iuuenis nomine Van Heisteren, is iudicium faciet.

## Vita Hominis Via.

*Ut via, sic vita est, spinoso plena labore:  
Dulcia sunt acidis, sunt bona mixta malis.  
Ferre referre gradum, stare ex labi, esse nec esse,  
Hæ sunt humana sortis in Orbe vices.  
Inconstans animus, fallax fortuna, caducum  
Naturæ robur: quod sine labe decus?  
Diuitias curæ comitantur, liuor bonorem,  
Pæna voluptatem, sit Libitina Venus.*

186 Io. Baptista Lauri

*His tamen abripimur votis, trahit error euntes,  
Blanda per ambages semita cuique placet.  
Dum fugis, inuenies obliquo calle laborem:  
Aut dolor, aut dolus est: viuere, nulla quies.*

Seculi Auaritia.

*In nummis hominum pietas, et numen in auro;  
Nil opus est ara; possides arca Deum.*

*Σωφροσύνη ἐν ἀρετῇ.*

LXIX. Louanium.

Erycio Puteano V. C.

Io: Baptista Laurus S. D.

**A**Ccepi litteras, & adiunctum Carmen, tanto vtrumque gratius, quanto illæ boni audaciam meam consuluisse visæ sunt, & hoc docebat breuiter, quod veterum elaborata Poëmata, perspicacibus ingenijs vix longo ambitu adumbrarunt. Sic mihi ex vero iudicanti, grauissimum accessit Maphæi Barberini Cardinalis, Viri cum omni disciplinarum genere, tum poëtica vtriusque linguæ peritia excellentis, testimonium, qui famæ ac nominis tui studiosissimus est, nec secius Musarum nostrarum, ex quo à te non fuerunt improbatæ. Huius Odem aliquam transmississem, nisi nonnullas Parisijs exscriptas,

pras, ubi legatum Pontificium apud Henricum IV. Regem diutissime egit, te iam vidisse existimarem. Henricum Bonerum tuum, cum se commodum Verona ad Urbem contulisset, agnoram, oblatum à veteri Amico in Aula Quirinali; cui à perfectis tuis, me, meaque, nec quo solent Aulici more, largissime detuli. Ex eo Vir humanissime, ubi ad vos redierit, de meo in te affectu ac fide, non hercle melius, quam si adesses ipse, cognoscere licebit. Totum enim me candidissimo Boneri ingenio aperui, & veram mentis huius, in tui amorem exardescens, imaginem expressi. Addet, quam multa in studiis velim, quæ tu præstas: quantum eadem apud me gelaſcant, dum ciuitates feruent, quibus tu comites adiungis Musas, novos quotidie Orbi fœtus prògignentes. De ijs sermo hic mihi frequens cum Viris doctissimis, Petro Denores, Gulielmo, Vannoquio, Chifellio, Bartholino, alijs, apud quos gratiam in dies maiorem colligam; quo Amicitia nostræ Genius, à te, veri candoris Myſta, effusius ac religiosius coletur, Vale V.C. Romæ.

Io: Baptista Laurus S. D.  
V. C. Henrico Bonero  
Ruræmondano.

**T**E profecto, Volumen iterum euolui, ac  
diligenter excussi, sicubi Imago Bon-  
ciariana delitesceret, quæ per compactoris  
incuriam, quippè nullo numerorum indicu-  
lo præsignata, turbatis folijs sese adglutinaf-  
set, & properantium oculos effugisset. fru-  
stra. Itaque suspicatus sum, loco motam, at-  
que subductam; cum permultis librum com-  
modauerim, quorum aliquis minus bona  
reddidit fide. Vide autem, quantæ mihi cu-  
ræ fuerit votum tuum. sciebam in meis sche-  
dijs Epistolæ exemplum reperiri, quam Bon-  
ciarius olim ipse ad Perottum dederat de  
sui ipsius Imagine à Pictore expressa, à seque  
descripta. Ea continuò ad manum, quæ quia  
perlepidam, & elegans visa est, afferri eam,  
ad te iussi, ut hominis simulacrum animo sal-  
tem comprehenderes, cuius spectandi deside-  
rium iniecerat habita à Puteano in meis lit-  
teris commemoratio. Elegiam cupio meo  
tradas Puero, quam dixeras te ad Barberi-  
num

num concepisse: porro gratiam humanissimi Principis, & Musarum maximi cultoris, meliore ratione non poteras aucupari, quam per Musas. Vale, E Muszolo, appetete nocte.

Cum suaderem hodie, ut ad geminum probitatis ac sapientiae exemplar, Galeacium Sanuitalem Archiepiscopum & Ioannem Baptistam Agucchium te conferres, excidit mihi per quos facilis posset ad horum notitiam tibi aditus patere. Nominaui tres, quatuor, in his Ioannem Ciampolum & Camillum Venantium, homini, qui has tibi reddidit. Huc si indicaueris diei tempus, quod commodum fore dixeris ad exeundum, ex condicto aderit, & fidelem operam hospiti amabilissimo praestabit. Vale iterum.

*Sentinum.*

M. Antonius Bonciarius  
Torquato Perotto S.

**D**ubito quantum debeam tibi, vel potius debeam necne, Torquate humanissime, quod effigiem mei pingendam, & palam domi habendam tibi putaueris. Nam ex altera parte dubium esse non potest, quin hoc singularis beneuolentiae argumentum sit,

fit, velle ob oculos in conspectu habere imaginem amici, & cum eodem absente, tanquam cum præsente quodammodo versari. Habet enim frequens ille occursum, & amabilis ille coniectus oculorum non inanem speciem, domesticæ cuiusdam consuetudinis, congressusque familiaris. præsertim si quod quandoque opusculum hominis fuerit ad manum (esse autem frequenter tibi audio Perotte) ac loqui, iocari, ludere iubeatur, tanquam filius ante parentem. Ex altera parte quot incommoda ea res mihi pepererit, atque in dies pariat, breuiter ausculto. Primū Frater Angelus tuus, & Pater Innocentius meus dies ipsos quindecim iteratis precibus me fatigarunt per te ipsos, per amicos, per cognatos, per dominos etiam meos, ut me paterer in tabula dipingi, quod ego aliquot ante annos multis flagitantibus obstinatē negaueram, nec isti vnquam à me impetrarunt, sed callido commento sic extorserunt. Laurus mihi amicissimus, ab eisdem (sicut postea comperi) sollicitatus, & subornatus, scio, inquit, M. Antoni, datum esse pictori negotium effingendi os tuum, quoquomodo liceat, vel orantis in Tēplo, vel sedentis in Academia, in concione, in congressu, vel denique in lectulo decumbentis, & dormientis: differre rem (at non diu tamen) diligentia

gentia, sagacitate, solertia tua potes; vitare autem, & effugere prorsus non potes. Quin ego video, inquit, periculum imminere, si pergas ipse abnuere pertinaciter, ne simulacrum tui distortius, & scediùs effingant, quàm fortuna deformauit. Ad hæc tales insuper adiecit precum machinas, & pondera rationum, quibus tandem expugnatus est pudor meus: nihil Hercules dicam dolo Torquate. Cum Pictor ad conditam horam præstò fuisset, atque aduersum me consedisset confidentem, vix prima oris lineamenta designauerat, cum mihi primum ex totis artibus sudor frigidus manare cœpit, deinde tam vehementer, & tam subito cohorrui, vt me statim lectulo credere opus fuerit, & pictorem dimittere, tantum opere inchoato. Causam subiti horroris Medico indaganti, & ex me requirenti, nihil habui aliud, quod responderem, quàm quod etiam in præsens memini tunc mihi accidisse. Cum sensi artificem expedire arma, & conari quodammodo abducere formam meam, visus sum adimi ego met mihi, & paullatim deficiens, alio quopiam transferri: quantum tabulæ color dabat, tantum mihi & coloris, & corporis perire videbatur, ita scilicet exieram, & eram extra me magnam partem; cum me animus etiam, & memoria deseruit. Oblangui ego  
pro-

propter eam causam dies aliquot continenter, & ne me fabulam narrare tibi putes, ad testimonia meorum pictoris ipsius fides accedit; qui me quartodecimo tandem post die validum factum, rursus inuasit, & redditum mihi pristinum vigorem telicius rapuit, nihil amittenti. Quam me autem scienter, & proxime ad naturam effigtauerit; iudex iudicauit pariter sciens, & incorruptus, infans triennis Nepotulus meus, qui ad tabulam, fortè conspectam subitò cucurrit, & patruū blandiens compellabat. Audisti primum incommodum, quod tua mihi sedulitas creauit, & id multiplex, longum, molestum circa renascentem. cognosce nunc quid obuenerit, & identidem obueniat adulto. Nosti Torquate, pulchritudinem meam; ista tibi effigies ad viuum repræsentat; mihi nec tabulæ ullæ, nec specula indicare potuerunt. Sed habeo tamen formæ admodum honestæ certissimum testimonium. Me, quacumque incedam, & ubicumque compaream, matronæ, puellæ, virgunculæ, ac fœminæ planè omnes præsertim iuniores, præsertim pulchriores, tam curiosè, intentèque spectant, respectant, contemplantur, quasi nihil vnquam adspexerint magis mirandum. Ex eo factum est, ut pleræque imaginem mei ad istud exemplū, quod tu primus efformandum curasti, par-

tam



tim tela repiciam, partim cera expressam, habere secum voluerint, aliz in aperto, atque propatulo, si aut viduz sunt, aut natu grandiores; aliz occultius, atque latentius, si viros habent, eosque Z-lorypos, aut nimis suspicaces. Intelligis ex hoc quantum mihi, & quantum illis impendeat periculorum; qua quidem formidine, & cura caruissemus, tu si quiesces Perotte, neque nos tam indulgenter, atque adeò tam flagranter amares, vt ista etiam effigie indigeres in ardoris alimen-um. Denique facis in eo etiam mihi aliquam iniuriam, quod pluris penniculum alienum, quàm pennam meam æstimare videris: non contentus videlicet alterutro Iconum, quem aut ego scripseram ad Scottum, aut Musa cantauit in Bello Litteratorum, ex quibus alterum ipse tuis vidisti oculis, alterum (sic mihi persuadeo) Petrolinus ab se visum ore facundo, ac lepido tibi repinxit. Versus vereor vt meminerim: expriri certum est, vt garrula epistola minus molestè in cantu desinat, quæ à querela sumpsit initium, sic igitur in Quinto.

----- ex adytis erumpit bomuncio quale  
 Credo equidem non ipsa iuuum Natura fatetur  
 Esse opus, ingeniti vestigia nulla decoris  
 Agnoscens ipsi non agnoscenda parenti  
 Effigies adeò prima sub flore luuenta  
 Mulbauit fortuna virum. Lacerò ore cruentos,

*Infossosque oculos (quamquam Vulcanus in illis  
Ardeat) obscura damnarunt nubila nocte.  
Torua riget, tumidas si quando exsurgit in iras,  
Occursu factura fugas, frons. cetera lenis  
Grata reudenti spondet solatia vultu.  
Exossata manus, digitoque informis adunco,  
Ut retinere tenax, ita prendere tarda. nec agri  
Sustentare pedes, vel humo se attollere possunt,  
Quamuis exiguo librata pondere molem.*

Breui hunc etiam nugum filium à me  
habebitis, si Calliopæ parturienti bona Iuno  
præstò fuerit. Angelellum meum volo co-  
ram à vobis, & Mercatum nostrum per litte-  
ras meo nomine salutari. Fabrino pariter  
vbi, vbi est, vel dicite, vel mittite salutem;  
omnes in Domino valete. Perusiz iij. idus  
Septembris M. DC. X.

*Romam.*

Io. Baptistæ Lauro suo V. C.  
Erycius Puteanus. S. D.

**P**urimum te amo, mi Laure, qui &  
mea causa meos complecteris. iam de-  
bet humanitati tuæ Bonerus, nec minus  
ego obstrictus sum: debet tam magnis Vi-  
ris, quibus obstringi, magnum ego honorem  
puto. O ingens vero nomen Illustrissimi &  
Reuerendissimi Cardinalis Barberini! hic  
ille

ille Vir est, qui illustrare seculum suum potuit, clarior nescio, diuinioreque dignitate, an doctrina; virtute, an humanitate. Ergò & calamo offerre animum meum audebo. fiet, mihi Laure, ac tua utar manu, ut in manus eius litteræ meæ veniant. Sed munusculum aliquod simul mittere cupio, nec inanes venient. mittere quoque ad te Syntagmationem meum de Stipendio Militiæ Romanæ. Hoc expecta, me amantem ama, & causâ meâ complecti Bonerum perge. Et Vannozium & Gulielmum, Viros optimos, clarissimosque saluere iubeo. Vale Louanij in Arce.

LXX:

Roma:

V. C. Angelo Gryllo Abbati  
Io: Baptista Laurus S. D.

**A** Quo die de Casinatis Montis augustissimo secessu sermo inter nos est habitus; non faciliè crederes, Pater Reuerendissime, quanta animo meo iniecta cupiditas fuerit, antiquissimum Patris vestri Cœnobium perlustrandi, quæque illic spiritus saginandi pabula à vestris veræ Sapientiæ alumnis præbeantur, degustandi. Quoties enim hic ambiciosorum atque invidentium

N

2

non-

nonnullorum ingenia contemplor, qui illud  
vnum spectant, vt sese, aliosque intestino  
dissidio continenter lacerent, & vbi satis ad  
infectionem, & derisum Virtutis excuba-  
runt, malarum Artium venena diffundant,  
quæ incorruptis antea moribus morbum  
inhalent suum: venit illicò in mentem Mer-  
curij, aut Persei alarum, quibus in sublime  
elatus, auferâ me ab his Gorgonibus, & ali-  
quò deuolem, vbi aulicæ huius graueolen-  
tiæ nihil suboleat. Quando igitur Casina-  
tem commorationem mirificè laudasti, ex-  
pedi nobis, quæso Pater, pennas ad hoc fasti-  
gium. Ei de meliore nota nos commenda,  
qui illic Antistes imperat, vt paucorum die-  
rum hospiti Bibliothecam, & arcana quæ-  
que inspicere, ac scrutari liceat. Nec gratui-  
tam fore humanitatem ipsius aut tuam, au-  
deo polliceri; quæ æterna gratiarum actio-  
ne, à nobis postmodo litteris tradenda, pen-  
sabitur. Vale.

LXXII. *Montem Casinatem.*

Roberto Vbaldino Cardinali,  
Episcopo Politiano,  
Io: Baptista Laurus S.D.

**E**Xcusarem pluribus hanc vel fiduciam  
vel audaciâ, Vbaldine Cardinalis Illu-  
stris.

Arissime; nisi is, à quo hæ litteræ tibi fuerunt redditæ, nostri memoriam, quæ apud te fortassis exoleuerat, renouasset. Vnde viginti sunt anni, ex quo te Perusiæ studiorum gratia diuersante in ego, atque Honorius, cum ille nondum à seculi stipendijs ad Benedictinos defecisset, fide, studio atque obseruantia singulari colebamus. Utinam viuerent, quos ego testes locupletissimos haberem, tibi deditissimi, Palettarius, Massius, Ansidæus: sed quibus adeò non indiget generosus iste animus; ut ne ninè litterariæ cuiusuis notæ à se reiiciat: olim autè utcūque cognitos vltro admittat, & perhumaniter complectatur. Itaque neque diuturna tua apud Galliarum Regem pro Pontifice commoratio, neque beatæ purpuræ collatus fulgor mores suauissimos immutarunt; quin comitate, facundia, ac sanctissimo virtutum lenocinio omnes ad te allicia, &, sublato quasi beneficentiæ vexill'o, palam vniuersos inuitas. Mihi verò quamquam iidem tuæ benignitatis paterent fontes, idemque Honorius sæpius ad te auctor adeundi fuerit; semper tamen siue metus quidam intempestiuus, siue pudor subrusticus deterruit. At nunc cognita istuc migratione vestra, quò & meus iam pridem anhelat animus, vbi & adolescentiæ vestræ dulcis recordatio feriatos à negotijs animos

iucundissimè excipiet: non putavi præter-  
mittendam occasionem verecundiæ abijcien-  
dæ, meique prodendi tibi, Patrone antiquissi-  
me: lequestro præsertim capite amicissimo,  
coram quo de huius cordis specu tantum,  
erga claritudinem tuam obsequij antehac  
eduxi; quantum in posterum neque tu fa-  
cilè mente concipere, neque ego scriptis  
vllis meis, aut Musis demum tuis, quibus lu-  
nior vsque adeò fauentibus es vsus, explica-  
re possim. Vale ex Vrbe.

LXXIII.

*Genuam:*

Stephano Saulio Vtr. Signat.

Referend.

Io: Baptista Laurus S. D.

**E**X quo Roma discessisti, Sauli humanis-  
sime, semel à te accepi litteras; cum  
ego iterum ac ter rò scripserim, sollicitus  
valdè de tua valetudine, de qua h c non belli  
rumores ferebantur. Quarè nunc summo pe-  
rè gaudeo, certior factus cùm de incolumita-  
te, tum de redeundi consilio sub exitum.  
Mensis huius ad nos: teque ante ad Laureta-  
nam Aedem profecturum, vbi tantisper de-  
creueris interfistere, dum Cardinalis Iusti-  
nianus eo perueniat, quo, biennio quoque

exacto,

exacto, in tota vita Princeps religiosissimus  
condixit sibi. Vide autem, ecqua in re aduen-  
tu illuc tuo abuti velim. Epistolam ad eum-  
dem inuolui tibi, quam statim à cōgressu of-  
feres: cumque in ea sit de quadam officij pur-  
gatiuncula: cupio de studio, obseruantiaque  
mea non minora prædices, quàm de tua, nec  
enim audaculus dici verear, qui in hoc pa-  
ria tecum facere contendam. Cedam qui-  
dem libens tibi fortuna, maiorum promeri-  
tis, nobilitate, & præclaris animi dotibus; cul-  
tu verò, fide, atque obsequio aduersus hunc  
Principem nunquam cedam. Bene vale.  
Romæ.

## LXXIV.

*Lauretum*

Benedicto Iustiniano Cardinali,  
Episcopo Portuensi,  
Io: Baptista Laurus S. D.

**R**omanas litteras, prius Genuam profe-  
ctas, habes Laureti à Genuense, Cardi-  
nalis amplissime, easque laustam, ac felicem  
tibi istuc euenisse peregrinationem gratu-  
lantes. Miraberis, opinor, primum, me tantū  
itineris voluisse Epistolam conficere; deinde  
id officij tecum iussisse obire, quod aut hic  
antè migrationem debebatur: aut ne debe-

batur quidem, præsertim ab homine, tibi maximis nominibus obstricto, quem probè nosse, quotidie vota pro tua incolumitate facerem; ac nunc de absente multo magis sollicitum, enixius Cælites, qui redeuntem sospitent, deprecaturum. Quamquam autem hoc tua mihi vtrò largiebatur humanitas: quia tamen zgrè tuleram, mihi, propter invaletudinem coram bonè auspicari abitum non licuisse; quādo de professione Saulij isto versus factus eram certior, eo consilio, ut se tibi, Patrono optimo, ad Urbem redeunti, adiungeret; vna opera ad ipsum, Genua abiturientem, dedi litteras, & ad te: quæ clientuli memoriam eodem articulo non ingrātè renouarent, cum Saulius tui obsequentiissimus obijceretur. Nec enim verencū erat, ne nō meæ paullo acceptiores redderētur litteræ, quas tantus Præsul, nostri magnopere studiosus, exhibuisset; qui & austeritatem sermonis mei omnem sua lenitate mitigasset, atque importuni officij reas, omninò amabiles effecisset. Ne igitur per bonam occasionem salutandi tui, putes mihi frustra oblatam. Quod si dicas, Genua usque à nobis fuisse accersitam; dicas, ut voles cumque, ab extremis hominum Morinis. Profectò è longinquitate tanta incredibilem amorem, atque observantiam nostram erga tuam clari-

tudi-



tudinem metiare necesse est; qua tūc perpetuò adesse cupimus, coram augustum vultum venerari, complecti manus, purpuram exosculari. Vale Romæ.

*Rotam.*

Io: Baptistæ Lauro V. L.

M. Antonius Rota S. L.

**E**N tibi à Rota litteræ pro mot temporum, pro meo debito salutis nunciæ, Noui Anni auspices. Præfens aueban utrumque, & re vera sperabam. Sed votum spes dumtaxat fuit; non vna interueniente occupatione, quæ ire prohibuit. Quamobrem Laure humanissime, excusa, ac duplicis officij vicariam Epistolam, vel in magna turba alutantium, adeuntem excipe humaniter, & audi. Breuiloquentem esse, ac ubi affectus nostri memoriam renouarit, obsequium detulerit; nihil mutire præterea, retrò statim cedere iussimus. Ea nunc scriptiois causa, Vir Clarissime. Vale, ac Morâzani, Viri seriò colendi, beneuolentiam mihi conserua. Viterbij xxiiij. Decemb. M. DC. XIX.

Habes & hic N. N. Hymenæum, cuius ille impressioni me præesse voluit. Non noui hominem; per te mihi notum cupio, ut scribere gratias possim. Vale iterum.

LXXV.

*Viterbium.*

Io Baptista Laurus S. D.

N. Antonio Rotæ V.C.

**F**Vimihî maiorem in modum gratum,  
 quod me Anni iam aduentantis, atque  
 ineuns prænuncia Epistola appellandum  
 putauis. Quamquam enim animum mul-  
 tò magis: mirum tamen quantum amo ciui-  
 litatis, modò latinis verbis nitidè efflo-  
 rescā. Ac suadere mihi nuper conabatur Bel-  
 garū adidissimus, amicus intimus, vtofficio-  
 sarum litterarum quasi manipulum confice-  
 rem, quibus caperentur plurimum vtriusque  
 Germaniæ populi; ad quos Aulicorum deli-  
 ciaz ludum cœpissent adrepere, & certissima  
 spe gloriæ, posse hunc laborem sumi. Eam  
 prouinciam, prolato tuarum exemplo, iu-  
 bebo tibi Rota cultissime, deferri, quam  
 splendè obiturus es: mihi per occupatio-  
 nes non licet: habeoque nunc demum sa-  
 tis, si Centurionem alterum ante huius exi-  
 tum hiemis extruero. N. vix de fama noui,  
 de cuius Epithalamio nudius quintus me-  
 cum locutus est Reuerendissimus Apostolici  
 Palatii Magister. Ago gratias, legamque  
 per otium, & aceruo aliorum addam. Opi-  
 nor,

nor, Musas videri propè iam effœtas, & nau-  
seantes; tam multis editis, ac tanto post in-  
teruallo. Ego primus omniũ (absit verbo in-  
uidia) in scenam produxi, & Theatrũ alijs re-  
seraui, mox non illibenter cedens, me, obdu-  
cto velo, nequa fortè Nuptiarum cernerem  
cadauera, vtrò occultavi. Hæc statim à tuis;  
vt imminentis Anni exordia, lætitijs omni-  
bus cumulatissima, meis inaugurantibus lit-  
teris, vnà cum rotundissima, oblata nobis  
Pœsi, ingredereris. Vale, Romæ xxv. De-  
cembris M.DC.XIX.

## N I H I L

Kal. Ian.

**I** Anus adest festæ poscunt sua dona Kalendæ:  
Munus abest, festus quod possim offerre Kalendæ;  
Siccine Castalius nobis exaruit buxor?  
Vsq; adeò ingenij nostri est exhausta facultas,  
Immunem ut videat re leuatis Ianitor anni?  
Quod nusquam est potius noua per vestigia quaram?  
Ecce autem partes se se dum versat in omnes,  
Inuenit nec Musa NIHIL: ne despice munus;  
Nam Nihil est geminis, Nihil est pretiosius auro.  
Huc animum buc igitur vultus aduerte benignos:  
Res ea nunc canitur, quæ nulli audita priorum,  
Ausonij & Graij dixerunt cetera Vates.  
Ausoniæ indictum Nihil est, Græcæq; Camenæ.  
Æ Cælo quacunque Ceres sua prospicit arua,

Auo

# 204 Io: Baptista Lauri

Aut Genitor liquidis Orbem complectitur vlnis  
 Oceanus, Nihil inseritus & originis expertus:  
 Immortale Nihil Nihil omni ex parte beatum.  
 Conspectu lucis Nihil est iucundius alma,  
 Vere Nihil, Nihil irriguo formosius borto,  
 Floridius pratis, Zephyri clementius aura.  
 Nobilius Nihil est magnorum sanguine Regum.  
 Firmius est adamante Nihil, chalybumq; metallis.  
 Felix cui Nihil est (fuerant hac vota Tibullo)  
 Non timet insidias, fures, incendia temnis,  
 Sollicitas sequitur nullo sub iudice tites  
 Ille ipse, intrepidus qui subicit omnia plantis,  
 Zenonis sapiens Nihil ammiratur, & optat  
 Socranisque gregis fuit ista scientia quondam  
 Scire Nihil: studio cui nunc incumbitur uni:  
 Nec quidquam in ludo mauult didicisse Iuuentus;  
 Ad magnas quia ducit opes & culmen honorum.  
 Nosce Nihil, nosces, fertur quod Pythagorae  
 Grano herere fabae, cui vox adiuncta regantis.  
 Multi Mercurio freti duce, viscera terra  
 Dura liquefaciunt, simul & patrimonia miscunt,  
 Arcano instantes operi, & carbonibus atris.  
 Qui tandem exhausti damnis, faeliq; labore  
 Inueniunt, atque inuentum Nihil usq; requirunt.  
 Hoc dinnetiri non vlla decempe da possit,  
 Non numeret, Lybia numerum qui callet arena.  
 Vel Pbæbo ignotum Nihil est: Nihil altius Astris.  
 Tuque, tibi licet, eximium sit mentis acumen,  
 Omnem in naturam penetrans, & in abdita rerum,  
 Pace tua Memmi, Nihil ignorare videris:  
 Sole tamen Nihil est, & puro clarius igni,  
 Tange Nihil, dicesque Nihil sine corpore tangi.  
 Cerne Nihil, cerni dices Nihil abque colore.  
 Surdum audis, loquiturque Nihil sine voce, volatque  
 Absque ope pennarum, & graditur sine cruribus ullis.  
 Abque loco, motuque Nihil per inane vagatur,

Hu-

*Humano generi utilius Nihil arte mœdendi.  
 Ne rombos igitur, neu thessala murmura tentet,  
 Idalia vacuum traiectus arundine pectus;  
 Neu legat Ideo Difficilium in vertice gramen:  
 Vulneribus saui Nihil auxiliatur Amoris.  
 Vexat et quatinus trans mœstas portitor undas,  
 Ad Superos imo Nihil hunc reuocabit ab Orco.  
 Inferni Nihil inflectit præcordis Regis,  
 Parcarumq; colos et inexorabile pensum.  
 Obruta Phlegræis campis Titania pubes  
 Fulmineo sensit Nihil esse potentius ictu.  
 Porrigitur magni Nihil extra mœnia mundi,  
 Dique Nihil metuunt. Quid longo carmine plura  
 Commemorem? Virtute Nihil præstantius ipsa,  
 Splendidiusque Nihil: Nihil est Ios e deniq; maius.  
 Sed tempus finem argutis imponere nugis;  
 Ne tibi, si multa laudem mea munera charta,  
 De Nibilo Nibili pariant fastidia versus.*

LXXVI. In Vaticanum.

Io: Baptista Laurus S. D.

Gregorio Donato Sacri Palatii  
Apostolici Promagistro.

**F**Vit longè auspicatissimus hesternus dies,  
 in quo per otium congrédi inter nos li-  
 cuit. Placuit iudicij tui candor, nostri xui  
 scriptoribus personam detrahens, & laudes  
 cuique citra fucum attribuens; nihilque  
 prorsus erat, in quo à te dissiderem, nisi quod  
 tuarum litterarum eruditam facilitatem, &  
 feli-

felicissimum Tullianæ dictionis fluxum, ne  
attingebas quidem. Cum ego contra, vel  
vnâ D. Thomæ scriptis, quæ vos nuper formis  
æneis ad speciem elegantibus, ad vsum fide-  
liissimis, excudistis, præfixam epistolam lucu-  
brationibus multorum anteferrem. Ecquid  
enim potest ea fieri limatius, pressius, argu-  
tius? ac nos alias te insignem Theologum,  
nunc faciendum Oratorem prædicamus. Pro-  
pterea mirari non debes, si vigilias nostras  
paullo timidius tibi, singularis iudicii viro,  
excutiendas damus. Igitur Epistolarum no-  
strarum Volumen alterum, cognosce, cense,  
subscribe. Romanos typos Transrhenanis  
vltro prætulimus, quod hic malimus Aiaces  
nostros in spongiam incumbere; quam alibi  
per insaniam gloriari. Nec verò ut quàm  
primum legas, vrgebo; cum tua scenerare  
nobis queat comperendinatio. Rogabo po-  
tius, veniam ut des, qui tibi molestiam  
tantâ in rebus maioris ponderis occupatis-  
simo, exhibemus. Sed non committam, ut in  
vestibulo me adeò verbositatis damnes, cu-  
ius verba in toto opere sine penu, & pecu-  
nia, quod prouerbio fertur, agniturus sis.  
Vale in Vrbe,

LXXVII. *Romæ.*

Alexandro Buccabæ

Doct. Theol.

Io: Baptista Lauri S. D.

**E**N tibi Viri acutissimi Libraſtronomi-  
 ca, mi Alexander, cuius nunquidem  
 alterum & alterum examen, quod in rem  
 meam facere est viſum, inſpexi. E Reueren-  
 diſſimus Gaſpar Pallonius per me fruatur,  
 licet, cui te illam debere indiſtingo diſpu-  
 tationi vniverſæ otium paulò vberius refer-  
 uavi, tuo iterum uſurus libro, niſi interim  
 mihi aliunde compararo. Didicem etiam  
 pluſculum ſuauiſſimæ lectioni, ſed noctem  
 propemodum totam Nicolai Trigautij Bel-  
 gæ litteris impendimus, quas anno ſuperiore  
 Goa ad nos miſit, iſſdem reſponſum medi-  
 tantes, & quæpiam in mundior charta de-  
 ſcribentes, quæ ille contracto almodum &  
 perturbato charactere exarauit, de Nouatis  
 apud Sinas atque Iaponios ſuos rebus. Non  
 es oblitus, opinor, hominis quætriennio an-  
 te Romam ex India profeſſi, qui & hic edidit  
 de Chriſtiana expeditione apud Sinas ſuſce-  
 pta à PP. Soc. Jeſu Libros quinque, ex Mat-  
 thæi Ricij Maceratenſis commentarijs de-  
 promptos,

## 208 Io. Baptistæ Lauri

prompto, quos Princeps meus, cui ille dono dederat, tibi in aliquot dies vtendos tradidit. Is vt institutz ad v. Id. April. 1618. nauigationis ordinem ex Oissipone ad Aequatorem renarauit, tum incommoda, difficultatesque in Christiana re promouenda, & pleraque de Iaponicz Ecclesiaz statu persecutus est, verbum subdit de obseruatis sub finem eiusdem anni Cometis duobus: quos, it, vltimos eodem propè tempore, præcessitque alter alterum diebus ferme xiv. vterque è Scorpij domicilio egressus, prior ad meridem, ad Aquilonem posterior deflexit, qui & adhuc apparebat, dum scriberet 20. Decembris; sed prior suboscuro emergere cœperat xj. Nouemb. Quibus perlectis litteris, venit in mentem subuereri, an illi ipsi Cometz forent, qui hic à nobis per idem tempus conspecti sunt. Et quamquam in hanc magis propendeo partem, eisdem videlicet fuisse; quia tamen in præsens minus vacat rem istam acutius indagare; pergratū feceris, si PP. Horatij Grastij aut Christophori Granbergerij sententiam exquisieris. Hæc, relictis studiis, ante foculum lacernatus, dictaui puero cum Epistola, cuius hic inserui exemplum, N. nomine ad eundem Belgam, sodali cuidam reddendam, qui Goam mittat. Ex Aedibus xxj. Ian. M. DC. XX.



Goam.

Nicolao Trigautio  
Belgæ.

**Q**uas litteras xxvij. Decēb. MDCXIX.  
ad me dedisti, eas x. Ianuarij ineuntis  
huius MDCXX. accepi, quæ haud  
quidem tui oblitum, quod suspicabar, me  
valdè delectarunt. Nulla enim negotiorum  
moles interuenire queat tanta, quæ Virorū,  
pro Christiana Republica laborantium, me-  
moriā à nobis vnquam eripiat. Est cur po-  
tius te amemus plurimum, quod maximo  
locorum interuallo à nobis disiunctus, inter  
tot nauigationis incommoda, ægritudines,  
& apud Sinas atque Iaponios tuos exhausta  
pericula, nostri memineris; qui tamen stu-  
dium istuc tuum flagrantissimum in Domini  
Verbo disseminando & hic coram multis  
laudauimus, & absentes absenti multò feli-  
cius euenire in dies precati sumus. Gratissi-  
ma etiam fuit breuis & succincta narratio  
vberioris Commentarij, quem de rerum  
vestrarum statu propediem te in lucem emis-  
surum, significasti. Deus Optimus te istic in-  
columē seruet & iocunda relatu utiliter scri-  
bentem, & perpeflu aspera fortiter sustinen-

210 Io: Baptista Lauri .

tem, quem ego vero affectu in eodem diligo, cuique, si quid tua, tuorumque Sodalium causa possim, ex animo defero. Dat. Romæ XXI. Ian. M D C X X.

LXXVIII.

*Perusiam.*

Neapolioni Comitolo Episcopo  
Perusino

Io: Baptista Laurus S. D.

**P**essimis ominis instar habueram, Præsum nostri æui decus, quod vixdum, sublato nostri litterarij exercitus vexillo, te iubente, receptui canere, & in castra tantisper retrudere necesse fuit. Adeone, aiebam, imperitè concinnaui, tam malè rei militaris peritus, vt probro esse debeat Centurionis nomen? en æquissimis studijs reclamabunt ordines, detractoque cingulo, ac paludamento, merito iure exauthorabunt. Verum plane contra quàm suspicabar euenit. quia, nempè quartus Decuriæ quartæ miles, haud ita graphicè in conferta acie incedere posse videbatur, fuit in tempore reuocandus: proinde vestra maturiore disciplina instructus, decentius ambulat, tantaque cum securitate, vt, si quæ hostiles obstant turmæ, certæ spem victoriæ sibi pollicens, discrimen quod

vis

vis alacriter aditurus sit. Ergò mirandum in modum amo te de tam effusa beneficentia, Pater; cui haud, opinor, excidit eius temporis recordatio, cum copiolas nostras in hoc exerceres, in hoc educeres, ut in acie Staturarij aliquandò militis decora consequeremur. Per te nunc illud est: sub te quæ meruimus stipendia, Thraſonicis velitationibus, submotis verè prædicamus; dumtaxat fatentes, siquid profecimus, per quem profecimus, & in quem Epinicia, & pœanæ nostri verè refundi habeant. Deus Opt. Max. viridem istam senectutem, Antistes integerrime, atque doctissime, Perusina Ecclesiæ, è cuius re plurimum est tua longuivitas, sospitet quàm diutissimè. Tuderti.

LXXIX.

*Viterbium.*

Io: Baptista Laurus S. D.

Fabiano Dominico.

**Q**uo die mihi abs te litteras Theodorus noster attulit, tot me Epistolarum sepsierant acerui, quibus pro Principe responderi necesse erat; ut tuas aperire non vacauerit. Quare seposueram, ut postridie, levatus illo onere, resumerem, & per otium rescriberem. Iusseram verò te per eundem Theodorum saluere, cui abeunti verbum exciderat de M. Antonij Rotz ino-

O

2

pinato

pinato interitu, idque in primis tibi ad nos scribendi ansam præbuisse, quo sanè verbo, tanquam iaculo, cum animus meus confoderetur, obiecit in tempore utcumque clypeum, ne ictus penetraret altius, quæ imminabat cogitatio concipiendi ad diuersos diuersorum litteras argumentorum; ac sic tū quidem summa cute hæsit vulnus, quod postmodum, dimisso Tabellario, recurrens grauius mentem sauciauit. Itaque requirenti tuas, ex quibus rem propius cognoscerem, nullæ repertæ sunt, quæ hoc ipso mihi perierunt, quòd, ne in reliquas chartas abderentur, alio in pluteo composueram, & studueram anxie, ne perirent. Ceterum quantum suspicor, vltro se meis oculis abduxere, ne me iterum iacturæ, quam in M. Antonio mansuetiores fecerunt Musæ, admonerent; & venturas arbitror aliquandò ad manum, cum mæror resederit, & grauissimum dolorem ferre mitius didicero: quamquam plus satis in miseriarum ludo mihi videor edoctus. Mitto clades antiquas meorum, & non meorum, ne, quæ propè iam elanguit, acerbam calamitatum memoriam refricem. Vel nuper, cum huc ab Vrbe profectionem adornarem, incendenti currum renunciatum est; Perusiæ Rodulphum Calidonium meum vixisse, cuius ego ingenium, ad quod-

uis

uis disciplinarum genus factum, millies ex-  
osculatus eram, cuique parem demum vi-  
deram à Gymnasiarchis nostræ Ciuitatis  
relatam gratiam, qui ad profitendas publicè  
humaniores Artes honorificè, post Quirinū  
Cnogleſum Austrium, spontè euocarant :  
quod pulcherrimum munus eo ipso die, quo  
aggredi statuerat, septimum & vigesimum  
agens annum, Musis indignantibus, è viuo-  
rum contubernio subreptus est, è suggesto  
propè ad pheretrum translatus. Quamobrè  
intra paucos dies amisi duos exquisitæ eru-  
ditionis Viros, mei peramantes, alterum al-  
tero iuniorem. Nam M. Antonium Rotam  
nostrum vsque adeò firmis vtentem viribus,  
ingenio festiuo, hilari, atque arguto prædi-  
tum, ac vix quadragenario maiorem, quæ  
nam morbi vis tam properè extinxit? Quis  
nobis turbo, quod gelu hunc edecumata vir-  
tutis florem decoxit? quàm doleo vehemen-  
ter, me, quod potueram, non crebrius eius  
per litteras expetisse sermones? Quas enim  
pauculas, at mirificè disertas, & veris elo-  
quentiæ luminibus insignes, ad me dedit, ve-  
luti vniones, seruabo in scriniolo, cuius si tu  
Dominice, nobis quamplurimas curaueris,  
fortasse vtrisque scenerari ad gloriam posset,  
siquam tamen ab studioso famæ calamo, si-  
minus culto, expectare fas est. Sed non per-

gam vltcrius mœrorem nostrum exagitare.  
 Soluerunt illi, quod debuerant, nil iam Na-  
 turæ legibus obnoxij, aut Cælestibus vllis.  
 Nos, mi Dominice, obfirmatis aduersum  
 luctû animis, vt amorem inter nos mutuû,  
 sic valetudinem diligenter tueamur. Vale.  
 Tudere Postridie Kal. Maij 1620.

LXXX.

*Romam.*

Petro Francisco Paulo V.C.

Io: Baptista Laurus S. D.

**O** Darum tuarum Volumen alterum, in  
 quo vsque adeò sapienter ludit Errus-  
 ca Venus, contigit mihi nuper legere apud  
 Francuccium, vtriusque nostrum amantissi-  
 mum, cum in Collegium Græcorum diuer-  
 tisset, quos ille sanctioris doctrinæ penu co-  
 piosè nutrit. De libro quidnam sentiam,  
 quantumque fuerim in singulis exosculatus  
 lepores vndique Gratijs scatentes, vndique  
 elegantibus aculeis vellicantes, de eodem  
 Francuccio audies, qui non modò sententiæ  
 nostræ, quæcumque ab erecto in tui admira-  
 tionem animo proficisci potuit, locuples te-  
 stis erit: verum etiam ipse, de cuius iudicio  
 placere ti bi admodum queas, constanter af-  
 firmabit: in vniuersa illa Odarum serie ni-  
 hil

hil reperiri non sanum, lepidum, argutum, emendatum. Equidem tribuebam antea multum eo in genere Coppettæ atque Alberto meis, non tam quia cum ambobus ius Patriæ mihi commune erat; quàm quia à vestræ disciplinæ coryphæis in meliorum classem relatos sciebam. Nunc si iidem reuiuiscant, tuarumque Musarum festiuitates & seria contemplantur, liquet deierare, cessuros vltro tibi, tanquam Cycno Fulicas. Sed mitto priuatim illud tecum, quod nulla fuci suspitione vsurpare vulgò licet, idque plausu litteratorum accedente, à quorum sensu meus qui discrepet? & quibus, si ex consuetudine veterum Comitiorum tabula circumferretur, haud dubie puncto appposito, centuriam omnes tibi suffragarentur. Enimuerò Pars haud ita pridem edita legentis adeò sitim non sedauit, vt vehementer accenderit, nihilque in hoc otio Tiburtino malim, quàm priorem degustare. Eius tu Vir humanissime, ne ad alium frustra sit eundum, valdè cupio mihi copiam legendæ facias. neque homini tui studiosissimo paucarum horarum inuidere voluptatem decet: sicut nec à Musis tuis nouas libationes auertere. quibus veluti alias è Græcia, aut Latio profectas semper colui; ita Etruscis tuis thymia ma eò vberius debeo, quo illas iam sum expertus ceteris



canere suavius, grandius, rotundius. Fac  
valeas, & Paulo Sabello tuo, Principi Excel-  
lentissimo, cui decretum audio à Ferdinan-  
do Imperatore Legationis apud Paulum V.  
obeundæ munus, nostræ memoriam obler-  
nantiz in tempore quàm officiosissimè subij-  
cias. Tibure Id. Maijs. MDCXX.

LXXXI. *In Collegium Romanum.*

Bernardino Stephonio è Soc. Iesu  
Io: Baptista Laurus S. D.

**N**Vnquam mihi auspiciatior illuxisset  
dies, si cum heri à te Vir doctissime,  
digressus sum, nò offendissem domi, quod læ-  
titiz magnam partem evertit, indignissimè-  
que corruptit. Accersuerat me sub prandium  
Alexander Cardinalis Vrsinus, qui biduo an-  
te è Bracciano redierat; & quia præ festina-  
tione (nam sub ipsum abeundi tempus no-  
stræ illi obuenerant litteræ) respondere non  
potuerat; coram purgabat se mihi, quæ ge-  
nerosi Principis prodigiosa humanitas visa  
est, deque celebratis Sororis Nuptijs non  
vulgares gratias habuerat, relatorus omni-  
nò, ubi quidpià è re mea fore indica sse. Po-  
meridianis horis me ad te contuleram, do-  
noque dederã alia typis descripta Carmina,  
quæ



quæ immodicis onerasse laudibus non contē-  
tus, tantū Encomiorū in Centuriā priorem  
nostram effuderis, vt iam os amplius non  
haberem, quod pudorem illum, quem tam  
honorifica prædicatione adsperseras, deuo-  
rare posset. Quare confusus animi, & incre-  
dibili elatus gaudiō recesseram. idque dum  
domi in pectus altius demitto, &, vt par huic  
aliquādō sim, lucubrationibus alijs deinceps  
promendis, posteritatis calculo fortasse ma-  
gis dignis, non humili cogitatione mecum  
agito: Ecce Puer lamentabundus offert se  
mihi: indignum facinus, exclamans, Here, ad-  
misit Abrius. Abrius, inquam, hominum,  
quantum viuunt, ingratissimus, à te supra ce-  
teros amicorum, laudibus & beneficijs au-  
ctus, heu quali, quantaque ignominia Vir-  
gines à te profectas Gratias affecit, & vitio  
illato, in ganeum relegauit? Cui ego, rem nul-  
la circuitione vsus expedi, & quodnam sic  
hoc flagitij, haud cūctanter aperi. Volumen,  
subdit, Carminum tuorum, Furia nescio qua  
percitus, non aliter ac Medea Absyrtum Fra-  
trē, aut Agaue Mater Penteum discerpfit ac  
lacerauit. Non potui, fateor, ad rem nefariā  
non commoueri, etsi subrisi paullò post, atq;  
Abrij, an ebrij? intemperias excusauī. Quin  
adieci, merito id factum iure, & perceptam  
antea intemperantius voluptatem tam vbe-  
rem,

rem, tam profusam, aliqua tristitiæ nubecula debuisset redimi, & Anuli iacturam reiiciendam non fuisse, vt Fortunæ fauentis onus, temulentus gaudio animus ferendo esset: quam tum demum deprehenderam nobis ad eam diem in pœnam pepercisse. Hoc ego ludibrium, Vir ornatissime, nostris scriptis, & te plus nimio dilaudatis, obiectum, potui de industria, vni mihi proditum, celare alios, & vltronea obliuione delere. Consultò autem, illud exposui tibi, posthac vt in nostris fœtibus exornandis parcior sis; ne, admota laude, veluti fascino quopiam, infantuli proximè in lucem exituri, subladantur. Vale ex Aedibus, Romæ.

Io: Baptistæ Lauro V.C.  
Leuinus Hielius S.P.D.

**V**Tinam, Vir Doctissime, cuius nomine hæc à me diuertit epistola: ex eiusdem præscripto comparatis auxilijs instructa, appelleret ad manus tuas. Næ tu tantundem in ea perlegenda laudum tuarum gratulationis haurires: quantum in præsentia leuaminis tibi transmittere in animo est. Quibus, Deus immortalis, adpersam salibus, quibus leporibus litam, quibus aut sententijs ornatam,

aut

aut distinctam luminibus, quàm ponderosã ,  
quàm rerum omnium plenam orationem of-  
fenderes ? Verum quæ ingenij mei vel angu-  
sta capacitas est, vel perceptio incontinens ;  
vt ab aureo eloquentiæ fonte parum liquo-  
ris imbibierim : minimum effundere necesse  
habeo. Parendum tamen est aut ad obsequiũ  
erga clarissimum vřrum, aut ad solatium ami-  
ci . Quorsum ista ? inquis ; pluribus te non mo-  
ror. Conueneram sub hodiernum diluculum  
vtriusq; nostri amantissimum, Bernardinum  
Stephonium : quem Tusculum iam iam cogi-  
tantem subaudieram pridie. Deprehendi ho-  
minem expeditissimum, planeq; paratum ad  
iter; adeo vt pænè insalutatus abscesserit. De-  
tineo tantisper, dum ex auri , argenti que ve-  
nis, vt moris est , eius ab ore fluentibus ali-  
quid suffurer; quod animi mei medullam im-  
buat, ac recreet ; cum ecce tuæ nos interpel-  
lant litteræ. Is, qua est comitate , quod tuæ,  
ait , cum venia fiat ; Amici occurrendum est  
commodo & voluntati. Litteras accipit, resi-  
gnat, perlegit : puerumq; recurrere va cuum  
iubet. Tum risu in me conuerso, tuum, inquit,  
erit meis partibus non deesse. Laurus noster,  
vt cetera, non minus hæc ornatè, quàm lepi-  
dè. Mox altiùs repetita oratione , quantas &  
quales faces meum in pectus iniecerit, pereã,  
si tibi enarrauerim , concepta illa implora-  
tione

tione non adhibita, ἡ σκεπη ὑμῶν μοι μόνον .  
 Demû decursi sermonis ad calcem; En Lau-  
 ri litteras tuo nunc sinu reconde in domici-  
 lium tuum. Quod meis verbis respondeas,  
 è multis, quæ de me hoc tempore accepisti,  
 sollers delige. Me ut officio soluas, præpro-  
 peram Tusculum concedendi festinationem  
 causare. Communis amici solatus orbita-  
 tem, salutem ei adscribe quàm plurimam.  
 Tunc valere me iusso, confestim sese abstulit  
 intra conclaue. Domum lymphatus reuer-  
 tor; quippe quem aut Mænadam, Coryban-  
 tumque ritu oratio planè volubilis, & con-  
 citata coniecisset in flammæ: aut suppressa  
 amici calamitas, cuius ab inspectione præ-  
 cepti prohiberet religio; ceriti, laruatique  
 speciem incerto & fluctuanti animo indi-  
 disse. Cubiculum, exhausto propemodum  
 spiritu, fanaticus adhuc ingredior: litteris-  
 que tuis identidem lectitandis animo nubes  
 detergens, tandem resipisco. Qui fit, mi  
 Laure, ut Abrij ad furias, tua bacchatim,  
 carmina diserpentis, tantoperè commo-  
 uearis? Consilij certè non tam eges, quàm  
 abundas: illud tamen animaduertas velim,  
 Musas, immortalis patre natas, mortalita-  
 tis legibus obnoxias esse non posse. Virgi-  
 nes, easque acceptissimas Cælo Gratias, è  
 fœdis Intemperiarum vnguibus multò for-  
 mo-

mosiores emergere . Exegisti tu quidem  
*are perennius Monumentum* . tuum nomen  
immortalitati inseruisti non semel . Typis  
non tam cōmendatos ingenij partus , quā  
gloriæ tuæ famam propagatam rere . Quid  
si exemplar vnum , aut alterum temulenti  
hominis lanienæ addicatur ? nonnè Inuidiæ  
deuotam , & constitutam hostiam melius ar-  
bitreris ? nempe , vt cetera eius extra Impe-  
rij metas , nullis terrarum finibus coërcean-  
tur . Quod si , vt optimus ait præceptor ,  
*Dignum laude virum Musa vetat mori*  
vatem ipsum , cuius munere *Spiritus & vita*  
*redit bonis post mortem Ducibus* ; patiatur  
*Longa urgeri nocte , & impunè liuidas obli-*  
*uiones carpere* ? tuus *Hic meret ara Liber*  
*Sosius* ; *hic & mare transit* : Quid si ad infā-  
mes impudentiæ scopulos affligatur : num  
propterea ea laude careat ; *Et longum notō*  
*Scriptori prorogat æuum* ? Si quod procudisti  
carmen ; aureis omnium iudicio exaran-  
dum est litteris ; num ab vna Abrij inuiden-  
tia liuentibus aspergatur notis ? fuerit hæc  
ingrati hominis inconsulta temeritas : num  
eius propterea oblitteretur memoria ? quin  
potius illud audiat ; *Laudetur , vigeat , pla-*  
*ceat , relegatur , ametur* .

At quo tandem Iudice ? Alexandro ; quē  
tuis tute litteris appellas ; Cardinalis Vrsi-

## 222 Io: Baptista Lauri

ni testimonium instar omnium esto ; cuius  
 nec dignitas mentiri , nec fallere claritas ,  
 nec decipi sapientia potest . Stephonium ,  
 verò nostrum hoc in loco non laudo ; cuius  
 in tua carmina congesta præconia nec ego  
 recensere possim , si velim ; & si forte quis  
 possit , nolit omninò ; vt consulat modestiæ  
 tuæ . Neque vero tuis , vt ais , fœtibus in lu-  
 cem proximè exituris à tanti Viri laudatio-  
 ne , velut ab aliqua aspersione fascini , ti-  
 mendum est ; cum ea , quæ tu castissime Mu-  
 sarum interpres , scriptis semel mandaueris  
 τῶν ἀπορροπαίων ratione aduersus inuidiæ ve-  
 neficia circumferri queant ; quicquid ebrie-  
 tas Abrij moliatur , quidquid sonnet .  
 Quo in genere tibi indiligenti esse nefas au-  
 tuma . Noui multa penes te seposita , ea-  
 que omnium expectatione dignissima . Qua-  
 lem , quæso , intemperantiæ suspicionem in-  
 curras : si eorum exortum in dies protrahas ;  
 quæ cum ab omnibus avidissimè expecten-  
 tur , nullo vnquam tēpore occasura sint ? Quæ  
 in animum tuū ornamenta præ ceteris libe-  
 raliter adiecit , & cumulauit Deus : memine-  
 ris nō tibi vni , sed communi beneficio cumu-  
 lata . Adeò vt , si ea hominum societati dene-  
 ges : idem facias ærarium publicè expilanti .  
 Verum video me istiusmodi parergis tabulæ  
 appingendis , Epistolæ terminos transilire .  
 Nolim

Nolim existimes hanc quasi *παρὰ νύκτιν* appendiculam admotam ei, quo vitæ magistro commodius utar. A Stephonio eam tibi renuncio salutem, quam sperare potes maximam. Ceterum me tibi constantissimè addictum puta. Valetudinem tuam cura diligenter: prospice immortalitati, atque iterum Vale. Ex Aedibus In Urbe.

LXXXII.

Roma.

Io: Baptista Laurus S.D.  
Torquato Perotto.

**A**Ttulit mihi Puer tuus latinam Odem; quam cupiebam, concinnam, viuidam, & è viridarijs Sacrarum Historiarum petitis flosculis elegantissimè adpersam. Quanta legerim cum voluptate, testis est Comitulus Antistes Perusinus, qui Romanum otium, sic enim appellat, ipsè vacas sacratorijs Musis, suavissimè traducit, cui ostendi, & apud quem Clariss. Barclai sententiam non reticui: colligenda omninò esse tam præclara carmina, & ad alendam Spiritus religiosi curam, in publicum proferenda. Statui autem, ubi ad vos accessero, meum quoque arietem admouere, ut petentibus rem honestis-



224 Io. Baptista Lauri

stissimam Barberinus Princeps diutius non debeat; ac permittat euulgari, quæ ab invito tandem, Hymnorum eiusmodi quotquot appetentes sumus, extorquebimus, publicabimus, nec habebimus gratiâ. De eo tamē nolim Perorare, verbumvllū, dum litteras in hunc fasciculum coniectas ipsi ex me red-des. Ausus sum, vti vides, nimis verbosas & inanes ad occupatissimum, rudes ad sapientissimum. Sed legi nimirum apud Homerum, Menelaum & ignauum, & inuocatum ad Agamēnonis, hoc est, Viri præstantissimi cenam fidenter accessisse, quod reprehendat fortasse aliquis; perinde atque hominem frugi ad bonum dumtaxat deceat adire. Periculum vero in hi utcumque fuerit in Homérico exemplo, & nequaquam opinor *à Aspetas* nostræ; verum suæ rationē humanitatis duxerit humanissimus Barberinus Vale ex Aedibus V. C. Odoardo Santarello salutem meis verbis nunciari velim.

LXXXIII.

Roma.

Maphæo Barberino Cardinali

Io. Baptista Laurus S. D.

**L**ibet apud te, Princeps doctissime, idemque humanissime, non tam producere oblectationis gratia Mimos quosdam, è plebecula



becula litteratorum nuper exortos , more  
veterum , procurentes cum canistris flo-  
rulentis , & obuium quemque conuicijs la-  
cessentes : quàm per ludum , iocumque re-  
fellere ludibria quæpiam , in Nuptialem fœ-  
turam nostram congesta , Tibi certè, iudicij  
acerrimi Viro, non improbatam , ne quid in  
me speciosius recantem, qui , vt fucatis cir-  
cumueniri laudibus æquo animo non fero;  
ita, cum mea Viris doctis, hoc est, tui simili-  
bus propono excutienda , eosdem ad Rheni  
fluuij ingenium in primis voco, qui Celtarũ  
infantes nothos absorbebat ; incolumi Ma-  
tris pudicitia susceptos , blandè ac salutari-  
ter complectebatur . In meo autem scripto  
illud vapulat plurimum , quod sapientum  
aures suboffendit minus. Ob id verò, inques  
tibi neglectui habendas puta stultas sciolo-  
rum voces ; alioqui frustra Cancros re-  
ctè ingredi doceas . Audio : sed Roma-  
no flumini vllam conflare iniuriam , non  
possum pati ; quamvis Iuuenes plus potos  
iurè excusauerim , qui in lauto conuiuio re-  
fertur cibo , & vino languidi , eructare pro-  
bra in Tiberim debuere , cuius aqua sibi  
tum per sanctè interdixerant . Velim tamen  
pro tua sapientia statuas , quàm immerito  
illi in crimen vocent , quæ ego, calamo licet  
festinante , Poëmatium tumultuarium exor-

sus, tamen certo consilio confuxi. Facio Tiberim cum Hierarcha interdum colloquentem. Negant benè, Virgiliano exemplo permoti, à quo temerè non fuerat recedendum: apud quem idem Tiberis Aeneam in somnis alloquitur. Indecorum autem videri, personas fictas meridiana in luce cum veris cōgredi, & fabulari. Quæ quidem obiectio non levis momenti ab ijs censeatur esse, qui Græca non norint, vndè meliora expiscatus est Maro. Mitto dicere, Aeneæ magno curarum æstu fluctuanti, mox & dormienti, spectrum illud offerri aliter non decuisse. Quemadmodum enim exagitato curis animo perfacile obrepit somnus: sic bonum Numen sub idem tempus per speciẽ aliquam iucundiorẽ, afferre præsidium ac leuamen solet. Ceterum Homerus, cuius meditata omnia præclarè commendauit antiquitas, & eximie semper sibi laudi duxit æmulari, aut adumbrare posteritas, Xanthum fluuium, in vigesimo primo Iliados Lib. pugnantem Achilli interdum opponit; cum prælium aduersus Troianos maximè incalesceret; qui Apollinem deinde increpat, quod Iouis mandata neglexerit, præcipientis, vt Troianis tantisper opitularetur, dum noctesceret.

Ω πρὸς ποὶ ἀργυρότοξε Διὸς τέκος, ὃ σὺ γὰρ βυλὰς  
Εἰρύσκο Κρονίωνος, ὃ τοὶ μάλα πέλλ' ἐπέτελλε

Τρῶσι

Τρῶσιν παριστάμεναι καὶ Ἀμυῖον, εἰς ἵκεν ἔλθῃ,  
Δαίλος ὁ ψὲς Λύων, σκίασθ' ἂν ἐρίβωλον ἄρβραρ :

Rursus Achilli laboranti eodem die affuerunt Neptunus & Minerva , qui.

----- δέμας δ' ἀνδρῶσιν εἴηλυ.

Ac Deorum descripta pugna , neque dum die in vesperam inclinante :

Εἰσήκει δ' ὁ γέρον Γρίαμος θείας ἐπὶ πύργῳ ,

Ες δ' ἐνόησ' Ἀχιλλῆα πηλᾶρτον .

Quod per tenebras haud sanè licuisset, seni utique . Et Agenor ab Apolline excitatus , priusquàm in Achillem stricto gladio prorueret, cum multa secum locutus esset, adiecit demum :

Ἰσπερὶς δ' ἀρ' ἔπειτα λοεσσάμενος ποταμοῖο

Ἰδρῶ ἀπο ψυχθείς, ποτὶ ἱλίον ἀπονειμίην .

Possẽm etiam de Acheloo commemorare, qui apud Nasonem, ut ad se diuertat, Theseum inuitat, & vim amicè infert, sui alueũ fluminis intumescere præcipiens . Possẽm de Pado in Alaricũ cõuicia apud Claudianũ effundente . Sed quid plura hoc loco subiiciam tibi, qui sexcenta eiusmodi exempla è Græcis & Latinis habes in numero? quibus religio non fuit, Præfides fluminum (ut de reliquis Dijs taceam) ingeniosè ex machina cum hominibus inducere loquentes, die procedente ipso, nec prospectu tenebris adempto, siue ut Homericè exprimam :

----- ἡ ἡὺς, ἡ δέλις, ἡ μεσον ἡμαρ.

Neque enim æquum semper fuit, Vespertilionibus similes, aut laneis, quod aiunt, pedibus noctu Deos obambulare, & suauissimū somnum à dormientibus excutere. Atqui in hoc fortassis censores mei, verum iam edocti, non sint amplius durorum Capitonum filij. In altero consultius turbent ὁ λαὸς τῶ μνηστῆρος: quod Tiberim ad Arnū longè minorem fluvium, retorto præsertim cursu, adduxerim, cum ex Apennino pari fermè intervallo originem trahant. Sed hallucinantur profecto, dum Currus, quem multo apparatu descripsimus, insignioribus appictis rebus Burghesiorum, rationem nullam habent. Hi verò, præter quàm quod omnes elidunt τὰς μηχανὰς, ad quædam in Tragœdijs Sophoclis, & Aeschyli, ut putantur, errata insolenter exclamarent, O Cælum, ò Maria Neptuni, quæ in præsens oblata Tiberis Majestatis vindicem accersant. Videntur autem ignorare, Florentiam ad Romæ imaginem olim exædificatam; quodque inter cetera Nomina Floralibus fuerat Vrbi impositum, idem postmodum Florentiæ obtigisse. Quippè Anthusam rectè appelles Florā aut Florentiam: quæ vocabuli communicatio cur non & honori Vrsinorum, nunc vocet ad populos, profluentis Arni accolas, Tiberinum

num Patrem? Verum tam obliquo, inquit, traiectu, non potuit, non debuit: quasi, Aquila & Dracone præeuntibus, quadriga inuectus, Triptolemi aut Medæ ritu, vehi per aërem nequiverit, vel humi repens, Serpentis Epidaurij more: vel concitato curulium vectationum impetu præuolans, obire Latium, Umbriam, Tusciam; & cum denique Florentia abesset propius, ad sui ingenij μηχανήν diuertere? ut omittam illud ex Heliodori libro tertio: agnosci Deos τῶ βαλίσματα πέλον, ὃ καὶ ἀδίστησιν τῶν ποδῶν, οὐδὲ μεταθεσιν ἀννομένῳ, ἀλλὰ κατὰ τινὰ ῥόμην αἴετον, καὶ ὁρμὴν ἀπαρὰ ποδίστον, τεμνόντων μᾶλλον τὸ περιέχον ἢ διαπορομένων. Δίῳ δὲ καὶ τὰ ἀγάλματα τῶν Θεῶν Αἰγύπτου τῶ πάδε ζυγυῶτες, καὶ ὥσπερ ἐνδύντες ἱστῶσιν. Quod Homerus, ut Aegyptius minimè ignorauit; licet multi veluti αἰρεγμὰ prætereant libro decimo tertio Iliados, Aiæcis Oilei filij de Neptuno dictum, Ἰχθυα γὰρ μετόπισθε ποδῶν ἢ δὲ πνυμάων.

Πᾶ ἔγνωρ ἀπιδόντος.

Quamobrem autem vitio vertatur nobis, quod datum Claudiano non est, qui ad Romæ Simulacrum, cuius tunc Aedes in Palatino cliuo cernebatur, perduxit Stiliconi gratulantes, Hispaniam, Britanniam, Africam, Italiam? Quas ego Prouincias si suis è sedibus feminarum habitu (volatune, an-

pedibus tantum terrarum emensas?) ad Urbem euocassem, quibus me bibones illi scommatibus vellicassent? quos non pergam redarguere iam *ῥιψοστιδας*; ac nimis stultè facio, qui facilitate abutar tanta, Princeps amabilissime, ad delendas notas, ab indoctis inultas, quibus, non præter solitum, minus est frontis, & plus audaciæ, quàm eruditis. Quin igitur barbaros homunciones aculeis gentilitiarum Apum absterres, doctissime Barberine? quod si Musæ agrestiores nostræ urbanissimis tuis Mel aliquod propinare non audent: obrectatorum planè fumus in causa est; quem ubi tua diffarit eruditioni par auctoritas; nos continuò, si non Pindaricis tuis æquales cantiones (quis enim elegantissimis illis pares meditari queat?) obseruantia certè erga amplitudinem tuam plurimum assurgentes, mittere in istum benignissimum sinum non verebimur. Vale, in Urbe.

LXXXIV.

Romæ.

Io: Baptista Laurus S. D.

Felici Contelorio I. V. C.

**E**Rgò acceptam iniuriam persequi nos vetas, qui non laceßentes, à syco-  
phanta

phanta Cisalpino grauitè læsi fuimus. Haud profectò impetrarès , nisi præclaram heri, citra cædem & sanguinem , ultionis capiendæ rationem didicissem, quam, ne in hoc Ianiculensi Rusculo planè obmutescam, nostra huc in dies aliquot translata Aula , docere te per litteras volui, Contelori. Ad ædes N. me contuleram, delaturus arguto seni patrociniū causæ Cornelianæ: ac quia distinebatur non nihil, me in Bibliothecam abduci imperauit, vbi, si diutius expectandus foret, minus molestè moram illam percoquerem. Igitur picturis, quibus Musæum abundabat, oblectari cœpi: pendebant quaquauersum elegantissimæ Tabellæ, quæ expressos ad viuum insigniores quosque Aulæ Dynastas repræsentabant. Dum singulorum effigies, quæ animo inhærebant, & vna artificium excellens contemplor, ac laudo: in altera atque altera nequeo risum cohibere. Quamobrem, inquam, decrepitus hic & recaluastrè exprimitur, qui est formosissimus? quasi exerceat carbonariam Cupido, aut Helene transformetur in Hecubam. Quid item alius fastigiato vertice, impexis capillis, cute rugosa, & in aterrimum exusta colorem, opilonem & bubulcum agit? cum sit alioqui Vir ad spectu hilari, & festiuo, Medicinæ deditus, nec à Musis alienus. Itaq; ri-

debam pariter, atque indignabar, Pictoris existimans vitium, & incogitantiam, quod N. nostri certum consilium fuerat. Dimissis litigantibus homo sese ad me proripit: quid tu, inquit, modò superciliosus, modò risu diffuens inambulas, neque ab imaginibus oculos detorques? Ego autem: opportunè ades, frontis huius nubeculam discussurus, mihiq; quid istuc rei sit, palam facturus, quare mentitam adeò faciem horum vni & alteri affingi volueris. Rectè, inquit: quos ita deformes cernis, Aduersarij nostri sunt: nam malè de nobis meriti, benè pingi non debuerunt. Scilicet iniuriarum & contumeliarum fabros hisce picturis vlcisci soleo: ac vel ipsum Herculem, si probra in nos iaciat, non secus atque olim Celtæ, deformabo. Illud modestiæ nostræ est, etsi tale nihil promereantur, quòd à me prætereunte non conspuuntur: quo dedecore Constantiensis quidam Bataui oratoris effigiem cumulabat. Papæ, inquam, factum perplacet, æmulabor. Hoc edico iam, Quisquis in posterum contumeliosus in me sit, fingetur enormi naso, distorto ore, obliterabitur, conuicijs impetetur, lacerabitur; denique mentitum vultum nulla non labes, nulla non turpitudò inquinabit, ac frangar, si legem frangam. Ride, & Vale, mihiq; vbi hinc  
pedes



pedes auolaro, in instructa ad miraculum  
Viri doctissimi, humanissimique Io. Baptista  
Coccini Bibliotheca, sellam para. Ex Hortis  
Martialis. Kal. Iulij M.DC.XX.

Io: Baptista Lauro Theol.  
Felix Contelorius S.D.

**P**erlepidam vltionis capiendæ rationem  
tuis ex litteris didici, Laure, qua & ego  
vti statui, &, scio, alij, quibus factum renar-  
raro, vsuri sunt. Quod verò tibi Musarum,  
ac Mineruæ alumno Martialis, an Martia-  
les? arrideant Horti, nec nouum mihi, qui  
viuax & robustum ingenium agnouit tuum,  
nec ab amœnioribus studijs, quæ inter gra-  
uissimas curas cum primis alis, alienum,  
Bibliothecam Coccinianā, vbi ad nos re-  
deas, reperies Voluminibus omnium gene-  
rum, multò quàm antea, refertissimam, quo-  
rum adspæctus longè tibi futurus est grator,  
Laure, quàm Laurorum istic frequens Silva,  
quæ deambulantes, totam vt Romam vnico  
obutu deuorent, æstimantque, egregiè de-  
fendit à Sole. Sed iam pro picturis ludicris,  
& contorto vultu hominum, facies inuer-  
sas exhibilantium, lege seriam scriptionem  
Chifellij nostri ad te de te. quam nisi admit-

234 Io: Baptistæ Lauri.

tas, Centuriam non remittam. Vale. Ex  
Aedibus, & Cardinali Illustriss. communi Do  
mino me veterem clientem etiam atque e-  
tiam commenda. in Vrbe. V. Idus Iunij.

Io: Baptistæ Lauro V.C.  
Henricus Chifellius S. D.

**G**Ratulor tibi Vir doctissime, delictum  
nouum, & recentes ex amœnissimo in-  
genij tui viridario decerptos flores, qui me  
sapientiæ tuæ pratis inambulantem, delica-  
tissima odorum fragrantia perfuderunt. Le-  
git mihi, si nescis, Felix Contelorius alte-  
ram tuarum Epistolarum Centuriam, &  
perlegit, & relegit; quo enim dulciora vi-  
na sunt, eò serius sitim abigunt; & suauissi-  
mus Musicæ concentus non vnica satiat au-  
ditione. Suspicio puritatem sermonis, sen-  
tentiarum grauitatem, certantem cum eru-  
ditione doctrinam, suis condita salibus om-  
nia, candida prorsus, atque concinna, quam-  
que admodum paucis huius æui Scriptori-  
bus contigisse video, summam in exprimen-  
do, quod sentias, facilitatem; quæ nullatenus  
tamen in exilitatem vergat, verum tenu-  
ioribus ac vulgatis inimica formulis, deco-  
ra in grauitate, æquabili vsque tenore per-  
ducat

duret. Nil herclè mirum, priorem tuam, Centuriam à Germanis ac Belgis, ceterisque politioris litteraturæ fautoribus comiter exceptam, sollicitè nutriri: cum Tulliana facilitas, Senecæ grauitas, & Plinij suaves argutiæ, iucundissimo ad ingenij tui fornacem colliquata misto, nouo velut æris Corinthij fluxu, non vnā Urbem, sed vniuersæ tractus Europæ irrigarit. Nec in speciem verba compono, aut amicitie quidquam tribuo, vel affectui. ea enim est animi tui modestia, quæ adulantium lenocinia respuat, ea doctrinæ excellentia, quæ his planè non indigeat. Quid differs? prodeat in lucem & hic partus; maturus est, Lauro dignus est; & gemmæ istæ singillatim amicis tuis abs te missæ, auidè simul expectantur vniuersæ. De Beraldi tui ac Velie Dialogismo, & Clarorum Virorum aptè contextis Elogijs, repeto, quæ nuperrimis ad te meis. Adde, ni in publicum das, alienæ subtrahis gloriæ, nouercaris tuæ. Vale feliciter. Dat. Romæ Prædie Non. Iunij. M.DC.XX.

Marcello Lanti Cardinali  
Episcopo Tudertino  
Io: Baptista Laurus S. D.

**I**Pso D. Romanæ Virginis peruigilio, quam tua mihi liberalis pietas, Princeps religio-  
sissime, delatis iam pridem eius v&igalibus,  
præcipuo cultu venerandam & colendam,  
proposuit, superioribus mensibus ( habitis  
meo more nocturnis appetentis diei suppli-  
cationibus, expensisque, quæ ad secundam  
vigiliam interferuntur narrationes ) non  
ab re suspicari cœpi, vtrum ab idoneis scrip-  
toribus illæ fuissent proditæ, quas Angelus  
Cæsius Episcopus, annis ab hinc viginti qua-  
tuor, in Ecclesia Tudertina recitari iusserat.  
Propterea quod in eum coniectæ Librum,  
Sanctorū Vitæ (modò vnā & alterā excipias)  
adeò videntur impolitæ, rudes ac subfrigidæ,  
vt non satis dignas putē, quæ pro solemnī ho-  
rariarum precum penso Cælitibus persol-  
uantur. Illa enim animi, qui in Dei amorem  
rapi gestit, exarescat cogitatio necesse est,  
quæ nullis diuinarum illecebrarum veluti  
scaturiginibus irrigetur. Licet autem quo-  
rumdam vestri ordinis Patrum calculus nō  
impro-

improbarit, à nobis tamen stat sapientissimi  
 Cardinalis Baronij de refingendis ineptium  
 Viographorum scriptis sententia; ad Tuder-  
 tes verò spectantia, non ob aliud olim Cæ-  
 sio permissa, nisi vt importunis pariter, ac  
 pijs religiosi Præsulis obsecrationibus fieret  
 fatis. Neque nunc ego submonuerim, quid  
 in illa serie immutandum, addendum, am-  
 putandumue censeam, neque consuluerim in  
 parte repurgandum, quod pænè in totum  
 spongiam mereatur. Vnam D. Romanæ Vi-  
 tam diligenter excussi, in qua cum minus  
 quæpiam possem ferre, & Codex fortè per-  
 antiquus, Italicè conscriptus, se mihi obtu-  
 lisset ( pluribus enim coniecturis licuit asse-  
 qui, tunc temporis in lucem datam, quo  
 eius sanctitatis fama, recens à funere, per  
 ora hominum volitabat ) eam prolixiorẽ  
 aliquantò, latino stylo leuiter strinxi, & per  
 otium, animo meo gratificaturus, recon-  
 cinnaui. Quam visum est tibi Princeps inte-  
 gerrime, legendam tradere, vt Romanam  
 Tutelarem quondam tuam ( etenim nobis  
 transcripsisti, qui Prioratu Memminensi  
 te vtrò exueras, vt clientulo tribueres ) alio  
 ornatu, alijsque oris lineamentis se tibi in-  
 conspectum dantem, ex interuallo recogno-  
 scas; tum hominis tibi addictissimi indu-  
 striam non contempnas, qui eloquentiæ ca-  
 lami-

lamistratæ fucos mentis demissæ affectu redimere consuevit, ipsamque Virginem assiduis precibus sollicitat, ut valetudinem tuam diutissimè tueatur. Vale Ex Aedibus Idibus Septemb.

VITA S. ROMANAE VIRGINIS.  
EX CODICE ITALICO MS.

Claruit temporibus Constantini Imper. cum  
S. Siluester Romanæ Eccl. præset.

**R**omana Virgo, quod Placidiano Patri, opulento sanè homini, res domestica. Romæ prosperè cessisset, nomen sortita, eam Tudertini agri partem diu incoluit, qui Memminensis olim dicebatur, & ad ripas Tiberis Urbis Veteris attingit fines. Porro Placidianus ruri agens, quod impunè palam non liceret, etiam Christianæ Religionis præceptis atque institutis, quos alebat in familia, erudiendos curabat. Romana verò auditis ijs aliquandò Euangelij verbis, quæ de abdicanda seculi cura, deque erogandis in pauperes diuitijs feruntur, Christi amore incredibiliter exarsit: ac quandò iam per ætatem nouerat; è Martyrum ac Virginum Choris Ecclesiæ spectari gloriam, nec sui sexus ullam in oculis Dei commendari, que

*que Mundi opes et ornamenta non contemneret; cum rescivisset etiam, Patrem, quod formosa esset & unica, nubilem se se cuidam despondisse, mirè anxia qua ratione terrenis nuptijs præferre caelestes posset, lacrymis, precibusque Deum consuluit; hinc à Columba calitus demissa salutatur, & vocibus Caeleste Oraculum testantibus, quid sibi agendum foret, præmonetur.*

*Ergo proiecto vestium ornatu, è paterna domo tacitè profugit, & in fidelium quorundam occulto conuictu Tuderti menses aliquot traduxit. Fortè per id tempus Constantini Imperatoris animus in sincera pietate maximè intepuerat, quam malorum Demonum administri opportunitatem nacti, Christianos quosque minis, & blanditijs auita superstitioni litare cgebant, in ipsumque totius veræ Religionis Antistitem irruere meditabantur. Quorum furori Siluester cedendum tantisper ratus, ne capite in vno uniuersa Christi Respublica periclitaretur, quod & Imperator longius ad Urbem aberat, eadem relicta, in Soractem Montem secessit, ubi diurnis, nocturnisque vigilijs vnius Dei laudes multorum spiritus personabat. Huc quoque Romana, quanquàm parum tutis itineribus, alacriter adrepsit, tum Christianorum latentium, & B. Pontificis*

*ficis pedes in primis deosculata , ubi omnes in Domino saluere iussit ; subinde quotidianis omnium exemplis didicit , non tam disertè pro Euangelij professione tuenda esse disputandum,quàm fortiter pro amplificanda carnificum immanitati caput offerendum . In qua autem Soractis spelunca iacuerat , eandem, miraculis illustratam, posteri in Sacellum transformarunt .*

*Tandem Romana, fausta cum prece à conuentu dimissa , & à B. Pontifice constantia admonita , quo parentes , aliosque in Christianæ militiæ pugna acrius incitaret , in Memminensem se recepit ; suosque ex intervallo reuifens , uberiore voluptate affecit , cum de caelesti , quam Siluester Pontifex in terris ageret , vita renarrauit . Huius plerique dictis & exemplo permoti se in siluam ac solitudinem ad latus fluminis abdidere , quod præruptis saxis ab utraque ripa coëresceretur, cui & imminet Cupressetum, odore feras venenatas ac pestiferas propellens. Atque hic una cum fidelium cœtu Antislita Romana permulta edidit miracula ; sed multa plura eiusdem consecuta sunt mortem, quam, febri acutissima decumbens , ad VII . Kal. Martias sanctissimam obiuit . Hoc deinde loco Templum cum Cœnobio, Virginis indito vocabulo, excitatum est , quod Monachi è*



*D. Benedicti familia obtinuere. in proximo delubrum cernebatur D. Gregorij Magni appellatione nobilitatum, in quo ante Pontificatum, incommodis & corporis macerationi sedulo studens, delituerat. sed procedente tempore cum Tudertium ille tractus sceleratorum hominum cadibus ac populationibus vastaretur, ipsaque aded, quamuis structura firmissima, paulatim collabebatur Aedes (ubi inquam Tiberis prater-fluens violentius incurrit) Tudertes Romana Virginis corpus in Urbem religiosè transfulerunt, & in Ecclesia S. Fortunati, Civitatis Patroni, in arcula inclusum, honorifice recondiderunt.*

LXXXVI.

Romam.

Io: Baptista Laurus S.D.

Antonio Rodulpho I. C.

**R**Es ipsa loquitur, quantoperè abs te amici causa fuerit aduigilatum. nempe hoc est mores à leuitate forensi incolumes seruare; magnificè præstare, modestè polliceri. Dormitatum ab alijs erat plus satis in pecunia mihi ab homine obarato qui tatum non vertit solum, vindicanda. Tu officij atque operæ tantum adhibuisti, quan-

Q

tum

tum nunquam à quoquam sperare fuisset, ausus. Nam quoties ille me ludificasset, occurrebat; damnabam ultro, quod imprudens Perusiæ consilij cœperam; & vehementius indignabar, quòd videram istic omnia frustra per Augustinum acta, neque habita fecius Florentiæ, Senis, atque in Oppidis Sfortianis, in quæ tanquam in arcem tutissimam nebulo concesserat. Vnus mihi Vulpeculamprehendisti, quæ istuc se tutò adrepssisse putabatur; dum, misso clam viatore, in Sabellianum carcerem deportari iussisti; è quo exeundi facultas non detur, nisi prius vxor, & liberi sese vadimonio obstringant, & argentum ad certam diem repræsentent. Hoc pacto, quod aliena admiserat incogitantia, tua cura, diligentiaque sarcitum est; soluetque scelus iam bona fide, quod nimis diu nobis debet: pro quo tibi Rodulpho, vel cum soluere ille desierit, nunquam non debuero. Vale. Sed heus tu! ecquid hic vulgatum de Manfredoniæ Vrbe à Turcis direpta, ac deuastata? fac quæso, ne ignorem. Mitte expressam ære fluitantem loci Pictoris Naum (nè Cymbam Alaroticam, ab effigie appellare mauis) nunc in arca, prius in propylæo Vaticanæ Basilicæ visendam; tum V.C. Pantheri Pantheræ Equitis Nouocomensis de Nauali Prælio absolutissimum

-mum Volumen, & Iulij Cæsaris Capacij Elo-  
gia . Sub hos dies in Memminensi Rusculo  
meo effossus est Lapis characteribus planè  
rudibus, ac præ vetustate fugientibus inscri-  
ptus . Lege hic Epigraphem, quam Io: Bap-  
tista Guazzaronio excutiendam dedi . Vale  
iterum, Tudere Non. Septemb. M. DC. XX.

GALLICLES ET GALLIOLE FILIVS TERMIN  
OS LAPIDARES DE OFICINA PANDIONIS  
CALLISTI AVG. I. SVB MARTIALE SERVO  
DONVM ERCVLI FF. EX ASIA GRAECIAE .

LXXXVII.

*Romam.*

Porphyrìo Feliciano Ep. Fulgin.

Pauli V. à Secretis ,

Io: Baptista Laurus S. D.

**E**T incidunt persæpe tempora , quibus  
à caritatis officijs recedere , nisi gra-  
uissimo admissio piaculo , non liceat , & ego  
is sum, qui eiusmodi occasiones non facillè  
manibus mihi elabi sinam , non tam ( quod  
dicendum hic sit ) vt laudabili rei operam  
nonnullam locem; quàm vt ex eo siue ad Vi-  
rorum Principum notiçiam adrepam; siue  
apud veteres Patronos memoriam mei in-

dormientem excitē. Ea propter cum tuzip-  
 sius Fulginatensis Parœciæ res agatur, pro-  
 nior utique ad iuuandum fueris magnus Cu-  
 rio, ac spectatissimæ religionis Antistes; &  
 à me tui obseruantissimo ad id prouocari  
 æquo animo patiere. Est hic femina in sum-  
 mum vitæ, ac pudicitia discrimen adducta;  
 quæ cum in mariti aduersum se antea sa-  
 uientis, & perduellionis rei, manu, manci-  
 pioque, tabellari sententia Iudicis, esse de-  
 fierit; nullumque Gynecæum, apud Fulgi-  
 nates sit, in quo, Virorū cōubernio seiūctæ,  
 tutò mulieres degant, inter Moniales Tri-  
 nitarias citra flammeum cooptari velit.  
 Illæ, Patres modò, qui ius istic in Fami-  
 lias Deo dicatas dicunt, ac tu Præsul,  
 non abnuatis, admittendam censuere: so-  
 lutis in præsens, præter ea, quæ in victum,  
 cultumque, quo ad vixerit, fore decernen-  
 tur satis, donatiui nomine aureis centum  
 quadraginta. Abs te igitur, & à Patribus  
 ceteris Magdalena (id feminæ nomen) fla-  
 gitat verius, quàm orat; vt in sacrum com-  
 militium, vel cum seculi tessera, adscribi  
 queat. Ego vniuersos rogo, obsecroque, &  
 Pastoribus Ouiculam in Domino commen-  
 do, ab eodem amplissimum præmium pro  
 tanto beneficio relaturis. Vale Fulginia.  
 XI. Decembr. M, DC. XX.

LXXXVIII.

*Pisari*

Io: Baptista Laurus S.D.

Sancti Ballarino I.V.C.

**H**Eus tu Ballarine! quære calculū, vnio-  
nem, margaritum, & siquid his potes  
candidius, preciosiusque; tum felici nota si-  
gna hunc diem, quem ab hinc annis duode-  
quadraginta frustra expectatum, amicis no-  
bis iucundissimū, Perusinae Patriæ gloriosū, sin-  
gularis Cælitū adduxit indulgentia. Diutur-  
na fuit orbitas, amplissimum est, quod ob-  
tigit, vt ferè semper altius crescunt Arbo-  
res, quæ tardius. Sed iam cupimus ambo &  
tu scire, & ego significare, quid hisce litte-  
ris demum velim. Cæsarem Gherardium ex  
Academia Firmana, ne diutius Viri excel-  
lens doctrina ijs angustijs teneretur, quam  
ipsa Romanæ Curia expetere videbatur  
amplitudo, à Cardinali Burghesio Ro-  
mam vtrò accersitum, & consilijs maxima-  
rum rerum præesse iussu, Paulus V. primis  
ineuntis Anni Comitijs in amplissimum  
Cardinalium Collegium cooptauit. Ciues  
autem nostros vbi tam repente obiectum  
peruasit gaudium, cœpere omnes publicè,

priuatumque Patri beneficentissimo longæ  
 uitatem comprecari, Tempia & domos lau-  
 reis sertis coronare, Turres, mœnia, Pala-  
 tium, vias excitata flamma distinguere. In-  
 cendijs verò tota Vrbe excitatis, strepitu,  
 pulsuque campani æris continēti diffractus,  
 defœcatorque effectus aër, illam confestim  
 discussit luem, quæ in plurimos Iuniorum,  
 mensibus superioribus fuerat debacchata.  
 Quamobrem vna cum honorum incremen-  
 to, incolumitas & salus manasse ad nostros  
 visa est. Exinde in Aula Decemuirali, Ma-  
 gistratu, ac Tribunis Plebis referentibus, huc  
 decretæ legationes: ac propediem expectan-  
 tur, qui Urbis nomine, qui Iureconsultorum  
 Pontifici gratias agant, eidemque munifi-  
 centiam, Cardinali dignitatis accessionem  
 gratulentur. Tu quoque Ballarine, siue pu-  
 blica, siue tui ipsius causa, plausum epistola,  
 officiumque debes; quandò Illustrissimo Ghe-  
 rardio seges, ac materia data est virtutis  
 exercendæ, promendæquæ in amicos perue-  
 teres, clientes nouos, vberrimò cum fructu  
 beneuolentiæ. Iamque ego tui vicem gratu-  
 lantis sedulò functus sum; tu litteras quàm  
 primum mitte obseruantia in ipsum, in nos  
 amoris indices. Vale, Romæ Postrid. Id.  
 Ianuarij. M. DC. XXI.

LXXXIX.

*Romam.*

Io: Baptista Laurus S. D.

Felici Benio Procuratori Generali Canon. Reg. S. Saluatoris.

**P**Ræclaram tu quidem, amicitiaque nostra dignam, Beni amabilissime, operam sumpſisti; adlectis vndique tot exemplis, argumentisque, vnde luctum minuam, & dolorem penitus ex animo euellam: quamquã sic ad res aduersas & domestica funera iam occalluit, vt nullo clypeo curet obarmari, ac pro monstro habeat, si monstra cessent oboriri, quibus cû queat in posterum depugnare. Incurrunt quotidie in oculos, qui atrocioribus petantur; & est mihi Vrbs, ad quã reuocor, Scena quædã theatralis, in qua, detractis modò personis, omnia video ad æqualitatem redigi; cû eximius ducatur nemo, quem familiæ amplitudo, dignitas, opes, factio, valetudo eximat ab illa summi Choragi lege, cui, velis nolis, Scena inuersa, parendum est. Ac tu, obsecro, ride mecum, quod se in præsens calamo obijcit, & identidem amicis, vbi de humanæ Vitæ fabula, ac somnio sermo incidit, referre soleo.

Princeps quidam, adulta nocte, iam cena-



tus cum obambulare Urbem, in biuio homuncionem offendit, qui vino madidus, ronchos trahens, suauiter edormiebat crapulam. Is continuo ad congerrones, quibus stipabatur: placetne, inquit, periculum facere in isto ebrio, sitne merum somnium, hoc, quod tam fastuosè, & voluptuosè mortales viuimus? Illis annuentibus, stertentem in ædes regias adduci imperat, ac sordidis exutum pannis conchiliato lecto inferri, & conopæo byssino obuelari. Adfuere sub Aurorâ in anteriore conclauis Lyristes, Citharædus, Fistulator, vna cum cohorte musicæ canentium. Eo concentu expergescens, cernit aduolare cætum nobilium puerorum, officiosè consalutantium, quibusque vellet indui vestibus, interrogantium. hæsitanti adferuntur preciosissimæ. Confluunt Aulici, in Lararium deducunt; litatur; interest, præstatque omnia, quorum à Cubiculi præfecto admonetur: mox adipale & opiparum prandium instruitur. A prandio cum folijs lusorij plurimum pecuniarum apponitur, & calculi ad computandum. Somnoso meridiano refouet. Sub vesperam exit in Hortos, auarium inspicit, occultis subsilientium aquarum iaculationibus oblectatur. in cena lautè accipitur, potitat capacibus poculis, mero generosissimo proluitur. Prodeunt saltatrici-

culæ



culæ , datur Mimus , Genius iterum largi-  
ter inuitatur ; non multò post somnus arctif-  
simè hominem complectitur . Tum Princeps  
splendidas detrahi vestes dormienti iubet ,  
priores induci ; eundemque in locum , quo  
antea iacuerat , reportari , vbi & reliquum  
noctis ad Galli cantum obdormiuit conti-  
nenter . Experrectus cœpit secum beatam ,  
illam vitæ lautioris , quæ obuersabatur an-  
mo , imaginem reuolucere , ambiguus admo-  
dum , verane , an ficta ea fuisset ratio Princi-  
patus . Ceterum coniecturis , quas contule-  
rat , accuratè perpenſis : illud somnium fuisse  
pro certo sibi persuasit , quod tam celeriter  
evanuiſſet : & quarum rerum in peruigili ad-  
huc vestigia inhærebant , eas coniugi , liberis ,  
& vt in quemque inciderat amicorum , velu-  
ti somniaſſet , festiuè denarrauit . Ridesnè  
suauem hominem ? quem sanè minus fefelle-  
rat rerum humanarum animaduersa condi-  
tio , nisi mentem in vino perdidisset . Enimvè-  
rò memoria repetamus , Beni , quantum v-  
trique nostrum Bononiæ , Florentiæ , Romæ ,  
alibi secundis Numinibus felicitatis affluxerit ,  
quàm tu honorificè vbique locorum ha-  
bitus , quàm ego non inglorius . Fuerit cer-  
tè temporis multum , annorum plurimum ,  
seculum denique . Sed quæ tandem æui præ-  
uolantis particula nunc ambobus ad blandi-  
cur ?

tur? vnica porro nebulonis illius diecula æquat sexcentas nostras. Omnium enim, quæ ad hanc vsque diem risu, fletuque excepi-  
mus, vel nos iam cepit obliuio, vel, ea sensim obrepente, post paullò capiemur: tantû honestè acta superior ætas, quod verissimè scripsisti, cum æternitate contendet. Quare demus operam, mi Beni, vt, quod superest vitæ spatium, nullo virtutis præconio vacet. Ac tu quidè, dū Christianā doctrinam, profiteris ac præstas, & faciūdam Ecclesiasten agis, maiorumque tuorum exempla pro viribus æmularis, in his Lucā Benium, qui Cōcilio Constantiensi Legatus interfuit; cum Petrum huius fratrem, Abbatē Auellanz integerrimum Antistitem, quam & Petri Damiani Cardinalis sanctitas illustrauit: perge nos docere solida, quæ ætatem non reformident, perge immortalibus præceptis eos erudire, quibus propediem contingat æternitas. Quid ni dixerim propediem? quantula enim est huius vitæ summa? vt iam contingat longior senectus, quam quocuique contingere videmus? Vale feliciter, Paulum Benium iubeo saluere, te Comites Fratres Gaspar, & Io: Baptista. Perusia.

XC.

Roma.

Iosepho Hieronymo Besoræ

Canonico Ilerdensi

Io: Baptista Laurus S. D.

**L**ongum intervallū est, ex quo tuis fruor libris, humanissime Besora, quorum nūc remitto alterum cum vicarijs litteris: etsi decebat ad te me proficisci ipsum, & negligentiam meam coram tibi purgare; qui nos tanta officij liberalitate anteverteris, & comitatis propè flumine obrueris. Ut omit- tam vera illa sincerissimi amoris non indi- cia, sed certissima argumenta, quæ à Barci- nonensi Cælo Romam vsque allatā, eo die in nos vberimè effuderat, quo Princeps meus Duci vestro, Hispaniarum Regis Ora- tori, recens huc aduecto, felicem aduentum gratulaturus accessit. Verum non soleo, mi Besora, per ambitionis rimulas candidum Amicitix florem ostentare, ut temerè alij decerpant, aut odor paulatim diffluet, atque evanescat. Tui similitum affectum in sinu fo- ueo, &, ubi aliqua videor promeritus, ex- promo, & palam facio, tuum tamen nun- quam in plenum promereri queam, nisi be- nè de tuis Vigilijs & sentiendo, & loquendo,

ex

ex quo ciuilitatem amœnissimus congressus  
tuus, & eloquentiam disertissima Oratio te-  
stata est. Dehebatur nimirum tot Poëtici  
certaminibus, in id Volumen congestis, ali-  
qua Pithus commendatio, qua, tâquam oleo  
facundia sapienter emollientis, Hispani A-  
thletæ imbuerentur. Factum abs te peregre-  
giè, & in B. Theresam tui præconiij flamma  
nullius non pectus ardet, nullius non pietas  
exaestuât. Illa me suo patrocinijs feruet, quæ  
à te cultissimè laudata ad te redit; meque in  
CAPITOLIO Rycquij mei, te non inuito, ea  
conditione relinquit, vt sicubi veterum Deo-  
rum, Dearumque nomina intercurrent, reli-  
giosè inuertam & Romanum illud ex Anti-  
quorum scriptis aptè concinnatum, ad Cæ-  
leste transferam; in quo vtinam, mi Besora,  
aliquandò vna triumphemus. Ex Aedibus.  
In Vrbe.

Io: B. Lauro Theol. S. D. *Roma.*

Iosephus Hieronymus Besora

Canon. Ilerdensis.

**A**lterum remisisti librū, suauissimè Lau-  
re, & quidem cum fœnore. beasti me  
litteris vicarijs. eas illarum Centuriz om-  
ni-

ninò geminas cognoui , quam à te Perusiz  
editam superioribus annis cum vidi , in tui  
mihi nondum de facie noti amorem ita ex-  
arsi, nihil vt duxerim antiquius, simul atque  
ad Urbem , Orbis Theatrum, accessi , quàm  
te videre , & alloqui . Et accidit quidem  
percommode , vt Illustrissimus Marcellus  
Lantes, quem honoris causa nomino, patro-  
nus tuus , Cardinalis non mea solum , sed  
omni omnium prædicatione maior , Mœce-  
natem meum subito inuiserit, quæ mihi per-  
bella fuit occasio diu contractam sitim ex-  
plendi, Hausi igitur tantum suauitatis ex tuo  
humanissimo congressu , vt ne & etiam &  
ambrosiam præ tuo suauissimo sermone de-  
spicatur duxissem . quò si mihi quotidie da-  
retur frui , quis me fortunatior ? Sed excusa-  
tio tamen , cur me præsentem præsens nò cõ-  
uenias , hoc præsertim æstu, minimè necessa-  
ria; qua me ipsum purgarem , si fas arbitra-  
rer apud amicum, quem non ambitio , non  
cupidò; sed ipsa humanitas conciliauit. Lau-  
des, quas, vt amplissima munera, plena manu  
in me congeris , non agnosco : amplector  
animum , qui illas profundere , vel potius  
perdere suadet . Rycquij eruditissimo Com-  
mentario tuo arbitrato per me, vt meis om-  
nibus , licet abutaris : immò vteris, si fidem  
in calce epistolæ consignatam aliquandò li-  
beras

234 Io: Baptista Lauri

beras. O vtinam citò, mi Laure. Laurea donabit cælestis Apollo. Hæc raptim, vt vides, in medio aulae strepitu Musis non admodum amico; animo curis non soluto; è Bibliotheca, heu copiosa, exsul. ad quam cum redibo, vereor, vt alumnus me suum agnoscant Musæ. Sed te, illarum Ocellum, sequestrem adhibebo. Vale, & me amantem redama. Ex Aedibus Illustrissimi & Excellentissimi Ducis Alburquerquij, Regis Catholici Oratoris.

XCI.

*Neocastrum.*

Petro Francisco Montorio

Episcopo Neocastrensi,

Nunc Coloniae Agrippinae Nuncio Apostolico,

Io: Baptista Laurus S. D.

**N**ihil omnino tam præter opinionem omnium accidit, quam Pauli V. Pontificis interitus. Nono enim ab hinc die è Quirinali ad D. Petri, qui colitur in Monte Aureo, gestatus est, & aquæ poculum, cum ad eos Fontes constitisset, quos è Braccianensi agro vberissime deduxerat, auidè exhauserat. tametsi pridie eius diei Agnetis Fenum petens, extra Portam Piam, non semel fracto & debilitato animo in lectica iacuerit

cuerit, & antè ipsā Diuæ Aram spiritus orā-  
tem pænè defecerit. Decubuit itaque morbo  
breuissimo, & nudius tertius sub occasū fer-  
mè Solis, in Aedibus Quirinalibus, haud dū  
septuagenarius ex hac vita migrauit. Hæret  
etiā nū attonita Vrbs, vixque amissū credit,  
quē totos quindecim annos & eò amplius,  
in quibus Pontificatū gessit, firmissima sem-  
per vsū valetudine admirata est: cuius mor-  
tis nuncius cū prius quodammodo vulgatus  
sit, quā prostratæ ac deploratæ valetudi-  
nis rumor auditus: quis non videat fore vt  
tota simul doloris orta magnitudo pondere  
grauiore in Urbem incumbat? Ergo Opt.  
atque Sanctissimo Antistite viduata, tu-  
multu vniuersa feruet, & consilia de Lega-  
tionibus in Galliam & Hispaniam decernen-  
dis, augendaque re familiari Patrum nonnul-  
lorum, recens in amplissimum ordinem re-  
latorum, nec opinato & repentino obitu di-  
scussa, perhumaniter dolet. Ad Comitia  
Cardinales conuolant, coacti vim frigorum  
hiememque hoc anno teterrimam excipere,  
quam nos, toties Ciuitatem perreptando  
discurrendo, quamuis pellitis obtekti cur-  
ribus, vix sustinemus, qui & niuibus acerri-  
mis, geluque continenti propè obriguimus.  
Faxit Deus, vt ad Christianæ Reipub. otium  
& tranquillitatem prouehendam, tuendam-  
que



que optimus omnium, isque quam citissime deligatur Pontifex, Germaniæ atque Italiæ rationibus ita exigentibus, imò ipsius iam Urbis, à qua perduelles ac factiosi abesse propius putantur. Tu verò Montori nobilissime, si futuri Hierarchæ Inaugurationi interesse in animum inducas (ac venies, quæ tuorum morum suauitas est, vitæ candor, & sapientia, ab augustissimo Senatu expectatissimus) te oro, ut valetudini diligentissime seruias. Tempestas perfrigida est, rerum varietas, Cæli mutatio nusquam maior, & per interregnum quid non molietur furiosorum amentia? Læticia commodissime gestaberis, legesque per otium Carmen Chronographicum, quod *henricus bonerus vbra Mondanus* meus heri ad me attulit. Christus Dominus amplitudinem tuam sospitet, Præsul amabilissime. Romæ Pridie Kal. Februarij, M. DC. XXI.

### Chronostica Urbis nœnia

In Pauli V. Burghesij Pont.

Max. obitum.

roma DeCVs perII penItVs; regina qVletIs,  
IaM VIDVata pIo prInCipe bVrghesIo.  
qVo MItIs regnante fVI: perIIqVe CaDentI:  
totaqVe ego InterII; DVM CapVt InterIt.



soLa taMen perIl : heI! terrIs seD paVLVs abI VIt,  
 neC perIlIt ; qVaMVI s DesIlIt orbe frVI .  
 Mors IpsI, bona VIta f VIt. per sIdera VICtor  
 IVIt, DI s gratVs, sIC orIt Vr MorIens .  
 heV ! MIhI seD qVIs erIt, spes & noVa paCI s orIgo.  
 DeposVIt Vetere s nVnC Mea tVrba togas .  
 est InDVta sagIs , strICtIs VersatVr In arMIs .  
 DoneC sIt rVrsVM partVs, & ortVs honos .  
 heM ! noVV s ortVs aDest; phœnI Ce resVrgo renato,  
 eXsVrgo nato, qVz MorIente CaDo :

XCII.

*Mediolanum*

Io: Baptista Laurus S. D.  
 Hieronymo Bossio V. C.

**G**regorius Cybò vtriusque nostrum a-  
 mantissimus, tuas mihi nuper legen-  
 das dedit, in quibus post honorificam mei  
 appellationem, de litteris ad me scriptis me-  
 mineras, quas, ut verum fatear, nullus vidi.  
 Cense sñe Vir Clarissime, aulicæ mihiitiæ non  
 iam tyronem ( octauus annus agitur, ex  
 quo sum Romæ) piaculum tantum fuisse ad-  
 missurum? præsertim cum magnas grâti-  
 as deberem humanitati tuæ, qua impulsus  
 (nam quid putem aliud?) in tuis Epistolarum  
 elegantissimarum libris nomen meum titulis  
 tam insignibus exornaueris. Expostularem

/R

cum

cum Bonciario ac Massinio, si viuerent, hanc iniuriam, qui de amplissimo testimonio, & beneuolentia tua me celassent, nisi debitio- nem hanc in Iosephum Hieronymum Beso- ram Barcinonensem refudissem, qui in fami- lia Hispaniarum Oratoris ad mansuetiores subindè Musas à Theologico pulvere defice- re consuevit. Is scilicet iampridem de tuo volumine nos amare cœpit, & de Centurio- ne nostro, nescio vnde accersuerit, quibus in locis, & qua in Aula versaremur, didicit. Quando verò singularis ad Gregorium in tuo Libro pertinebat Epistola; continuò à me interrogatur; ecquid rerum agas, quā dudum ipse ad te scripserit. Profectò erubuit cessator egregius, meoque suasu purgationē ad te cum salutatione ex me amicissima est exorsus. Cui tu vicē perquam officiosam regessisti, me voluptate summa cumulasti: qui ex Voluminum censu, abs te editorum, tam altè de eruditione tua sentio, quā Py- thagoras, Herculani pedis figura inspecta, conijcere potuit de enormi corpore. Hæc ad te Vir præstantissime, dum armorum strepitu circumsonant omnia, & per interregnum consultius Marti, quā Apollini litatur. Gaudeo, quòd Cardinalibus vndecumque ad Pontificia comitia confluentibus, licebit de

de facie propius nosse verissimum virtutis ,  
 ac probitas exemplar, FEDERICVM BOR-  
 ROMAEVM Archipræsulem Mediolanen-  
 sem , cui olim Philippus Vvannemakerus  
 meus Triumphum obtulit , & iure , qui sic  
 Barbariem , augustissima istic Litteratorum  
 Legione instructa , & in pugnam missa , felici-  
 ter expugnauit. Vale , & Io: Bap. Saccum , ac  
 Iacobum Antonium Carolum mihi saluta , &  
 si quos istic præterea nosti , amantes mei ,  
 Romæ VIII. Februarij M. DC. XXI.

XIII.

*Romam.*

Io: Baptista Laurus S. D.  
 Gauconi Gaukema Canonico  
 Aquisgranensi ,

**A**Mo te de humanissima salutatione , quã  
 in Perotti litteris proximè abs te legi ;  
 idem de Antuerpiensibus indicauit , quarum  
 vt exemplum peterem , ea ad te mihi nunc  
 scribendi causa . Nec enim totus à Gra-  
 tiarum cœtu videbor alienus , si vos Gra-  
 tiarum Symmyltas in hoc otio congerrones  
 habuero . A Chifellio nostro etiam binas  
 expecto , & quas Pridie Non. Iulij anno su-  
 periore ad me scripsit , & , puto , in itinere ,

R 2 cum

## 260 Io: Baptista Lauri

cum huc veni, perierunt; & quas Iunio ineunte Io: Baptista Laurus à Rhégio Iulio abstulit sibi, in vtrisque verò nos ad publicanda Clarorù Virorù Elogia cohortabatur. Fulvius Corradus meus eas magnoperè expetit, cui alias, in quibus de Iocasta fletibus Henricus meminit, ostendi, & Lacipia de donavi. Eidem Carmen ad Lucernulam nostram legito, quam vereor ut oleat, nullo quippè studio à nobis conceptum, atque elucubratum. Io. Nicolao Leontio Theol. Perusino, qui istuc propediem iter est arripiturus, Apocalypsim Bohemicam dabo ad te referendam. Vale, mi Gaukema, & Virum Clarissimum Herculem Rangonium meo nomine plurimum saluere iube. Perusia.

Ad Lucernam  
Hymnus.

**H**Em nocturna comes, lumē cui torta laborāt  
Stamina, cui Pallas dat pabula pinguis oliui.  
Qua sine terrificam mortalia pectora noctem  
Horrescāt, nec dulce vidēt, nec amabile quidquā.  
Obscurique Lares tumulos, & fœda sepulchra

Ve-

*Verius exhibeant, nos aquem lumine cassis.  
 Tu frāgis nebularū agmen, quod claustra Polārū  
 Occupat, illustras spatia intercepta viarum;  
 Nox rubet igne tuo, flammarumque amula Calis,  
 Lunarīs longē clarum iubar obruis Astri.  
 Per te tutus iter multa de nocte Viator  
 Cārpit. si aērei sis fixa in vertice mali,  
 Aut te celsa Pharos longinqua per aquora mittat;  
 Nauisfragum per te securus nauita pontum  
 Findit, & adductis vehitur trans littora remis  
 An fueris dux certa mihi, si arcana beata  
 Tempia subire velim Sophia, Phabumue ciere?  
 Peruigiles impende operas, a quandāque sceptris  
 Otia nostra foue. Moris tu conscia nostri,  
 Agnosceis parcum somni, & fortasse frequentes  
 Excubias quereris; cum te propiora fatigent  
 Spicula, & assiduum doleant Ellychnia morsum.  
 Hinc cernis, quā cara mihi, quā fida puteris  
 Affecta. Pieridum post ludicra, sidera calcas  
 Usque aded cognata tibi. spatiaris Olympo  
 Mecum vna, medijsque faces scrutaris in Astris  
 Fax ipsa, ipsa Astrum. Subeam si concaua terra;  
 Quid mihi Vulcanus radiantes ingerat ignes?  
 Discimus haud segnes squallentibus obsita venis  
 Offa metallorum; Naturaque abdita caussis  
 Indeprensa suis, te trudimus auspice in auras.  
 Sis felix radiata comes, nec peccius amicum  
 Desere. sic viuo tibi floreat angulus auro,  
 Os melius, linguamq; vocem (nam flāma perennē*

*Fota oleo emittit vocem ) dignata deinceps  
Luce noua calami , celebraberis hospita lucis .*

*Perusiam*

Io: Baptistæ Lauro V. C.

Gauco Gaukema Frisius Canon.

Aquisgranensis .

**P**RO tuo affectu ad me scribis Vir Clarissime ;  
ego pro obseruantia, qua te colo, singulari;  
tametsi occupationibus nunc præter modum im-  
peditus . Breuibus ago gratias de litteris , atque  
elegantissimo Carmine ingentes , immortales , &  
particulam Epistolarum Suueertij libens exscri-  
bo. Meam , inquit, Elegiam Lauro placuisse, gau-  
deo . Epitaphium ipsius pro Lipsio habebit lo-  
cum in Floribus , exemplum Puteano misi, necnō  
Epistolas ; qui hoc modo rescripsit . Lauri Car-  
mina venam habent , Epistolæ & doctæ , & ele-  
gantes sunt, dignæ legi (breue & verissimum testi-  
monium ) Flores tui opportuni erunt . Veri instat  
aut est, spirante iam Fauonio : imò Fauonius tu  
eris Pater ipse Florum . De stipendio Militari a-  
pud Romanos : item de Pecunia antiqua edo .  
Geminum Syntagma est, & videbis, quod hætenus  
fuit ignoratum . Iam credo accepisti à Suueer-  
tio, qui & Iudicium tuum, Laure, expectat, Gaspa-  
ris Geuartij Antuerpiensis , quod tui Apollinis

cor-

cortina plurimū probet, Siluam in Statuam Eque-  
strem Henrici IV. Parisijs in nouo Sequanæ ponte  
erectam . Lege & hic eiusdem Genartij Carmen  
in Periscelidem, siue Fasciam cruralem, ordinis  
militaris apud Britannos Symbolum, quæ Friderico  
Comiti Palatino Praga fugienti excidit .  
Vale V.C. &, quod es facturus mutuò, tuum mi-  
hi amorem serua. Romæ.

**D**um noua fœmineus bellator subdere Regna  
Sperat, & Austriacis audet cōcurrere signis:  
Martius haud illi fulgentem baltheus ensē  
Nexuit, aut rigidam strinxerunt cingula pectus;  
(Pro pudor!) imbelli Redimicula Mollia gestat  
Crure, Caledonijs dignissima symbola regni.

Quo, Vesane ruis? non te mouet ominis horror?  
Scilicet hac tenera pedibus delapsa puella  
Fascia, Regales agitat dum lata choreas,  
Festaque lasciuo celebrat conuiuia plausu:  
Hac tu crura ligans, galeaq; oblitus & hasta  
In turmas aciemq; ruis, Martemque laceffis?  
Non cum fœmineis tibi res, Friderice, choreis,  
Virgineas nec crede manus: hic cruda Virorum  
Prælia. Quid tractas Mauortia semiuir arma?  
Quid Diadema tibi speras, frontisque superbæ  
Vincula? Fœmineum Caliga seruare Ligamen  
Haud potes. Exuuijs gaudet Bucquoius opimis:  
Fasciolam rapuit Iouis armiger Vngue Britānā.



XCIV.

*Romam.*

Scipioni Cobellutio Cardinali

S. Susannæ

Io: Baptista Laurus S. D.

**E**Nimuerò humanitatis memor, quam  
 istic egregiam mihi, singularemque præ  
 stitisti, Cardinalis eruditissime, non sum ve-  
 ritus Centuriæ, recens à nobis in lucem da-  
 te, exemplum mittere, meæ aduersum te pi-  
 gnus obseruantia. Ignoscas autem, si tui suf-  
 fragio nominis alicubi quæsitus est Libello  
 splendor. Ego quoque lucis tantulum à Sole  
 istius purpuræ mutuatus sum, ad hoc vel Ma-  
 nibus Ansidæ, mei olim valdè amantis, & tui  
 valdè reuerentis, admodum hortantibus: ac  
 prodire malui alieno non improbatus calcu-  
 lo, qui me candidè damnassem meo. Vale,  
 Perusiæ.

*Perusiam.*

Io: Baptistæ Lauro.

**A**Dmodum Reuerende Domine. Planè  
 nihil erat, quod vereris tuis me lit-  
 teris adire: cum non solum mea beneuolen-  
 tia erga te fiduciam tibi tribueret, sed etiam  
 cru-



eruditio tua : quo nomine Centuriam ipsam libenter vidi, legamque libentius. Interim tibi de munere gratias ago, velimque cogites, & fauere me plurimum laudibus, neque tui iuuandi occasionem omitturum. Vale, Ex Vrbe.

Tui studiosus

Scipio Card.S.Susannæ.

XCV.

*In Vaticanum.*

V. C. Petro Pauono Pontificij  
Cubiculi Præfecto

Io: Baptista Laurus S. D.

**O**Vim magnam Numinis sacrosancti, quæ ALEXANDRVM LVDOVISIVM, quinquennio ante, eòq; nondum expleto Cardinalem creatum, tanto ac tam repentino omnium consensu Romanum Pontificem declarauit. Propemodum Interregni moram non sensimus, qui festinantibus Virtutum ipsius legionibus liberam concessam aream cum voluptate adspicimus, Christianorum Imperatorem triumphali in solio recens collocatum submisit veneramur, lætisque acclamationibus litterario munusculo,

Io tantum non salutatam accedimus, (hortetur licet prodigiosa in altissimo fastigio humanitas) qui tamen, ut per Te nobis sanctissimos dumtaxat osculari pedes fas sit, hac præcursoria epistola à tua singulari comitate petere non dubitamus. Utinam, verò Pontificiæ Alæ nonnullam nauare operam Centurio hic possit meus! nec despero: sublato LVDOVISIÆ beneficentiæ vexillo, & plaudentibus Sericatorum, qui GREGORIANAM maiestatem circumuallant, honorarijs cohortibus: quibus nullius rei seges copiosior affluit, quàm sinceræ probitatis, bonarum Artium, morumque castissimorū annona ferax. Iam GREGORIV M serio agnoscimus Christiana in specula pernixilem, qui non ob Pontificiæ modò ornamentum Aulæ Clarorum Virorum delectum habuit; sed etiam præstantissimarum dotium ornatissimo Nepoti par Theatrum patefecit; cui postridie suæ Inaugurationis, purpuram, Roma præ gaudio temulenta, atque efflagitante indulgit: tanto ante incomparabili eius sapientiæ, modestiæque debitam; quanto ipsi ad eam iter nullæ aliorum eblauditiæ commendationes munierunt. Est igitur cur huic seculo vehementer felicitatem tantam gratuler, quam perpetuam fore auguror,

ror, idque à Deo Opt. assiduīs precibus contendendo: tum te Vir Clarissimè, enixè rogo vt, quum Pontificiæ celsitudinis limina ad-  
eunda censueris, nobis indices, audaciamq;  
nostram boni consulas; & qua facilitatē  
priorē Centurionē olim admiseras, eadē al-  
terum tibi excipiendum putes, vel quia Pe-  
rusinis, tui iampridem obseruantissimis, ran-  
tulum gratiæ negare non debes; vel quia me,  
quod Paulo V. Pōtifice superstitē læpius sum  
expertus, non vulgariter amas. Vale in Vr-  
be X. Kal. Martij. M.DC.XXI.

XCVI.

*Antuerpiam.*

V.C. Francisco Suueertio

Io: Baptista Laurus S. D.

**M**Aturius omninò, quàm aut opinaba-  
mur, aut ferebat tempestas anni, quæ  
Tibur, & algidiora loca consultius suadet, ad  
Vrbē remigrauimus. continuò autem ad me  
Gaukema humanissimus, qui autographas  
litteras tuas ostēdit, ac Geuartij rotundissimū  
Carmen, quod ego auidè perlegi, planèq; æ-  
stro illo cōcuti, atque abripi sum visus, quod  
videbam incubuisse animo & Siluā florentis-  
simam meditantis, & Statuam magni Hen-  
rici, longè supra Domitiani Equum, gra-  
phi-

## 268 Io: Baptistæ Lauri

phicè adornantis, cultissimè exprimentis. Quid quæris? festiuissimam dictionis feliciter assurgentis varietatem sum admiratus. Hominem per te iubeo saluere, & si pateris, Aubertum Miræum, cui iampridem obsequij, atque affectus aliquod indicium debeo cum ob eius scripta, tum ob grauissimum Card. S. Susannæ testimonium. Cupio vterque, te internuncio, me sui amantissimum esse intelligat. Accepi & litteras à Cl. Puteano nudiusquartus, amoris & suauitatum plenas. Syntagmata illa de Stipendio & Pecunia auidè hic expetit eruditorum cohors. ego de schedijs meis iudicium, sed cui minimum imponat amor. Siquid ad te amicus, hoc est, liberius; caue nos celaueris. vel enim posthac eo in genere verbum nullum, vel vberius vernaculæ scriptioni, parcius latinæ operam dabimus. quod certè rationes aliorum ac meæ crebrius postulât, & hæc Aula magis probat. Fac Valeas, & me ames. Romæ,

Gauconi quæpiam Iuuenilium meorum ad te dedi, quibus tu, ac Geuartius æstiuum tædium discutiatis, si non arcessant maius. Exoleuit ab hinc decennium Typis descripta Calx, & exoticum argumentum veterem, puto, obliterauit gratiam.

Hæc quoque Selectis Christiani Orbis Delicijs

licijs tuis , quas mirificè auctas te breui publicaturū Gauco significauit, adijcias velim, oblitus eidem tradere, cū superioribus diebus alia Ludo-seria marmorū Lemmata à me accepit. Nostrates excogitauere, quæ Nathanis Chytrzi, & Laurentij Schraderi notitiam effugerunt, neque tibi indicata, sunt in his pleraque haud dum vulgata, paucula verò & nostra: ac si otio abundem, mille talia curare tibi queam, fietque ad Epigraphas tuas accessio non pœnitenda. Vale. iterum.

*Perusia.*

Io. Pauli Lancelotti I. C. Clariss.  
Tumulus.

**Q**ui fuerim, & quid viuens egerim, fortè si quæras; Hominem scito fuisse me, quem patandis fluxu vitæ commodis intentum, nec opinantem Mors oppressit. Tu si sapias, aliena stultitia ad tuum compendium vtere; idem enim te citò manet casus. Quamdiu viuerim, quæue morte obierim, ego nec diuinare potui, & tua nihil interest scire.

*Horatius Lancelottus filius posuit.*

*Roma in D. Petri ad Vincula.*

D

O

M

**H**ieronymo Agucchio Bononiensi S. R. E. Presbytero Cardinali S. Petri ad Vincula, qui Philippi Segæ Cardinalis Placentini Auunculi præclaras virtutes æmulatus, cum Apostolicæ sedis viginti ferè annos varijs in locis operam strenuè nauasset, ac multiplicem etiam tum munerum, curarumque molem in Vrbe sustineret, Vir verè magnus

magnus, ad summa quæque natus, ab optimo gratissimo-  
que Pontifice Clemente Octavo amplissimæ dignitatis in-  
signia, bonorum omnium votis diutius fruenda, consecu-  
tus est. Io: Baptista Agucchi Protonotarius Apostolicus  
Fratri Optimo P.

Vixit annos L. Menses III. obiit eadem die, qua Leo PP.  
XI. xxij. Aprilis. M. DC. V.

Ad fossam Bracchianam (Cauam Bracchij vulgò appel-  
lant) propè Thrasymenum Perusæ Lacum, vide Epi-  
stolam 65.

*Clement VIII. Pont. Opt. Max.*

**V**etus emissarium, chasinate pluribus in lo-  
cis interclusum, penitus adaperuit, opere  
concamerato muniuit, puteum profundissimum  
effodit, illinc, vbi soli vitium maius, defleuens,  
nouum tramitem, veteri certum subsidium, du-  
rissimo perforato lapide, patefecit: ut agros &  
oppida Thrasymeni super-stagnantibus aquis  
obruta, pristino cultui, ac decori restitueret. Anno  
M. DC. II. Pontificatus XI.

*Roma.*

**H**ippolyto Feltrio à Ruere Marchioni, positis olim ad  
Naupactum militiæ rudimentis claro, religione, pru-  
dentia, & inculpatissimi exempli laudè conspicuo, asperis  
ac secundis rebus æquè probato, qui scriptis heredibus Li-  
uia Vrbinatium Ducis vxore, & Lucretia filiabus, annum  
agens LXVI. hic immortalitatem corpore, anima iam ade-  
ptus, expectat. Marcellus Lantes Card. Fabricius Veral-  
lus Card. Iulianus Feltrius à Ruere Abbas Frater Te-  
stam. execut. poni mand. M. DC. XX.

*Perusia.*

**Q**uisquis es, ne te non terreat communis mortalitatis  
reputatio. Io: Paulum Laurum specta, qui comitate  
obuia, mira ingenij dexteritate, probitate in-  
primis

primis ac morum castimonia suorum sibi Ciuum animos,  
& nō suorum arētissimē deuinxit, vel à prima adoleſcentia  
honoribus, quos Patria in filium benemer. conferre potuit,  
laudabiliter perfunctus. Hunc tamen febris acutissima,  
Liquoris mali satelles, alterum & trigesimum agentem an-  
num, bonis reclamantibus, sœuissimē intercepti. Obijt  
XVI. Kal. Octob. M. DC. XVI. Vincentius Balestrinus Aun-  
culus Nep. amabilis. P.

Lapis haud ita perantiquus, in quo gladij aliquot extant  
aristis obuallati.

**R**vs colit, eiectis opulenta ex Valle colonis  
Arbylus, & cultæ semina mandat humo.  
Altum fortè sereat, malaſque exhibulat ambas;  
Auulsos dentes terra subacta capit.  
Horruit, & subito deiectus funere mussat;  
Cum Cerere obuener num tua Cadme, seges?  
E tumulto hinc cernis fruges consurgere, & enses.  
Sic cum Triptolemo Martia glæba facit.

*Marci Negronis Patricij Carnutenſis*

A edes

**F**œda depopulatione à furibus corrasas, qui Lares ipsos  
si obuolitaſſent oculis, clepsiſſent, nequiores in hoc  
Lemuribus, qui res domesticas inuertunt, distrahunt,  
ludibria, non prædas meditantur; easdem liberalissimē  
reconcinnatas, ac splendide instructas Carbo Filius pu-  
blicæ commoditati D.

*Rome in Basilica Lateranenſi.*

**Q**uisquis sepulchrum vides Alexandri Burgij Mutilia-  
nenſis Burgentium Episcopi, huius Basilicæ Vica-  
rij, nē tu Mausoleum quocumque ære perennius  
videres, si monumentum posuiſſent litteræ, quas sicut vi-  
uens coluit, candidusque arbiter extimauit, ita mortuum  
certatim eadem lamentatæ sunt; si quatuor summi Pont.  
aliiq; Principes Viri, quibus operam, fidemq; probauit suā;  
Si amicorum dolor ac vota, de quibus benè merendo  
diem nunquam perdidit. Interim omnium nomine  
Philippus & Claudius fratris filij, maiori pietate, quàm  
pompa mœrentes merens i posuerunt. Obijt Anno Domini  
M. DC. XVIII. ætatis suæ LXIV.

R.

# 272 Io: Baptistæ Lauri

*Roma In D. Alexij in Auentino.*

**M**etello Bicho Patritio Senensi Tit. S. Alexij Card. ampliss. cuius par nobilitati virtus Pauli V. Pont. Max. beneficio, è Suavenfi Episcopatu ad Romanæ purpuræ lucem, tum ad Senensis Archiepiscopatus euecta fastigium, clarissima, sed breuissima effulsit. Vincentius & Bernardinus præcepto Fratri mœstis. posuere: hoc tamen vno triste mitigant desiderium, quod virtutis illustrissimæ extinctæ cinis etiamnum purpurat. Obijt annos natus LX. xvij. Kal. Iulij M.DC.XIX.

*Mediolani.*

**I**acobo Alifero, Hieronymi & Clara Moronz F. Patricio ac I. C. Coll. Med. Patrono Caesarum Clarissimo Iudici, æquissimo difficillimis Reipub. temporibus Annorū bis Præfecto prouidentiss. Regio summæ integritatis Senatori, qui cunctis his honoribus eum omnium laude perfunctus in Prætura Ticinensi mortalitatem cum omnium mœiore exiit. Vix. an. LIX. Ob. Prid. Id. Ian. M.DC.XV.

Andreas & Martinus Fratres Iuris Cc. ex Coll. Med. Parenti & Collegæ Opt. mœstis. P.P.

*Naves in portu Ligurum naufragio disiectæ.*

**H**ic ubi veliuolis siluescunt æquora malis,  
Et Ligur indomitas aggere frænât aquas;  
Non audita prius discit stridere procella,  
Totaque sub ratibus murmurat vnda maris.  
En collisa bibunt Inimicum transstra furorem,  
En rapit aduectas impia Doris opes.  
Qui clausas lusistis aquas, horrefcite nautæ:  
Clausa vel in portu non habet vnda fidem.

Alexan-



*Rome in D. Maria de Populo.*

**A**lexandro Magio Patricio Bononienſi, morum grauitate, & innocentia conſpicuo, præter inſignem in vtriuſq; Iuriſprudentiæ laude præſtantiam, omnis poli-  
tioris doctri-  
næ cognitione ornatiffimo, qui Bononiæ & Macerati publicè plures annos profeſſus, mox Bonifacij Cardinalis Prolegatus, mirum eruditionis, vigilantia, integritatis ſpecimen dedit. Fanifortæ Urbem pari virtute rexit, demum in Urbem reuerſus varijs in Congregationibus probi, doctique Viri munere egregiè perfunctus, in ipſo honorum limine immatura eſt morte præreptus. Idem Bonifacius Card. Beuilaqua amico incomparabili & Ioannes Magius Fratri dulciſſimo P.P.

*In D. Andrea de Valle.*

**S**anctus Sebaſtianus, Miles Chriſti fortiffimus, ſagittis Diocletiani iuſſu configitur, virgis cæditur, in Cloacam deſcitur, inde à Lucina Matre na Romana, eius in ſomnis monitu, eximitur, & in Calliſti Cœmeterio conditur, facti indicem plebs olim venerabunda Aediculam excitauit, cujus hic nuper Altare Maius cum apſide ſtetit. Hanc Sixtus V. P. M. ea lege æquari ſolo permiſit, vt illius pars nouæ Aedis ambitu includeretur, ad retinendam loci religionem, rei que memoriam, Maphæus S. R. E. Presbyter Cardinalis Barberinus, Signaturæ luſtitia Præſectus, hoc voluit extare Monumentum.

Anno ſalutis M. DC. XVI.

*Ad Pontem Acutum, ſive à Cotibus denominatum, non longè ab Vrbe Tudertina.*

**M**arcello tit. SS. Quirici & Iulitz Card. Lanti Epico. Tudert. vigilantiff. & beneficentiſſ. Quod inter alia ſuis apud Paulum V. Pont. Opt. Max. affinem ſuffragijs Camerali ac publ. ære conl. reſentoque Pontem hunc per annos ſupra CC. Tyberis impetu diſiectum, Filis pleriſque fornicibus, præter vnum, omnibus extructis, cura præcipua, omnium commoditati reſciendum curauit, Tudert. ob grati animi teſtimonium B. M. T. P.

M. DC. X I V.

*In Eundem Pontem .*

**C**esserat infans Tyberis Pons obrutus vndis ,  
 Nec Tuderì hinc solidæ sp̃s erat vlla viæ .  
 Addita purpureo virtus Romana galero ,  
 Frustratum ante alios LANTIS degit opus .  
 Tybris prius Pons iste tuam est vim passus inultus :  
 Par modò te Pontis vimque iugumque pati .

*Romæ in D. Mariæ de Populo .*

**I**oanni Baptista Millino V. I. C. quem ob eius religionem, prudentiam, iustitiam, meritaq; erga sedem Apostolicam Sixtus IV. Pont. Max. congratulantibus omnibus in numerum Cardinalium retulit . Petrus Millinus fratri  
 B. M. P.

Is vbi Legatus post mortem Galeacij Ducis Insubrium ,  
 Ligurumque res turbatas composuisset, LXXIII. ætatis anno moritur , incredibili de se apud omnes desiderio relicto . Vale, qui legis, & opta, vt multi huic Viro per similes humano dentur generi . Obijt A. d. M. CCCC. LXXVIII. Non. Kal.

*Ibidem .*

**P**etro Millino Iureconsulto Comiti Palatino, omnibus honoribus Urbis ac pluribus Legationibus summa felicitate & sapientia functo, Celsus & Marius p̃e parenti  
 B. M. P.

Hic patriz, amicis, naturæ ac Superis, quæ debuit, ad extremum vsque persoluit. vix an. LXXVII. m. ij. d. xxi. An. D. M. CCCC. LXXXIII. xij. Kal. Aprilis moritur.

*Merces vitæ Laus . Perusia .*

**B**alione Montenubianus clarissimorum Ciuum optimus, & optimorum clariss. Patriam iuris disciplina illustrauit, Remp. multis in rebus iuuit, Romæ Consistorialibus Aduocationibus clariuit, inde in cætum receptus Diuorum, æuo fruitur sempiterno .

Obijt à partu Virg. M. D. XI. cum ætatis annum ageret LXXX.

*Lucæ*

**L**ucez Benio Eugubino, Sigismundi Imper. liberalitate Equiti, in Constantiensi Concilio, in quo Martinus V. Columna Pontif. creatus est, Legato; pro Urbini ac Feltrensi Comitibus apud IV. summos Pontiff. Oratoris; Perusæ Praesidis, per quem & eius Ciuitatis iura in familiam Beniam perpetuo deriuata, Federicus Filius Mantuæ Promarchio & Senator Mediolanen. Patri opt. pos. Benij Comites Abauo clariss. instaurar.

*Roma in D. Clementis.*

**A**loysio Guarnerio Iacobi Ant. F. Vincentij Lauri Card. Montis Reg. ex Sor. Nep. optimæ spei adolescentis Iulius Cæsar Guarnerius Episc. Campaniensis patruus mortuus P. Obijt V. Kal. Iun. anno sal. MDXCV. æt. xliij.

D.

O.

M.

**V**incentio Lauro Philosopho, Poëtæ, Oratoris, Latinè & Græcè eloquentiss. omnique virtutum, ac ciuilitatum genere summis Principibus probatiss. quem Greg. XIII. Boncompagnus, anno à Iulianis Mensibus contractis altero, ad honorem purpuræ iam sexagenarium euexit. Obijt decennio post, trabeam immortalitatis beatiorem nactus, relicta herede Sodalitate Ministrantium Infirmis. Christophorus Laurus Tropiensi Perusinus, non longa serie affini, propius patrono beneficentiss. suæque initiationis arbitro, quem & Legatum in Angliam à Pio V. missum, est secutus, multis cum lacrymis P. M. D. XCII.

*In D. Mariæ de Populo.*

*Infantis Tumul.*

**H**eu matris crudele nefas, mea pignora partus,  
Pignora delicijs parta, dolore neco.  
Iusta dabam Patruî tumulo, lacrymasq; cadentes,  
His lacrymis infans, hoc amor amne perit.  
Me sciam reddit pietas, dum funera ploro,  
Infero, dum vitæ stamina necto, necem.  
Prima dies nato non fulsit, & vltima venit,  
Hoc vteri pondus funeris vna veho.  
I puer infelix Medæ viscera quære,  
Illa frui saltem luce oriente daret.

*In Basilica Vaticana.**Innocentio VIII. Cybò Pont. Max.*

**I**talicz Pacis perpetuo custodi; noui Orbis suo tuo inuenti gloria, Regi Hispaniarum Catholici nomine imposito; Crucis sacrosanctæ reperto titulo; Lancea, quæ Christi hausit latus, à Baiazete Turcarum Imper. dono missa, æternum insigni, Monumentum, è veteri Basilica huc translatum. ALBERICVS Cybò Malaspina, Princeps Massæ, Ferentilli Dux, Marchio Carrariz, Pronepos ornatus, augustiusque Pos. anno M. DC. XXI.

*Saxoferrati.*

**P**etro Antonio Perotto Sentinati Rei Militaris scientia, clariss. Qui cum maxima Orbis parte honorificè peragrat, rebusq; in Belgio præclarè gestis, summam inde gloriam adeptus, aduersa valetudine vteretur, domum reuersus, magno bonorum incommodo, obiit XVIII. Kal. Sept. M. D. LXXXII. Vixit Ann. XLVII.

Belgiaminus Filius, Scipio Frater, Cornelius Bentiuolus B. M. P.

*Perusie.**M. Antonij Bonciarij Epitaph.*

**A**dèd sum visus infelix, vt nemo mecum sortem mutasset: adèd autem non fui, vt nec ego cum quoquam. Iustus est Deus. æquè singulis indulget, vt liberis Pater, infirmis vt Mater. Aliate, Hospes, volebam, & tu expectas; Qui, Vnde. Quàm diu. Sed frustra, propediem nobiscum futura; Noa etià si fueris, aut Salem. Licet obstupescas hoc celerius iter conficies, quo plenior ibis annum. Igitur coram. Tu roga vt Beati, quod potest; non vt tardi, quod non potest Vixit annos LX. Menses xi. obiit V. Idus Ianuarij. M. DC. XVI.

*Aliud.*

**N**on ego, Hospes, descendus tibi, ne erres. Tu à me leuandus. Mihi aduersus perpetuas hostes, Padagram, Chiragram, Cæcitatem, Paupertatem, Inuidiam, semper ætèit iniusta Hilaritas. Diuz illæ Cælestes donabant pugnanti

gnanti auxilium, vincenti triumphum. Mors ipsa est mihi, quàm fuerat vita, liberalior: ista vnum soli pedem, non concessit; hæc quatuor indulget, plures pollicetur: istis diuturnos, alibi æternos. Quàm diu vixerim, quæris? hoc ego & viuens sciebam, Trīginta duos annos & vnam Noctem. Abi, obi felix.

*In S. Mariæ Maioris in Exquilino.*

**M**arcello Cardinali Crescentio, qui ob insignē præstantis ingenij laudem xxv. natus annos à Clem. vij. Rotæ Auditor, deinde Episcopus factus, à Paulo iij. S. R. E. Presb. Card. creatus, Principum Virorum, Regumque in primis gratia & benevolentia floruit: sub Iulio iij. Bononiæ perpetuus, Tridentini Concilij solus Apost. Sedis Legatus, in Orthodoxæ Fidei causam cum totus incumberet graui morbo correptus, Veronæ decessit, anno æt. suæ LII. salutis humanæ. M.D. LII. v. Kal. Iunij. Alex. Crescentius fratri benem. & sibi, posterisque suis T.F.

Marius Crescentius Hippolyti fil. Alex. nepos, Marij pronepos fecit. MDLXXXVII.

*In Diui Augustini.*

**A**lexandro Oliuz Saxoferratenſi Theologo Clariss. Eremitarum Beati Augustini ab infantia spei maximæ alumno, qui cum esset sui ordinis Generalis, ob singularem doctrinam & vitæ sanctimoniam Cardinalis à Pio II. igno-  
rans creatus est.

Vt tibi sola dedit probitas, non gratia 'soli'

Digno Cardineum nomine, reque decus:

Sic eadem indignis raptum dum tollit ad astra

Fœlix hoc, inquit, Principe Roma foret.

*In D. Petri in Monte Aureo.*

**F**lavius Corneus Episc. Portuenſis Sacellum hoc ab Antonio Card. de Monte erectum, & à Iulio iij. Pont. Ma-  
Aunuculo suo exornatum, in sui corporis sepulturam eligens, annuo perpetuo reddito, pro ornamentis Altari subministrandis, duobusq; anniuersarijs pro sua, & eiusdem Ant. de Monte anima celebrandis, locupletauit. Obijt die ij. Martij M.D. LDXXX. æt. suæ anno lxi.

In D. Siluestri Montis Quirinalis .

Ossa Prosperi Farinacij I. C. Romani : natus die xxx. Octobris MDXXXIII. obiit ipso die obeuntis anni M. DC. XIX.

*Messana .*

Christophoro Lauro Perusino I. C. & Equiti Hierosolym. qui à Laurentio Celsotum Perusæ Vmbrizque Gubernatore adolescens ad Romanam aulam transductus, fide, prudentia, integritate, variisque ingenij suauitatibus tres sibi ampliss. Principes in primis conciliauit. Vincentium Laurum Tropensem, Siluium Sabellum Romanum, Bonifacium Beuilaquam Ferrariensem Cardd. Flamen deinde, depozita Vicarij Mamertini persona, itinere Melitensi difficillimo contracto morbo, sexagenario maior, ignobilem pagum sua sepultura illustrauit. Iulianus Castaneaceus popularis; nunc & Mamertinus, amico optimo P. ann. M. DC. XVII.

*Roma, in Aede D. Mariæ supra Mineruam .*

FR. Michaëli Bonello Ord. Prædicatorum S. R. E. Cardinali Alexandrino, Episcopo Albanen. Pij V. ex eodem Ordine sanctiss. Pont. Sorotis Nepotis ab eoque ad gratissimam Sedis Apost. negotia moderanda adhibito Legato, sacri fœderis sciendi causa ad Reges in Galliam, Hispaniam, Lusitaniam, cunctis à se pro Rep. susceptis strenue ac feliciter perfuncto, religionis, prudentiæ, integritatis, eximique virtutis laude præstantissimo. Vixit annos LVI. Men. IV. Obijt IV. Kal. April. M. D. IIC. Quod illi monumentum ob Ioannem Aldobrandinum Fratrem in sacrum Collegium à Pio coopatum, aliaque eius Auunculi in se, Familiamque suam merita Clemens VIII. P. M. instituerat, Petrus Card. Aldobrandinus S. R. E. Camerarius, gratam Patruj voluntatem secutus, Collegæ optimo posuit, anno M. DC. XI.

*Perusia.**Blanca Mariæ Beuilaquæ Tumulus.*

**B**lanca mihi nomen, Comites vtrumque parentem  
 Collatus Marrem dar, Beuilaqua Patrem.  
 Gignor ad Eridanum, præbet cunabula Thybris;  
 Menses vix quini dant, rapiuntque diem,  
 Et cado, Bethlemius cum crebrior occidit infans,  
 Candida purpureis mixta Puella choris.

Obijt an. MDCL. Bonifacius Card. Leg. Fratris Filix P.

*Romæ Ad Hortos Palatinos.*

**M**ariæ Virg. cognomento libera nos à pœnis Inferni D.  
 cui Michaël Lantes Rom. annis ab hinc XXXIV, Sa-  
 cellum hic in Aedicula loco humili, perangusto, mira-  
 culo tamen S Siluestri Papæ in Draconem, & S. Franciscæ  
 Rom. Parietinis illustri excitarat: Eidem hanc Aedem  
 in editiore exædificaram, ampliorem, ornatiorẽque  
 Marcellus Frater S. R. E. Cardinalis à fundamentis extru-  
 xit. Anno sal. MDCXVII.

*In D. Mariæ ad Mineruam.*

**L**æsa Deta hoc tumulo tegitur, Florentina Matrona, Cle-  
 mentis viij Pont. Opt. Max. Mater, prudentia insignis,  
 & pudicitia, fœlix Siluestro Aldobrandino Viro, multipli-  
 ci prole honoribus, & probitate Filiorum omnium, vt non  
 minus clara fœtibus esset, quàm virtutibus. Vixit ann.  
 LIII. Men. ix. D. xiv. Ob jr. Frid. Non. Mart. M. P. LVII.

Petrus Aldobrandinus S. R. E. Cardinalis Camerarius  
 monumentum hoc virtutis, à Clemente VIII. Pont. Opt.  
 Max. inchoatum, absoluit, Auis meritissimis posuit.

*Ibidem.*

**H**ic qui filiorum tam illustri corona cingitur, Siluester  
 Aldobrandinus est. Patricius Florentinus, Clemen-  
 tis viij Pont. Opt. Max. Pater, à Principibus viris in aduersa,  
 etiam fortuna arduis negocijs certatim adhibitus, cuius  
 optimus, summusque Iurisconsul. quod ex laboribus pro  
 Patria susceptis, & ex ingenti monumentis cognoscēs.

quàm verò fuerit prolis educandæ gnarus parens, dignitates natorum testantur. Vixit ann. LVII I. Men. VI. D. xiiij. Obijt viij. Id. Iun.

*In S. Maria in Vallicella*

**F**RANCISCO MARIZ TAURUSIO Politiano, & Cæsari Baronio Sorano ex Congregatione Oratorij S. R. E. Presbb. Cardd. ne corpora disiungerentur in morte, quorum animi diuinis virtutibus insignes in vita coniunctissimi fuerant, eadem Congregatio vnum vtrique monumentum posuit. Taurusius vixit annos LXXXij. M. ix D. xiv. o biijt liij. Id. Iunij MDCVij. Baronius vix. an. LXVij. M. viij. nbijt t Prid. Kal. Iulij MDCVII.

*In D. Maria supra Mineruam.*

I.

C.

R.

**C**ÆSARI Magalotto Florentino, Roberti filio, equiti Hierosolymitano, Classis Pontificiæ prolegato, pietate aduersus Deum, fide erga Principes, officijs in amicos, virtute apud hostes apprime claro. vix. an. xl. mens. ix. obijt Id. Maijs an. sal. M.D.LII.

Guido exercitus Ecclesiastici collateralis gener. Philippus Iulius curator classis Pontificiæ, Octavius Eques S. Stephani vnus alæ equitum præfectus Fratres mœstiss. posuerunt. Hac vna re in maximo luctu dolentes minus, quod suauiss. Fratris contigerit mori, dum inseruiret Clementi viij. Pont. Max. atque Petro Aldobrandino S. R. E. Cardinali Camerario ampliss. in quo munere quatuor ex eis se simul aliquando vixisse glorianatur.

*In D. Gregorij in Monte Celio.*

**F**LAMINIO Guidiccionio Patricio Lucensi, qui foris strenuus, domi prudens, erecto vir ingenio, nauus, impiger, Principes virtute, pares officio, singulos vrbanitate demeruit, & sexagenario maior, emeritis aulæ, vitæque stipendijs, excessit. A. S. M. DC. XV. xvi. Kal. Aug. Lælius Guidiccionius Patruo beneficentissimo, celsiorem tumulum abnuenti P.



*In Templo Ara Cali.*

**R**obertæ Vbaldæ nobili matronæ Perusina, & Nicolao ac Matthæo filijs Iureconsultiss. Baldi atque Doctorum principis, fratrumque eius gloriam penè consecutis, Romæ virtutis merito patriciatum adeptis, doctrina, integritate ac rerum usu à Paulo II. & Innoc. VIII. Pont. Maxx. & libris. Iud. inter Rotæ xij. adlectis.

Quorum alter à Sixto IV. in summis rei Ecclesiasticæ difficultatibus ad Ludouicum xi. Gallorum Regem Orator missus, tantum muneris pro voto egit.

Alter vxore primum ducta, insigni prole auctus, inde religioni adscitus, ab Alex. vi. Nucetina, mox à Iul. II. Perusina Ecclesiæ præfectus, cum nec ambisset, neque quicquam cogitaret minus, plenus demum honorib. plenus fama & annis octogenarius Matris ac Germani ossib. est illatus.

Io: Baptista Vbaldus tanta luce orbatus, ne qui domus ac patriæ decus, nomenq; auxerant, hic sine stemmate, sine mortis honore iacerent, Auiz, patruo ac patri benemerent. & sibi P.M.D.XLIX. xij. Kal. Maij.

*Henricus*

**V**alesius Francisci F. Gallorum Rex Bononiam & Caletam ad Oceanum cepit; Belgis, Rheno flumini finitimis, maximo exercitu opem tulit: Romam, Senas, Parmam, Mirandulam defendit; pacem cum Philippo Hispaniarum Rege fecit; & prouincias victoriæ conditione ad imperium suum adiunctas, inaudita liberalitate restituit; quiete terra, marique parata, omnium felicissimus mortem obiit.

*In D. Maria in Via.*

**I**nnocentio Bubalo de Cancellarijs Romanæ nobilitatis & virtutis viro, post Urbium præturas ad Melitens. Insulam à Clemente VIII. cum extraord. potestate misso, mox ab eo Pontifice Episcopo Camertino, denique pro eodem apud Gall. Regem nuncium agenti S.R.E. Cardinali creato; quam Dignitatem dum acerrimo iudicio, incenso Ecclesiasticæ amplitudinis studio, intima doctrina, morum suauitate

suauitate singulari, vitæ innocentia sustinet, Romæ moritur anno Domini MDCX. iv. Kal. Aprilis ætatis suæ XLIV. Mutius frater & hæres P.

*In D. Agnetis extra Portam Piam.*

D.

O.

M.

**E**T Memoriz Leonis xj. Summi Pont. Qui pro eximia sua in B. Agnetem pietate, Templum hoc restaurare, & illustrare aggressus, præcipuum Sacelli huius cultum elegantiamque moliebatur, nisi mors præpropera cœptis interuenisset. Petrus Iacobus Cima eiusdem Pontificis intimi cubiculi Præfectus idem Sacellum ornandum curauit vori sui, & perpetuæ erga optimum & omnibus optatissimum Principem obseruantiz monumentum.

Anno sal. MDCIX.

*In Templo societas. Ies.*

**F**Lamminij Plati Pattitij Mediolanen. S. R. E. Card. Offa hic iacent; cuius peritiam legum, opportunitatem consiliorum, studium religionis non hic discēs; sepulchrali fide, posthumaque fama discēs; si id curas, ab Rom. Rotæ Iudicibus, à Purpurator. Patrum Senatu, apud quos Collegæ incomparabilis admiratio in perpetuum viuet. Quod autem mortale fuit, Hieronymus Platus Comes Carpiniani, Eques S. Iacobi à Spetha in hoc suæ erga optimum patrum pietatis monumento composuit: Obijt An. Dom. MDCXIII. Etatis suæ LXIII.

*Propè Massam Vmbrie.*

**D.** Petro Apostolo super Aquas, vetere loci, harum copia affluentis, cognomento, ne non par ubertas Christianæ frugis circumiectis pagis suppetere, Marcellus Lantes Rom. Eo. Tudertin. Aedem cum Cœnobio à fundam. extrui iussit, & Sœculatis ex auctiore Familia Franciscanorum, perpetuò operaturis attribuit. Ann. Domini M. DC. XVIII.

*Canis Epitaph.*

**T**Res, rapto Macrone, Canes aurata pererrant  
Sidera; vch vobis Maior & Visa Minor.

*Catella.*

**B**ellinz, Canum fosculo pulcherrimo, suauissimo, in Do-  
min; Domusque delicijs olim habitæ, quæ primo con-  
gressu Veneris Lucinam Izuam experta, difficultate par-  
tus interiit, heu breuem voluptatem longa morte persol-  
uens. Burattinus nunc demum animo, ceu corpore niger,  
quamquam dissimilis specie, amicus tamen & commen-  
salis moriens, maumatus inconsolabiles iterans, Muribus  
Persequendis triduo abstinens Tum.P.

*Roma.*

**L**elio Cantaliciensi Cui Romano Protonot. Apostolico,  
qui maiorum suorum virtutem vererum Siciliæ Re-  
gum testificatione commendatam, & munificentia adau-  
ctam, probitatis, prudentiæ & comitatis accessione cumu-  
lauit. Testis Romana Curia, morum Iudex & magister,  
quæ natum ad magna quæque ingenium erudit: Testis  
Aula S. R. E. Cardinalium Camerini primum, mox & Se-  
nensis, quorum cubiculis præfectus non minus fide Domi-  
nis, quàm facilitate ceteris sat isfecit: Testis Pontificium  
Conclauæ, quod semel atque iterum ingressus, in eo con-  
summatæ prudentiæ theatro parem se magnis negotijs  
probauit: tandem Aulæ emeritus, quam animo tranqui-  
litate diuturna nauigatione parabat, in mortis ali-  
quando portu nactus est. anno Domini M.DC.XIX. ætatis  
sæ LVII. Iosephus Carlutius hæres ex testamento Fratri  
benemerenti cum lacrymis posuit.

*In Templo Ara Celi.*

**A**rnulphus Rainalduccius nobilis Fanensis, olim Basil.  
Vaticanz Canon. supra nonagesimum vitæ annum,  
caligantes oculos breui cogitans morte claudendos, hic se  
in spem æternæ lucis ad nouissimum diem deponi iussit.

*Ibidem.*

**I**uliano ex vetere ac nobili Valentini, Oddorumque genere, Francisci Valentini & Bernardinae Oddae F. integerrimo, omnium horarum Viro; cum in Philosophia parum lucis, & in rerum humanarum tractatione multum, miseriarum comperi sset, summi boni fruendi cupiditate, honesta ab ijs missione tunc viuere se demum sensit, cum Deo vixit & sibi. Obijt an. sal. M. D. LXXXV. xi. Kal. Maij ætatis suæ LXXXIV.

Siste gradum Viator: si probus es, morere victurus,

Si improbus es, viuere moriturus.

Lucretiæ Tullij Tusculani & Mariæ Salomonæ F. animi candore, liberali forma, priscaque matronarum virtute ornatissimæ. Obijt an. sal. M. D. L. xi. Kal. Maij æt. f. xxix.

Non tibi promittas, decus ò Iuvenile, senectam;

Sæpe seu in caudens flos cadit ante diem.

Cæsar Valentin. I. C. primicerius Sabinus Parentib. opt. p. c. An. sal. M. DC. XV.

*In D. Gregory in Monte Calio.*

**P**ortæ Draghiæ Sanctacruciæ Romanæ, Matronæ lectissimæ, integerrimæ, piæ, in pauperes liberalissimæ, cuius prudentia spectata domi, probata Viro fides, nota propinquis alienisque affabilitas, iustas promerita lacrymas & monumentum est. Tarquinius Sanctacrucius coniux, Patriæ Marchio, qui cum ea annos viij. Mens. ac dies iv. concordissimè vixit, lugens dolensque cum moræitudine posuit. Obijt viij. Kal. Martij ann. fundatæ sal. MDCXIV. ætatis suæ circiter LIV.

D.

O.

M.

**M**ariæ Stuartæ Scotorum Reginæ, Franciæ Dotariæ, Iacobi V. Scotorum Regis filiæ, & hæredi Vnicæ, Henrici vij. Anglorum Regis ex Margarita maiore natu filia, Iacobo iv. Regi Scotorum matrimonio copulata, pro-nepti, Eduardi iv. Anglorum Regis, ex Elizabetha filiarum suarum nata maxima abnepti, Francisci II. Gallorum Regis Coniugi, Coronæ Angliæ, dum vixit, certæ & indubitatæ hæredi, & Iacobi Magnæ Britannæ Monarchæ

chæ potentiss. Matri. Stirpe vetè Regia, & antiquissima, prognata erat, maximis totius Europæ Principibus agnatione, & cognatione coniuncta, & exquisitissimis animi, & corporis dotibus & ornamentis cumulatissima. Verum (ut sunt varæ rerum humanarum vices) postquam annos plus minus viginti, in custodia detenta, fortiter & strenuè, sed frustra, cum maleuolorum obtestationibus, timidorum suspicionibus, & Inimicorum capitalium insidijs conflictata esset; tandem inaudito, & infesto Regibus exemplo, securi percutitur, & contempro Mundo, deuicta morte, lassato carnifice, Christo seruatori animæ salutem, Iacobo filio spem Regni & posteritatis, & Vniuersis, cædis infauitæ spectatoribus exemplum patientiæ commendans, piè, patienter, intrepidè ceruicem Regiam securi maledictæ subiecit, & vitæ caducæ sortem, cum celestis Regni perennitate commutauit. vi. Idus Februarij anno Christi MDLXXXVII. Etatis X LV.

*In Templo Societas. Ies.*

**F**RANCISCO Gueuaræ, Prouinciæ Patrimonij Prolegato summam indolem cultu ingenij, atque animi præteruecto, patefacto ad honores bonis Artibus aditu, modoque imperij spe fata magni nominis, inter plausum, studijque benè ominantium, in traiectu profuentis nona trieteride extincto. Ioannes Dux Bouinens. III. magno Regni Senescallus Fratri suauiss. insepulti monumentum doloris. P.A.S.M DC.XXI.

*Ferraria in D. Francisci.*

D.

O.

M.

**A**Lphonso Beuilaquæ Marchioni Fontanilis, Macastur-  
Anæ Comiti, fide, prudentia, fortitudine singulari, qui  
prima iuuenta ab Alphonsi II. Ferrariæ Ducis cubiculo in  
militari disciplinam profectus, sub Carolo Emanuele Allo-  
brogum Duce Tyræcinj rudimenta deposuit, Bello Panno-  
nio sub Rodolpho Cæsare in exercitu subsidario, Cani-  
sium misso, parem honestissimis stipendijs virtutem exhi-  
buit. Sub Ioanne Francisco Aldobrandino Croatia expe-  
ditione Ecclesiastici exercitus Imperatore mille ac ducento-  
rum

rorum peditum agmen insigni cum laude duxit, a Venetis inter primarios Duces adlectus rebus trepidis Brixiz, Bergomi, Cremæ vniversas Reip. copias rexit. A Clemente viij. P.M. Priuilegijs ampliss. auctus. Ab Henrico iv. Gallorum Rege in Cubiculariorum ordinem relatus est. sub Paulo Quinto Pont. Max. primum apud Picentes inde apud Perusiuos, & Vmbros Castrorum præfecturam gessit. Bonifacius Beuilaqua S. R. E. Card. Fratri vnice dilecto mœrens posuit. Vixit Ann. XLV. Obijt Ann. salutis M. DC. X.

*In S. Mariæ supra Mineruam.*

**P**etro Sabinensi Episcopo, Cardinali Aldobrandino S. R. E. Camerario, Archiepiscopo Rauennati, magna apud Principes gratia & auctoritate, perpetua animi æquitate & constantia, domi forisque clarissimo, quartum Legato, semper pio, liberali, magnifico, Principi optimo, Aldobrandina Familia sollemne funeris, publicum amoris dolorisque argumentum soluit iv. Kal. Iunij M. DC. XXI.

*Ibidem.*

**Q**uisquis hæc spolia ingentis animæ vides, splendidum cape documentum mortalitatis tuæ: te Mors erudit, cum tales petit,

*In D. Iacobi Hispanorum.*

**P**hilippo Tertio Regi Catholico integerrimo, clementissimo, cuius Imperium vix æquauit obiens omnia, Sol, Potentiam sola Religio superauit, Hispanorum Natio P.

ij. Non. Augusti M. DC. XXI.

Huc vsque, mi Suuerti, calamo prouectus eram, non iam epistolam, sed fasciculum aliquandò obsignaturus. Cum ecce amici aliquot superueniunt, & consilium scilicet

licet scriptionis huius odorati, Inscriptionū magnam siluam afferunt, longē plures pollicentur, ac quasi tum scribere inciperem, ita quīque obtrudere incipiunt suas. At ego defessus iam scribendo, qui tam multas illeuissim chartis, secedere ipsos imperaui, & in aliud tempus sarcinam illam Epigrapharū reijcere. Cupidus interim admoneri; videārne vtiliter & cum laude hunc laborem sumpturus. Et verò in Aula versantem, in qua mortales mortalitatis propemodum oblitī tam anxie, vt cum Tacito dicam, inter abruptam contumaciam & deformē obsequium per iter, haud ambitione & periculis vacuū, ad honores grassantur, insanire me aliquis existimet, si sepulcrales notas pergā eruerē, quæ ipsorum breui auolantium, aut hominum breui intereuntium assidue meminisse iubeant. Quanquam, alij quidquid garriant, aurea illa verba abs te vsurpata, meis auribus quotidie inerrant: *Si mœrorem vis vincere, circui sepulcra, & passionis inuenies remedium; & maximas hominum fortunas ulterius cinerem videbis esse nihil.* Salue  
 Suuerti à Lauro tuo. Ex Vrbe Roma.

XCVII.

*Neapolim.*

V.C. Andreæ Argolo Doct. Med.

Io: Baptista Laurus S.D.

**S**Vperioribus diebus fui animo ita perturbato propter nonnullorū, quos multis antea nominibus demerueram, pervicax aduersum me studium, vt nunquam libros æquè oderim, & scribendi consilia: deberem licet compluribus amicorum, & quidem insignium, tuis in primis Vir doctissime, litteris responsum. Neque nunc, puto, calamū sumpsissem, qui ob interregnum in sicam, & gladium vertit, nisi Pontificijs Comitijs præter spem & opinionem meam impositus finis stimulasset, quæ nobis GREGORIUM Decimum quintum auspicatò Antistitè Sacrorum summum, maximo totius Urbis atque Orbis gaudio, peperere. Ergò ALEXANDER LVDOVISIVS, Archiepiscopus Bononiensis, doctrina eximia Princeps, singulari Iurisprudentiæ laude, longoque Aulæ vsu rerum experientissimus, Cardinalium omnium votis salutariter in vnum coeuntibus, Petri nauim gubernandam suscepit, & vt principia se dant, felicissimo cursu, & secundissimis ventis, quamquam Bohemici, ac

Tur-



Turcici Aquilones etiamnum fremant, vsurus videtur. Iam ne quid lætis triste non misceatur, & ut, quantas lubrica verset fortuna vices, subinde rideas, qui, rationibus ex Orbium Cælestium conuersione mutua altissimè petitis & excussis, rerum vicissitudines omnium sapientissimè, acutissimèque explorare consueuisti: Nox, quæ fastigio supremæ dignitatis Ludouisios admouit, Aldobrandinam familiam miserè funestauit, extincto non sine bonorum, ac pauperum, quos insigni munificentia subleuabat, inconsolabili luctu, Petro Aldobrandino Card. Archipræsule Rauennate, quem lento morbo post biduum secutus est Ladislaus Aquinas Card. Episcopus Venatranus. Sed mortales non sumus, si adspicere, & perferre ipsi talia recusemus. Viuamus hilariter, Argole amabilissime, & euanidæ, ut sic dicam, felicitati statim à gratulatione, & plausu Epitaphium, & nœniam paremus. Ex Vrbe xx. Februarij M. DC. XXI.

IIC. *Ruramondam.*

Io: Baptista Laurus S. D.

Henrico Bonero V. C.

**T**E sospitè, ut spero, ad Belgas tuos peruenisse, plurimum gaudeo, mi Bonere, quos sermonum tuorum sitientissimos fore

T

ar-

arbitror; cum tam multa, quæ proximè in  
 Vrbe contigerunt, queas renarrare. Ac grè  
 est, quod per initia Gregoriani Pontificatus  
 hinc discesseris, nec tripudijs, & acclama-  
 tionibus interfueris, quæ **LVDOVICI LV-**  
**DOVISII** purpureas infulas excipere. Atq.  
 hunc religione, ac iustitia longè instructissi-  
 mum continuò Bononiensis Ecclesia Patrè  
 salutavit; quemadmodum sub idem terè tem-  
 pus Aloysium Capponium Rauennas, Petrū  
 Paulum Crescentium Vrbeuetana. Porro  
 Ben. Card. Iustiniani improvisus interitus,  
 cui **COSMVS** Magnus Etruriæ Dux multò  
 iunior funebri in stadio Florentiæ præluse-  
 rat, noui Cardinalium habendi delectus Pon-  
 tificem admonuit. Quarè innocentiz, doctri-  
 næ, ac nobilitatis in primis ducta ratione,  
 Clarissimos Viros, in editissima Senatorij  
 Ordinis specula assiduè vigilaturos, delegit,  
 Ant. Caëtanum, Franc. Sacratum, Franc. Bon-  
 compagnum, & Hippolytum Aldobrandinū,  
 (nam Lucij Sanseuerini Archiep. M. Antonij  
 Gozadini, Vlpij Vlpiani dignitas post ampli-  
 ficabitur) qui omnes vna cum Guidone Ben-  
 tiuolo, qui commodum è Gallijs redijt Exle-  
 gatus, pridie huius diei suarum Inaugura-  
 tionū comitia splendidè in Vaticano obie-  
 re. Non est necesse, me tibi perscribere, quan-  
 tus lætitiæ, dicamne? vortex vniuersam Vr-  
 bem

hem afflarit, tum quale Virtutis triumphantis, fortunæ triumphatæ, atque traductæ spectaculū, bonis mirè fauentibus, publicè editum fuerit. Ceterum ab optimo & sapientissimo Hierarcha omnia regaliter, sapienter: nosti illud ἢ ὁλβία, ὁλβία πάντα, quid quaeris? nunquam Aula Genio oculatissimi Principis verius ac plausibilis litauit. Pergat sanè, vt instituit, censu ordines non distinguere, sed probitati, & honestis artibus ornamenta conferre, vt gloriosa, quod fore auguror, sit ad posteritatem prouocatio: quæ nullo liuore res prudenter gestas cādido calculo adnotabit, ijsq. abundè verissimas laudes, atq; æternitatem persoluet. Fac valeas. Ex Vrbe Roma, IX. Kal. Maij M. DC. XXI.

*Romam.*

V. C. Io: Baptistæ Lauro Perus.  
S. P. D.

Doctiss. ac Perillustri Domine.

**L**itteras, quas iurè debeo, quia decedens promisi, en habes, obsequij & æterni adfectus mei veras testes; vtrumque tamen læpissimè coram seriò professus sum, &

. T 2 dum

dum viuam, profitebor, quia comitate, virtute, & doctrina tua indissolubili voluntatum nexu me tibi obstrinxisti. Saluus & incolumis, Laribus propitijs Vialibus, post varias viarum molestias & per mille pericula belli, pridie Paschatis Coloniã Agrippinam Moguntia veni: ibidem aliquot dierum spatio, propter expiratas Batauorum inducias, cōmoratus, vt commeatum mercatorum Antuerpiensium Francofurto haberem; sed frustra, ipsi enim per partes Luxemburgenses iter redeuntes instituerāt. sic v. post Paschatis die, sex acceptis in securiorem comitatū militibus, Ruræmundam meam versus profectus sum, & feliciter ad meos altero die perueni. Aquisgranum deinde cogitabam; sed præsentia bellici rumoris, seu potius tumoris, pericula me iturientem deterruerunt, imò detinuerunt. Nam in tanto metu Ciuitas modò versatur nostra, vt ne ad primum quidem lapidem passus proferre liceat. Sed visne quid noui? omnia huius Patriæ militum præsidia ante paucos dies circa Traiectum ad Mosam conuocata, & congregata sunt; sed subito rursus singuli ad sua remissi, aliqui in alia transmissi: quare verò hic motus fuerit, incertum est. Marchio Spinola victor, & expeditissimus Palatinatus domitor, summo Aulæ, totiusque populi triumpho, Bruxellæ

redux exceptus est:& omnia firmissima Principum protestantium fœdere, iam tandem pacata reliquit; milites eorundem exautorati. Verum quisque Principum peccatum suum graue grauiore pecunia redimere coactus est. Ipsi autem Palatino ( qui in Hollandiam fugit) induciæ ad xiv. Majj datæ sunt, antè quem elapsum diem vt compareat, & Cæsari pareat: sin minus, Palatinatus, quem prædem aufugiens reliquit, tum Imperatori D omino parebit nouo. Electoratus dignitæue Dux Bauarus (vt aiunt) decorabitur. Hagæ-Comitis tres nobiles Viri capite nuper plexi sunt, quos prodicionem cuiusdam Pro- uinciolæ (dic Betauu dictæ) in Batauia, antè plures annos molitos simul fuisse, falsò accusabant, & sic innocētes Viros, quid ni Trium- viros? nocentes accusatores, & simul iudices, immeritæ morti adiudicarunt. De obitu Regis Hispaniarum non est, quod scribam; ne vobis memoriam refricem. Inter Filiam verò huius, & Angliæ Filium matrimonium contractum dicunt; quod si sit, Deus lecundet, ad maiorem Christianæ Reipub. salutem, quem, vt Dominationi vestræ multos felices annos (quos sæpius iterans dextra computet) benignè impertiatur, rogo. Vale Vir Clariss. Ruræmundæ MDCXXI. Kal. Maij. Tuus æterno cultu & adfœctu

Henricus Bonerus.

T 3

Sfor-

IC.

*Roma.*Sfortiæ Marchioni Palla-  
uicino S. D.

Io: Baptista Laurus .

**V**ix ullis verbis assequi valeam, quantæ mihi voluptati fuerit, quod lucubrationes meas tanto affectu cõplectaris, lectitres, adeò & laudibus liberalissimè extollas: si modò Frãciscus Laurus nõ falsa nobis renunciauit. Enimuerò facis pro ingenita tibi nobilitate, & cura erga bonas Artes singulari, qui aliqua non alieni à Musis ingenij scintilla prælucentes, tam candidè amandos, fouēdosque putes. Quàm vellem posses verius de mediocritate nostra & sentire & loqui, qui ætate vsque adeò tenera sub Musarum vexillo strenuè militas, ab iisdē amplissima gloriæ stipendia relaturus. Ac fuit aliquandò tempus, cum nos, æquæ Artium foret præstantia laudandarum, non obscuro argumento videri potuimus intellexisse; sed nimirum Aulæ caligo quædam mirum quantum offecit ingenio, vitiumque oculis maximum intulit, ad abdita & retrusa nonnihil antea perspicacibus. Quare in præsens, quemad-  
mo-

modum cum Vmbris & Manibus Tirefiz res  
dumtaxat erat, nec loca nisi tenebricosa &  
funesta incolebat: sic auersus à disciplina-  
rum luce meliorum, in ignorationis tene-  
bris oberro, ac satis hætenus habui, si igno-  
rantiam meam didici non ignorare. Tu verò  
adolescens nobilissime, perge stimulis longè  
in dies acrioribus ad summa virtutum eniti,  
maturiore vt ætate tui similibus Principibus  
exemplo sis. Neque ego ob illud vnum cumu-  
latissimam tibi debeo gratiam, quod proli-  
xam erga nos benevolentiam & profitearis  
& præstes: verum etiam quia cum Excellen-  
tiss. Duce, Fulvio Corneo, Patrono meo per-  
uertere, necessitudo fraterna tibi interce-  
dat, quem, scio, recens hæc deditissimæ vo-  
luntatis declaratio perinde delectarit, ac si  
rursus in ipsius, hoc est, principis apud Peru-  
sinos Familiæ nomen augustissimum iura-  
rem: cuius erga me, meosque ingentia bene-  
ficia. quàm diu mihi viuere contigerit, ita  
diu impressa in animo habiturus sum. Vale  
ex Aedibus in Vrbe.

C. *In Tusculanum :*

Alexandro Montalto Card. Episcopo Albanensi Vicecancell.

Io: Baptista Laurus S.D.

**N**Eque nunc primum, neque unquam mediocriter, sed diu antè maximo flagraui studio meæ tibi singularis erga Te Princeps Cardinalis, obseruantia declaranda. Iam cum amico homini deesse non possem enixè rogāti, te vt vel alieno, hoc est, suo adeam nomine, cur non eadem opera audere incipiam & meo? præsertim gnarus, non minus esse in te nobilitatis, quæ deterreat, quàm humanitatis, quæ alliciat. Agam igitur meam & Cæsaris Gualterij causam, qui gratia atque auctoritati tuæ nullum non officiorum genus iam pridem debet: ego verò impensius debiturus sum, si quibus litteris absentem appello, spe prærepta hic te propius alloquendi, qui dies complusculos in Tusculano commoraturus diceris, ex abs te non grauati admittantur. Nam cum ob calores vitandos me superiore Aestate in Patriam recepissem, sæpius ad Ducem Cornutum diuertere solebam (Plebanum enim secessum fortè Perusinis Aedibus posthabuerat, quod mihi ab Aula feriant periu-  
cun;



cundum accidit ) quicumque autem ad illum ventitabamus, non ingrata sermonum, varietate dici tedium plurimum lenire nitabamur. Nec semel Gualterij cogitata de hac Vrbe, à Tiberis exundationibus vindicanda, seriò ac meditatè inter nos excussimus. Quid quæris? Inuitati à Cæsare complures alij rerum eiusmodi acerrimi æstimatores (honoris gratia nomino Angelû Iustinianum, & Io: Franciscum Martium ex Soc. Ies. tum Io: Thomam Giliolum, & Iosephum Nerium) rem totam coram Fulvio Duce, pariter acutissimè disputante, suis momentis examinare ac perpendere aggressi sunt. cum ego subindè multa in medium afferrem, quæ oculata fides hic factu fore difficilia suadebat, aut melior sensus aliquandò malè cessura non malè ominabatur. Quid tandem censes Viros eruditissimos statuisse? iuxta Gaulaterij sententiam pronunciarunt. nimirum videri optimum, si ingruentes Aquæ ad hunc prohiberentur modum. Vt vel ipsæ, ante quàm Vrbi propiores fierent, liberior pateret excursus; vel quædam flumina in Tiberim erumpentia, alicubi modicè detorquerentur; siue vndas ad certam regulam agerent ac moderarentur suas; & quàm longe ab originibus coercerentur in angustum, qua positis obicibus, recenti patefacto aditu, decliuiora in loca

corriuarent: sine vt singula hæc denique in vnum referrentur, quemadmodum ipsemet Cæsar quadriennio ante, scripto ad Patres aliquot ex Senatu vestro Commentariolo, la- culenter docuit. Ceterum quam disputatio- nem fortassis alius iusto volumine compre- hensam in lucem emiseric; eandem sic con- tractam, & ad veri libellam reuocatam, hisce ego litteris tibi Princeps, testatissimam, at- que exploratissimam obieci. Tibi, inqua m., cuius auctoritate ab hinc quinquenniu m., Romano Populo flagitante, & permulta Cæ- saris nominibus conducibilia annuente, ac stipulante, in publicâs tabulas, quibus & Pau- li V. calculus accessit, tota illa Tiberina ratio relata est. de qua (nisi, quod malim, Perettis vobis id Superi reseruarunt) te saltem aucto- re, à Pontifice aliquo inchoanda, perficienda- que, ne periculû posthac ab Aquis ingruentib. Vrbi immineat, certissimû auguriû Cæsar ca- pit. Alia Virgilius Ceparus, cum redieris; qui vna cû Grassij, & Gambergerij placitis, Gual- terij opinionem comprobantibus, facere etiam Clariss. Entij Bentiuoli sententiam in- dicauit. Vale Cardinalis amplissime, & co- rum conatibus, qui iuuare rempub. pro virili conantur, quantum potes studiosè faue, vel quia sic te decet Principem, Christiana in- specula excubantem, vel quia ad beneficen- tiam natum sic decet Alexandrum. Romæ.

INDEX



# INDEX EORVM;

ad quos, siue à quibus missæ sunt  
Epistolæ .

## A



<i>Brabamo Bzouio Polono V.C.</i>	27
<i>Abraham Bzouius .</i>	28
<i>Adulationis icon .</i>	145
<i>Albertino Latio .</i>	20
<i>Alexandro de Angelis Theol. Societ. Ies.</i>	17
<i>Alexandro Balestrino I.V.C.</i>	134
<i>Alexandro Buccabellæ Theol.</i>	207
<i>Alexandro Montalto Cardinali Episcopo Albanen.</i>	26
<i>Alexandro Vrsino Card. Flaminia Leg.</i>	127
<i>Aloysio Capponio Card. Archiepiscopo Ra- uennati.</i>	181
<i>Andrea Argolo à Taliacozzo Doct. Medi- co.</i>	288
<i>Andrea Baiano Theol. Conymbricensi.</i>	147
<i>Andreas Baianus .</i>	148
<i>Angelo Gryllo Abbati Congr. Cassin. V.C.</i>	195
<i>Angelo Maria Berardo Theol. Seruite.</i>	54
<i>Angelo Rocca Epis. Tagastens. Apost. Sa- crarij præfecto</i>	169
<i>Antonio Aegyptio I.V.C.</i>	136
<i>Antonio Maria Gallo Card. Ep. Ostien.</i>	121
<i>Antonio Rodulpho I.V.C.</i>	241

Bar-

# I N D E X.

## B

<b>B</b> <i>Artbolomao Florauantio Vtr. Sign. Re-</i>	<i>ferend.</i> 153
<i>Bartholomaeus Tortolettus</i>	157
<i>Bartholomaeo Tortoletto V. C.</i>	164
<i>Benedicto Iustiniانو Card. Epi. Sabinensi.</i>	8
<i>Eidem Epif. Portuensi.</i>	199
<i>Bernardo Gulielmo V. C.</i>	58
<i>Bernardus Gulielmus</i>	59
<i>Bernardino Stephonio ex Soc. Iesu.</i>	101. 216
<i>Bonifacio Beuilaqua Card. Ep. Ceruiniensi.</i>	55

## C

<b>C</b> <i>Aecilia Regis Poloniae Soror.</i>	85
<i>Casari Meniconio Archibinsensato.</i>	99
<i>Carolo Emanueli Pio Card. Piceni Legato.</i>	140
<i>Constantino Caietano Abb. Pauli V. à Sa-</i>	
<i>cris litterarum monumentis.</i>	180
<i>Cosmo Balestrino Dominicano.</i>	69

## D

<b>D</b> <i>ionysio Velia.</i>	42
<i>Dominico Francuccio Theologo.</i>	103

## E

<b>E</b> <i>pitaphia Miscellanea</i>	269
<i>Erycio Puteano V. C.</i>	186
<i>Erycius Puteanus.</i>	184. 194

## F

<b>F</b> <i>Abiano Dominico.</i>	211
<i>In Fasciã cruralẽ Comitis Palatini.</i>	263
<i>Federico Cassio Principi S. Angeli.</i>	168
<i>Fede-</i>	

# I N D E X.

<i>Federico Rodulpho Comiti à Fyflberg.</i>	<u>64</u>
<i>Felici Benio Theol. Eugubino.</i>	<u>247</u>
<i>Felici Contelorio I.V.C.</i>	<u>230</u>
<i>Felix Contelorius.</i>	<u>233</u>
<i>Peliciano de Penna Theol. Perus.</i>	<u>63</u>
<i>Ferdinando Imperatori.</i>	<u>151</u>
<i>Francisco Cennino Card. Epif. Amerino.</i>	<u>57</u>
<i>Francisco Columna Princ. Pranesino.</i>	<u>133</u>
<i>Francisco Dulcio I.V.C.</i>	<u>177</u>
<i>Francisco Fuccio I.V.C.</i>	<u>35</u>
<i>Francisco Signorello.</i>	<u>87</u>
<i>Franciscus Signorellus.</i>	<u>89</u>
<i>Franciscus Smeertius</i>	<u>96.97</u>
<i>Francisco Smeertio Antwerp. V.C.</i>	<u>98. 267</u>
<i>Fulvio Paulucio Pauli V. à cubiculo, nunc &amp; Gregorij XV.</i>	<u>121</u>
<i>Fulvius Paulucius.</i>	<u>124</u>
<b>G</b> <i>Aleotto Oddo Baliuo Narnien. Militie S. Stephani.</i>	<u>46</u>
<i>Garofano de Garofanis I.V.C.</i>	<u>33</u>
<i>Gaspari Matthæio Vtr. Sign. Refr.</i>	<u>175</u>
<i>Gaspari Murtula V.C.</i>	<u>82</u>
<i>Gauconi Gaukema Can. Aquisgran.</i>	<u>96.259</u>
<i>Gauco Gaukema Frisius Can. Aq.</i>	<u>262</u>
<i>Gregorio Cybò V.C.</i>	<u>77</u>
<i>Gregorio Donato Apost. Pal. Promag.</i>	<u>205</u>
<b>H</b>	
<b>H</b> <i>Henrico Bonero Ruramò. V.C.</i>	<u>188. 289</u>
<i>Henricus Bonerus</i>	<u>291</u>
<i>Henrico Chisellio Antwerp. V.C.</i>	<u>107</u>
<i>Hen-</i>	

# I N D E X.

<i>Henricus Chisellius.</i>	108. 234
<i>Hieronymo Bosso Ticinensi V.C.</i>	257
<i>Hyacintho Petronio S. Apost. Pal. Mag.</i>	11

## I

<i>Iacobo Vesciano Regienfi V.C.</i>	112
<i>Iacobus Vescianus</i>	110. 114
<i>Ioanni Angelo Duci ab Altaemps.</i>	81
<i>Ioanni Barclaio V.C.</i>	1
<i>Ioannes Barclaius.</i>	3
<i>Ioanni Meurfio V.C.</i>	138
<i>Ioannes Meurfius.</i>	139
<i>Io: Baptista Auogadro V.C.</i>	67
<i>Io: Baptista Bottinus V.C.</i>	40
<i>Io: Baptista Lauro. 3. 28. 40. 51. 59. 80. 89.</i>	
<i>97. 108. 110. 114. 124. 128. 131. 139.</i>	
<i>148. 157. 184. 194. 201. 218. 233. 234.</i>	
<i>252. 262. 291.</i>	
<i>Io: Baptista Lenio Cardinali Episcopo Ferrariensi.</i>	105
<i>Iosepho Hieronymo Besora Barcinonensi, Canonico Ilerdensi.</i>	251
<i>Iosephus Hieronymus Besora.</i>	252
<i>Iulio Casari Stella Comiti Pauli V. ab intimo cubiculo</i>	171
<i>Iulio Gallo Greg. xv. à cubiculo.</i>	120
<i>Iusto Rycquio Belgæ Gandensi V.C.</i>	50
<i>Iustus Rycquius.</i>	51

## L

<i>Lurentio Magalotto Prolegato.</i>	5
<i>Laurentio Mancino Abbati.</i>	173

La-

# I N D E X.

<i>Latino Donzellio</i> <i>I.V.C.</i>	141
<i>Lelio Marretto</i> <i>V.C.</i>	31
<i>Leandro Galganetto</i> <i>I.V.C.</i>	44
<i>Leuinus</i> <i>Hielius.</i>	218
<i>Ad Lucernam</i> <i>Hymnus.</i>	260

## M

<b>M</b> <i>Aapbao</i> <i>Card. Barberino</i>	79.224
<i>Mphaus</i> <i>Card. Barberinus</i>	80
<i>Marcello Lanti</i> <i>Card. Epif. Tudert.</i>	236
<i>Marcus Ant. Bonciarius.</i>	177.189
<i>Marco Ant. Burghesio</i> <i>Sulmonis Princ.</i>	126
<i>Marco Antoni o Rota</i>	129. 202
<i>Marcus Antonius Rota.</i>	128. 131. 201
<i>Mauritio Riccio</i> <i>Proepif. Perusino, nunc Epi-</i> <i>sco Cariatē. &amp; Gerentinen.</i>	14

## N

<b>N</b> <i>Aenia</i> <i>Vrbis Chronosfica.</i>	236
<i>Neapoleoni Comitolo</i> <i>Epif. Perus.</i>	210
<i>Nicolao Trigautio</i> <i>Belga ex Soc. Ies.</i>	209
<i>Nihil Kal. Ianuarij.</i>	203

## O

<b>O</b> <i>Lympie</i> <i>Cara.</i>	85
-------------------------------------	----

## P

<b>P</b> <i>Aulo Aemilio Sanctorio</i> <i>Archiep. Con-</i> <i>sentino.</i>	66
<i>Petro</i> <i>Francisco Montorio</i> <i>Episcopo Neoca-</i> <i>stren. Colon. Agrippina Nuntio Apost.</i>	254
<i>Petro Francisco Paulo</i> <i>V.C.</i>	214
<i>Petro Pauono</i> <i>V.C. Pontificij</i> <i>Cubiculi inti-</i> <i>mi Praefecto</i>	265

Pe-

# I N D E X.

<i>Petro Stephano Gallo I.V.C.</i>	120
<i>Porphyrio Peliciano Epif. Fulgin. Pauli V. à Secretis.</i>	243
<i>Prospero Farinacio V.C.</i>	30
<i>Pyrrho Colutio Doct. Medico.</i>	18

## R

<b>R</b> <i>Oberto Vbaldino Card. Epif. Politia- no.</i>	196
<i>Rodulpho Buccalino I.V.C.</i>	94
<i>B. Romana Virginis Vita.</i>	238

## S

<b>S</b> <i>Aneli Ballarino I.V.C.</i>	245
<i>Scipioni Burgbesio Cardinali.</i>	155
<i>Scipioni Cobellutio Card. S. Susanna 48.</i>	264
<i>Scipio Cobellutius Card S. Susanna.</i>	264
<i>Scipioni Ptolemao V.C.</i>	60
<i>Sfortia Pallauicino Marchioni.</i>	294
<i>Stephano Saulio Vtr. Sign. Refer.</i>	198

## T

<b>T</b> <i>Iberio Cincio Vtr. Sign. Refer. Præfidi Firmano.</i>	150
<i>Torquato Florauantio I.V.C.</i>	118
<i>Torquato Perotto</i>	189. 223

## V

<b>V</b> <i>Iriginio Cesarino V.C.</i>	86
<i>Vita hominis Via.</i>	185
<i>Vrsino Cardino.</i>	91

F I N I S.

W



Lahnon. linguam propr. Etrusca . p. 2. 154 179  
plures Joh. B. Lauri 6.

Donni infesta species 7 12

Annulis sponalibus quem Josephus dicit. B. Man  
27. et 122.

Plutia mulieris cum dyces in locum, narrantis 33  
notanda historia de homine magno naso 41

de meretrice a Philostratis decepta 173.

de aliquo qui historiam antiquis verbis  
et locutionibus edidit in frontina pag. 166.

Bonarum p. 107 et seq.

